







Orbis Phator

Bx

2349

D 74

1715

JESUITICA

J. B. Keijnoogen

BOSTON COLLEGE
—
DOMESTIC
LIBRARY

—
HIGH SCHOOL



LIBRARY

248.11

HIGH SCHOOL

K.

A. Midas rex ab asininis auriculis noscendus
 jus dicit. Proxime illum stant Ignorantia
 B. & Suspicio C. Ad ejus tribunal Ca-
 lumnia K. face armata hominem trahit,
 praeunte Livore cor arrodente D. duabus
 feminis Sycophantia E. seu insidiis, &
 Fallacia F. comitantibus. Pœnitentia G.
 vel rependo abit praeunte Veritate H. Mi-
 ser I. qui supplices manus ad judicem ten-
 dit, gravibus calumniis premitur. Vide
 C. 31. §. 1. Quid vero in omnibus Alpha-
 beti literis, cum Siderei tum Orciniani
 genti insigne reperiatur, ejus rei causam
 ad primam omnium imaginem, seu, ad pri-
 mum Alphabeti characterem diximus. Vi-
 de C. 34. initio ante §. 1.

Prisci scribebant, Kalumnia, ideo hoc oris vi-
 tium, ad hunc characterem revocavimus.

K.

CAPUT XXXII.

Calumnia depingitur, & Calumniatoris
genus describitur.

Vetus verbum est: Longæ a sunt Regum
manus; quæquæversus Rupias, insequun-
tur & apprehendunt. Suas habet & lingua
manus, easque longissimas, quæ illis Re-
gum brachiis vix quidquam cedant. Lingux
manus esse, sapientissimus Regum testatus:
Mors, b inquit, & *vita in manibus Lingux*. Ro-
bustissimas profecto manus esse necesse est,
quæ duas res, inquequaque diversissimas,
Vitam & Mortem continere possunt; uti ve-
ro Mors omnia perrepat atque permeat, ita
etiam Lingux manus in omnem se locum
penetrant. Lingux brachia sunt verba, qui-
bus plurimi sic contunduntur, ut cor, omnia-
que illorum ossa conterantur. Siracides ex-
ponit, qua ratione manushæ ferreæ atque
adamantinæ, secures omnes & malleos mo-
le crudeli superent: c *Beatus*, inquit, *qui*
tectus est à Lingua nequam, *qui in iracundiam*
illius non transiit, & *qui non attraxit jugum il-*
lius, & *in vinculis illius non est ligatus*; *jugum*
H h 2 *enim*

a Ovid. Annon scis longas Regibus esse manus?

b Prov. cap. 18. v. 21. c Eccli. c. 28. v. 23. usque
ad 26. & v. 16.

enim illius jugum ferreum est, & vinculum illius vinculum arcum est. Mors illius mors nequissima: & utilis potius inferus quam illa. Lingua tertia multos commovit, & disperfit illos de gente in gentem, civitates muratas divitum destruxit, & domos magnatorum effodit, virtutes populorum concidit & gentes fortes dissolvit. Linguam tertiam vocat eam potissimum, quæ discordias inter duos aut plures inflamat. Atque adeo lingua mala tam robustas habet manus, ut multos cogat terram à terra mutare, non paucos in extremam perniciem impellat. Inter has linguas, quarum mors nequissima est, jure suo numeranda venit Lingua Calumniatrix, quæ non tantum mendacium cudit in alterum, sed etiam in falsam accusationem malitiose prorumpit: Hanc porro Linguam non ad tertiam sed ad decimam alphabeti literam referre priscorum Orthographia nos docet, quæ ad characterem Kappa Kalumniam reducit, ut infra demonstrabitur, sed prima hic quæstio nascitur, quid sit Calumnia. Theologorum Princeps Thomas ^a Aquinas Calumniam ait esse * falsam & malitiosam criminis impositionem. Calumniæ index est frequens accusatio, quæ quo falsior, & hoc venenatior est; atque de hoc calumniatricis Linguae veneno atrocissimo paulo copiosius differemus. aures obsecro vacivas præbete. & favete. Linguis.

I. Lodovicus Malvenda è S. Francisci familia vir eruditus; Vultisne, inquit, scire, quid.

^a S. Thom. 2. 2. q. 68. art. 3. ad Primum.

* Falsche aufflag; schmährede.

quid sit Calumniā? Narratio est, sed falsa, Magistratui aut Domino delata, illo absente, cujus jugulum petit. Nec fere aliter Lucianus Sophista eam describens: Calumniā, inquit, delatio est inscio & absente reo, ubi plerunque fides habetur parte inaudita altera. Et heu quā firmas Calumniā dissolvit amicitias, quot quantasque subvertit familias, quot & ipsas funditus civitates perdidit? Hæc patrum in liberos, fratrum in germanos, liberorum in parentes, amantium in amatos furorem armat.

Ah ! nocentior veneno quolibet Calumniā est.

Ex angulis atque latebris frequenter, & ex insidiis jactat tela, sed duplici aconito lita. Epheſius pictor Apelles ſuis Calumniā coloribus egregie depinxit idque hac occasione. Apud Ptolemæum Regem conjurationis inſimulatus eſt Apelles ab Antiphilo peſſimæ iſtius artis profeſſore. Ptolemæus inter adulationes educatus, nec à ſe prudens regiam domum clamoribus turbans, ingratum inſidiatorem, conjuratum pictorem clamitavit. Et niſi è captis & conjuratis quiſpiam indignatus impudentiam Antiphili, & miſeri Apellis miſertus, affirmaret illum nequaquam factionis fuiſſe participem, Apelli caput abſtulifſet Calumniā. Sed re probe cognita, pictorem Rex centum talentis donavit; & Antiphilum in ſervum addixit. Apelles periculi memor, Calumniā tali ſub imagine ſpectandam propoſuit. Imago hæc eſt: a Vir prælongis auribus, quales *Mida* fuerunt, in folio velut

H h 3

judex

a Vide Imaginem.

iudex confidet, & accedenti *Calumnia* opem largiter promittit. Viro sedenti duæ mulieres adstant: *Ignorantia*, & *Suspicio*. Calumnia fucatæ formæ mulier accedit, iram ac rabiem spirans, & manu sinistra facem accensam concutiens dextra juvenem capillis prehensum ac supplices manus cælo porrigentem trahens. Hanc anteit vir deformis, pallidus, acutum cernens, macilento vultu, exesis oculis, tanquam si diuturno morbo contabuisse, quem facile conjicias esse *Livorem*. Quin & aliæ mulierculæ duæ comitantur, quæ Calumniæ ornatrices dicuntur, quarum alteri nomen est *Sycophantia*, seu, *Insidiæ*, alteri *Fallacia*. Infame Midæ tribunal fugit, quæ genibus repit femina, luctum præ se ferens pulla laceraque veste; atque hæc *Pœnitentia* vocatur, quæ capite intergum reflexo, madidis oculis abeuntem *Veritatem* prosequitur. Hæc imaginis effingenda ratio. Optarim hanc effigiem in omnibus aulis, loco patentissimo, proponi, ut vel hac ratione calumniandi audacia frangeretur.

II. Verissime dixit Basilus: *Tribus simul damnosus est calumniator. Nam & illi quem traducit, injurius est, & auditori suo, & ipse sibi.* Primum quidem si calumniatorem spectemus, is utique quod non vir bonus sit, ignorat nemo. Siracides a fallus ingenue: *A tribus*, inquit, *timuit cor meum, & in quarto facies mea metuit.* Delaturam civitatis, collectionem populi, & calumniam mendacem; super mortem omnia gravia. Ea autem est calumniatoris natura, in crimen vocare omnia,

omnia, probare vero nihil. Vetus monostichum id asserit :

Nil probat calumniator, criminatur omnia.

Et ut altius infligat vulnus, per veritatem sibi viam sternit ad mendacium ut flexuosa calumniarum fraude, quo vult, impellat. Certe malum insidiosissimum est Calumnia. Et quemadmodum Basilisci vis sine morfu, vel solo aspectu perniciosissima dicitur, ita calumniator clam falsas accusationes instillat auribus, nullo palam infixio morfu, quo diluendi ansa præripiatur, ita plerique falso delati extrema quæque pertulere. Scite a Athanasius : *Qui lapide, ait, est ictus, medicum querit, sed ictus Calumnia gravius, quam lapides feriunt.* Est enim calumnia gladius, ciava, jaculum, & inde vulnus incurabile. Sed his veritas mederi potest, quæ ubi negligitur, vulnera fiunt acerbiora. Cujus vita, inquit Lysias, *b* inimicorum calumniis est exposita, nonne is in vita ipsa caret vita? Hanc mortem serio deprecatus David : *c* *Feci judicium, ait, & justitiam, non traas calumniantibus me :* Gravissima injuria est damnare reum indicta causa : atqui hoc omni ex parte moliur calumniator, qui quem accusat, audientis iræ indefensum objicit. & accusatione clancularia defensionem interrvertit. Ita ex abdito jaculatur, ut non sit qui resistere, adversaque manu possit contendere, itaque ignaro & inscio unde bellum inferatur, sit percundum. Cæterum id genus homines in Regum ac Principum aulis præcipue occurrant; ubi scilicet innu-

H h 4

meræ

a Atha. apol. 1. b Lys. in Andocidem cap. 9.
c Psal. 118, v. 121.

meræ suspiciones, invidia quotidiana, pluri-
mæ assentandi & calumniandi occasiones.
Nam ubi majores se semper spes ostentant,
hic & invidiæ faviores, odia periculosiora,
æmulationes callidiores vigent, omnes se
invicem acerrimis oculis intuentur, & quem-
admodum qui singulari certamine conten-
dunt, vigilanter observant, num aliquam
corporis partem male munitam conspiciant,
qua gladium mergant: sic Invidia Lynceis
speculatur oculis qua calumniam immit-
tat. Et cum quisque in aula primas obti-
nere cupiat, proximum summoveat, & a-
molitur; priorem, si possit, convellit &
supplantat. Sic alii in alios varias nocen-
divias comminiscuntur; quarum compen-
diosissima sed est periculosissima est Calum-
niæ, cujus principium ducitur ab invidia in-
ter spem metumque fluctante, sed quæ mise-
rabiles, tragicos, & multis calamitatibus re-
fertos exitus ostendit. Neque tam gravem
noxam infligeret Calumnia, nisi vero similia
narraret in speciem, neque rerum omnium va-
lidissimam veritatem opprimeret, nisi apposi-
tis ad inducendum argumentis aliisque
sexcentis artibus deciperet auditorem.
Hæ artes in Principum aulis & discuntur,
& exercentur. Sunt qui nemini non de-
trahant, eos quos oderunt artificiosissime
accusent, ita per proborum calumniam
ad dignitates etiam conscendant. Hi quan-
doque raram præ se ferunt modestiam; im-
pietatem emendicata vultus pietate ve-
stiunt; libidinem frontis maturitate &
verecunda oculorum dejectione conte-
gunt. Ne fidat Princeps his palam probis,
domi

domi suæ improbis ; fugiat fucatam gravitatem Stoico supercilio expressam. Loquantur licet mella , felle corda natant , summis labiis arrient , clam dentibus frendent , & iram in animo moliuntur , odiumque intra se conceptum augent , dum aliud in mente occulunt , aliud in ore habent , admosque labro bilem intus alunt , piernas affectibus tragœdias in se commovent. Atque hi dum alios accusant , mœrentes videntur , ac quasi rubore perfusi , nec ullo privato odio sed Principis solius bono , causam invidia plenam suscepisse. nihil se in omni hac delatione spectare ajunt , nihil ab hac sperare , quam communis boni augmentum : sola se conscientia & religione tactos , & pereuntis justitiæ miseratione ad hæc descendisse. Et cum nihil præter nudum conscientiae & religionis nomen habeant , blande interim loquuntur , ut fortiter enecent. Sicut medici qui pauperes & satis seduli languidos mækos officiosissime occidunt ; sic illi molli lingua & verborum quodam saccharo , dum publice videntur prodesse velle , privatim speciosissime occidunt. Et subinde privatae hæc calumniæ in damnum publicum eunt ; optimis enim calumniator imminet , non pessimis. Tiberiana tempora novimus , quibus quo quisque districtior accusator , aut nequior calumniator , hoc magis sacrosanctus habebatur. Atque hinc primorum fere omnium cædes , & plus suorum sanguine quam factorum claritudine nobilitata Roma.

III. Porro ea calumniæ species est efficacissima , quæ cum auditoris cupiditate con-

fiat : quando etiam apud Ptolemæum regem cognomento Dionysium, quispiam olim Demetrium Platonicum accusavit, quod in Bacchanalibus aquam biberet, solusque omnium vestem tempori non aptaret. ac nisi mane accersitus, in omnium conspectu vinum bibisset, & sumpta veste Tarentina cymbala pulsasset, profecto periisset, quod Regis moribus & delitiis non delectaretur. Non minus efficax est Calumnia, quæ cognatam, imo sororem habet adjutricem Assentationem, vix enim quisquam tam generoso est animo qui adulationis calumniis non succumbat. Apud Alexandrum Macedonem gravissimi criminis reus fiebat, qui Hephæstionem ut Deum noluiſſet colere. Eo enim Alexander plurimorum adulatione deductus est, ut gloriaretur, quod non modo Dei filius esset, sed Deos etiam creare posset. Tunc temporis Agathocles Samius, Alexandri Centurio parum abfuit quin cum Leone committeretur, accusatus, quod Hephæstionis sepulchrum transiens ilachrymasset. Sed in patrocinium illius venit Perdicas, qui Deos omnes, ipsumque Hephæstionem juravit, Deum in venatione sibi clavisum mandasse, ut Alexandro diceret, Agathocli esse parcendum, qui non plorasset mortuum, sed quod pristinæ familiaritatis meminisset. Enimvero Calumnia os oppilare non semper tam facile : & nescio quo pacto gaudemus omnes clanculum, cum plenas suspitione delationes audimus. Quibusdam enim suavissime titillantur aures, cum alienis implentur calumniis; quod si eas prona credulitas foveat, proximum est non simplex

plex malum. 4 Phædrus Augusti Cæsaris libertus amœni vir ingenii, Calumniam, quæ credita nocet, hoc apologo perstringit: Aquila in sublimi quercu nidum fecerat: Felis in arbore hac media cavernam nacta, pepererat: Aper ad imam quercum fœtus suos posuerat. Felis tam fortuitum contubernium turbare calumniis sic est aggressa: Ad aquilæ nidum perrepens: Magna, inquit, ubi perniciēs paratur; forsan & miseræ mihi; nam quod vides quotidie ab insidioso apro terram effodi, quid eum moliri putas? quercum vult evertere, ut nostram sobolem in plano facilius opprimat, atque hoc scire tua meaque interest plurimum. Ita territam avem deseruit. Non multo post tempore eadem felis ad aprum quoque descendens: Mi frater, inquit, in magno periculo sunt tui catuli, nam simul atque ad pastum exieris cum tenero etiamnum grege, Aquila fulminis ritu superne ruens, porcellos tibi auferet; tu frustra sine alis fulminabis. Postquam & apri domum terrore complevit, in suum se cavum abdidit; sed noctu evagata suspensope, ubi se suamque prolem replevit esca, de die pavorem simulans timidissime prospexit. Aquila ruinam metuens, & pabulationis oblita desidebat ramis: Aper rapaces Aquilæ unguēs vitaturus non prodibat foras, sic illa cum suis pullis, iste cum suis catulis inedia extabuerunt. Felis cadaverum utrinque heres ex asse, aliquot diebus lautissimum suis epulum dedit. Hoc calumnia potest, si amicam sibi reperiāt crudelitatem.

IV. Opti-

IV. Optime monens Basilius Imperator Leonem filium ; Vanæ , inquit , auditioni noli præbere aures , & calumniatores in sinu tuo ne fove , & improbis ne temere crede , illi enim sæpenumero viros bonos propter improbitatis suspicionem afflixerunt . Omnia audi & ab omnibus disce , sed ex iis quæ audies , quædam rejice , quædam admitte , nempe ea quæ tibi aut ului , aut honori esse queunt & tuis subditis obesse nequeunt : rejice autem ea quæ & subditos lædunt , & tibi nihil profunt . Lingua enim improba si potentem nanciscatur adiutorem , detrimenti plurimum adfert . Eam ob causam Antoninus Pius Imperator , delatores , si non probassent quæ dixissent , pœna capitali affecit . Vespasianus & Titus hoc genus hominum ita oderunt , ut eos flagellis cæfos per amphitheatri arenam spectandos traducerent , ut eorum exemplo alii dediscerent calumniari . Calumniatores , fusturrones , adulatores , delatores , & hanc hominum faciem qui non castigat , irritat . Veteri versu id docemur :

a Nisi afficis pœna , incitas calumniam .

Dux Saxonie *a* Fridericus ea re laudatissimus , quod calumniantibus aures benevolas negare solitus sit : atque si qui ex hac hominum colluvie molestiores essent : Accipiam , inquit , delationes vestras , si coram præsentibus in faciem dicturos spondeatis , quæ de absentibus desertis . Prudenter & æq. Illud enim iniquissimum est , re non explorata , nec accusari defensione admissa sententiam ferre . hinc nunquam non erratur . etiam cum
abest

abest error. nam qui statuit aliquid parte inaudita altera, æquum licet statuerit, iniquus est; quod in calumniis audiendis creberrimum. Hinc ille à molendino poëta optime vovet:

a Homines qui gestant, quique auscultiant crimina,

Si meo arbitratu liceat, omnes pendeant,

Gestores Linguis, auditores auribus.

Verissime os aureum pronuntiat: *Maledicentia & calumnia, inimicitis, odio, & infinitis malis initium & ansam præbet*; quod si illi qui inanes & leves excipiunt narrationes veniam non impetrabunt: qui criminantur & conviciantur, quam habituri sunt defensionem? Adde calumniatricem hanc linguam ad ereptæ famæ restitutionem æque obligari, & vero magis quam illam, quæ clandestinis detractionibus alienam famam inquinat. Deus hac in re severissimus est vindex.

V. Anno à pariente *b* Virgine nongentesimo octogesimo secundo Peloponnesum depopulata est pestis, maxime verò civitatem, cui nomen à priscis, Lacedæmon, afflixit. Cives ad avertendam hanc luem Sanctorum virorum preces potissimum expetiverunt. Fuit illò ævo vir integerrimus Nicon monachus, qui quod assidue in suis concionibus inclamaret, *Pœnitentiam agite*, passim ab omnibus vix alio nomine appellatus est, quàm hoc ipso, monachus illè *Pœnitentiam agite*. Hic rogatus ut precibus pesti medelam faceret, spondit opem, sequē

a Plautus in Pseudolo. Act. i. Scen. 5. v. 12. *b* Baronius tom. 10, ad an. 981, ex actis S. Niconis.

que etiam habitaturum cum ipsis, si modo
Judæi pellerentur urbe, nequid Christiana
Religio detrimenti caperet. Cives omnia
quæ juberet facturos sunt polliciti. Ita Ni-
con in urbem commigravit, & pestis inde
illico exulavit, Judæis unâ puls. At Joannes
Aratus Jadorum patronus, acerbis ob
id odiis in Niconem ferebatur, nec cessabat
publicis privatisque calumniis virum op-
timum impetere sed has mendacis linguæ
larvas facile ridebat Nicon. Et vero ad ho-
minem improbum voce leni (nec enim al-
tercari norât) se vertens: Abi, ait, & ad te
redi; scelera tua desse infelix, brevi enim
senties quælia sint nequitiæ præmia. Nec ta-
men amens incepto destitit, quin adversus
virum sanctum fremeret, & sexcentas ca-
lumnias de Nicone tota urbe spargeret. Non
tulit hoc amplius vindex Deus. Nocte proxi-
ma objecti sunt dormienti Arato, duo se-
nes præstantis formæ, & supra humanam
oris dignitatem, qui flagris hominem cæ-
dere, & simul increpare verbis: Eone au-
daciæ te provehi, ut Dei servum spernere &
tot calumniis proscindere non veterearis?
post plagas in obscurum detrudi carcerem
sibi visus est. Hic ille veniam rogare, nec
tamen impetrare. Experrectus febris cepit
ardere, accitoque Nicone delicti gratiam
oravit. Neque hic difficilis fuit vir beatus,
& : Quæ in me perpetrasti, ait, ea tibi fra-
ter, quantum in me est, condono, sed quia
calesti nutu vitæ tuæ finis imminet, de cæ-
tero nemo erit, qui Domini consilium dis-
sipet. Vocem eventus firmavit Tertia post
die vitam rapuit Arato, funere immaturo.

I nunc,

I nunc , & ca'umnias disce substringere, tanto luendas. Et an non Deus hæc vindicet, aspectabili quandoque supplicio? nec improbis quidem hic oris furor probatur. Leuco tyrannus Ponticus, *a* Athenæo teste, cum nescio quem calumniatorem vidisset: Per Deos, inquit, occidissẽm te, nisi tyrannus malis hominibus indigeret. Certe uti Thearidas dixit, nullus gladius ad scindendum tam limarus & acutus est, atque calumnia ad lædendum. Vix est remedium adversus calumniatoris novaculam, quæ cutem una cum pilis avellit. Ideo lex divina gravissime hanc linguæ nequitiam vetans: *Non facies*, *b* inquit, *calumniam proximo tuo*. Narrant historici, ex Arabicis paludibus pennatorum anguium examina progigni, quorum tam certum virus sit, ut morsum ante mors, quam dolor sequatur. Idem subinde in calumniis usuvenit, multi hoc malo prius evertuntur, quam timere didicerint ne evertantur.

c *Hæc malum quantum privatim ac publice calumnia est?*

CAPUT XXXIII.

Calumnia, quàm grave, quamque pervagatum sit vitium, & quâ ratione solitum puniri.

Aristoteles, *d* Æliano teste, cum iudiciorum metu Athenis profugisset, interroganti cuidam qualis esset civitas Athenien-

a Athe. l. 6. c. 6. *b* Levit. c. 19. v. 12. *c* Menof. Troch. *b* Æl. l. 3. var. hist. c. 36.

nienſium? reſpondit: Pulcherrima, ſed in ea ficus ſuper ficu, & pyrum ſuper pyro ta- beſcit. Quo dictorio ſignificavit Athenas Calumniatoribus nimium quantum abun- dare. O mi bone Ariſtoteles, bene agere- tur cum orbe terrarum, ſi ſolum Athenis ſit calumniatorum tam vilis annona. Hæc humani generis peſtis latiffime ubique pro- venit, & ſeipſam proſeminat; vix ulla uſpiam ſeges lætior, quam Calumniæ: atque hoc ipſum explicatius jam trademus.

I. Eccleſiaſtes a divini iudicii abyſſum miratus: *Verti me*, inquit, *ad alia*, & *vidi calumnias, quæ ſub ſole geruntur*, & *lachrymas innocentium*, & *neminem conſolatorem*: nec poſſe reſiſtere eorum violentia cunctorum auxilio deſtitutos. Repagula rupit jam ſcelus, cum enim alias occulta eſſe ſoleat calumnia ac clancularia, ac fere perſonata, tamen jam non quærit tenebras neque angulos, ſed in medio foro, in plateis & compitis im- pune graſſatur, *ſub ſole geruntur hæc talia*. Quod & Hieremias vates meritiffimo que- ritur: b *Hæc eſt civitas viſitationis; omnis ca- lumnia in medio ejus*. Perinde ſi dicat: Ca- lumnia jam publice agit, & inter aulicos ſuaviter vivit; inter cives tranquillè habi- tat, non ut advena & peregrina, ſed tan- quam civis & indigena. Quod & c Amos Propheta lachrymis, proſequendum arbi- tratus: *Congregamini*, ait, *ſuper montes Sa- maria*, & *videte infanias multas in medio ejus*, & *calumniam patientes in penetralibus ejus*. Pu- blicum exhibet ſpectaculum, & ab iptis mon-

a Eccl. c. 1. v. 4. b Hier, c. 6; M. v. 6. c A-
mos, c. 3; v. 9.

montibus spectandum, hinc furentium & infanientium calumniarum; illinc innocentium, lachrymantium & ululantium. Quæ dicendi formula explicandis calumniis usus est a Cyprianus ad Donatum scribens: Paulisper, inquit, te crede subduci in montis ardui verticem celsiorem; speculari inde fluctuantis mundi turbines. Jam sæculi & ipse misereberis, cernens itinera laronibus clausa; maria prædonibus obfessa; Orbem mutuo sanguine madentem; rabiem invicem discordantium sævientem; forum litibus mugiens & insanum; patronum prævaricantem; Judicem sententiam vendentem; calumniatorem impugnantem; testem infamantem; venalis vocis audaciam grassantem. Consensere Jura peccatis, & cœpit licitum esse quod publicum est. Calumnia vivit, regnat, & imperat.

Cum audiisset Plystonax Lacedæmonum Rex, calumniatorem pessimum bene de se locutum: Profecto, inquit, mortuum me esse credidit, quando de nemine vivorum boni quid dixisse unquam est auditus. Horum hominum, qui omnes criminantur, inestis ubique maxima est. Eapropter Ecclesiastes: *b Et laudavi magis mortuos, inquit, quam viventes. & feliciorem viroque indicavi qui necdum natus est, nec vidit mala quæ sub sole sunt. Rursum contemplatus sum omnes labores hominum, & industrias animadverti patere invidia proximis. Hic nemo tam loricatus, aut cataphractus est, quin pateat his telis; quæ sæpe violentius penetrant quo remotius emittuntur. Isaias suis*

Ii quo-

a Cypri. ad Donat. b Eccles. c. 4. v. 2. 3. 4.

quoque lachrymis hoc malum deplorans : *a* *Aversi sumus* , inquit , *ne iremus post tergum Dei nostri* , ut loqueremur calumniam & transgressionem : concepimus , & locuti sumus de corde verba mendacii . Et conversum est retrorsum iudicium , & iustitia longe stetit : quia corrui in platea veritas , & equitas non potuit ingredi . Dixerit hic quispiam divinæ patientiæ ignarus : O Domine vides hæc & files ? ubi tua delitescit providentia , ubi fulmina tua ? *b* *Qui recessit à malo , prada patuit* . Hic famam perdit ; iste pecuniam ; ille valetudinem & vitam quia suum ipse cor exest & corrodit , cernens se mendaciis ac calumniis perfime mulctari . Sed quid frustra indignamur & fremimus ? Hi mores sunt Calumnie , quæ nec innocentissimis nec sanctissimis parcit . Verus dictum est . Calumnia omnis impudentiæ est mater . Unquamne cælum audiit immaniore calumniam , quam quæ in Orbis Servatorem aperta vi sæviit ? Judæi sine fronte & ore innocentem JESUM flagitiosissime calumniati : *c* *Nonne bene dicimus nos* , ajunt , *quia Samaritanus es tu* , & *demonium habes* ? Erperstant in sententia pervicacissime : nulla eos mansuetudo flectit : *Nunc* , *d* inquit , *cognovimus quia demonium habes* . Si hæ in oviculas calumniæ struantur , quid fiet rapacissimis belluis ? Appositum huic rei apologum recitans *e* Phædrus : Ad rivum , inquit , eundem lupo & agno convenierant urgente siti . superior stabat lupo , longe inferior agnus , ad quem prono cursu

a *Is.* c. 59. v. 13. & 14. *b* *Ibid.* v. 15. *c* *Ioan.* c. 8. v. 48. *d* *Ibid.* v. 52. *e* *Phædrus* lib. 3 fab. 7.

curfu descenderat rivus. Hic lupus limosum amnem jurgiis causam inferens; Cur, inquit, bibendi mihi turbulentam fecisti aquam? Agnus ad has voces cohorrui; &: Mi lupe: ait, fac velim, qui vero possum hoc facere quod quereris; à te decurrit amnis ad meos haustus. Lupus luculenta veritate convictus strophas alias comminiscitur & ante hos sex menses, ait, male dixisti mihi. Respondit agnus: Equidem natus non eram tunc temporis. Cui mox calumniator: At hercle pater tuus maledixit mihi. atque ita correptum agnum laceravit hic latro iniquissime. Omnis impudentiæ mater est Calumnia.

Hac propter illos scripta est homines fabula

Quorum innocentes opprimit calumnia.

II. Miphiboseth Jonathæ regis filius, homo ovicula famuli sui nequissimas calumnias vitare non potuit. Nam cum David Rex Absalonem filium rebellem fugeret, Siba Miphibosethi famulus simulatis obsequiis cum liberali annona occurrit regi. Interrogatus à rege; Ubi herus ageret Miphiboseth; respondit trifurcifer: Hierosolymis hæret, & etiamnum sperat patris sui regnum sibi restituendum. Mendacissime nebulo, tu dominum absentem sic calumniari? tuam illi culpam impingere? nunquam illi cogitata, in illum tam impudenter effingere? Et certe præmium etiam tulit hæc calumnia. Nam David plus æquo præceps hic judex causa non discussa callide respondit: a *Tua sint omnia, quæ fuerunt Miphiboseth.* At sedata

Ii 2

rebel-

rebellionis tempestate, Rex David in suum
 forum restitutus, aliter de tota causa ju-
 dicavit, patuitque mendacissimi servi in
 dominam calumnia, quæ sæpe rectius vita
 quam verbis diluitur.

Sara Raguclis filia ad omnem pudicitiam,
 tum patientiam nata, ob subitam maritorum
 necem, nuptialem vestem cum funebri pal-
 la septies coacta est mutare, quando Hyme-
 næum septies funereæ tædæ fugarunt.

Potuit hos luctus Sara generositate He-
 bræa concoquere, potuit filere in tam co-
 piofa dolendi materia. Vidit septem mari-
 tos à dæmone jugulatos, & tacuit: vidit æ-
 tatis suæ florem, tot funeribus calcatum,
 & obmatuit: vidit se prius viduam quam
 conjugem, & toleravit: At vero cum una
 è domesticis ancillis calumnias in illam di-
 cêret, vocaretque tot virorum interfectri-
 cem, hic Sara sensum recipere, hic adeo
 cruciari & dolere, ut triduum impransâ &
 incœnata inter preces & lachrymas exeger-
 rit, & pene hoc unum à Deo contenderit
 ab illis calumniis absolvi, Nam, *In a oratione*
persistens cum lachrymis deprecabatur Deum, ut
ab isto improprio liberaret eam. Tam tener est
 sensus calumniæ.

Susanna b terfissimum castimonie specu-
 lum, & veræ decus pudicitie falsorum re-
 stium mendaciis onerata, calumniis op-
 pressa ad perditissimorum hominum tribu-
 nal stabat, feralem sententiam auditura:
 stabat, inquam, suis lachrymis infusa, alie-
 nis pudefacta, parentum & cognatorum
 planctu deplorata, judicum sententiis ad la-
 pides

pides damnata, infanis populi clamoribus prostrata. solo tamen conscientiae secreto erecta, jam ibat, jam ducebatur, non tam adulterium expiatura, quam pro castitate fortiter moritura. Hactenus Calumniae in Innocentiam tam dira licuerunt. Sed satis lufum est innocen. is jugulo Ergo iudicium omne retextitur, divini Danielis monitu, & omnis calumnia in infontem structa, in auctores suos recidit. Damnantur ipsi iudices, ut saxa, Susannae sanguine pingenda; suo imbuant; suis lascivi senes sententiis cadunt, suo jugulantur ore. Ita calumniatores saepe suis ipsi capiuntur laqueis, suis petuntur artibus. Refert Plutarchus Brasidam Ducem educto telo è corpore illum ipsum confodisse, qui telum intorserat in Brasidam. Ita sapiens ille a Daniel improborum calumniis in Leonum cavum princeps datus est. Sed Innocentia inter impastos Leones, velut inter agnelos ipsis septem diebus tutissima fuit. Demum Calumniatores Danielis in suum ipsi mucronem incurrerant. *In laqueo b isto quem absconderunt, comprehensus est pes eorum.* Siquidem rex illos qui perditionis causa fuerant Danieli, intromisit in Lacum, & devorati sunt in momento coram eo. Fuit hereditaria, qui cum divitem adrumham vergentem ex asse heredem scripsisset, ac testamentum protulisset, quo divitem ad idem faciendum provocaret, subita tecti ruina oppressus est, & facultates reliquit illi, cuius tam ambiciose inhiarat. Sic omnino Aman, ille Assueri oculus, & primus à Rege suis ipse telis confossus

Ii 3

est

est & suis ipse calumniis male periit. Crucem altissimam erexit Aman, ut in ea Mardocheus pendulus gratissimum sibi suisque spectaculum præberet. Sed & Judeos omnes calumniando tam invisos regi & intolerandos fecit, ut omnium jugulis immineret gladius jam propinquissimus. Aliter res cecidit, & repente fors mutavit. Suam ipse trabem Aman primus consecravit, & nobilissimum funus pependit ex alto. Mardocheo Ammanis dignitas; Estheri cesserunt bona. Itaque mi bone Aman, commentum hoc in tuum ipsius exitium reperistis has technas in teipsum struxisti, tuis artibus interiisti.

Iam pateris telo vulnera facta tuo.

III. Hoc jam constat, plurimos ubique calumniatores inveniri, nec eorum moribus perfanandis semper remedium suppetere. Ideo sanctissimus Rex, David: *a Redime me*, inquit, *a calumniis hominum, ut custodiam mandata tua.* Sed eho, quid dicis, Regum optime, num divina lex non rectius servatur ab eo, qui calumniis configitur? sane, Servator *b* Orbis pronuntiat: *Beati estis cum dixerint omne malum adversum vos mentientes propter me.* Vera sunt hæc; si tamen qui calumniis pungiuntur, possit esse tolerans illarum; ita demum se verum Dei amatorem monstrat. Sed hoc tam est arduum, ut nisi quis familiarissimam sibi patientiam habeat, in furorem erumpat. *c* Bernardus hominem conumeliis vexatum artificioso penicillo depingens; *Ita videtur ille,*

a Psalm 118. v. 34. *b* Matth. c. 5. v. 11. *c* Bern. in Can. ser. 29. med.

ille, Inquit, & moritur clauso & letali vulnere intra semetipsum gemens cum totus in ira & disceptatione positus, nil aliud silens versare in mente possit, nisi injuriam quam accepit. Non potest orare, non potest legere, non sanctum aut spirituale aliquid meditari, & ita intercepto vitali spiritu, dum suis destituta alimentis vadit ad mortem anima, pro qua Christus mortuus est; quid tu interim animi habes? Deus nunc nostra intuetur, uti nos res parvulorum & cum omne hoc tempus ad futuram æternitatem, instar horæ sit, non properat Deus in lucem justitiæ producere suorum innocentiam, cum brevi eos educturus sit è dumetis mundi in paradysum cœli. Prorex Ægypti Joseph amantissimum fratrem Benjaminum præ cæteris depressum ire visus est, hunc enim unum aliis in patriam redeuntibus, in Ægypto voluit velut captivum detineri. Utiq; delectatus est Joseph hoc ludo cum fratre, cui plus omnibus favebat: Ita Deus injuriis & calumniis eos potissimum exponit, quos maximis præmiis destinavit. *a* Non enim, *ô Benitas*, delectaris in perditionibus nostris: quia post tempestatem tranquillum facis, & post lachrymationem & fletum, exultationem infundis. Quapropter Ecclesiastes: *b* Si videris, inquit, calumnias egenorum, & violenta judicia & subverti justitiam, non mireris super hoc negotio: quia excelsior est altus, & super hos quoque eminentiores sunt alii, & insuper universa terra Rex imperat servienti. Ad rem *c* Augustinus: Crimen falsum, inquit, reum non facit hominem, nisi apud

a Tob. c. 3. v. 22. *b* Eccles. c. 3. v. 7. *c* Aug.
in Ps. 118.

judicem hominem, ubi autem judex Deus est, nullus falso crimine leditur. Præclarissime dixit Chrysostomus : a *Possū facere malam famam, sed non interficere conscientiam.* Calumniam optime refutavit, qui ei restitit, innocentia. Deus nunc quidem post conopeum latet, cuncta tamen videns & audiens arbitratur : calumniatoribus ut virgis utitur, quas optimus pater castigato filio in ignem abjicit, idque subinde oculis cernendum exhibet.

IV. Mirum, ter mirum Martinus Delrius *b* narrat hunc in modum. Miles per Marchiam iter faciens, correptus morbo ad oppidum Spandach delatus est. Habitabat illic eo tempore, Joannis Regis Daniæ filia Elisabetha, Joachimi I Electoris Brandenburgici conjux. Miles, quem dixi, hospitium hic ingressus, quia æger, lectum potius cogitabat, quam epulas aut choreas. Ergo crumenam nummis turgentem hospitæ tradit asservandam, dum revaleretur. Post aliquot dies jam erectioris valetudinis, marfupii reddendi mentionem injicit. Mulier auro capta, & ægre hanc prædam amissura deliberat cum viro, quid militi sua repetituro respondendum? De consilii sententia visum est, constanter neganda omnia. Quare cum miles loculos suos repeteret, negavit hospita præsidenter se quidquam accepisse, & vero mirari se hominis impudentiam, qui ausit flagitare commissam moneant, cum nihil penitus asservandum commiserit.

a Chryf. hom. de Susan. b Delrius tom. 2. de Magic. disquis. lib. 3. part. 1. q. 7. sect. 1. pag. 75.

ferit. Miles indignitate rei motus & exardescens bile, objicit vicissim hospitiæ perfidiam. accurrens maritus, tanquam conjugem defensusus, militem domo extrudit. Hic ante fores, hospitiæ scelere irritatus stringit gladium, velut impetum facturus in hospitem, sed occlusis foribus in januam arietat. Hospes vicinorum implorat fidem, & ædes suas oppugnari queritur. Accurrunt lictores, & quod vim publicam fecisset, abducunt in carcerem. Post aliquot dies Senatus oppidi, aliò mittit facti narrationem, sententiam perferri petit. Constabat ædes publice oppugnatas esse. Quare fertur sententia, militem ultimo supplicio plectendum. Cumq; jam feralis dies instaret, diabolus ad captivum in carcerem venit, & exponit, quam sententiam laturi sint Judices; atque una operam suam pollicetur largissime: & quintu, ait, te mihi dedis? omnia pericula, ita ipondeo, securissimus exhibis. Ego vero, inquit miles, mori malim quam hoc facere: non primus peribo innocens. Hic diabolus vicinum periculum sesequipedalibus verbis exaggerare, nec tamen captivi animum inflectere: liberationē deniq; promittere sine ulla conditione: Et cum ad tribunal, inquit, steteris, dic te forensium negotiorum imperitum patrono indigere: ibi astabo caput opertus pileo cæruleo, & plumis ornato. Roga igitur ut me jubeant causam tuam agere. Miles amans vitæ, & hoc sibi licere ratus, satis ostendit consilium istud sibi non displicere. Ita postridie reus in judicium ducitur; adest etiam personatus orator, cinereo pileo dignoscendus. Cum-

que accusator jus dici, & reum ob publicam vim capitali supplicio afficiendum postularet : Miles hoc unum petere institit : liceret suo illi advocato pro se dicere. Non prohibent iudices, is porro diceret : si quid juris sciret contra causam tam liquidam. Hic causidicus ex Orco, eruditè, prudenter, nervosè pro reo disputare, juris effata producere, explicare, etiam sacras paginas ad testimonium citare, capitalique supplicio minimè afficiendum eum contendere, à quo rixa & tumultus nullum habuerit initium : militem ab hospite prius spoliatum, dein vi extrusum : velle ut juberent iudices quæri crumenam litigii causam : & simul locum designat, quo reperiri possit : enimvero de salute ac capite hic agi : sententias ad justitiæ libellam exactè trutinandas ; causam quæ liquida videretur, cauponis perfidia longè aliam esse, si penitus inspiciatur. Hic caupo negare & pernegare, diris omnibus seipsum devovere : Quin imo, ait, hinc me diabolus abreptum pessimè perdat, si quidquam à mihi hoc acceperim. Quam has voces aper stygius acutè audiit ? Neque satis hospiti semel id dixisse eandem in seipsum imprecationem aliquoties repetit. Tandem niger ille causidicus ab Orco, disputatione omissa, hospitem prehensum per fenestras, & medium forum cum fragore abduxit, attonitis omnibus diramque tragediam perhorrescentibus, nec usquam amplius cadaver rapti hospitis inventum est : O miserrime caupo, tuo ipsius laqueo captus es ; callumne, quas in infloxiu caput construxeras, in tuum revolutæ sunt. *Lacum fodisti & aperuisti*

aperuisti eum, & incidisti in foveam, quam fecisti. Ita Deus calumnias vindicat.

V. Hebræus rex a David sollicitè percunctatus. *Domine, quis habitabit in tabernaculo tuo, aut quis requiescet in monte sancto tuo?* Responsum audite: *Qui loquitur veritatem in corde suo, qui non egit dolum in lingua sua: Nec fecit proximo suo malum, & opprobrium non accepit adversus proximos suos: Qui jurat proximo suo, & non decipit.* Laudis est calumniam non tantum non fecisse, sed nec ab aliis factam ad aures admisisse, maximæ ac primæ laudis est, calumnias & probra in se congesta æquo animo pertulisse. Christus b disertissimè: *Orate, inquit, pro persequentibus & calumniantibus vos.* Hos precibus ac votis vestris complectimini, quos minimè amicos sentitis; non ergo pro iis tantum, qui pecuniam rapiunt, qui corpus ledunt, qui oneri sunt, qui decipiunt, sed etiam pro iis precandum, qui famam calumniis inficiunt, aut penitus adimunt. Nobilissima sui victoria est, hic seipsum triumphare. Romani veteres jusjurandum calumniæ severè urgebant hac ratione, ut qui nomen alterius in judicium detulisset, calumniam juraret, hoc est, juramento testaretur, se id minimè fecisse calumniandi animo. Quod si quis calumniæ dolo malo illatæ convictus & damnatus fuisset, illius fronti littera K. inurebatur, quod priscis erat geminatum CC. nec aliud monebat, quam hoc ipsum; *Calve calumniatorem*, quoniam prisci videlicet Kalumniam scribebant. Ita quandoque

que verba integra inscribebantur fronti, uti vulgata illa, *Cave à fure, cave à fugitivo, &c.*

Plato *a* Sacrilegos fronte & manibus inurit, & : Si quis, ait, Sacrilegium commiserit, si quidem servus aut hospes fuerit, in facie manibusque crimen inscriptus & flagellatus, extra fines patrios projicitur. Creberrimè tamen ante omnes & liberri-
mè Romani, hoc etiam in liberos homines usi, præsertim calumniæ damnatos. Arbiter *b* testatur; Implevit frontem utriusque ingentibus literis, & notum fugitivorum epigramma per totam faciem liberali manu duxit. Hinc *litteratos* nominabant.

Zonaras duos monachos, *c* infantes, ideo solum quia Theophilum Imperatorem liberius monuissent, inter alias ignominias inscriptos ait, & quidem ita ut duodecim versuum epigramma exciperent illa vultus, ut sic dicam, tabula. Zonaræ verba sunt: Deinde facies eorum compunxit, & notis illis hos jambicos versus atramento infuso expressit. additque ipsos versus, probos, plenos fuisse. Hinc liquet rationem inscribendi eam fuisse, ut primitus literæ sive notæ inurerentur candenti ferro; post inustionem autem atramentum infunderetur, quo emerent magis literæ, & præberent se lectui. Habet & Deus notas suas ac stigmata, quæ sic inurit robusta manu, ut sciri possit ab omnibus, quinam calumniatores illi sint, aut calumniatrices. Voluit nimirum æquissimus Deus, ut complures qui adeo petulanter probra in-
tulif-

a Plato l. 8, de legib. *b* Arb. Satyr. *c* Lipsius l. 2, Elect, cap. 15,

tulissent cogerentur suo corpore doctorem suum diabolum hospitare

VI. Gregorius a Nyssenus memorat, Alexandriæ Gregorium Thaumaturgum, virum longè integerrimam, & extra omnem improbatam suspensionem positum cum eruditius sermones miscuisse. Et sic vulgati corporis muliercula à malevolis submissa, suo se questu fraudatam garriebar. Assidentes amici, qui consentiam viri minime ignorabant, gravissime indignari, at Gregorius nec turbari, nec vultum mutare, nec stomachari, sed neque calumniam impuden- tissimam refutare, neque vitæ testes advocare, nec invidorum nequitiam accusare, sed hoc unum sedata voce familiarium cuidam dicere: Heus tu, numera scis pecuniam fœminæ, ne diutius propositam quæstionem turbet. Factum sine mora. Sed vixdum monetam fœmina recipit, simul & cacodæmonem in suo corpore novum hospitem sensit. Hic illa immaniter fremere, fœdè corrumpere, suos ipsa sibi capillos vellere, oculos invertere, ore spumas ejicere, toto corpore testari, quem admisisset incolam. En improbißima. hoc tali stigmate Deus calumniatrices solet notare: ori tuo gratias age, quod talem tibi accersit inquilinum. Has calumnias hoc decet cauterium. Nihilominus Gregorius ille Thaumaturgus, tantæ vir mansuetudinis, qui calumnias & probra melius perferre didicit, quàm inferre, ut injurias beneficiis pensaret, illam ipsam à diabolo infestam fœminam precibus liberavit à stygiis interperiis.

periis. Ita solet Christiana generositas mala pati, & bene facere:

Ita illud a Belgii decus, Maria, quam vocant *dolorosa*, inter egestatis labores voluntariam castitatem amplexa, cum impuri hominis libidinem averteretur, furti falso est accusata, ut quæ scyphum argenteum subtraxisset. Eo hæc calumniæ invaluerunt, ut virgo extremo supplicio sit affecta. Impurum calumniatorem non cæca nec clauda Nemesis est infecuta. Nam septennio toto, hic ipse virginis accusator à malo damone occupatus, demum eo ipso loco, quo Mariæ corpus erat humatum, ab Orcinianis furiis est liberatus. Talia Deus stigmata inurit calumniatoribus; Cave calumniam, cave illam dicere, non tolerare à calumniis nemo tutus, nemo immunis, non Christus, non anticiissimi Christo. Hipponensis Præfatis Augustini scripta ab igne, in igne tuta fuerunt & illæsa, non item à calumniatoribus. Cùm enim Vandali, Possidio teste, Hipponem incendissent, volumina ab Augustino exarata flammæ evaserunt, eadem tamen à calumniantibus fuerunt oppugnata, perinde si Augustinus in iis, quæ contra Pelagianos disseruit, à Fide deflexisset. Non immeritò dixit Nicetas Choniates: Nihil tam sanctum est, quod calumnia tentare non audeat; & omnes ad nocendum procliviores esse constat. Hic igitur eximius nemo est, & cum ventis loquitur, qui forti suæ ingemiscens miratur, & ait: Non putassem hoc mihi probum objiciendum. Nihil non
aude,

audet mater impudentiæ Calumniæ; cui meliorem vix reperias obicem, quam oppositam virtutem. Christus serio & docet, & jubet: *Orate pro persequentibus & calumniantibus vos.* Calumniæ pessimè refutantur calumniis: aderit dies, qui omnem Calumniarum impudentiam & fraudem detegat, a *Et tunc laus erit unicuique à Deo*, qui patientiæ dabit cœleste præmium, immortale gaudium.

a 1. Cor. c. 4. v. 5:

A. Asmo-



L.

A. *Asmodeus*, seu diabolus formosus, ut videtur, ac humanus, libidinis praeses, medius illorum est, quorum sermones aut Cupidinem B. aut Hircum C. olent, cum scilicet orationi, aut aperte, aut furtivis susurris verborum obscœnitas miscetur. Nocentissimum ex Orco venenum est, & loqui talia, & audire. Nam plurimum (quod veteres dixerunt) obscœna dicta moribus fruginoceat. Obscœna vox, obscœna vita, par scelus, Lasciva lingua, lasciva conscientia. Quae facere te pudet, pudeat & dicere. Qui libenter audit turpia, libenter & perpetrat. Ad luxuriam proxima est semina, dictio impudica.

L.

CAPUT XXXIV.

*Lingua Lasciva quam detestabilis sit,
& quas ob causas.*

Quemadmodum sapientissimus Regum locuit: *Mors & vita in manibus lingua*, sic a Ægyptii cum Harpocrati Deo seu Sigalioni facerent, teste Plutarcho, proclamarunt, *Lingua fortuna, Lingua demon*. Linguam plerunque aut è cælo Angelus, aut ex Orco Diabolus insidet, impellitque, ut vel sermonis emolumentum capiat, vel in exitium ruat incauta verborum volubilitate. Et pessimè, & optimè lingua uti in arbitrio nostro est: b *De fructu oris sui unusquisque repletur bonis*. Si tamen saniora loqui libeat. Sin aliter, propter peccata labiorum ruina proximat male

Certissimum ruinæ argumentum, *Lingua lasciva*, cui parum est suis submergi sordibus, nisi una secum in perniciem plurimos trahat. Monstrum ingens, execrabile, & quo non fædius alterum *Lasciva lingua*: atque de hac jam & contra hanc dicere exequemur.

I. Pa-

a Plutarchus lib. de Iside & Osirid. Sic imagines nostræ docent. b Prov. cap. 12. v. 14. Prov. cap. 22. v. 13.

I. Patentis tumuli atque cadaveris foetores non tantum graves sunt, sed & insalubres; narium pestis maxima. Oris lascivi homines foetorem halant teterrimum, *sepulchrum patens est a guttur eorum*. Non sepulchrum duntaxat cadaverosis ossibus plenum, sed & patens, inquit Chrysostomus, ut & alii participes fiant foetoris. Nos quidem cadavera rerrâ obruimus, hi contra faciunt, & eruunt ex imo spurcissimum obscœnitatis cadaver multorumque naribus affricant pestilentissimam hanc saniem: pulchrum illis videtur, perire cum multis. Sepulchrum foetidissimum obscœna lingua. Sed ô mi Deus, quantus horum sepulchrorum in orbe numerus est? Queritur Hieremias *b* vates: *Attendi & auscultavi, nemo quod bonum est loquitur, nullus est qui agat, pœnitentiam super peccato suo*. Et profectò hic caussarum est abunde, cur quis Mundum jubeat res sibi suas habere, quando vix ulla est domus, in quâ non sapius sermones impudici misceantur. Monstret mihi quis, obsecro, ædes illas, quarum inquilini semper pudicè loquantur. Extra Orbem migrandum est ei, qui aurium castimoniam fauciari non vult impurissimis colloquiis. Ubique sepulchra sunt patentia, è quibus Lasciviæ cœnum exhalat. Ubique Lerna Veneris, Cocytus Cupidinis, ubique Mephitis impudiciæ, Camarina Luxuriæ: Nemo quod bonum est, loquitur; sermones casti exulant ubique.

Oracula divina verbis alioqui parcissimâ, in linguas tamen tam illotas vix satis verborum reperiunt. Jacobus Apost. quam

K k 2

gra-

graviter & difertè : *Lingua*, inquit, *constituitur in membris nostris, qua maculat totum corpus, quicquid est bonorum actuum, contaminat. Et inflammat rotam nativitatis nostræ, inflammata à gehenna.* Quid dici posset gravius? omnes vitæ nostræ periodos ab usque pueritia in seram senectutem polluit hæc libidinosa oris sanies. Quemadmodum verò muti sunt dæmones, qui silentium noxium persuadent, ita sunt etiam garruli, inter quos est signifer lascivus dæmon, qui hoc unum solertissimè agit, ut quibuscunque potest sermonibus spurcitæ aliquid aspergat. Hinc Guilielmus Peraldus has obicænitatis sordes, rectissimè *sputa diaboli* appellat. Nam homo sermonis impudici, non gravatè tolerat diabolum in lingua sua suaviter nidulari. Ubi verò hæc ab inferis foetentissima Upupa nidum posuit, non aliud expectes, quam hos pullos, hos turpes & inhonestos jocos, quibus Orbis universus foedissimè contaminatur.

Ingemiscens a Esdras : *In diebus illis, inquit, vidi Iudaos ducentes uxores Azotidas, Ammonitidas, & Moabitidas. Et filii eorum ex media parte loquebantur Azoticè, & nesciebant loqui Iudaicè, & loquebantur juxta linguam populi, & populi. Et objurgavi eos.* Iste jam rerum status est in orbe : nesciunt loqui Iudaicè, linguam sanctam, pudicam, castam ignorant, & ex media parte loquuntur Azoticè; turpiter, obscane, flagitiosè, liceat dicere, diabolicè. Azotidæ, seu quod idem depredatrices. Linguae salaces hanc loquendi foedissimam dialectum docent. Hic

sine

sine minervali discitur : hic nemo non discipulum aut doctorem agit ; nemo quod bonum est : loquitur. Heu vel infantes ipsi, penè antequam pappare minutum poscant, priusquam mammas atque tatas vocare desinant, jam quod mireris, loqui Azoticè norunt. O fœdam oris eluviem, tam vulgatam, quam noxiam ! Et causæ, ob quas omnis verborum obscœnitas cavenda, plurimæ, potissimum istæ. Prima, quisquis inverecundam habet linguam verecundam habere mentem, nemini persuaserit. Veritati hæc tuto credimus : *Ex abundantia enim cordis os loquitur.* a *Bonus homo de bono thesauro profert bona, & malus homo de malo thesauro profert mala.* Pectus quod meliori calet igne, non tales ejicit scintillas, casta cogitat, verecunda loquitur. Gilbertus hoc velut digito commotrans: Flamma, inquit, quæ de sursum pudica est, bonis consentiens, & bonos faciens.

II. Altera causâ priori affinis : Qui tam liberè inhonesta quævis effluit, homo nautici, & præmortui pudoris censetur. Verissimè dixit Comicus

b — *Illum ego*

Perisse duco, cui quidem periit pudor.

Plerique homines, quos cum nihil refert, pudet ;

Ubi pudendum est, ibi eos deserit pudor.

Petrus Aldobrandinus, purpuratus Senator sæpius dicere solitus est : *Homo sine pudore & pudicitia, & nomen hominis amittit, & naturam.* Verissimum. Et sæpissimè.

Redire nescit cum semel periit pudor.

K k 3

Sa-

a Match. c. 12, v. 34. & 35. b Plaut. Bacchi & Epidici Act. 2, Scen. 1.

Sapienter a Symmachus : Scio, inquit, vir-
tuti cognatum pudorem, qui in factis frustra
queritur, si exulet à verbis. Prisci dicere so-
liti :

b Turpe quid a què indecore dixeris quam fe-
ceris.

Tertia causa : Verba prætextata & spurca,
sermones sordidi & obscæni plerunque gra-
ve damnum inferunt pluribus. Nec enim is
solum qui talia loquitur, sed etiam qui lo-
quentem audiunt, venenantur. Pronum ac
facilem obscænitatis auditorem Bernardus
c providè commonefaciens : Non solum, in-
quit, nihil ipsi indecorum loqui, sed nec
aurem quidem debemus hujusmodi præbe-
re dictis : quia quem delectat audire, alte-
rum loqui provocat. audire quoque quod
turpe sit, pudori maximo est. Ideo beatus
Paulus quicquid ejuscemodi sermonis est,
severè prohibens idque sapius : d Fornica-
tio, inquit, & omnis immunditia nec nominetur
in vobis, sicut decet sanctos. Nam quod loqui-
mur, hoc & cogitare & cupere censetur.
Nec Paulo satis semel monuisse, idem ite-
rum inculcans : e Omnis sermo malus, inquit,
ex ore vestro non procedat. Addit, nolite contri-
stare spiritum sanctum Dei. Obscæni oris ho-
mo quantum in se, Deum ipsum afficit tri-
stitia. Spiritus divinus quantum in homine
Christiano, velut in domo diversatur; ca-
veat ergò paterfamilias, iste, ne quid di-
cat, faciatve, quod tantum hospitem dede-
ceat. Nimirum illa è cælo Columba, & pas-
seres

a Sym. l. 10. Ep. 10; b Troch. c Bern. l. de
ord. vite p. 115. d Ephes. c. 5. v. 3. e Ephes.
c. 4. v. 29. & 30.

feres Veneris simul habitare non possunt. Ideò divinus *a* Paulus tertium commonefaciens: *Nolite*, ait, *seduci*, *corrumpunt mores bonos colloquia mala*. Unicum namque lascivius verbum, vix unquam soli auctori nocet, sed etiam audientes aut inficit, aut offendit. Clarè *b* Bernardus: *Unus est*; inquit, *qui loquitur*, & *unum tantum verbum profert*, & *tamen illud unum verbum uno in momento multitudinis audientium, dura aures inficit, animas interficit*. Solent aurifabri, cum argenteum poculum auro imbuunt, prunas irritare alis: Lingua impura ejuscemodi ala est, quâ libidinum ignes mirifice animantur. Sermo Lascivus optimum luxuriæ flabellum. Ergo *c* *fuge socios qui latantur*, cum male fecerint, & *exultant in rebus pessimis, quorum via perversa sunt*, & *infames gressus eorum*. Ephesi, ait Strabo, digui qui ad puerum omnes strangulentur, quod Hermodorum virum inter ipsos frugi, cum edicto hoc egerint; Nemo nostrum frugi esto, aut alibi cum aliis esto. Eadem & lascivæ linguae sanctio est: vult omnes esse sui similes. hoc est, impudentes & obscænos.

Augustinus *d* grandibus lachrymis deplorat, impudicorum sodalium consortio se tractum fuisse in vetita. Monebatur quidem à matre Augustinus, libidinis cœnum cave-ret: at mihi, ait, monitus muliebres videbantur, quibus obtemperare erubescerem. Illi autem tui erant, & nesciebam, & te tacere putabam, atque illam loqui, per quam

K k 4

tu

a 1. Cor. c. 15. v. 33. *b* Bern. serm. 24. in Cant. medio. *c* Prov. cap. 2, v. 14. *d* Aug. lib. 2. Conf. c. 3, & 9, fine.

tu mihi non tacebas, & in illa contemne-
baris à me filio ejus. Tanta cæcitate præ-
ceps ibam, & pudebat non esse impuden-
tem.

III. Grande nefas ducimus, si vas Eu-
charistiæ asservandæ factum in profanos ca-
lices liquetur, cœleturque adulteriis; & ta-
men inter levissima piacula habemus, si
linguam Dominici corporis velut patinam,
diaboli hac sanie perfundamus, & ad im-
pium ministerium quasi consecremus, ut
vel spurcis cantiunculis, vel narratiunculis
inhonestis subserviat. Nemo Dei patientiam
hic cessaturam somniet, a *Propter hac enim
venit ira Dei in filios dissidentie*, eos scilicet
qui rite moniti, has linguæ sordes Numini
displicere, auditori plurimum nocere, &
inter graviores noxas cenferi, aut irident,
aut ut olim Augustinus, muliebres monitus
interpretantur. In hos vindex ira Numinis
desæviet, aut hujus vitæ suppliciiis, aut futu-
ris. b *Condemnabit te os tuum* (lascive tabula-
tor) & *non ego, & labia tua respondebunt tibi*.
Nimis serum est illic locorum vociferari, ut
refrigeret linguam meam, quia crucior in
hac flamma.

Gregorio hîc assentimur, linguam in
flammis illis non ideo solum cruciari, quod
cupediarum amans fuerit, quod nimium vi-
ni sorbuerit, sed quod multa petulanter ac
lascivè garriverit. Prima namque, Grego-
rio teste, male convivantibus famulatur cul-
pa loquacitatis.

Petrus Damianus vir eloquens & sanctus
impu-

a Ephes. c. 5. v. 6. b Job c. 15. v. 6. Luc. c. 16.
vers. 24.

impuras has linguas eleganter turdis comparat, quibus illud ipsum quod edunt & egerunt, necem adfert. Nam è turdi fimeto frutex nascitur, qui viscum, avium mortem suppeditat: Lascivus sermo, viscus merus est, illecebra, laqueus, tendicula, insidiæ capiendis auribus; sed aucupes Acherontici hoc visco primum omnium illaqueant auctorem. Condemnabit illos os suum: suo glutino-capiuntur.

Olea, Plinio *a* affirmante, si eam capra vel lambat tantum, sterilefcit: quædam etiam hæc injuriâ moriuntur. Si olidus caper, inverecondus gerro, linguam ejiciat, & verba vel in prostibulo erubescenda spargat, oleis præsertim adolescentioribus plurimum obest, quas vel sterilefcere cogit, vel mori: totâ quandoque vitâ memoriâ contaminant, vel semel in juventute audita. Et quid oleum insani foco jam ardenti asfundimus? natura jam ante ad has aurium titillationes pronissima est, quid cadentem impellimus? quid eam malignissimis verborum insidiis circumvenimus? seipsam sponte induit in laqueos. Patulis plerunque auribus excipitur quod cum castitatis injuria dicitur. Sermones amatorii & Venerem olentes suaviter irrepunt, blande capiunt, molliter ligant, latenter occidunt. Quisquis talia loquitur, rationem reddet supremo judici tam de se, quam de iis, quorum aures tam impuris fabulis inestavit.

Bernardinus Senensis domo nobilis tam verecondus à puero fuit, ut si quando verbum petulanus audisset, non aliter erube-

K k 5

sceret,

fecerit, quam si quis colaphum ei incussisset. Hinc coævi pueri, cum sordidè loquerentur, viso Bernardino mox silentium edicentes: Silete, ajebant, silete, Bernardino adest. Utinam, ô bone Deus, plures sint in orbe Bernardini, qui tam illotæ linguæ nugatoribus acetum porrigant ori eludendo.

Fuit vel inter idololatrias hoc modestiæ acetum olim venale. Nobilissimus morum magister *a* Epictetus, Christianè prorsus: *Periculosum est etiam*, inquit, *ad orationis obscenitatem progredi*. Cùm igitur tale quippiam inciderit, aut (si feret opportunitas) objurgabis eum, qui sermonem illum injecerit: aut taciturnitate saltem, & rubore vultuque ostendes, eam orationem tibi displicuisse. Non tantum ne ipsi nos spurcè loquamur, verat Epictetus, sed nec alios quidem, si talia fabulentur, ferendos monet, sed aut verbis aut cerè vulnè ac silentio castigandos. Imo cum de gladiatoriiis aut Circensibus ludis; itemque de epulis & potionibus verba fiunt, aut cum homines laudantur vel vituperantur, si fieri potest, inquit, alio traduc eorum sermones; in turpibus etiam objurga. Vel ipsi poëtæ, cætera liberiores hic monent. Aquinas satyricus saluberri-
mum consilium suggerit:

b Nil dictu scèdum, visuque hac limina tangat.

Intra qua puer est —

Cato senior, Plutarcho *c* teste, adeo ab omni verborum turpitudine, præsentè filio rem-

a Epict. Enchirid. c. 55. *b* Juven. sat. 14. vers. 44.

c Plutar. in Paralell.

temperavit, quasi Vestalibus virginibus ar-
bitris locuturus esset, nec unquam cum eo
lavit. Et tamen inter homines Christianos,
prò dolor! non paucos repereris, quorum
omnia pene colloquia Veneris officinam o-
leant, quique se parum facetos credant, nisi
libidinosos ostendant. Infania luculenta!
tussim comprimimus, excreationes crebras
cavemus, quicquid oris elegantiam perdit,
fugimus, & hæc talia sine ore & fronte ef-
futimus: *Quanto magis cavendum est*, inquit
Bernardus, *a ne quid turpe exeat de ore, hoc*
enim graviter coinquinat hominem.

I V. Sanctus Rodolphus antistes Eugubi-
nus, è fratre, cui Petrus nomen, in fami-
liari colloquio lascivius verbum audierat,
mox ille adolescentem flagellari, & qua-
draginta dies omni vino abstinere iussit. Nec
refractorium habuit frarrem Rodolphus. Ita
oris inhonestas omnis comprimenda est. Et
Paulus b seriò hortatur: *Profana autem &*
inaniloquia devita, multum enim proficiunt ad
impietatem, & sermo eorum ut cancer serpit.
Morbus planè malignus & horridus est gan-
græna seu cancer, cui verborum turpitudine
rectè confertur; serpit illa & in fœdam am-
plitudinem excrescit: celerrimè capitur,
quicquid horum dicitur, neque opus dicta
repetere, quæ non aures solum, sed & me-
dullas subeunt, *serpunt ut cancer.*

De Arrio beatus Hieronymus dixit: Una
scintilla fuit, sed quia hæc non statim op-
pressa, totum orbem flamma ejus populata
est: scintilla videtur dictum inverecundius,
sed

sed scintilla in pestilentem se flammam diffusura ni opprimatur.

Miranrur aliqui hæresin nostro ævo incrementis tam velocibus ac lætis propagatam. Mirari definite, & boni, nam viri Thomas Mornus loquitur, ad propositam vitæ licentiam certatim accurrere, id verò tantum habet miraculi, quantum saxa deorsum ruere. Sicut hæresis, sic & loquendi lascivia, facillimis argumentis propagatur, serpit ut cancer: benevole auditur, arridetur, applauditur, & jam melancholicus habetur, qui inter obscena lætus non est, velut amusus & inficetus spernitur, qui Cypridis mysteria, qui bonæ Deæ sacra, qui raptum Helenæ, errores Æneæ, Didonis venatus recitare aut nescit, aut non vult. His moribus vivimus, & cælum speramus.

Hanc ob causam a Siracides gravissime monet: *Sepe aures tuas spinis, & linguam nequam noli audire. Addit; Et ori tuo facito ostia, & seras auribus tuis.* Dic cum Christo: b *Vade retro Satana.* Satanae tunc bene est, cum propudiosissimi sermones bellum movent castimonie, cum totis fluit labiis libidinis cœnum. Christus, *ubi sunt duo vel tres*, inquit. *congregati in nomine meo, ibi sum in medio eorum.* Diabolus haud aliter; *ubi duo vel tres congregantur*, ut immundiciem animi per os evomant; illic & ego sum in medio eorum; medius non verborum tantum, sed & cogitationum. c *Hic tela volant ignea nequissimi*, non de facili extinguenda.

Ideo

a Eccli. c. 28. v. 28. b Mat. c. 10. v. 4. Matth. c. 18. v. 20. b Ephes. c. 6. v. 16.

Ideo Augustinus tam sollicitè; *Fratres charissimi*, ait. *bina jugiter cogitemus*, ut es nostrum non crudelis adversarius sed pius Deus aperiat. a *Tyrus sermo pulcherrimus est*. Et quæso quid causæ est, nostras preces quandoque surdis auribus à Deo audiri? Neminemur: quæ enim placere possit oratio à lingua tam immunda? Non b est speciosa laus in ore peccatoris. Recte Gregorius: Cum indignus, inquit, ad intercedendum mittitur, irati animus ad deteriora provocatur. Sunt qui araneas, aut mures, aut ranas sic oderint, ut vel nomen ejuscemodi animalculorum horreant, nedum ut sub aspectum admittant. hinc cibum alioqui pretiosissimum extreme averfarentur, & nec oculis quidem tangerent, si rana vel aranea, vel musculus eandem cum cibo patinam occuparent. Orationem cœlites ut Ambrosiam amant, verborum turpitudinem, ut pestilentem vomitum abominantur. Et sapientia e humanæ gentis monitrix proclamat: *Propter hoc qui loquitur iniqua, non potest latere, nec præteriet illum corripitens judicium. d Non abscondit se ab eo omnis sermo*. Ideo divinus Paulus & ipse vociferatur: *Nunc autem deponite & vos omnia: indignationem, malitiam, iram, blasphemiam, turpem sermonem de ore vestro*. Non enim solum facere turpia nefas est, sed & dicere.

f *Impudica qui loquuntur, impudica diligunt.*

Nam, divo Bernardog teste, *vanus (lascivus) sermo,*

a Prov. c. 15. v. 26. b Eccli. c. 15. v. 9. c Sap.

c. 1. v. 8. d Eccli. c. 42. v. 20. e Coloss. c. 3. v. 8.

f Mono. Troch. g Bern. de inter. domo c. 43. p. 1082.

sermo, cito polluit mentem, & facile agitur, quod libenter auditur. Idcirco a Chrysostomus: Vis, inquit, à verbis turpibus abesse? ne verba tantum turpia fugias, verum & risum solutum, & omnem concupiscentiam.

a Chryf. tom. 5. hom. 15. ad popul. mihi
p. 116.



M.

*Hic Mendax , Mordax , Murmurans lingua
sistitur.*

- A. *Homo sacer profano monstrat volentem asinum. Quam argutè autem hoc turpe Mendacium sit notatum , Vide Cap. 35. §. 4.*
- B. *Duo canes unum os admordentes, Linguam Mordacem representant. De qua Cap. 38. totum.*
- C. *Tres illi non tam vinitores quam oblocutores , Lingua Murmurantis negotium præclarè agunt. Vide Cap. 39. initio ante §. 1.*

M.

CAPUT XXXV.

*Quid sit Mendacium, ac quotuplex;
& an omne Mendacium sit pec-
catum.*

DUX Israëlīs Moyses tam præcellentis ac
divinæ fuit formæ, ut gentis illius scri-
ptor ausus sit dicere: Nemo erat adeo te-
tricus ut visa Moysis pulchritudine non ob-
stupesceret: & persæpe accidebar, ut dum ge-
staretur ac circumferretur etiamnum infans,
obvios quosque in se converteret, ita ut re-
lictis feriis negotiis mallent præcellenti ejus
forma oculos pascere, quam sua prosequi:
Tanta erat puerilis gratia, ut inviti homi-
nes ab hoc spectaculo discederent. Nihilo-
minus vir iste tam formosus non æquè fa-
cundus fuit. *b* Moyses ipse seipsum accusans
apud Deum ineruditæ & plumbeæ linguæ:
*Non sum eloquens, inquit, ab heri & nudius
tertius, impediti oris, & tardioris lingua, &
incircumcissus sum labiis.* Hic Moyses tam ho-
norificæ legationi detractandæ quinque de-
fectus suæ linguæ accusat. Primus: Vir pau-
corum verborum fuit, seipso teste, & di-
cendi jejunos. Alter: Inelegans, nec
claris oratoribus exæquandus. Tertius:
Tardiloquus, & linguæ parum agilis ac
promptæ. Quartus: Exili & gracili voce.

L I

Quin-

a Iosép. lib. 2. Antiq. cap. 5. paulo post initium.

b Exod. c. 4, v. 10, & c. 6, v. 12.

Quintus : Linguam habuit hæsitantem , ac balbutiit. Hac tamen quantumcunque tardesciente lingua omnem Ægyptiorum & facundiam & sapientiam in ruborem dedit , quia Deus lingua Moylis locus est , veluti cum peritissimus scriba , quovis calamo quantumvis obtruso elegantes format characteres. Qualiscunque sermo , bonus sermo est , cum Deus linguæ moderator est.

Sed unde tandem & quando hoc constat? Cum mens & os ita consentiunt , ut unum Dei honorem unice spectent. Hic demum Veritas (quis abis vehitur : Mendacium equo bicolore & cæco utitur ; sæpe tamen veritatem vincit currendo. Atque de hoc linguæ vitio quod *Mendacium* vocamus jam d.fferendum. Quod quo commodius fiat atq; distinctius , omnem de Mendacio dictionem in has classes partimur. Dicemus itaque
 1. quid sit Mendacium. 2. Quotuplex.
 3. An omne Mendacium sit peccatum.
 4. Quàm fædum sit Mendacium. 5. Quàm sit noxium. 6. Objectiones quæ proponi solent tuendis Mendaciis , refellendæ.
 7. Quæ pœna sit mendacii , explicandum. Et quia vitium hoc nusquam non vulgarissimum , benevolum & attentum ad ista seu lectorem seu auditorem desideramus.

I. Primum est , quid sit Mendacium. Ad rem Chrysostomus *a* respondens : *Ne alia quidem dicamus* , inquit , *alia sentiamus* , hoc est *mendacium*. Itaque rectissime dixerunt prisci :

Aliud loqui , sentire aliud , mendacium est.

Nec

a Chryf. hom. 19. in ep. ad Hæbr.

Nec aliter Thomas *a* Aquinas, ille Theologorum anistes Mendacium describit, quam tale viii genus, quo quispiam contra ac sentit, enuntiat. Ubi hanc agnoscit etymologiam mendacii, *Contra mentem dicere*. Ideo *b* Augustinus de mendacio cavendo diffrens: *Non aliud*, inquit, *pectus tegat, aliud lingua proferat*.

Petrus Maffejus *c* narrat Regem Macazarum in familiari colloquio, quod cum Antonio Paiva instituit, his omnino verbis interrogasse. Quid est mendacium? Atqui ut ad hoc respondeam (inquit Paiva) liberali venia est mihi abs te opus, ô Rex, quod si nihilominus acerba & aspera mea tibi visa erit oratio, peto quæsoque; ut omnem in me unum iram exerceas: Lusitanos meos cum suis rebus abire permittas. Cum ille continuò quodlibet expromendi potestatem fecisset: Scire ayes, inquit, Mendacium quid significet. Ego vero nulla comparatione hujusce tibi vocabuli vim facilius aut clarius demonstraverim, quam ista ipsa, quam vos agitis vita. Cum enim Jesum Christum Dei Filium totius veritatis auctorem penitus ignoretis; sic fit ut erroribus infinitis impliciti, à Veritate semoti in ipso mendacio volutemini. Fusa sed elegans descriptio mendacii, nam uti verbis, sic & moribus ac vita plurimi mentiuntur. Sed nos non de morum, sed verborum mendacio hic agimus, de quo *d* Augustinus istud pronun-

L I 2 tiavit:

a Divus Thom. 2. 2. quæst. 110. initio quæst.

b Aug. tom. 10. serm. 29. de verbis Dom. *c* Maff.

l. 12. hist. Ind. ante med. mihi pag. 341. *d* Aug.

tom. 4. l. de mend. a. 4. non procul, à fine.

tiavit : *Nemo dubitet mentiri eum, qui falsum enuntiat causa fallendi.*

Linguam, si Plinio credimus, venarum una cum corde, alia cum cerebro nectitur; qua quidem venarum dispensatione natura nos docet, udum illud membrum ab Intellectu (cui sedes in capite) sic regendum, ut lingua consentiat cum corde; hoc enim, ut diximus, mendacium est, aliud corde abditum, aliud lingua promptum gerere, aliquid in animo nigrum credere, sed voce candidum asserere. Hinc *a* picturi hominem mendacem, picam pinxere, à fronte albam, atram à tergo. Vox locustarum, ait Plinius, *b* proficisci ab occipitio videtur; eo loco in commissura scapularum habere quasi dentes existimantur, eosque inter se terendo stridorem edere: Mendacium oratio obscura, semper à tergo latens, nunquam prominens in aperto, stridores edit inam enos, velut locusta; aliud enim dicunt mendaces, aliud cogitant.

Rectissime mihi dixisse visus est, qui Mendacium *Diaboli larvam* appellavit. Certe Veritas similitudo & quædam imago Dei est. Ideo *c* Siracides monet: *Ne accipias faciem adversus faciem tuam, nec adversus animam tuam mendacium: Pro anima tua non confundaris dicere verum.* Nemo sit tibi pretiosior te, ut illius amore vel timore Deum offendas; & ne quæso animæ tuæ hanc diaboli larvam induc, ut mentiaris, & mendacio velut larva tectus videri velis nitidus & formosus.

Est autem humanæ linguæ tam pronum men-

a Pierius hieroglyph. l. 24. *b* Plinius l. 11, nat. hist. c. 29, sue, *c* Eccli. c. 4. v. 26. & 24.

mentiri, ut verissimè dixerit *a* Epictetus: Primus & maximè necessarius in Philosophia locus est is, qui agit de usu decretorum, veluti de non mentiundo. Alter qui demonstrationes tractat, veluti cur non sit mentiendum. Nos verò diversum facimus, quippe aliter in scholis disputamus, aliter domi vivimus. Proinde mentimur quidem, inquit, quomodo autem demonstretur non esse mentiendum, in promptu habemus. Itaque dum falsitatem fugiendam docemus, sequimur, dum reprehendimus mendacium, mentimur; aliud enim dicimus, aliud cogitamus, quod quidem propriè esse diximus mentiri.

II. Alterum ac tertium hac in re caput est. Quotuplex sit mendacium, & An omne mendacium sit peccatum. Theologorum *b* vox est, mendacium triplicis esse generis; Officiosum, Jocosum, Perniciosum. Officiosum dicitur, quod alicui profuturum creditur, ei saltem qui loquitur. Jocosum appellant, quod nemini nocet, sed animi causa profertur. Hoc priore deterius est, utrumque tamen non inter capitales noxas cenferi solet. Tertium deniq; perniciosum, quod semper cum alicujus damno conjunctum, inter graviora piacula numeratur. Nam ergò mendacium omne verum, & periculi loco habendum? omne prorsus, omne omnino. *c* Aristoteli res certa; Omne, inquit, mendacium per se pravam est & fugiendum. Et vox una omnium Theologorum est, omne mendacium inter peccata numerandum.

L I 3

a Inter-

a Epict. c. 76. Ench. *b* S. Thom. 2. 2. q. 110. art. 2. *c* Arist. 1. 4. Ethic.

^a *Interpres animi lingua ; mentiri nefas.*
 Dilucide hanc rem Siracides ^b dehniens.
Noli, ait, *velle mentiri omne mendacium.* Sa-
 cræ paginæ convenienter & prilci Patres
 locuti sunt. Gregorio, Mendacium omne
 iniquitas est. Isidorus : Omne, inquit, men-
 daci genus summoperè fuge, & nec calu-
 nec studio loquaris falsum ; cave menda-
 cium in omnibus. Adeo verò cavendum est
 hoc vitium & fugiendum, ut si salus plu-
 rimum in unico idque solum officioso vel jo-
 coso mendacio dicendo verteretur, id ta-
 men neutiquam liceret dicere : imo si suos
 quis parentes aliosve sibi conjunctissimos
 flammis demptos vel levi mendacio ex-
 trahere posset, mentiri tamen licite non
 posset ; satius foret illos in igne deferere,
 quam Deum falsitate offendere. Eque ri-
 gida, inquis, hæc assertio ? videatur rigida,
 est sane vera. Lex est quam divinus ^c Pau-
 lus promulgavit : Non esse facienda mala, ut
 eveniant bona, sicut ajunt quidam nos dicere, in-
 quit : *Faciamus mala ut veniant bona, quorum*
damnatio justa est. Hanc Pauli regulam se-
 cutus Augustinus, d ad rem aptissime : Ita,
 inquit, omnis doctrina veritatis aufertur,
 cedens licentiosissimæ falsitati, si mendacio
 vel officioso alicunde penetrandi aperitur
 locus. Aut enim temporalia commoda vel
 propria vel aliena veritati præponit quicun-
 que mentitur : quo quid fieri potest pervers-
 us ? Certe injuria Deo illata gravior est
 omni humano malo. Quot milia sanctissi-
 morum martyrum omnem potius sangui-
 nem

^a *Vetus Iamb.* ^b *Ecclesi. cap. 7. v. 14.* ^c *Rom.*
c. 3. v. 8. ^d *Aug. 1. de mend. c. 7.*

nem prodigere, & animam per stillicidia emittere, quam unico se mendacio tueri voluerunt. Unde, ait Augustinus, a *fine* ipsa vita *præponenda est veritati*, quid *objici potest*, propter quod *mentiendum esse contendunt*, qui aliquando putant oportere mentiri? Omne mendacium, peccatum est, imo etiam, ut Augustinus ratiocinatur, omne peccatum, mendacium est. Hoc Evangelium dicit: *Contra legem enim, inquit, & contra veritatem quicquid est, mendacium dicitur*: Hæc ipsissima quoque b Bernardi doctrina est; Nullum, inquit, *justum mendacium*: omne mendacium in omnibus est peccatum; omne quod à veritate discordat iniquitas est. Si mendacium apud omnes damnatur, si falsitas humano judicio punitur, quanto magis ante Deum, qui est testis verborum & operum? Ante quem etiam de otioso verbo unusquisque rationem redditurus est. Concludit: Omne genus mendacii summopere fuge. Ita prorsus, fuge, fuge, & potius sinu colubrum, quam lingua mendacium admite. Nam Bernardi sensu, nemo nec suam quidem vitam tueri debet mendacio. Petrus Apostolorum caput, si minus amasset vitam, utique mendacium magis exhorruisset. De quo Bernardus eleganter: In quo ergo, inquit, culpabitur? an in eo quod mentiri quam mori maluit? Hæc plane voluntas reprehensione digna fuit, quia corporis magis quam animæ voluit servare vitam. Et peccavit ergo, & non absque consensu propriæ voluntatis, infirmæ quidem & miseræ, sed plane liberæ.

L 14

Pecca-

a Aug. tom. 8. in Ps. 139. circa med, b Bern.
1. de gratia & lib. arbit.

Peccavit autem non spernendo aut odiendo Christum, sed se nimis amando.

Sed Augustinus etiamnum mihi in mente est, qui discretissimus in mendacium geminos scripsit libros: primum quidem, ut pessimi viti nequissima indoles melius nosceretur; alterum, ut hæc Orbis lues studiosius caveretur. Ita hic sanctissimus scriptor vel solus sufficeret ad omne mendacium ex Orbe penitus eliminandum, etiamsi divina silerent oracula, quæ tamen extreme damnant, & cælo proscribunt mendaces linguas. Neque perniciosum duntaxat mendacium, sed & jocosum atque officiosum damnantur: Illud quidem mihi est, quia retinet aliquam benevolentiae speciem; istud non omnino perniciosissimum, quia plerumque non fallit, neutrum tamen sine culpa est. *Nec ideo, inquit a Augustinus, ulum putandum est, non esse peccatum, quia possumus aliquando alicui prodesse mentiend.* Et rationem reddit: *b In hoc fallitur, quod putat sibi suum non obesse mendacium, cum magis facienti quam patienti obsit omne peccatum.* Hinc ut idem *c Augustinus expressissime tradit, nec illa sunt admittenda mendacia, quæ quamvis non obsint alteri, nulli tamen prosunt, & obsunt eis ipsis, qui gratis mentiuntur.* Nemo d itaque potest convincere aliquando esse mentiendum, nisi, qui potuerit ostendere, aeternum aliquod bonum obtineri posse mendacio. Quod quidem nullius impudentia unquam affirmârit. Verissime dixerunt prisce:

Quis-

a Aug. tom. 3. Ench. ad Laurent. c. 22. b Ibid. c. 17. c Idem tom. 4. l. de mend. ad Consent. c. 11. d Idem ibid. c. 7.

Quisquis timet Deum, abstinet mendacio.

III. Tertium hic caput, est ipsa mendacii foeditas. Duo quædam apud Persas turpissima habebantur, *Ex are alieno laborare, & Mentiri*. quæ duo plerunque conjuncta sunt. Rarissimos debitores reperias, qui mentiri nesciant. Nam nomina quæ in proximum mensem tollenda promittunt, vix tollunt anno proximo. Sollennissimum illis est, tempora expungendis nominibus decreta, mendaciis protollere. Hanc turpitudinem Persæ non immerito pessime odierunt. Romani omne mendacium homine libero ac ingenuo indignum putarunt, servileque vitium esse, nec cadere posse, nec debere in generosum pectus, quod ante vitam projiciat, quam illam mendacio commaculet. Enimvero inter mendacia, ea jure dixeris foedissima, & longe pessima, quæ sunt deliberata. Sunt qui huic rei gravissime & magna cum cura student: Hæc, ajunt, ita fingenda sunt: os illi homini sic oblinere poterimus; si justitiæ, cur non & veritati natus cereus tornari possit? his ergo flexibus, his diverticulis evademus. Falsitas meditata, falsitas pessima. Quod beatus Gregorius a accurate observans: *Nonnunquam, ait, pejus est mendacium meditari quam loqui nam loqui plerunque præcipitationis est, meditari vero studiosæ pravitatis*. Hic Jurisconsulti viderint & causidici, qui causæ non justæ patrocinium suscipiunt: vident quidem ii non raro Jus atque Justitiam à se non stare, nihilominus actionem suscipiunt, scri-

Ll 5. bunt,

bunt, dicunt, agunt, jus torquent, uncis
naribus indulgent : neque hoc gratis ; au-
ream inde messem colligunt. Ludovicus Mal-
venda has exactiones non invenuste deau-
rata mendacia vocat. Ita Pharisei Romanis
militibus ante Dominicum sepulchrum ex-
cubitoribus, suum illud grandissimum men-
dacium liberali manu deaurarunt. Clarissi-
me Matthæus : a *Pecuniam*, inquit, *copiosam*
dederunt militibus, dicentes : *Dicite*, *quia disci-*
puli ejus nocte venerunt, *& furati sunt eum nolis*
dormientibus, Et si hoc auditum fuerit à Iræ-
fide, nos suadebimus ei, & securos vos fa-
ciemus. At illi accepta pecunia, fecerunt
sicut erant edocti. Et divulgatum est ver-
bum istud apud Judæos, usque in hodiernum
diem. Monstruosum, fædissimum menda-
cium ! fuerunt tamen, atque etiamnum sunt
qui prona credulitate defendant tam lucu-
lentam falsitatem.

Sed quid contendimus ? Mendacium no-
bilissimum habet auctorem, in cælo natum,
Luciferum, diabolum ipsissimum. Hic pri-
mus omnium mentitus : *Nequaquam*, b ait,
morte moriemini. Ideo Christus in circulo Ju-
dæorum : *Vos*, c inquit, *ex patre diabolo estis*.
Ille homicida erat ab initio, & in veritate non ste-
tit, quia non est veritas in eo, cum loquitur men-
daciū, ex propriis loquitur, quia mendax est,
& pater ejus. De hoc ipso inventore menda-
cii d Augustinus : *Qui non solum mendax*, in-
quit, *verum etiam mendacii pater est*. Primus
est quippe mentitus, & à quo peccatum, ab
illo

a Matth. c. 28. v. 12. ad 16. b Gen. c. 3. v. 4.
c Ioan. c. 8. v. 44. d Aug. tom. 5. de civitate l.
14. c. 3. fine.

illocepit esse mendacium. Egregio sane inventore gaudet mendacium. Neque mendacii tantum pater est diabolus : sed & eorum omnium qui mentiuntur. Hoc enim verba Servatoris docent : *Et pater ejus*, cujusunque scilicet mendacis. Videte mendaces, quis vos pater filiolos agnoscat, ab indole paterna minime degeneres. Sicut enim Deus ab æterno Veritatem progeniuit, ita diabolus à principio falsitatem. Et hoc est quod linguam divinis laudibus efferendis creatam ita inquinat, ut omnis divina laus à tali linguaordeat. Salomon a id affirmans : *Abominatis est*, inquit, *Domino labia mendacia* : qui autem fideliter agunt, placent ei. Neque lingua solum mendaciis inquinatur, sed totus quantus quantus est homo, fit falsus : uti enim monet a plumbea, etsi magna, nullius est pretii : nummus argenteus etsi parvus pretio longe superat, sic homo verax vel unicus antestat centum mendacibus. Quam autem hoc probrosum & turpe, quod monetam adulterinam non feramus in marsupio, linguam autem falso loquam tam facile toleremus in ore proprio. Multis jucundum est omnia mendaciis aspergere. Nam, quod b Augustinus observat, mendax amat mentiri, atque habitat animo in delectatione mentiendi. Complures potius mentiri eligunt, quam tacere. Hi plerumque veris falsa contexunt, ne se suavitas sermonis deferat. Ut autem vanissima hæc hominum studia non nihil coërceantur, idem Augustinus c eximie dixit : *Laborant homi-*

nes

a Prov. c. 12. v. 22. b Aug. tom. 4. l. de mend.
c. 11. c Idem in Ps. 139. circa med.

nes loqui mendacium, nam veritatem tota facilitate loquerentur. Ille enim laborat qui fingit quod dicit. Nam qui verum vult dicere non laborat: ipsa enim veritas sine labore loquitur. Sed quid miri est mendacem adeo laborare ac fatigari, quando duplex cor habet, cum tamen vel unicum satis fatiger. Præclarissime Augustinus hac de re differens: Quapropter, inquit, ille a qui mentitur aliud habet in animo, & aliud verbis vel quibuslibet significationibus enuntiat. Unde etiam duplex cor dicitur esse mentientis, id est, duplex cogitatio: una rei ejus quam veram esse vel scit vel putat, & non profert: altera ejus rei quam pro ista profert, sciens falsam esse vel putans. Ex quo fit, ut possit falsum dicere non mentiens, si putat ita esse, ut dicit, quamvis non ita sit; & ut possit verum dicere mentiens, si putat falsum esse, & pro vero enuntiat, quamvis revera ita sit ut enuntiat: ex animi enim sui sententia, non ex rerum ipsarum veritate vel falsitate mentiens aut non mentiens judicandus est.

IV. Gravis profecto morbus est, & abominabilis consuetudo fingendi. Qui hoc morbi genere laborant, pene infames fiunt, & ubique pessime audiunt. Id porro hujus morbi facilitatem satis arguit, b quod inter septem illa, quæ Deus vehementer odit, etiam lingua mendax numeretur.

Quantumvis autem deforme sit monstrum, omnis falsitas, sunt tamen qui ei formam studeant concinnare. Aulas ingredi, & videbis compulssimas falsitates. A vero non vide-

tur

a Idem tome 4. l. de mend. c. 3. b Prov. c. 6. vers. 17.

tur aberrasse, qui dixit, familiare Principum aulis mendacium esse. Nam divites illic sponfiones & verba prope singula, tanquam utero grvida mentiuntur partum. Ne fide: vento non prole distenduntur. Credas Sodomæ poma esse, quæ attactu in cinerem fatiscunt. ita venustatem, honores, opes, amorem, benevolentiam purpuratorum verba loquuntur, res, odia, livores, æmulationes, fraudes extollunt verbis, factis præcipites agunt: ore locupletes, reliqua inopes, ut jam fortiter venusteq; mentiri, aula dignum censeatur; indignum vera dicere: & ille comisissimus censeatur, qui pluribus bene confutis mendaciis dictionem vestit; ille rusticus, qui hoc verborum stibio non utitur. Jamque aulica civilitas est, veritati dextre illudere. Quam longe hi *a* absunt ab Epaminondæ moribus, qui tam serius veritatis cultor fuit, ut ne joco quidem unquam mentitus sit. Ad Christianas omnino leges hoc factum. *b* Non enim decet principem labium mentiens. Qui nititur mendacis, hic pascit ventos, idem autem ipse sequitur aves volantes. Et propterea verbum mendax justus detestabitur. Prisco carmine ferebatur:

c Nil vanitate mentiendi turpius;

Odere divi, odere homines mendacium.

Et quamvis in omnium ore turpe sit omne mendacium, est tamen in ore hominis sacri & religiosi longe turpissimum, Quod vel inde liqueat. Iter unâ fecerunt vir religiosus & profanus. Ille habitu quidem sacer, sed profana lingua solutissimus, subito profanum

a Æmy. Probus. *b* Prov. c. 17. v. 7. & c. 10. v. 4.

& c. 13. v. 5. *c* Vet. Iamb.

fanum compellans : En , en , inquit , volan-
tem illic asinum . Suspexit alter præprope-
ris & nimium credulis oculis . Iste irridens
largiter : Et ô te , inquit , non asinum , sed
oviculam simplicissimam , qui credas tanta
mo is quadrupedem volare posse . At profa-
nus indigne ferens hominem sacrum tante
vanitatis esse , & ridere qui flere debuisset .
Et quæso , inquit , ignoscat mihi genius tuus
me tuis verbis deceptum suspexisse , non est
quod mireris : multo facilius credebam asi-
num volare posse , quam religiosum menti-
ri . Cape tibi hoc , mi religiose , & in poste-
rum , si quidem sapias , mendacium pro per-
jurio habe .

His tam turpibus mendaciis annumeran-
da sunt illa non minus turpia , & quandoque
magis temeraria , in quibus ut Seneca a lo-
quitur , & os præcidi , & oculi erui solent .
Sunt enim qui ita mentiuntur , ut audienti-
bus præcidere , aut potius præcludere os vi-
deantur ne facile contradici possit : at ocu-
los illi eruiunt , qui non verentur ea pro ve-
ris affirmare , quæ aspectu ipso mendacii
coargui possunt . Excæcare enim eos , qui
audiunt , quantum in ipsis est , conantur .
Itaque , si priscis assentiamur , in mendacés
hanc feremus sententiam :

*Libero cuicumque summum est dedecus men-
dacium .*

Quid , quomplex , & quam sædum sit men-
dacium , explicavimus . Quam noxium sit ,
& qua ratione punitum , proxima disserta-
tione dicemus .

C A.

CAPUT XXXVI.

*Quam multiplici argumento exitiosum
sit Mendacium.*

H Ebræus vates a Oseas, gravissime questus : *Non est veritas*, exclamat, & *non est scientia Dei in terra. Maledictum, & mendacium, & homicidium, & furtum, & adulterium inundaverunt.* Fallere, fingere, mentiri tam usitatum est, jamque adeo in mores transiit, ut plurimis pene problema videatur, an non quædam mendacia sint licita. Dubitatur subinde, quid consuetius ; Nudam veritatem, an subtile commentum proloqui ? Idcirco non minus Osea Isaias hanc memiendi libidinem deplorans : *b Posuimus*, inquit, *mendacium spem nostram, & mendacio protecti sumus.* Eo rerum jam prolapsi sumus, ut artificiose mentiri, velut eloquentiæ partem discamus. Qua in re tam dociles sumus discipuli & disciplinæ tam capaces, ut & Hieremias *c* vates dixerit. *Extenderunt linguam suam quasi arcum mendacii, & non veritatis confortati sunt in terra, quia de malo ad malum egressi sunt, &c. quia omnis frater supplantans supplantabit, & omnis amicus fraudulenter incedet. Et vir fratrem suum deridebit, & veritatem non loquentur : docuerunt enim linguam suam loqui mendacium.*

Verus est verbum : Mendacium colapho pensandum. Si in legem receptum hoc foret, multorum ora sic essent contundenda,
ut

a Os. c. 4. v. 11. & 2. b Is. c. 28. v. 15. c Hier, c. 9. v. 3. 4. 5.

uam massam coacta nihil humanæ formæ retinerent.

Alexander Macedo, rex magnus, Charilo poetæ pessimo tot colaphos rependi iussit, quot malos versus fecisset. Vigemus iste, & singula mendacia singulis colaphis expientur, plurimi autem mentiendi consuetudinem dediscere, aut vitam pugnis impendere debebunt. Ergone nunquam mentiendum? cessent figmenta, ajunt, maxima etiam multorum commoda cessabunt. Hi jam mores sunt; mendaciis nostra commoda imputamus; nec videmus cæci in gravissima nos damna precipitari à mendacio. Hoc igitur nunc agendum, & quam noxium sit mendacium, & qua ratione sapius punitum, explicatius tradendum.

I. Graves sunt in omnem mentientem cælestes minæ, quas Hebræus a Rex sic promulgat: *Perdes omnes qui loquuntur mendacium.* Theologorum una omnium sententia est, neque etiam pro salute totius Orbis licere cuiquam mentiri. Adeo damnosum est omne mendacium, ut ne quidem honesto, ut vocant, aut officioso vel misericordi mendacio mors ipsa prohiberi debeat. Qua de re constanter b Augustinus: *Quid si ad te homo confugiat, ait, qui mendacio tuo possit à morte liberari? Illa enim mors quam stulte timent homines, qui peccare non timeant, non animam sed corpus occidit. Quomodo ergo non perversissime dicitur; ut alter corporaliter vivat, debere alterum spiritualiter mori? Nam & ipsa dilectio proxi-* mi

mi ex sua cujusque dilectione terminum accipit. *Diliges*, inquit, *proximum tanquam te ipsum*. Quomodo ergo quisque diligit tanquam seipsum cui ut præstet vitam temporalem, ipse amittit æternam? quandoquidem si pro illius temporali vita suam ipsam temporalem perdit, non est jam diligere sicut seipsum, sed plus quam seipsum. Quod sane doctrinæ regulam excedit. Multo minus igitur æternam suam, pro alterius temporali mentiendo amissurus est. En disertissimum sanctissimi scriptoris testimonium. Quod si nec tuendæ quidem vitæ mentiri liceat, quanto minus ludibrio, aut ignominie effugiendæ? sed nec virtutibus defendendis. Virginitas pretiosissima quidem virtus est, sed mentiendo nunquam protegendæ. Submissio, seu, Humilitas virtutum omnium basis est, ea tamen nec minimo unquam mendaciolo custodienda. Si humilitatis causâ mentiris, inquit Augustinus, *si non eras peccator antequam mentireris, mentiendo efficeris quod evitaras*. Ergo mori mavelis quam mentiri; malis vinci vera dicens, quam superare ac vincere mentiens: Mentiri nunquam licitum. Hoc ipsum Innocentius III. Pontifex & Maximus è sacris paginis ut rem liquidam proponit, nec feryandæ quidem alterius vitæ mentiendum esse; quod si non vitæ atque capiti, multo minus triobolari negotio mendaciis patrocinandum.

Anthimus Nicomediensis præful, ut Metaphrastes narrat, à Maximiani Cæsaris militibus necandus quærebatur, hos ipsos

M m

An-

a Epist, decret, tit, de usuris c. super eo.

Anthimus, sed ignotus hospitio excepit, & lauto epulo. Remoris mensis in unum milites institerunt quærere, ubinam locorum Anthimus indagandus esset. Quibus ille intrepidus: Ego sum, inquit Anthimus, quo vultis ducite, promptus sequor. Obstupefacti amœnissima liberalitate, dixerunt facile aliquid conficturos se tyranno, quæsitum scilicet, non inventum Anthimum. At ille: Hoc, ô viri, nefas est, ait, nec cujusquam vita mentiendo propugnari potest. Ita suis se convivis ducendum permisit, obtinuitque quam ambiit palmam invictus martyr.

Hoc revera optimi cujusque contentissimum fuit studium, pro veritate quicquid perferendum est, contemnere, omne mendacium vigilantissime cavere, & nec verbulo veritatem lædere. Nihil affinius, inquit Plato, a familiariusque sapientiæ quam veritas: Præeunte Veritate nunquam chorus vitiorum subsecuturus est. *b* Rufinus Aquilejensis commemorat, sanctissimum anachoretam Anuph hanc vitæ clausulam apposuisse. Tres morituro aderant, Syrus, Hælias, Paulus, ejusdem cum illo instituti. Dumque hi morientem circumstiterent, hoc unum rogarunt, sui memoriam pauculis verbis traderet. Quibus ille: Nihil, inquit, magnum me fecisse memini, in eo tamen sollicitus laboravi, ne ullum dicerem mendacium. An istud non magnum nihil per omnem vitam fingere? sed hanc etiam laudem affectus est Benus abbas, cui amplissimum hoc elogium jure concedendum.

Nun-

a Plato l. 6. de Rep. *b* Rufi. Aquil. c. 10. apud Rehwied. *c* Io. Moschus c. 192.

Nunquam iratus, nunquam mentitus. Illud Pellaſgæ facundiæ illuſtriſſimum fidus Joannes Chryſoſtomus, ex eo prorfus tempore, quo Chriſtianorum ritu ablutus eſt, nunquam juravit; nec alium jurare compulit, nulli unquam maledixit, nunquam mentitus eſt. O vere os aureum, vel ob ſolam hanc linguæ continentiam! *a Ecce enim veritatem dilexiſti.*

II. Parentum famæ non eſt quidem detrahendum, hic autem vix adeo muti eſſe poſſumus, quin adverſus parentes noſtros conqueramur. Prima mater omnium Eva, nos ſeros filios parum boni docuit, ut quæ uno pæne haſitu tria dixit mendacia. Ku-pertus ea numerans: Quantum, inquit, in ſe erat, depravavit mulier verba præceptoris Domini tribus modis, appoſitione, diminutione, mutatione. Iſtud appoſuit, *Et ne tangeremus illud.* Hoc Deus certe non juſſit, nec enim arborem vetuit tangi, ſed fructu ſpoliari. Diminuit, & rem certiffimam in dubium adduxit cum diceret, *Ne forte moriamur*, cum tamen Deus expreſſiſſimam hanc ſententiam rulerit, *b Quocunque die ex eo comederis, morte morieris.* Mutavit, cum hæc verba proferret: *De fructu vero ligni quod eſt in medio paradifi, &c.* Eho quid dicis mater? Non arbor ſcientiæ boni & mali, ſed arbor vite in paradifi medio ſita erat, quæ tamen prohibita non erat, ita mendacium mendacio connexum eſt. Hinc noſtræ la-chrymæ; parens mendax filios non meliores ſe genuit: ab hac magiſtra ita prompte mentiri didicimus: ut c Hebraus vates, hic

M m 2 nemi-

neminem sciverit eximium : *Omnis homo mendax.*

Sed neque diu in discipulorum numero censerī nos ferimus ; brevissimo tempore magistri finis , & eam mentiendi dexteritatem profitemur , ut vere dixerit Plinius , Non esse mendacium tam impudens , quod assertorem non habeat. Quo sensu & Varro : Non est , inquit , tam absurdum deliramentum quod defensorem non inveniat. Imo si mendaciorum frequentiam spectemus , nunc pane fit , quod in convivio Pauli Æmylii Macedonis contigisse scimus , cum coctus ex unico apro sexcenta fercula parasset : ita subinde ad unicum dictum defendendum sexcentæ mendaciorum species emergunt , nec injuriam quis fecerit humanæ genti , si mendacissimos mortales appellet. Hic autem plerunque genius est mendacii , ut unum alterum trahat catena fallacissima. Atque hæc catenata mendacia non male cerasis conferas. nam quemadmodum qui unicum carpit ramulum , non unum sed multa trahit cerasa , sic nata , ut se mutuo comitentur ; ita qui mentitus est , ne primum mendacium vacillet , substituit secundum , ne secundum ruat , addit tertium , ne tertium concidat , confingit quartum , ut & quarto suus stet color , quintum comminiscitur , ne quinti fraus deprehendatur , sextum quam fucatifimum excogitat ; ita in sylvam itur ingentem & horridam , ita mendacia mendacis cohærescant , ita scelus sceleri nectitur. Hinc oportet mendacem esse memorem , ne orationis vanitas spe citius pateat. Sed non tantum figmenta figmentis assuuntur,

tur, ne textura hæc pereat, sed ad alia quoque vitia descenditur. à mendaciis ad perjurium facillimus est transitus. Quod Tullius a sapienter observans: *Qui semel*, inquit, *à veritate deflexerit, hic non majore religione ad perjurium, quam ad mendacium perducitur solet.* Quid enim interest inter perjurum & mendacem? qui mentiri solet, pejerare consuevit. Id in principe Apostolorum elucescit: Ubi is semel iterumque amantissimum Dominum negavit tertio etiam juravit. Et quod Ambrosius notat, nisi Deus lapsuro gravius obstitisset, nisi Christus cadentem respexisset, sicut ter, ita trecenties negavisset. Trifcorum vox erat:

Nec amat Deus, nec adjuvat mendacium

III. Hæc omnia paulo copiosius dicta, loco unius nocumenti numeramus, quod recte *Catenam vitiorum* appellabimus. Accedit alterum, primo non minus nocumentum, quod Mendax omnem amittat fidem. Res nota:

Ubi vera mendax loquitur, haud fidem invenit.

Optime dixit sapientissimus b regum: *Sua vis est homini panis mendacii, & postea implebitur os ejus calculo.* Siquidem hoc vitium non turpe solum, sed & noxium est: *Os impletur calculo.* Aristoteles interrogatus, quid lucri haberet mendax? Hoc unum, ait, ut cum vera dixerit, nemo credat. Sic est: semper enim hi tales falsitatis suspecti sunt: c *Cretenses semper mendaces, venales aut nullius fidei homines habentur.* Horum locus letif-

Mm 3

simus

a Sic, l. 3. Offic. Idem pro Roscio Com, b Prov. c. 20. v. 17. c Tit. c. 1. v. 17.

simus testis Siracides : a *Opprobrium nequam,*
ait, *in homine mendacium, & in ore indiscipli-*
natorum assidue erit. Diabolus ipsissimus men-
dacifigulus, impigrum se magistrum disci-
pulis præbet, quibus identidem occinit:
Paullo majora canamus, ô mei, paullo gra-
viora fingamus, non in eadem semper clas-
se hærendum: profectus discipuli, gaudium
magistris proficiendum est, & à mendaciun-
culis ad splendida mendacia, hinc ad insi-
gniora fur a promovendum. Hæ magistri ab
Erebo insidiationes sunt, sic à vitiis ad vitia
transitur. Jam diximus, catenam trahit men-
dacium variis vitiorum annulis consertam.
Nec errat vetus paræmia: Si mendax est, &
fur est; ostende mihi mendacem, & osten-
dam tibi furem. Inter mendacium & fur-
tum proxima est affinitas. Imo, quod Siraci-
dæ b credendum, *Potior est fur, quam assi-*
duitas viri mendacis; perditionem autem ambo
hereditabunt. Infamia certe linguam falsam è
vestigio sequitur. Semel mentiris? centies
non creditur, licet vera narranti: per omnes
Deos juraveris, non creditur. & sæpe quo-
plus jurant, minus fidem faciunt semel de-
prehenso mendaces. An non hoc ingens de-
trimentum? Germani dicunt, * si aurum
perdas, gravis jactura est, si famam, gra-
vior; gravissima, si fidem. At revera hanc
perdit falsiloquus. Et licet aliquanto tempo-
re fucum, quem facit, tegat, quamvis empro-
res inveniat quibus fumum vendat, nihilo-
minus,

Din

a Eccli. c. 20. v. 26. b Eccli. c. 20. v. 27.

* Geld verlohren / viel verlohren. Ehr verlohren /
mehr verlohren. Glauben verlohren / alles verloh-
ren.

Diulatare non queunt mendacia.

Veritas quandoque diu premitur, nequit tamen opprimi; resurgit demum validior. At vero mendaciis caninem inducere difficilimum; neque enim nox diutius fallit, quam donec illucescat: Ita

Implicatur, explicari dum studet mendacium,

Quanto magis se ornat, tanto est deformius,

Quanto magis sese occultit, magis patet:

Terlucet omne, si inspicis, mendacium.

Inter Corvum & Acanthidem discrimen maximum est: & licet has aves non videas, nosces satis, modo audias, & illum crocitantem, & istam suavissime modulantem. Mendax etsi albis se plumis jactitet, a cantu tamen noscitur, cum corvo crocitat: a mendace quid verum dicetur? quarit Siracides. Maxima differentia est, inter bombycem & araneam, quamvis utrumque animalculum textorem agat, & fila ducat tenuissima, nihilominus si mille jungantur araneæ, nunquam tamen panniculum texent tergendis naribus, aut oculis velandis. Idem veracem inter & falsidicum discrimen est: falsidicus filum quidem quam potest subtilissimum ducit; sed inspicere, aranearum textura est, nullus usus, verustatem fallit, at Veritas durabilis, immortalis est: b *Labium veritatis firmum erit in perpetuum; qui autem testis est repentinus, concinnat linguam mendacii.* Nemini est sub aquis diu sperare nec sub mendaciis diu incolumem latere. Paries curvus

M m 4

deal-

* Man kennet den Vogel am Gesang

a Eceli. c. 34. v. 4. b Prov. c. 12. v. 19.

dealbari potest, erigi aut emendari non potest, nisi dejectus: Ita mendacium se ipso proditur, atque ut forex è suis internoscitur fibilis.

Narrat Valerianus Alcathum Pelopis filium ob Chryssippi cædem in exilium actum, peregre profectum ut alibi verso solo degeret: accidisse vero ut leoni, qui Megara vastaret, obuius, belluam non tantum invaserit, sed & confecerit, & extractam belluæ linguam in araposuerit, velut superis gratias ageret de tam nobili spolio. Interim apud Megarensium regem Thrasones aliquot, leonem à se debellatum gloriabantur. Alcathus elinguem feram ostendens recentis mendacii eos redarguit. En quam debile ac infirmum sit mendacium, unico ictu sternitur, æternum post se dedecus trahens. At Veritas linguam habet ferream, sic eam veteres, Pindaro teste, pingebant & in saxo quadrato statuebant; in globo collocabant Mendacium inconstantia & volubilitate sua periturum. *Neque enim (a Salomonis oraculo) invenit fraudulentus lucrum.*

Planus, ut ferunt, è fraude & mendacio compositus, sapius se cadere, & fracto crure procumbere humi simulavit, nec defuerunt, qui accurrerent opitulaturi, quos ille sanis pedibus largissime irridebat. Tandem è joco res nata, & crus non fictæ fregit. Hic ille auxiliares manus implorare & per omnes Deos opem poscere. At pro se quisque hoc unum respondebat: Tollat te, qui non novit te. Hæc emolumenta sunt mendacii:

dacii: Novimus hominem, ajunt, fidatilli qui non novit illum; vir verborum est, at ubi multa verba, multa sunt mendacia; os illius molendinum est vix unquam quietum, sed crassam molit farinam, mentiri vix erubescit, & quicquid dicit, historiam vult censer: Deos absentes testes facit. Quod si opus, decem figmenta uno spirat halitu: stans pede in uno sexcenta cudit mendacia. Hac hominum mendacium sunt elogia, hæc illos fama comitatur.

I V. Tertium Nocumentum: Mendacia maximarum injuriarum causæ sunt. Quotidiana clamat experientia.

Plurimos læsere, pessummo dederunt mendacia.

Mendacium plurimos & in cades & in gravissimas quæque injurias inferendas impulit, attestante memoria omnium: audite tragicos eventus officiosi ac levis mendacii. Cum Theodosius Imperator, die tribus Regibus sacro ad templum cum solenni comitatu progredere, homo peregrinus ac tenuis fortunæ pomum Phrygium inusitatæ magnitudinis donum obtulit. Imperator cum proceribus pomi generosi molem admiratus, pauperi centum quinquaginta aureos pro dono reposuit, & pomum Eudociæ Augustæ conjugii misit. Accepit illa, & nihil sequius cogitans, idem mox Paullino misit facundo & erudito viro, qui propter excellentem cum eruditionem tum virtutem Eudociæ charus fuerat. Paullinus tunc à pedibus æger,

Mm 5 &

& ignarus pomum ab Augusto ab Augustam missum, iterum illud Imperatori, ut rarum ac regium munus, simul obsequii sui signum offerri curat. Theodosius mirari, & primum ambigere; mox agnoscere, sed factum in deterius referre, ac pessime suspicari. Atque ita propere ad uxorem veniens, malum, quod clam servari jusserat, ab ea repetit antea donatum. Eudocia facti totius ignara, juveniliter, & ut putabat officiose mentitur, se illud jam comedisse. Verebatur scilicet ne si Paullinum nominaret, Imperator alia suspicaretur. Sed iterum Interrogata serio diceret, an pomum comedisset? Illa denuo affirmat, atque adeo jurat. Theodosius gravissime offensus, & conjugem mendacii arguens, pomum proferri jubet. Nec satis, de amore occulto & improbo suspicatus Paullinum imperat occidi, Eudociam abdicat, & relegat. Nam suspicionem antea concepram valde auxerat mendacium. En florentissimi conjugii illætabile dissidium, en innocentissimi viri lamentabile homicidium à mendacio profectum! O Eudocia, ô Imperatrix Augusta, quanto fecisses rectius, si quod res fuit, sincere fassa, veritatem mendacio non celasses; tibi certe tui conjugis amorem, Paullino servasses vitam. Tanti refert vel officioso solum mendaciolo comprimere Verum. Ergo Basilus Imperator optime monens filium: Maximi pendito, inquit, & veracem te esse in sermone, & veraces homines in familiaritatem admittere: ira enim firmus, & constans in omnibus & factis & dictis æstima-beris, & veram ac non suspectam tuorum

erga

ergate benevolentiam retinebis : si autem in vanitatis & mendacitatis suspicionem veneris, indigna facere imperatoria maiestate, qua auctus es, convinceris, efficietque ut subiecti semper formidolosi, rerumque omnium incerti & titubantes vacillent. Quantum enim veritatis oratio amabilem hominem reddit, tantum mendacii deprehensa, aut etiam suspecta, odiosum qui ea utitur, facit.

Velimet, vel est egenus, qui utitur mendacio.

Sapienter & vere Basiliius: *Vix ulla est injuria, cui non mixta sint mendacia.* Nec male dixit Epænetus: *Omnium injuriarum causa sunt homines mendaces.* Quod si facundia valeat, os mendax ingens nocumentum infert pluribus, & re vera

Vas in aureo venenum, est eloquens mendacium.

Jam quot orbe toto cædes, una hæc vocula, MENTIRIS, edidit? Prò humanas infanias! Cum mendaciis plena sint omnia, audire nolumus quod facimus; erubescimus mendaces dici, cum simus; ridendo rem patramus, sed nomen vindicamus ferro; facere non pudet, dici pudet. Et cum gloriemur, si cujus candori & simplicitati mendaciis illusimus, ad vindictam decurrimus, si quis, quo gloriamur, *Mentiri* nos dicat. Laus nimirum à mendacio, vindicta à ferro est. bis stolidi, factis & ultione. Laudem è rebus captamus, in nomina ferrum stringimus. Quid orbe toto stolidius, laudari velle de æmulo per mendacium everso, nolle tamen audire monitricem hanc vocem *Mentiris?*

iris? Num quod audire pudet, facere pro decoro est? Olim crimen apud Judæos capite luendum erat, sancta sanctorum ingressum fuisse: nunc cum laudi detur mendacii adyta, non per superficiem, sed tota, ut dici solet, anima ingressum: dixisse tamen perduellionis quoddam crimen est, solo ferro, solo sanguine vindicandum. Ullane major fatuitas sit? cadere non dolemus, sed si quis dixerit, Cecidisti, ut crimen læsæ Majestatis insequimur. O fatue quid de mendacio complaces tibi, quod ferro vindicas? te damna, in te sævi, crimen tuum est. Cur esse vis quod dici non vis? Ecquid conmeruit qui vera dixit, qui scapham scapham, ligonem ligonem appellavit: quid queso criminis quod nigrum est, nigrum vocare, quod amarum est, amarum appellare? vis dicatur nigrum album, amarum dulce, falsum verum? Ita mentiendi licentia susque deque vertit omnia, hinc injuriæ, hinc cædes. Quid igitur in hac sæculi nostri insolentia faciendum? silentio, & dissimulatione opus; hic taciturnitas pro clypeo sit. nam cum loqui ferrum provocet, silere propugnaculum erit.

V. Quartum nocumentum, Omnis mali compendium est; excludit cælo, detrudit Orco Mendacium. Joannes Domini oculus, Apostolorum charissimus, Mendaces inter homicidas, scortatores, idololatrias, veneficos numerans, horribilem in eos sententiam pronuntiat in hunc modum. a *Timidis autem & incredulis, & execratis, homicidis & fornicatoribus & veneficis, & idololatriis & omni-*
bus

bus mendacibus, pars illorum erit in stagno ardenti igne & sulphure, quod est mors secunda. Et hic ipse Numinis præco fatale decretum confirmans: Non a intrabit in eam, inquit, aliquod coinquinatum, aut abominationem faciens, & Mendacium. En ex omni vitiorum numero, ex omni flagitiorum inquinatissima turba, Mendacium solum nominatim cælo excludit: perinde si dicat: Deus qui ipsa est veritas, nihil minus in regno suo tolerat quam quod semper Veritati adversatur Mendacium. Sed & regius Psaltes b vociferatur: Filii alieni mentiti sunt mihi, filii alieni inveterati sunt, & claudicaverunt à semitis suis. Mendaces recte dixeris filios alienos à veritate, à Deo, à Dei regno, qui vias falsitatis obliquas & tortuosas amant, qui nunquam non claudicant & lingua & mente, proinde velut adulterina soboles à cælesti rege repudiantur; filii alieni sunt, hæredes non sunt. Eam ob causam ille ipse vates c regius eos appellans; Filii hominum, inquit, usquequo gravi corde, ut quid diligitis vanitatem & queritis mendacium? Invenietis quod queritis, æterni à regno veritatis exules. Omne mendacium, ut vere d Gregorius, iniquitas est quia profecto ab æquitate discordat quidquid à veritate discordat. Sed jam id quod tuendis mendaciis objicitur diluamus.

C A-

a Ibid. v. ult. b Ps. 17. v. 46. c Ps. 4. v. 3.
d Greg. l. 18. mo. c. 4. initio,

CAPUT XXXVII.

*Quae soleant tuendis mendaciis eljici, &
qua ratione Mendacium cre-
brius puniunt.*

ANnis superioribus in lucem liber pro-
diit, frontem ita inscriptus: De lingua,
qua maximum est morborum acutorum si-
gnum; opus in rem medica novi argumenti:
auctore Irotheo Casulano Senensi. Ergo vix
a. inde morbi certius praesertim acutiores, &
qui majore dolore infestant, dignoscuntur
quam è lingua. Sanum corpus, si lingua sit
sana. Nec mirro aliter de moribus sentien-
dum: corrupti sermones, corrupta mens;
castus animus, casta verba, inverecundas
cogitationes oratio aperit inverecunda. Ita
lingua latentium morborum index certissi-
mus. Hic autem morbum agnovisse, pars
magna sanitatis est, & inter remedia praes-
tantissima numerandum, scire se agrotare.
Exemplo mendacii, quod explicare insti-
tuimus, res magis patefiet. Ubi mendax
lingua, ibi morborum species non una deli-
tescit. Nec malum est enthymema, si men-
dax est, ergo & infidus, & audax, & re-
merarius, & fraudulentus, ergo & tur erit.
Hos morbos hac lingua prodiit. Mendacium
complurium morborum aut initium est, aut
certe argumentum. Nihilominus sunt qui
huic oris vitio nequissimo patrocinentur,
qui excusent, qui defendant. Hos menda-
cii patronos jam audiamus, quamque egre-
giis rationibus pro mendacio interveniant:
sed

sed & una declarabimus, quo supplicio sæpius sit affectum Mendacium.

I. Primo ajunt mendaciorum patroni, fabellas spargere, levia sunt piacula: Respondemus, neque nos omnia lætali censuræ subicere: hoc asserimus; primas fere deberi, inter leviores noxas, mendaciis etiam levibus de cæteris non aliud pronuntiamus, quam quod divina oracula: *os quod mentitur, occidit animam: Perdes omnes qui loquuntur mendacium.* Hebræi sapientes dicere solebant: *Omnis qui falsum testimonium dicit contra proximum suum, dignus est ut canibus projiciatur.*

Sed quid dicemus, ajunt, de jocosis & officiosis mendaciis, quorum illa sunt ad alios exhilarandos, ista etiam ad adjuvandos: ille a sepe plurimum venustatis & lætitiæ, hæc utilitatis plurimum & adjumenti habent. ut si quis belli dux copias suas dejectis esse animis videat, & ob id confecto mendacio dicat adventare socios, eaque ratione animum addat militi; an non officiosum hoc mendacium esse utilissimum censebitur? Si quis charissimum sibi hominem pharmaco egentem, sed ab illo abhorrentem ita decipiat, ut pharmacum cibo misceat, & hunc mendacio condiat, dicarque edulium ab omni suspecta mixtura purissimum esse; an non & iste officiose mentiendo, alteri prodesse plurimum judicandus? Nec desunt tam perfrecti oris homines, qui audeant dicere: *a Mendacium calidum, mendacium optimum est.* O vani & fatui! nec calidum, nec frigi-

a Plautus Mostel. act. 2. scen. 1. v. 135. Calidum hæcule audiui esse optimum mendacium.

frigidum, nec jocosum mendacium, nec officiosum ullo honesti pallio satistegetur. possumus etiam furando prodesse, præsertim si egenus, cui furtum donatur, sentit commodum; & opulentus, cui aliquid auferitur, incommodum non sentit. Sed nunquid ideo tale furtum poterit non esse peccatum? eadem est ratio mendacii quod prodesse creditur: Hoc enim licet plurimis prodesset, mentienti tamen nunquam non obest. Mendacium omne peccatum est. Sed amplius objiciunt; An non & Abr. conjugem Sarain, suam esse sororem dixit? An non Pharaoni fucum fecerunt obstetrices Ægyptiæ? Hic Augustinum a pro me respondentem audite; *Quando nobis, inquit, de scripturis sacris mentientibus proponuntur exempla, aut mendacia non sunt, sed putantur esse, dum non intelliguntur; aut si mendacia sunt, imitanda non sunt, quia justa esse non possunt. Unde obstetricibus his, & Rahab meretrici benefecit Deus, non quia mentite, sed quia misericordes fuerunt in homines Dei.* Ita Deus, uno tempore in uua causa vidit factum misericordiæ, & factum fallaciæ; bonum remuneravit, & propter hoc bonum, malum illud ignovit. Jacob quod matre fecit auctore, ut patrem fallere videretur, *b* si diligenter & fideliter attendatur, non est mendacium, sed mysterium. In figuris enim quod velut mendacium dicitur, bene intellectum verum invenitur.

Tertio, num ergo, inquit, veritatem quandoque celare non licet? Licet quandoque; aliud est autem nectiri, aliud est verum

a Augu. l. de mend. cap. 15. b Idem l. contra mend. c. 10.

rum occultare; aliud est falsum dicere, aliud est verum tacere : Hoc raro nec nisi certa lege permissum, illud nunquam. Profecto veritatem velle tegere, signum est volentis fallere : atque ut hi forices suis capiuntur indiciis, hæc fere signa sunt mentientium :

Hærerere, balbutire, obscure loqui, titubare, colorem ducere, vultu sibi non constare, anxie dicta comere ac poiire, crebris exaggerationibus uti, de longinquis, de vetustis nescio quæ grandia commemorare, ipsa subinde trepidatione aut inconstantia dicendi se prodere, longis ac variis verborum ambagibus dicenda involvere, plurima miscere, & sermonis tumultu confundere, hoc demum agere, ne veritas ex toto in conspectum veniat. His indiciis hi forices produntur & pereunt. Et in eos quidem qui veritatem tot adscititiis involucris obnubant, graviter commotus Augustinus: *Quisquis, inquit, veritatem occultat, iram Dei super se provocat.* quia magis hominem timet quam Deum. Uterque reus est, & qui veritatem abscondit (audite Regum, principumque consilarii) & qui mendacium dicit, quia & ille prodesse non vult, & iste nocere desiderat.

II. Sed quarto dicunt qui mendaciis patrocinantur, Ut jurgium exeamus, ut objurgationes vitemus, ut alterius iram caveamus, aut etiam ne periculum incurramus, vel damnum faciamus, modeste aliquid fingimus, quod ipsa sæpe verecundia & pudor persuadent, quid hoc demum tanti? O miseri & cæci! alterius iram atten-

ditis, & conscientiam vestram non attenditis; damnum metuitis, & peccatum non formidatis; sic obolum aestimatis, & florenum perditis; foramen unum obstruistis, & grandius detegistis, verecundiae consulistis, & conscientiam calcatis, humanam reprehensionem evaditis, & divinam in vos iram concitatis: quanto satius esset vera dicere, errorem fateri, culpam si qua est deprecari, quam mentiri, nec tamen malo mederi. Hic iterum vobis Augustinum ingero, qui nos adeo ab omni mendacio vult esse alienos, ut potius mori malimus, quam mentiri; nam qui ideo mentitur ut vivat, moritur antequam moriatur. Ipsa integre admetior *a* Augustini verba: *Quis, inquit, observat vanitatem? qui timendo mori, moritur. Timendo enim mori mentitur, & moritur antequam moriatur, qui ideo mentiebatur ut viveret. Mentiri vis ne moriaris, & mentiris & moreris: & cum vitas unam mortem quam differre poteris, auferre non poteris, incidis in duas, ut prius in anima, postea in corpore moriaris. Unde hoc, nesci observando vanitatem?* Ergo generosus, animus cum mori sciat mentiri nesciat. Et fuerunt sane quibus longe suavius visum est mori, quam mentiri. Rem mirissimam narrat Hieronymus *b* de muliere septies icta. Hac adulterii falso accusata, cum jam in equuleo torqueretur, sexu suo fortior, oculis quos à tortore liberos habuit, cælum suspexit, & fluentibus per ora lachrymis: Tu, inquit, Domine JESU, cui occultum nihil est, qui corda scrutaris & renes, tu testis

a Aug. tom. 2, in Ps. 30. ante finem. *b* Hiero. epist. 45, ad Innocent.

testis es non ideo me negare velle, ne per-
eam. sed ideo mentiri nolle ne peccem.
Aderat simul juvenis, qui falso de eodem
scelere accusatus, & illam & fereum men-
tiebatur, ut tormenta effugeret. Illa hunc
allocuta: At tu homo miser, ait, si perire
festinas, cur duos interimis innocentes? E-
quidem & ego mori cupio, sed non ut ad-
altera: cedo jugulum, impavida ferrum
excipio, meam tamen innocentiam mecum
feram. Cum vero Judex, tormenta gemina-
ri juberet, una interim illius vox erat: Cæ-
de, ure, lacerâ; non feci. Si dictis fides tol-
litur, veniet dies, quæ hoc crimen sine
fraude discutiet. Sed juvenis miserrimus in
exilium suum mentitus, capite plexus est.
Caput mulieris tangi quidem potuit, de-
truncari non potuit, ne septies quidem à di-
versis carnificibus repetito ictu. Ita tandem
libertate à Cæsare donata, & sanitati re-
stituta est. Mori scivit hæc virago, mentiri
nesciit. Omni morte deterius, mendacio
commaculari.

III. Objiciunt quinto præsertim merca-
tores, propolæ, caupones: Revera si non
mentiremur, fame necaremur, imo & ju-
rare & nonnunquam pejerare oportet eum,
qui merces tractat: hæc sacra aliter non con-
stant. Sed hoc ipsum, ô viri, frigidissimum
est mendacium, merces vix ullas extra di-
posse nisi mendacio vestitas. Multo facilio-
res essent emptores, si candide pretium
indicari scirent, jam vero nec jurantibus
quidem credunt, sapere docti non una so-
lum experientia. Illud Jobi plurimis ex asse
convenit, quos non tam mercatores, quam

fabricatores mendacii par esset appellare: qui dolent damnum pecunie, non dolent damnum justitiæ. posito, inquit *a* Augustinus, in angustiis aut damno pecunie, aut damno justitiæ, dicitur tibi: perde potius pecuniam, ne perdas justitiam. Tu autem cui non dulcis est in ore justitia, contristatus eligis aliquando magis amittere aliquid de justitia, quam vel nummum de pecunia, & percutis te damno graviore, implens saccellum tuum, & exinanienti cor tuum.

Verus & fide dignus *a* scriptor commemorat, duos cives Colonienfes ob mendacium & perjurium, à suo Curione acius reprehensos. Horum alter: Domine inquit, mereaturam facturus, & mentiri sciat necesse est & jurare: hæc nostra est Rhetorica; absque hac esset, fame periremus. At enim, inquit Curio, hoc grande nefas est, divina lege vetitum. Ad quæ illi: Quis mercatorum, ajunt, hanc legem servet? Qui justitiam, inquit sacerdos, & cælum amat, neque hic expensis ullis opus est; ab unico **VELLE** pendent hæc omnia: Et obsecro consilium meum sequi ne pigeat, & aliquanto saltem tempore sine mendaciis & juramentis pretium mercibus vestris statuere, & miros rerum vestrarum successus habebitis. Promittunt ejus rei experimentum sumpturos uno anno. Sed male res cedere videbatur, emptoribus ad alios defluentibus, quod Deus diabolo licere permisit. Anno igitur exacto redeunt, & sortem improperam queruntur. Quos ad constantiam facer.

a Aug. tom. 8. in Ps. 43. fite. mihi pag. 161. 2.

b *Cæsarius* l. 3. mirac. c. 37.

sacerdos animans : Quare dubitatis, inquit, modicæ fidei ? hæc vasa sunt diaboli non in longinquum itura : constet sibi vester animus ; fugite iniquitatem , & non erit quod metnatis paupertatem ; Deus benedicet conatibus vestris. Ita denuo promiserunt mendaciis & juramentis abstinere omni vita, etiam si ad mendicitatem detruderentur. Promissis steterunt, & è verbis fecerunt facta successu jam lætissimo. Nam mire ab omnibus frequentari cœperunt, & brevi, quod ipsi mirabantur, rem auxerunt honestissimis rationibus. Tanti fuit non velleditescere mendaciis. Volatilis opulentia est quæ rationibus crescit inhonestis.

Objiçunt sexto, Ecquis adeo ipse sibi sit inimicus, ut grande commodum figmento non grandi comparandum respuat ; Xiphilinus narrat, Liviam Augusti Imperatoris conjugem Numerio Attico viginti quinque myriadas drachmarum, hoc est, viginti quinque millia coronatorum promississe, modo juraret, visum à se Augustum Cæsarem defunctum ascendere in cælum. Quis hic tam terreus sit, ut fingere nolit, cum tot argenteæ offeruntur linguae ? Quid si, ajunt gratia omnisque favor sit amittendus, ni mentiaris, si detrimentum ingens seu proprium seu alienum urgeat ? vellemus esse amici veritatis, sed sine dispendio rei familiaris. O plumbea capita ; ô candices, non homines, tam nihil capitis, ut nec sanctissimorum virorum auctoritas, nec ratio ulla, nec ullæ sacrorum voluminum minæ à mentiendi licentia vos abducant. Augustinum non audistis ? qui moriendum

potius quam mentiendum asserit. Sed Augustinum reduco, qui vestris vos armis jugulat, nam velut unus è vobis: Si quis, inquit, ad te confugiat, qui mendacio tuo possit morte liberari, non es mentiturus? si aliquis ægrotus interroget, quod ei scire non expedit, qui etiam possit te non respondente gravius affligi audebisne aut verum dicere in perniciem hominis, aut filere potius quam honesto & misericordi mendacio valetudini ejus opitulari? Exempli causa: Gravi morbo periclitatur ægrotus, cujus jam vires ferre non possint, si ei mortuus unicus & charissimus filius nuntietur: Si à te quærit, an vivat, quem vitam finisse tu nosti, quid respondebis, quando quicquid aliud dixeris præter unum de tribus; aut mortuus est; aut vivit, aut nescio, nihil aliud credit ille quam mortuum: quod te intelligit timere dicere, & nolle mentiri? Tantumdem valet, etiamsi omni modo tacueris. Ex illis autem duo falsa sunt. Vivit, &, Nescio, nec abs te dici possunt nisi mentiendo. Illud autem unum verum. id est, mortuum esse, si dixeris, & perturbati hominis mors fuerit subsecuta, abs te occisus clamabitur. Huic quæstioni idem etiam Augustinus respondens: Quis ferat, inquit, homines exaggerantes, quantum sit mali salubre mendacium devitari, & homicidam diligere veritatem? Quid quod vitæ hujus tales amatores sunt, ut eam non dubitent præponere veritati, ne homo moriatur, imo ut homo quandoque moriturus, aliquanto serius moriatur, non tantum mentiri, sed etiam pejerare nos volunt. His atque tali-

talibus copiosissime se arbitrantur urgere, ut si consulendi causa exigit, aliquando mentiamur. Contra illi quibus placet nunquam sic mentiendum, multo fortius agunt, utentes primo auctoritate divina, quoniam in ipso decalogo scriptum est: Falsum testimonium ne dicas; quo loquendi genere Lex divina complectitur omne mendacium. Sed ne aliquis contendat, non omne mendacium, falsum testimonium esse appellandum, quid dicturus est ad id quod scriptum est, *a Os quod mentitur, occidit animam.* Quod ne quis arbitretur, exceptis aliquibus mentientibus posse intelligi, alio loco legat, *b Terdes omnes qui loquuntur mendacium.* Unde ore suo ipse Dominus sic inquit: *Sit in ore vestro, Est, est; Non, non; quod autem amplius est, a malo est.* Hinc & Apostolus, cum exuendum veterem hominem praeceperet, quo nomine omnia peccata intelliguntur, consequenter ait, in primis ponens, *Quapropter deponentes mendacium loquimini veritatem.* Non est ergo verum, aliquando esse mentientium. Ita c Augustinus sentit. Quid hoc tam multiplici testimonio illustrius, quid gravius dici potest? In saxum obrigit, qui hoc non audit, aut spernit. Et quid obsecro humanos favores tantopere ambitis, & negligitis divinos? Erit sane tempus cum humana gratia non juvabit, & aberit divina; utraque misere spoliati quod ibitis? Meliora docens Siracides. *Homo sensatus, d inquit, credit legi Dei, & lex illi fidelis.* Utcunque res

N n. 4

cadami

a Sap. c. i. v. 11. b Ps. 5. v. 7. c Aug. tom. 4. l. contra mend. c. 5. & c. 18. d Eccli. cap. 35. vers. 3.

cadant nunquam deferenda est veritas. Quanti vitarunt cineres in prunas delapsi? quanti fugerunt fumum, & inciderunt in ignem? ita plurimi ne cogantur erubescere, audent fingere; & quia horrent pude fieri, eligunt mentiri; sed revera dum Char ybdim evitant, incidunt in Scyllam, & dum minus declinant, in longe gravius damnum incurrunt: a *Dominus solus sufficit sustentantibus se in via veritatis & justitie, nam lex ejus veritas.* Neque ullus putet mendacio eam assui posse honestatem, ut licitum dicatur. Ab Augustini calamo res certa est: Cum opera ipsa, inquit, peccata sunt, quis est, qui dicat causis bonis esse facienda, ut vel peccata non sint, vel quod est absurdius, justa peccata sint. Si hanc probaremus theologiam, tandem casta adulteria, justa furta, inculcata homicidia, venena permissa erunt, si licita sint ulla mendacia. Itaque peccatum est omne mendacium.

I V. Ulimum quod hac de re proposuimus explicandum, est pœna mendacii diversa. b Apud Indos, Philostrato teste, mos obtinuit, ut si quis deprehensus vel semel in mendacio fuisset, ignominiâ notaretur, & magistratu moveretur, quod communem hominum societatem mentiendo fraudasset.

Apud veteres Francos & Suevos cogebatur mendax canem, impudentiæ symbolum, in humeros sublatum circumferre. Hæc mitia & humana sunt supplicia; Deus aiter punit, severior longe sententia in mendaces ex alto dicitur. Curia celestis unicum,

a Idem c. 34. v. 22. b Philo de Apollon, lib. 2, esp. 12.

cum, leve, & nemini noxium mendacium subita morte vindicat. Ananias & Saphira Christiani conjuges interrogati ab Apostolorum Principe, *a* num tanti agrum suum vendidissent, quanti allatum pretium esset, cum solas illas voculas duas respondissent, *Eti- iam, tanti*, nece repentina velut fulmine ta- cti, corruerunt ambo. Hem! mendacium unicum nec ulli exitiosum, capite & vita lue- re? Poterant illi retinere sua, nulla eos lex cogebat in alienum ærariū facultates omnes inferre, sed quia videri volebant, omnia sua dedisse, subito sunt extincti. Hinc optime Jo- bus *b* apud animam suam decernens: *Quia donec superest halitus in me, inquit, & spiritus Dei in naribus meis, non loquentur labia mea iniquita- tem, nec lingua mea meditabitur mendacium.*

Mendiculi duo, quod Nicephorus com- memorat, tam à centonibus quam à confu- tis mendaciis divites, Epiphanium Antisti- tem transiturum in via observarunt, & ut stipem caperent largiorem, illorum alter officiose se mortuum finxit, cumque Epipha- nius transiret, alter non sine fictis lachry- mis querebatur, ob extremam inopiam ni- hil eorum quæ sepeliendo deberentur, sup- petere. Epiphanius vultu sed ut DEUS, in- quit, sit illi propitius, atque una pecuniam dans fienti: Tu, inquit, funus hoc cura; hic tuus socius non furget amplius. Abeas mo- do, cogitabas vivus, nec enim tua præsentia egemus ad pecuniam ex æquo dividendam. Abiit Epiphanius, jamque nemine præsen- te, alter circumspiciens curiose, pede socium

N n 5 icit,

icit, monuitque, securus surgeret. Neque vox, neque sensus. Alter iterum alloqui, atque etiam laudare, quod mortuum tam docte ex vivo repræsentaret. Necdum alter respondere. Tandem iste: Heus tu mortue, inquit, tandem surge, aut nec obolum impetrabis è data pecunia, & simul cadaver utraque manu concussit, tanquam risum diu repressum excitaturus. Sed necdum vox ulla, aut ullas sensus. Ita res nata è joco, patuitque miserum vere mortuum esse. Mox alter actutum præfulem currendo insequi, & ubi ad illum pervenit, hic magis quam antea & serio lamentari, mendacium fateri, fraudem ex inopia confictam, sed hanc culpam non amplius unquam repetendam; miseretur porro mortui, juberetque precibus reviviscere. At Epiphanius necdum mendacio reconciliatus: Tu vero, inquit, sepeli socium; Deus sententiam non mutat.

Affirmant quidem sacra volumina: *Os quod mentitur, occidit animam.* Minimum animam; at subinde corpus cum anima jugulat. Adeo D E U S acerbè & penitus odit mendacium.

In insula Tenedo lex olim fuit, quod Suidas *a* memorat, ut pone judicem cum securi staret carnifex, in hoc paratus, ut si quis falsi testimonii, falsæ accusationis, aut cujuscunque tandem mendacii convictus fuisset, protinus securi feriretur. Hinc verbum, *Tenedia securis*. Supra nos iudex in alto est apud quem nunquam non vigilat securis, jam huic, jam illi impingenda:

a Suidas voce Τενέδιος.

da: Deus vitæ necisque dominus videt auditque omnia, nec parceret in veritatem delinquenti. quod si non toties sua mittat fulmina, quoties veritas conspuitur; certe tarditatem supplicii, gravitate compensat; ultor procedit: ferus, sed severus. *a* Nam, *O*pera manuum ejus veritas, & judicium. *b* Ipse protector est omnibus exquirentibus se in veritate. Imo c omnes via ejus misericordia, & veritas, & judicium.

V. Ideo Paulus tam graviter hortatur: *d* induite novum hominem, qui secundum Deum creatus est in justitia, & sanctitate veritatis. Propter quod deponentes mendacium, loquimini veritatem unusquisque cum proximo suo. Paulinum hoc præceptum tam alto pectore combibebunt felicioris ævi Christiani, ut mori maluerint, quam semel mentiri, quod Justinus Martyr testatur. Quapropter quicumque Christiani sanguinis vultu censeantur, extreme aversetur discipulus esse diaboli, qui solus est magister, & auctor mendacii. *e* Nemo sic lucellum amet, aut ignominiam metuat, ut animam suam mendacis occidat. Si vos, inquit Christus, manseritis in sermone meo, vere discipuli mei eritis, & cognoscetis veritatem, & veritas liberabit vos. Christianorum igitur omnium eadem vox sit quæ Luciliani: *Mentiri non est meum*: quicquid falsi est detestor & execrori mens, lingua, manus, oculi veritatem spirent. Neque mendacia solum, sed etiam affines mendacii amphiboliæ & verborum subdoli anfractus cavendi, quibus

a Ps. 110. v. 7. *b* Eccli. c. 2. v. 13. *c* Tob. c. 3. v. 2. *d* Ephes. c. 4. v. 24. & v. 25. *e* Ioan. c. 8. v. 31. & v. 32.

bus auditor nequiter involvitur, ut quid è duobus debeat credere, non dispiciat. Cavendæ similiter rerum exaggerationes, quæ vix unquam sine mendacio, mendaciæ suspicione adhibentur. Unde fit ut ii qui res solent adeo exaggerare, apud prudentes vix ullius sint existimationis. Nam eos plerunq; malignior fama insequitur, nec immerito dici solet de tali: Hic non mentitur quidem, sed nec dicit verum. Christianus quantus quantus est in verba veritatis juret.

Apud Lacedæmonios olim legatus quidam Chius peroravit, sed oris ac frontis parum virili habitudine, facileque apparebat non solum ad fraudes compositam orationem, sed capillitium quoque tinctum ac fucatum esse. Archidamus præsentis animi vir, & linguæ liberæ: Quid obsecro, ait, credendum censetis cives, Legato huic qui in ipso etiam capite gestat mendacium capillis insertum? In hunc examussum quadret, quam in aulis vulgo jam percrebuit definitio: Legatus est vir bonus, peregre missus, ad mentiendum Reipublicæ causâ. Appage hos legatos à principum regumque Christianorum aulis: ad Garamantas eant hæc monstra, & pacem vel bellum mentiantur, juxta erit. Profanissimum hoc vulgus & odit, & arcet sapientissimus Regum, qui supremo Numini supplex: a *Duorogavi te*, inquit, *ne deneges mihi antequam moriar: Vanitatem & verba mendacii longe fac à me*, Cur tam strictum ab omni mendacio divortium tam anxie urges, ô Regum maxime? Quia perspectum habeo quod oderit Deus falsitatem

tatem omnem : a *Abominatio Domino labia mendacia , qui autem fideliter agunt , placent ei.* Cum ergo Deus tantus sit amator veritatis , non potest non ei charus esse , cui chara est veritas. Assiduus ad hoc exhortator Paulus : *Nolite , inquit , mentiri invicem , veritatem autem facientes crescamus in illo per omnia , qui est caput , Christus.* b *Eruditione simplici , sed salubri & vera sic monebant veteres : Intemperantia facit hominem belluam , Mendacium diabolicum , Veritas semideum.* c *Nolite igitur mendaces esse adversus veritatem.* Hinc illud Siracidæ sanctissimum monitum animo penitus affigendum : d *Ante omnia opera verbum verax præcedat te.* Quæ omnia Hipponensis præsulis testimonium consignet : *Elucet itaque discussis omnibus , inquit e Augustinus , nihil aliud illa testimonia scripturarum monere , nisi nunquam esse omnino mentiendum.* Non enim cuiusquam commoditas aut salus temporalis perficiendæ fidei præferenda est. Quisquis autem esse aliquod genus mendacii , quod peccatum non sit , putaverit , decipiet se ipsum turpiter , cum honestum se deceptorum arbitratum aliorum. Supremo ac fatali Orbis die , subtilissima quæque mendacia ad solem detecta erubescunt ; perdentur omnes qui locuti sunt mendacium , triumphabunt omnes Veritatis amatores , quos æquissimus iudex regno donabit , immortalis , beato , non finiendo æternum.

C A.

a Prov. c. 12. v. 22. b Coloss. c. 3. v. 9. Ephes. c. 4. v. 15. c Iacobi c. 3. v. 14. d Eccli. c. 37. v. 20. e Aug. l. de mend. c. 21. epilog.

CAPUT XXXVIII.

*Quam varie & quam graviter lingua
Mordax noceat.*

IN Occidentis India piscosam esse voluminem ferunt, multæ admirationis; nomen ei Alcatraz. Hæc prominente rostro notissima incolis, plumas cinereas croceasque mixtim habet, rostrum ei duorum palmorum est, & æve pæne tota longius, simul etiam acutissimum.

Lingua est, quæ congruo nomine *Mordax* dicitur, non absimilis Indicæ huic avi Alcatraz, si quidem; non tantum rostratos imperus habet, sed pæne tota rostrum est, ad idfigendos morsus aptissimum.

Hanc *Mordacem* linguam seu illa dentibus armata sit, seu rostro, animus est prosequi, sed brevi dissertatione.

I. Eustathius interpres Homeri, Cypriis eam fuisse legem affirmat, ut si porcus alienas segetes depasceretur & vastaret, fundi possessor, dentes ei truncare licite posset. Lingua mordax tam frequenter in alienos agros excurrit, & obvia quæque dentibus vastat, ut optandum prorsus Lex illa Cypria reviviscat, de noxiæ feræ truncandis dentibus. Jure merito exclamem: O Lingua ossibus cares, sed ossa comminuis! O Lingua Mordax quam tibi dentes sunt acuti, qui vel ossa ad ipsas usque medullas penetrent! Queritur Hebraus a Psaltes: *Tota die cognovit injustitias lingua tua: sicut novacula acuta fecisti*

fecisti dolum. Eccur officium menti distribuit
linguæ? nunquid & lingua cogitat, & in-
tellectus vicem fungitur? Acute & sapien-
ter dictum, *Cogitavit.* Etenim lingua Mor-
dax tam esse solet celer, quam tere ipsa
intelligentia: quid velocius cogitatione?
non minus velox est linguæ morsus, vix al-
ter os pandit, & jam morsum sentit ab alte-
ro. Sed hæc divinæ vindictæ trutina est æ-
quissima, utqui alteri dentes suos dat gu-
standos, etiam alterius gustet, ut qui mor-
derit, mordeatur. Id luculenter Aba-
cuc a prædicens: *Nunquid non repente, inquit,
conspurgent qui mordeant te, & suscitabuntur la-
cerantes te, & eris in rapinam eis?* Sionis Rex
David mordacitati huic curandæ remedium
dicat, quale nec Æsculapius, nec Avi-
cenna, nec Galenus, nec ullus Hippocra-
tes, sed nec Apollo ipse suggererit: b *Quid
detur tibi,* ait, *aut quid apponatur tibi ad lin-
guam dolosam?* Velut medicus loquitur, qui
agroni linguam inspicit, num ea sit adusta,
num scabra, num lentore glutinosa, & ex
his signis pronuntians: *Quid ergo detur tibi,
aut quid apponatur tibi? Sagitta potentis acuta.*
Hoc cogita, hoc frequenti meditatione ver-
sa: si tu mordacem linguam tuam non
coercueris, aliorum pariter in te linguas
sagittarum instar acuendas. his jaculis con-
figeris, ut quod tu aliis feceris, hoc ab aliis
& ipse tibi experiaris fieri. Talibus sagittis
Deus rebellem contumaciam sternit. Mor-
deantur, qui alios moribus appetiverint.
Neque unquam deerunt, quibus ut instru-
mentis utatur Deus. Rex David hos morsus
sen-

sentiens. a *Acuerunt, inquit, linguam suam sicut serpentes, Dentes eorum arma & sagitta: & lingua eorum gladius acutus. Ferro & chalybe conflata sunt verba illorum, si molem spectes; si celeritatem, jaculorum alas prævertunt, In regia Saulis aula hoc ipsum expertus est David, cujus fama complurium dentibus, Doëgi præsertim, fœde lacerabatur. Sed nec suammet conjugem Micholem in se mitiorem habuit. Hæc femina dentes aprugnos marito regio infixit, nec tamen aliud sibi sumpsit convellendum, quam magnam in Deum pietatem. Audite mordacissimos: *Quam, inquit, gloriosus fuit hodie Rex Israël discooperiens se ante ancillas servorum, & nudatus est, quasi nudetur unus de scurris. Quid quæso potuisset acerbius dici aut mordacius? Compendium hic habes irrisus, calumnix, sarcasmi, scommatis, morfus. Neque tamen Rex David hic dentibus caruit, sed plane modestus, & qui defenderent potius, quam laderent: a Vivit Dominus, inquit, quia ludam ante Dominum, qui elegit me potius quam patrem tuum & quam omnem domum ejus (hoc habe mea Michol) & ero humilis in oculis meis: & cum ancillis, de quibus locuta es gloriosior apparebo. Qui venari vult apros, canes alex committat necesse est; qui certare vult dentibus dentes sentiet, & morsus moribus fideliter repensos.**

II. Germanis ridiculum ut videtur, imprecandi genus est, sed opinione gravius. Solent illi joco, ut verba sunt, imprecari:

Ut

musculus commordeat. Malit quis morderi à Leone, ut vel honesto vulnere insigniatur, velut morte gloriosa occumbat. musculi morsus infamis est. Lactantius egregie docet, quo artificio Deus in ore humano fornicem struxerit: sub hoc molli fornice, sub hac camera, palati lingua, velut musculus cavo abditus latet. Et quamvis dentes, ossea * cataracta porta, sit objecta, & quamvis labia, ostium coriaceum sit opansum, quod nec aura quidem penetret: hæc tamen quandoque omnia frustra sunt. Subito musculus ille profilit, & celerrime mordet, quo nequissimos canes imitatur, qui per blandimenta accedunt, & dentibus repente invadunt. Sed nequam ille musculus, non pedes tantum, ut plerunque canes, sed digitos, aures, oculos, crumenam, & quicquid hominis est, admordet. Etenim lingua Mordax, modò istius suspectas opes, illius modò ridiculam paupertatem, modo hujus infacundam balbutiem, jam alterius incultos mores, jam quorundam supervacuas curas, jam aliorum (cum alia non potest) distortum os mordet. Raras habet ferias lingua his morsibus assueta.

Proponit Tullius ænigma, quod quinque omnino literis constat, triplici LLL, & geminis MM. Jurgium erat inter duos, quorum iste Memmius, ille Largius audiebat. Demum ut verbis pondus accederet, etiam dentes strinxerunt: præcipue Memmius, qui ut canem commodius ageret, hominem exuit, & brachium Largii fæde corrogit. Hinc natum illud:

O.o

Lan

Lacerat lacertum Largii mordax Memmius.

Hoc equidem vere mordere est, non dentatis solum dictis configere, sed ipsos etiam dentes adjungere. Utrunque barbarum, utrunque inhumanum, alterum etiam caninum est. Hic Paulus a severe minatur, atque; *Si invicem*, inquit, *mordetis & comeditis, videte ne ab invicem consumamini*. Si descendant in certamen duo pugnaces, jurgiosi, duo detractores aut lividi, & comedent & mordebunt invicem: videant ergo ne ab invicem consumantur.

Profecto mordax lingua non raro cædium causa extitit: b Heidelbergæ ante annos complures convivium socialiter institutum, convivæ salibus etiam ac facetiis condierunt. Fuit inter hos conviva mordacior, quam facetior, & cerum aliquem è præfenti corona petiit: Alter jam aliquoties dictis mordacibus saucius, cum ea nec artificiose eludere, nec patienter perferre posset, impatentia victus abiit è convivio, ultionem coquens in accenso pectore. Hoc autem in via apud se consilii reperit: certo in tenebris loco operiri, & cum mordax adversarius esset transiturus, stricto eum gladio salutare, & saltem in fugam compellere, ut esset quod in eo focii riderent. Non fefellit hominem locus & occasio; adest adversarius in insidias delatus; hic alter stricto in eum gladio irruit. Sed nec iste cessit cum probe incaluerit vino, quod etiam in prælia trudit inermes; ita stetit vim vi repulso.

a Gal. c. 5. v. 15. b Manlius tom. 2. collect. præcept. 5. mihi pagina 252.

pulsurus. Ergo insidiator majori conatu in hostem insurgit, cujus poplitem ita læsit, ut ex eo vulnere paucis post diebus fuerit mortuus. Hanc cædem una oris mordacitas paravit. Ubi non ad cædes instigat mordacitas, odia certe immortalia infeminat animo.

Fuit ut in conclavi^a aliquot principes Germaniæ Maximilianum II. Imperatorem brevi proditum expectarent. Sermones varii, & fere, ut solet de bellis & rebus exterorum. Hic unus principum, juvena exultans, facetias spargere nec gestu semper decoro uti, imo etiam nonnihil vitulari. Acerbiore hoc oculo notavit principum unus, magnæ auctoritatis, qui mores tam solutos aceto stringendos censens, libera voce: Domine Landgravi, ait, videor mihi nosse, cui stomacho cibus fores aptissimus. Cui nam, inquit iste? Mox alter princeps: * Meorum leonum, ait, nam multum carnis vitulinæ habes. Mehercule satis mordaciter dictum; sic notari solent qui petulanter se gerant, & vitulantur. Nec tamen os preffit juvenis Landgravius, & lingua jam concitatore; Videor, inquit, & ego mihi nosse ad quam rem tua celsitudo perquam idonea foret, si liceret id proferre, & a quo ferretur animo. Licet, inquit, princeps, nec iniquo id animo feretur. Tum Landgravius promptissime: † Tua celsitudo, inquit, mire

O o 2 oppor-

^a Manlius tom. 2. collect. mihi pag. 302.

* Ihr weret recht für meine Löwen / dann ihr habet viel Kalbfleisch

† Ewer Gnaden wer gut daß man jung Affenbey ihr auffezug / damit sie vntrew lernetten.

opportuna esset ad educandas adolescentes
simias, quo perfidiam celerius addiscerent.
Hi verborum morsus reciproco dente in-
fixi, immortalis odii fuerunt plantarium.

Non multò suavius Jureconsultum mor-
ditur vir nobilis. Convivam egerat Jure-
consultus apud nobilem virum, cumque jam
domuitionem pararet, ac valediceret, voca-
tus est morio, quem digito monstrans No-
bilis: Domine Doctor, inquit, nunquid &
ego hic exercitatum probe doctorem habeo?
Ad quæ conviva ex tempore: Profecto, in-
quit, bene mones, huic ego simillimum
domi meæ alo, è tua familia nam: Vale,
Amicitiam & inter istos etiam hi morsus dis-
suerunt. Mordaci lingua careat, qui amicos
vel novos ambit, vel retinere cupit veteres.

III. Gregorius a Turonensis præsul me-
morat, quosdam è Theodorici regis exer-
citu milites, in sancti Juliani templum ma-
nus inferre ausos, pauperum reculas illuc
veut in asylum coliatas diripuisse; sed Ne-
mesin à tergo hæsisse, sacrilegos in furorem
versos, à se ipsis laceratos esse dentibus.
Quis furor, ô viri, quæ vos agitat infania?
saltem à membris propriis dentes abstine-
te. Hoc inter Christianos magnis clamori-
bus urgendum: Quid ô Christiani mutuis
vos morsibus fatigatis? Quid ô mordaces
Memmi, non lacertos dentibus, sed aculea-
tis dictis laceratis animos? Eone vos furor
impellit, ut vestra etiam membra discerpe-
re voluptati sit? An verò ignoratis, b Quo-
niam invicem membra sumus? unus certè corpo-
ris.

a Greg. Tur. l. 3. hist. Franc. c. 11. b Ephes.

ris. Qui hominem sibi similem tam barbaro
 laniatu invadit, hoc agit quod os famis im-
 patiens facit, cum brachium in eodem cor-
 pore sibi proximum dilaniat, placandæ fa-
 mi. Et nos *invicem membra sumus*. Quisquis
 alium læsit, ipse sibi nocuit. *Quoniam invicem membra sumus*. Quid ergò dum alios pe-
 timus, nos ipsos ferimus? Quid pro verbis
 dentes jaculamur, neque tam dictis quam
 moribus pugnamus? Subit memoriam miles
 Lusitanus, qui in Diensi obsidione, cum
 glans plumbea deesset, ipse subito consilio
 dentem sibimet excussit, eoque fistulam æ-
 neam oneravit, explosit, faucia vit hostem.
 Neque piget elegans de hoc prælio Epi-
 grammata subungere:

a *Arx ubi Memnonias arcebat Ibera phalan-*
gas

Aliernoque frequens ibat ab hoste cruor:

Ferreæ confertum spargebat Iberus in Indum

Fulmina, glandifero fulmina parva tubo.

Nec casso tonuere metu; sed sparsa cadebant

Certius, ac Getica torta sagitta manu.

Nam quot tela tubus, tot habebat funera cam-
pus.

Sape simul strages glans dabat una duas.

Letiferi demum defecit copia teli,

Quasitque manum destituere globi.

Insultare magis tamen ac magis institit Indus,

Nudaque contempto valla subire metu.

Non tulit exermis ludibria barbara miles:

Tela mihi desint; telum Ego, dixit, ero.

Extrahit inde oris genuinum è carcere den-
tem.

Fartaque dentatis glandibus ara gravat.

O O 3

Con-

*Continuo clypeos & athena repagula rumpunt,
Et penitus lacerant ossea frustra sinus.*

Quæ novus iratis manibus furor arma mini-
strat?

Ore, sibi ut possit tela parare, parit.

Prælia nunc nostris profer Samsonia! Sam-
son

Maxilla; nostri prælia dente gerunt.

His nos armis quotidie præliamur, nam ut hosti gravius noceamus, ipsos etiam dentes spargimus, ubique rixæ, ubique dentatissima jaciuntur tela, voces ubique mordacissimæ sparguntur. Vide mihi hominem præfracti cerebri, turbidum, altercatorem, iracundum, quantum hic acrimoniæ in verbis habet, ut rictum jactat, ut morsus dividit! ut obvium quemque adversarium sibi statuit, & morsu premit! quisquis in hunc incurrerit, hostis est, & mox dentes sentiet. Cave canes qui non latrare solum, sed & mordere solent. * Cave feles, quæ tergo nitent sed unguibus & dentibus nocent.

Cum infans plorat, subinde nutricis consilium est, impingendum illi esse calicem mulsi, ut plorare desinat. a *Mordacem alterius linguam vix aliter placaveris: aut enim silendum tibi est, aut quam mollißimè loquendum. Responsio mollis frangit iram, sermo durus suscitatur furorem.* Si ergo vis ut alter desinat mordere, tu ei mulsi calicem impinge: verborum dulcedine hominem delinè aut file, & abi. Mordacem linguam haud aliter effugeris,

* Pfui dich Kästlin / wie hastu ein so glatten Balg / vnd schärfte Klatten! du thust wie affe Ragen / die hornen lecken / vnd hinten fagen.

a Prov. c. 14. v. 1.

fugeris, & correxeris. Hæc offa hos canes sopit.

CAPUT XXXIX.

*Lingua Murmurans quàm ubique ob-
via sit, simulque supra mo-
dum noxia.*

GRave oris vitium est spumare, & eos quibuscum loquaris, velut pluvia minutim rorante perspergere, ut auditores tui non tantum te audiant, sed & sentiant loquentem, sparsione inamœnissima rigati. Hoc oris vitio laborat, quisquis recta monentibus aut jubentibus obmurmurat. Talis fuit Evangelicus ille vinitor, qui patremfamilias hac oris spuma inundans: *Hi novissimi una hora fecerunt*, inquit, & pares illos nobis fecisti, qui portavimus pondus diei & æstus. Nec ille solus patrefamilias oblattravit; æcclesas etiam habuit æque fremebundos, ob iliberale, ut ipsis videbatur, diarium. Hos Matthæus describens: a *Et accipientes*, inquit, *murmurabant adversus patremfamilias, arbitrati quod plus essent accepturi.* Fœdisputatores, de quibus verè dixeris, qui plurimum murmurant, minimum laborant: Lingua tam prompti, manu plerumque tardi sunt.

Hanc infamem oris spumam nunc detergemus, explicaturi, quàm fœdum & grave, sed & quàm usitatum sit vitium, Obmurmurare. Itaque lingua *Murmurans* nunc emendanda est.

I. Fabularum parens Æsopus, prout ipse est mos, hanc texit narrationem: Homini pagani filius, cochleas ædiculis suis etiamnum clausas lixavit, cumque stridorem ederent: ô male bestiolæ, inquit, quæ tum maximè caritis, cum vestræ vobis domus incenduntur! Hæc Christianæ virtutis indoles est, tunc demum lætum canere, cum omnia sunt turbatissima. Beatus Paulus a variis ærumnis pressus: *Repletus sum*, inquit, *consolatione, superabundo gaudio in omni tribulatione.* perinde si dicat: Nunc mihi est optimè; cum pessime habeo; nunc canto exuleans, cum vultum lachrymæ turbant. Hoc animo erant Christianorum primi, qui rebus omnibus ereptis, cum jam ducerentur jugulandi, cum jam flammæ cernebant suo capiti minitantes, eum tamen vultum præ se tulerunt, iis lætitiis incessebant laudantes gratantesque, ac si ad semestrem Affueri epulum irent. Hos idololatræ sæpissimè mirati, querebant mutuo: Quod genus hoc hominum? qui quo pejor tractantur, hoc animosius exultant; res hæc pæne supra exemplum est. Perfectæ scilicet patientiæ signum erat, & quod Mundum omnes res sibi suas habere jussissent, solo Deo contenti. Ubi patientiæ defectus est, non opus bonis exuere, domum incendere, ad mortem raptare; minores machinæ sternerent. Homo impatiens rebus levissimis in furorem agitur: explora, & hunc talem vel minimo digitulo rude, tres obolos aut quadrantem ei subtrahere, & querelis incesset Cælum terramque, tonabit, mugiet, mura-

murabit, & fremet velut infans, Et hoc est *Murmurare*: querelas cum impatientia effundere. Mala radix, quid ab ea boni expectes? si quidem murmuratio aut è superbia, aut ex avaritia, aut ex invidia, aut ex magna nascitur impudentia. Elati supercilii Phariseus, qui Christum convivam habuit, & Magdalenam super convivio uetricem admisit ob elationem clam murmurans: a *Hic si esset propheta, inquit, sciret utique qua & qualis est mulier, qua tangit eum.* Judas Iscariotes nequissimus proditor, ob avaritiam murmurans: *Quare, b inquit, hoc unguentum non venit trecentis denariis, & datum est egenis?* Dixit autem hoc non quia de egenis pertinebat ad eum, sed quia fur erat, & loculos habens. Vinitores illi ob invidiam potissimum murmurabant, illud graviter questi: *Hi novissimi unâ horâ fecerunt, & pares nobis fecisti.* Hebræi cum in vastissima eremo iter facerent, ob magnam laboris impatientiam murmurarunt: c *Nam ortum est murmur populi quasi dolentium pro labore contra Dominum.* Hæc verè Judaica est cantilena: Judæos habent magistros qui murmurant, illi magistrum habuerunt Cainum qui de fratre interrogatus, respondit, d *nescio: nunquid custos fratris mei sum ego?* Judæos Deus tam amicè ac humanè tractare nunquâ potuit, quin sæpè obmurmurarent. Clamores illorû assidui erant isti. e *Forſitan non erant ſepulchra in Egypto, ideo tulisti nos, ut moreremur in ſolitudine. Quid bibemus?* Et murmuravit f omnis

O O 5

con-

a Luc. c. 9. v. 39. b Ioan. c. 12. v. 5. c Num. c. 11. v. 1. d Gen. c. 4. v. 9. e Exod. c. 14. v. 11, f Exod. c. 15. v. 24. & c. 16. v. 3.

congregatio filiorum Israël contra Moysen & Aaron, dixeruntque, utinam mortui essemus per manum Domini in terra Egypti, quando sedebamus super ollas carniū, & comedebamus panem in saturitate: cur induxistis nos in desertum istud, ut occideretis omnem multitudinem fame? Vix feda. o hoc populi fremitu, mox ortus est animus, nam confusis clamoribus vociferabantur: a Quis dabit nobis ad vescendum carnes? Recordamur piscium quos comedebamus in Egypto gratis, in mentem nobis veniunt cucumeres, & pepones, porrique, & cepe, & allia. Anima nostra arida est, nihil aliud respiciunt oculi nostri, nisi Man. Hæc illi perpetuis querelis urgebant: modo panem, modo aquam, modo carnes deesse conquerebantur. nunquam non fremebundi contra Deum & obmurmurantes. Hinc Augustinus: De nulla re magis, inquit, Deum offendisse populus ille Iudæicus dicitur, quam contra Deum murmurando. Neque vero Deus quidquam punit, atque insipientis vulgi murmura; noxas alias dissimulavit sæpè, murmur continuò semperque castigavit. Siquidem ob hanc murmurationis culpam, è tanto numero (trigefies centena millia putantur fuisse) nemo omnium nisi Caleb & Josue, in uberes terras penetrarunt; his duobus solis exceptis, reliquos omnes eremus hausit, vastissimum sepulchrum omnium. Neque hæc culpa solo hoc supplicio stetit: Ob murmura extremam castrorum partem devoravit ignis: ob murmura serpentes ignei obloquentes lacerarunt. En severam Dei iustitiam! oblocutores, velut famosi latrones candenti ferro,

scu,

seu, ignita forcipe carpebantur. Nam colubri velut carnifices in reos immisi, ut linguis & morsibus eos lacerarent, qui linguis & murmurationibus deliquissent. Sed nec charissimi Moyſis sorori parſum. Maria prophetae maximi soror germana; & ipsa quoque vaticiniis ac miraculis clara, fœmina Deo charissima, quia tamen non nihil obstrepere ausa, gravi supplicio hanc linguae procaciam luit. Sed quid hoc adeo mali? linguam Maria non immodicè lovisse audita est: fratrem duntaxat ob Æthiopissam conjugem perstringens: *Num, a* inquit, *per solum Moyſem locutus est Dominus?* sed dicti, ut videbatur, minimè noxii pœnas audite. Principio quidem, ut scirent qui obmurmurare consueſſent, quantum alios suo vitio commendarent, dum sibi plurimum nocent: Deus effusè Moyſen dilaudans: *At non talis,* inquit, *ſervus meus Moyſes, qui in omni domo mea fidelissimus est, ore enim ad os loquor ei.* Mox Nemesis hæſit in tergo murmurantis. Et ecce Maria apparuit, lepra candens quasi nix. Clamavitque Moyſes *b* ad Dominum, dicens, *Deus obsecro sana eam.* Cui respondit Dominus: *Si pater ejus spuisset in faciem illius, nonne debuerat saltem septem diebus rubore suffundi? ſeparetur septem diebus extra castra, & poſtea revocabitur.* Excluſa est itaque Maria extra castra septem diebus: & populus non est motus de loco illo, donec revocata est Maria. En quam Deus in murmurantes rigidus est? Fœmina cæteroqui probatissima, ob murmurationem elephantiaſi punitur, è caſtris inſuper ejicitur, & ut toti populo deli-

ctum

Et cum magis innotesceret, tot centenamilia nec loco se movent diebus septem integris, dum unius sceminae murmur expietur. Et quod amplius est, nullae vel charissimorum preces, nulla mitissimi Moysis deprecatio patrocinari hic valuit; Deus huic vitio inexorabilis fuit. Tam non levis noxa est Obmurmurare.

II. Eadem hac divinae vindictae ratio in aliis luculentè cernitur. Core, Dathan, & Abyron ex Hebraeae plebe principes cum aliis ducentis quinquaginta vocati à Moyse: a *Non venimus*, ajunt, *nunquid parum est tibi quod eduxisti nos de terra quae lacte & melle manabat, ut occideres in deserto, nisi & dominatus fueris nostri?* Revera induxisti nos in terram, quae fluit rivis lactis & melis, & dedisti nobis possessiones agrorum & vinearum, an & oculos nostros vis eruere? non venimus. Hæc in Moysem audacius oblocuti, cum uxoribus & liberis, cum omni familia & universis affeclis pœnas dederunt improbæ libertatis. Nam terra quam indigni calcabant, horrendum repente contremuit, & undante superficie, non secus quam pelagus vento fluctuans, universum populum terruit: b *Immani mox sonitu eliso, quæ seducti tendebant, dehiscens solum subsidit, & eodem momento omnes ad unum absorbuit, descendentesque vivi in infernum aperti humo, & perierunt de medio multitudinis.* Sublatis in hunc modum protanis, iustus ille ita rursus clausus est, ut ne vestigium quidem ejus superesset. Hic finis murmurantis factionis,

a Num. c. 16. v. 13. & 14. b Num. cap. 16: v. 33.

Etionis, illustre argumentum divinæ vindictæ, quam Ambrosius a tragicè descripsit his verbis : *Immugiens terra in medio plebis scinditur, aperitur in profundum sinus, abripiuntur noxii, & ita ab omnibus mundi hujus ablegantur elementis, ut nec aërem haustu, nec cælum visu, nec mare tactu, nec terram contaminarent sepulchro.* Cessavit pœna, non tamen cessavit malitia. Dum hæc geruntur, novum insurgit murmur. *b Murmuravit autem omnis multitudo filiorum Israël sequenti die contra Moysen & Aaron.* Fit quandoque ut eo ipso tempore, quo furum aliquis in furcam attollitur, interea fures alii inter confertos spectatores præfacent marsupia. Ita Judæi, dum murmurantes tribules horribili supplicio afficiuntur, ipsi contumacius murmurare incipiunt. Protinus superne vox ruit : Etiam nunc delebo eos. Illorum igitur pœna, inquit Origenes, emendatio sit nostra. Qua de re graviter & accuratè c Chrysostomus : *Vides, inquit, quod eos erudiat, ne moriantur ? Est enim servorum improborum & insensatorum murmurare.* Melius fuerit nihil operari, quam cum murmuracione. nam & quod factum est, perit. An non vides, quod & in ædibus nostris ista perpetuò dicimus : nempe, satius esset hæc non fieri, quam murmurando fieri. Et sæpè malumus ministerio privari, quam murmurantem sustinere. Gravis enim, gravis, inquam, est murmurator, & vicinus blasphemix : alioqui cujus gratia tantum illi

a Ambr. l. 10. ep. 82. b Num. cap. 16 v. 47.

c Chrys. tom. 4. hom. 8. in ep. ad Philip. med.

illi supplicii dederunt? Ingratitudo est res ista. Qui murmurat, ingratus est Deo. Qui autem Deo ingratus est, blasphemus quoque est. Sed hæc nobilissima Graci oratoris admonitio plerunque parum obsequentes habet auditores. Illa Judaica labe Christianos etiam nimium quantum inficit. Pronissimum est cuique contra Magistratum, Præsides, Majores, contra quoscunque alios, contra Deum ipsum tacitis querelis murmurare. Olla vacuæ simillimi sumus, crepat hæc igni admota, quia vacua: ita nos patientiæ inanes, cum calamitatum flammis admovemur, graves impatienciæ fragores edimus, crepamus, rumpimur. Hoc certè fateri cogimur, mentis ac frontis serenitatem obnubilari, cum adversa premunt; Deum quidem rogaturi accedimus, sed vultu dejecto ac tristi, jamque proximi ut murmuremus. Gregorius Nazianzenus suas calamitates ipse versu explicans, inter reos se statuit:

Sapè, fatebor enim, in mentem mihi venit iniqua

Carpere voce Deum —

Hoc inde oritur, quia quid nobis expediat, ut plurimum ignoramus, divitias paupertate, honorem ignominia, valetudinem morbo meliorem semper dicimus impetivissime. Nam, uti Siracides monet et a Non est dicere, hoc nequius illo est. Iluminis moribus profuit, quos perdidisset valendo; innumeros evexit inopia ad calum, quos opulencia ad Orcum misisset, quam multos ignominia sapere docuit, quos honor de-

mentire

mentire fecit. Quare, a *Non est dicere, quid est hoc, aut quid est istud? omnia enim in tempore suo quarentur.* Opimè dixit Gregorius: *Qui cum oraverit, non exauditur, aut, contra conditoris flagella murmurat; quasi cum Deo in iudicium intrat. Nam ille solus de flagello murmurat, qui causam percussoris ignorat.* b *At verò vir prudens, inquit Siracides, & disciplinatus non murmurat correptus.*

III. Hic mihi veniam dabit, ô mortales, si quid liberius dixerò. Tam crebræ tam & quotidianæ sunt vestræ adversus Deum murmurationes, ut mirum sit non vos omnes necari fame aliove supplicii genere: quantum murmuratur contra cælum, & contra conversiones commutationesque tempestatum cœli? hem audax Japeti genus! in cæno volumur, & astris legem dicere, cœloque dictata scribere non veremur. Inde est quod modo nimios æstus, modo frigus nimium: jam intempestivas & nimis diuturnas pluvias, jam siccitatem nimiam queramus: nunc ventos Æoli famulos accusamus, nunc serenitati aut maliciæ indignamur, nunc terræ, nunc mari, cœlo pænè semper irascimur: huic nimium hordei crevit, huic nimis parum; uterque murmurat: huic parcior videtur puvia, illi plus æquo copiosior. Nec advertimus infantes stolidi, hæc murmura in Deum ire, qui cœli tempestatumque Dominus est. Quoties audias & senes & pueros hæc talia nullare: Tempestas fœda, execranda, pessima, cælum grave nimis, insalubre, malignissimum.

Præ-

Præclare hic Salvianus: *a* Sine murmure, inquit, & querela nos Deus esse præcepit. Quando autem hæc in humano genere non fuerunt? si æstus est, de ariditate caussamur; si pluvia, de inundatione conquerimur: si infæcundior annus est, accusamus sterilitatem: si fæcundior, vilitatem. Adipisci abundantiam cupimus; eandem adepti accusamus. quid dici hac re improbius, quid contumeliosius potest? Etiam de misericordia Dei querimur, quia tribuit quod rogamus.

Considerate mihi obsecro, tres solum feminas, quarum una telam lineam lavat, & hæc quidem solem ac serenitatem votis omnibus poscit; altera plantat olêra, hæc cœlum pluvias rogat; tertia jûniperino gummi parietes * linit, hæc ventos invocat. quid jam cœlum faciat? huic solem, illi pluvias, huic ventos mittat? hoc certè postulatur: non fit? liberalissimè murmuratur. Et quoddam huc cœli regimen, quis Deus iste, qui ad omnium tam diversa vota tempestatem attemperet? stultissimi mortales, quid murmuratis non fieri, quæ fieri non possunt, non debent? Et quis mechanicus opifex est, quis cerdo, quis sator sui opificii exactè peritus, qui ferat sibi ab imperitissimis quibusque suæ artis regulas dictari; & rex summus patiatur sibi à servulis vilissimis Orbis gubernandi ordinem ac formam præscribi? quid hoc agitis insani homunciones, vos Deo modum suggerere, & obmurmurare si contra fiat? Nemo mire-

SUI

a Salv. l. 3. de guber. Dei.

* Jirneiss.

tur variis Orbem cladibus exerceri, & jam terram non respondere, jam cœlum excandescere, & in murmurantes, grandine, nimbis, nivibus, fulmine animadvertere, & sopita clade una, inferre alteram. Hoc Deus agit, quod pater, qui filium cœdit. Si obluſctetur ille atque murmuret: Quid, ait, parens, nequissime puer, tu etiam patri tuo obmurmurare? tu plagas spernere? faxo hanc oris intemperiem intergo sentias. Mox denuo puerum corripit, & tamdiu pulsat, dum murmurare desinat. Hic subinde mater conciliatricem se interponens: Ne ſavi, ait, mi vir, ætatis tirocinio peccavit, imprudens puer est. Propterea, inquit pater, expellenda est plagis hæc imprudentia; discat ſapere, & castigatus non murmurare. Sic omnino Deus hos igne punit; murmurant: punit serpentibus; murmurant: punit hiatu terræ; murmurant. Bene est, jam novæ inſonant plagæ, jam brachium vi magna tollitur, punientur & gladio: Ita & nos honoribus exuimur; murmuramus: fortunis evolvimur; murmuramus: morbis corripimur; murmuramus: curis & angoribus premimur; murmuramus adhuc. Deus tandem velut exacerbatuſ pater: Quid? vos conditori toties reclamare, toties obſtrepere patri? faxo, ſentiat is hanc linguæ proterviam: Vos in manu mea, ut levis pila, ut fragile vitrum reſiſtitis? humiliſſidam & conteram: omne mihi juſ in voſ eſt, viæ neciſque: & ego voſ feram obſtrepentes? nunquam hæc tali, nunquam feram, nec quidem in amiciffimis.

En, ô mortales, vestri murmuris insatiam: a obloqui Deo furiosum nimis est. Quis resistit ei & pacem habuit? Omne vita nostra momentum, Deo transcriptum est. Eleganter dixit Bernardus: Iuste sibi vendicat meam vitam, qui pro mea posuit suam. Quisquis igitur divinæ voluntati suam vult integrè conformare, cum primis omne murmur caveat, dicatque in rebus omnibus: Ita Pater, Ita Pater, Ita mi Pater: æquum est, bonum est, quicquid fecisti & iussisti, quicquid facis & iubes.

I V. Neque Deo solum non obmurmurandum, sed nec Magistratui, nec hominum ulli, Errat magistratus, hallucinatur dominus? iudicem suum non evadent: b *Non est discipulus super magistrum: Non est servus major Domino suo.* Sed neque ulla murmuratio magistratum, aut dominum emendabit, si errent. Saul Hebræus rex, quod fasti Regum memorant, à suo milite secessit in specum, purgandæ alvo. Hic David & ipse cum suo milite delitescens, clam adrepsit, & regię chlamydis partem præcidit. Nec ultra manui licere voluit. Hoc Gregorius exponens: *Quid per Saul*, inquit, *nisi mali domini, quid per David, nisi subditi intelliguntur?* David etsi potuisset occidere, voluisset tamen nec vel tantum quidem tetigisse, quia boni subditi non solum non ferrum, sed nec linguam quidem in dominos stringunt obmurmurando, quod si exteriora quidam reprehendunt, oram paludamenti præscindunt; sed quemadmodum David cor suum percussit, eo quod chlamydis limbum abscidisset, ita & illi

a. Job c. 9. v. 4. b. Luc. c. 6. v. 40. & Ioan. c. 13. vers. 28.

& illi redeunt ad se atque castigant se, ob minimam etiam murmurationem, & Davidem a voce præeuntem sequuntur, dicuntque: *Propitius sit mihi Dominus ne faciam hanc rem, domino meo Christo Domini.* Addit Gregorius: Qui contra propositam sibi potestatem murmurat, liquet quod illum redarguit, qui eandem potestatem homini dedit. Ita prorsus b Moyses & Aaron ratiocinati: *Nos enim quid sumus, inquiunt, nec contra nos est murmur vestrum, sed contra Dominum.* c Deus ipse haud aliter questus est: *Usquequo detrahet mihi populus iste? Usquequo multitudo hæc pessima murmurat contra me?* Idcirco altissimum vociferatur, & monet æterna d sapientia: *Custodite vos à murmuratione quæ nihil prodest.* Sed tam effrenes sunt atque indomiti affectus nostri, tam impatiens legis est lingua nostra, ut sæpe non ignari faciendæ jacturæ, nihilominus in perniciem nostram effusissime murmuremus. Hanc murmurandi licentiam explicaturus e Siracides: *Præcordia fatui, ait, quasi rota carri, & quasi axis versantis cogitatus illius. Rota non inuncta stridet; os male institutum facillime murmurat.* Ajunt nemini pileum posse imponi ab alio, ut exacte quadret capiti, hinc eum alter plerunque aliter reponit; plurimis quicquid feceris, importune feceris, & incommode: carpunt, emendant, aliter faciunt, & hoc quidem, ajunt, melius debuisset fieri, hoc ita faciendum est. f O * mures alpinos, qui

P p 2

furta

a 1. Reg. c. 24. v. 7. b Exod. c. 16. v. 9. c Num. c. 14. v. 11. & v. 27. d Sap. cap. 1. v. 11. e Eccli. c. 33. v. 5. f De quibus Plinius l. 8. natur. hist. c. 37.

* *Murmeltierlein.*

furta sua in montes convehunt, ita vosplerun-
 que in latebris reusitatis, uti mures. Et
 hæc murmura vestra jam Deum, jam magi-
 stratum, jam aequales, jam etiam res inani-
 mas petunt, uti canis lapidem in se missum
 invadit morfu. quid hic ænium lucri
 est? dentes perdes. & quod cupias non
 obtinere. Beati Francisci Assisiani socius
 Egidius, cuidam obmurmuranti, quod si-
 bi pœna delicto gravior injungeretur, op-
 portunitissime in os occurrentis: a *Quanto*
plus murmuras, inquit, tanto amplius reone-
ras: & quanto humiliter famæ obedientia jugo
caput submiseris, tanto tibi levius futurum erit
onus.

V. Mellissimus Doctor b Bernardus, sed
 hic profecto non mella stillans: Grave pec-
 catum, inquit, est murmuratio. Regnum calo-
 rum nullus qui murmurat accipit: nullus qui il-
 lud accipit, murmurare potest. Virtutes perdi-
 mus, si pro cibo vel potu murmuramus. Igitur
 necessarium est valde nobis consilium Pauli A-
 postoli, dicens: Neque murmuraveritis, sic-
 ut quidam eorum murmuraverunt, in deserto
 videlicet & perierunt ab exterminatore. Lin-
 guas ergo nostras à murmuratione custo-
 diamus, ne (quod absit) sicut illi perierunt
 in hoc sæculo, nos pereamus in futuro. non
 ergo murmuremus, ne forte sicut illi pe-
 rierunt in hac vita, nos pereamus in futu-
 ra. Caveamus ab omni murmuratione, ne
 forte quod illi passi sunt in corporibus, nos
 patiamur in animabus. Iterum Apostolus
 consulendo nobis loquitur dicens: Neque

tente-

tentemus Christum, sicut quidam eorum tentaverunt & à serpentibus perierunt. Christum tentat, qui pro cibo, vel potu, vel vestimento murmurat, sicut scriptum est de eodem populo: *Tentaverunt Deum in cordibus suis, ut peterent escas animabus suis. Et murmuraverunt in tabernaculis suis, & non exaudierunt vocem Domini.* Omnis qui murmurat, venenum diaboli habet in lingua. Cavendum est ergo nobis à murmuratione, ne mortifero & diabolico veneno pereamus.

Hanc ob causam toties tamque varie hortatus nos Paulus: a *Omnia, inquit, facite sine murmurationibus & hesitationibus, ut sitis sine querela, & simplices filii Dei.* Quam sollicitè divinus hic Ecclesiastes monet, ne, cum Christiano nomine censeamur, Iudæi simus, & pereamus ab exterminatore: Illo nimirum exterminatore, inquit Bernardus, b qui positus est in hoc ipsum, ut a terminis beate illius civitatis arceat murmurantes. Custodiamus nos ergo à murmuratione quæ nihil prodest. Quisquis vult esse cæliti amicus, ne velit esse frater Iscariotæ Judæ proditoris, quem certe obmurmuratione in præceptis egit: nam postquam ausus est esse murmurator, nil veritus est esse proditor. Optime dixit beatus Antiochus: Murmurator est instar turbidissimi amnis; qui vero non murmurat; ille est rivulus. Hoc agamus, ô Religiosi, ô Christiani, jubeat, velit supra nos Deus, quicquid sanctissimæ illius Voluntati placuerit,

P p 3

nos

nos id omne sine murmure toleremus ; imperet magistratus , mandent domini , vellent æquales , non murmurando longe levius , quicquid erit oneris perferetur . In plurimis triumphare poterit , quisquis poterit nunquam murmurare .



N.

A. Fama tubam & volentem gladium ferens,
 oculis sistit Linguam Nugigerulam, mon-
 strum omni Proteo magis variabile, quod
 Orbem fabulis implet, & saepe tragedias jo-
 eo excitat. Hoc monstrum cundo crescit, &
 pleraque omnia vero majora nuntiat, &
 nec quidem cum vera dicit, falsis abstinere:
 & quamvis nugas duntaxat & affanias ef-
 fundat, nonnunquam tamen loco mille te-
 stium est. Nugigerula lingua semper noxia,
 tunc maxime cum nugas spargere videtur
 serias. Vide C. 40. totum.

N.

CAPUT XL.

*Quid monstri sit lingua Nugigerula, &
quam ea Mendacio affinis.*

FAcundissimus Græciæ Orator Demosthenes, cum ad populum Atheniensem verba faceret, observaretque nonnullorum aures languere, & oculos in somnum fatiscere, ingeniose vela vertens: Audite, inquit, viri Athenienses rem novam, & antehac inauditam: Duo quidam Megara ibant æstuante cælo, nec ullæ se arbores offerebant quæ foliis æstum temperarent. Alter asino vehens hoc unum subsidii reperit, infra asinum se abjicere captandæ umbræ. At comes qui jumentum equitæ elocaverat, hoc omni modo prohibere velle, & elocatum asinum dicere, non umbram asini. Vix hæc Demosthenes cœperat, cum omnes arreptis auribus astare, neminis oculi conquiescere, avidissime omnes rei eventum expectare: at Græcus Orator auditores increpare, fabularum famem objicere, nugarum sitim perstringere, vigilantiam ad seria postulare, denique ad causæ momentum attentos reddere. Notum humanæ gentis vitium est, rumores & nugas avidissime consectari. huic vitio bellissime subservit lingua, quam suo nomine *Nugigerulam* vocamus, ejus hoc munus est, nugas dicere, rumores spargere, facetias & jocos ferere, seria,

vix unquam libare, omnium aures fabulis mulcere, nova priscis, falsa veris miscere, absurda quæque pro novis, infecta & nunquam somnia a pro factis vendere. Hoc *Nugigerula* officium est, amplum illud, sed census exigui, & dispendii sæpe maximi, de quo nunc plura.

I. Vetus est Germanis verbum; Hominum stultorum manus in omni pariete monumentum relinquunt stultitiæ: talis est lingua *Nugigerula*, omnium aures rumoribus & fabulis implet, veris an falsis hoc ipsi non est curæ. Vix tenuis alicubi è latebris emergit rumusculus, mox adest *Nugigerula*, & partum hunc velut *Levana* tollit, eumque jubet protinus grandescere, atque ut formosior sit, lacinias ei amplissimas induit. Ita obvio cuique rumores ut recentem ac musteam, imo ut veram narrationem obtrudit, & plerunque vix quidquam veri habet: ita falsitas brevissimo tempore propagatur per Orbem. Quisquis rumorem audit, addi aliquid & affingit auditis, quicquid aut credulitas aut decorum suaserit. Hinc narrationes nascuntur monstruosissimæ, quæ demum omnem veri similitudinem exuunt. A quo uno *Nugigerula* commendanda est, quod ea narret sapissime quæ non multo egeant examine: primo aspectu liquet, quam excedat fidem narrata. Sicuti *Montanus* venter & gulo voracissimus primo morfu noverat, è quo littore mitterentur ostrea. Facetè *Juvenalis*:

a — *Circeis nata forent, an
Lucrinum ad saxum Rutupinove edita fundo
Ostrea,*

Ostrea, callebat primo deprendere morsu.

Ita prorsus narratiunculae quaedam, quas honesto nomine *Nova* vocamus, vix audiuntur, & fidem amittunt. Nam uti machinamenta olim lignea eo artificio compingebantur, ut cum in triumphorum pompa ducerentur, subito crescerent, & sese in altum efferrent, Poetae docent:

a *Et crescunt media pagmata celsa via.*

b *Vel qui more avium sese jaculantur in auras.*

Corporaque adificant celeri crescentia nexu.

Sic rumores ubi spargi coeperint, subito crescere solent, & in eam extendi magnitudinem quae credi non possit. Cautela hic opus maxima, ne dum *Nova* narramus, veterem perdamus fidem, & mendaces habeamur. Qui tantum audita refert, saepissime fallit, falsus ipse prior. c Thales à quodam interrogatus, quantum à vero falsum abesset? Quantum, inquit, oculi distant ab auribus. Sensit autem eos plerunque mentiri, qui audita solum, non visa referunt.

Si omne quod è fodinis eruunt metallici, argentum esset vel aurum, jam pridem Orbis hic noster deaurari potuisset, sed dum metallum, quod effossum est ab admistis sordibus, terra, saxis, arena fecernatur, ad lamellam exiguam redigitur: ita se habet rerum novarum recitatio, si demantur ficta, falsa, male percepta, per conjecturas addita, heu quam modicum purae putae veritatis remanet? plerunque dimidiam partem

con-

a Martial. lib. spect. epigramm. 2. b Claudianus de consulatu Manlii Theodosii. c Maximus Firm. 35.

confictum est, quod oratione verbosissima enumeratur. Verissime dixit Nicetas Choniates: Fama veritatem sæpe opprimit, nec certi quidquam adfert. Nimium quantum crescit eundo fama. Nec est quod miremur; frequenter omni opera & studio hoc agitur, ut falsissima quæque in populum spargantur, ut misera plebs ipse vanissima lactetur. Revocet quis in memoriam annum millesimum sexcentesium decimum septimum, & sequentes alios ad millesimum sexcentesium trigesium, quanta his annis, quamque monstrosa prodierunt figmenta? quæ tamen omnia sub honestissimo nomine rerum novarum vendebantur. Hoc unice multis in urbibus curabatur, ut plebs speciosissimis commentis animaretur, ad fortunas omnes exponendas in tam fortunatum bellum. Cura hic ingens fuit publice veritatem ignorari: Hinc plurimis post omnia perditâ, creverunt tamen animi rumoribus inanissimis erecti. Jamque veritas passim tam ignominiose habetur, ut ejus ludibrium vel saxo sit grave. Et eo fabularum prolapsi sumus, ut in civitatibus alicubi novarum rerum scriptores quærant, * quæ veritas placeat, Catholica an Lutherana? Quasi vero veritatis genius hoc admittat, sibi ipsi contradicere? aut hæc aut illa veritas non sit veritas necesse est, quando sibi tam largiter contradicunt.

II. Solebat Bernardus duodecemplex malum percensere, quibus cœnobîa everterentur.

* Was wolt ihr für Zeitungen /
Lutherische / oder Catholische ?

rentur. Sunt hæc, ordine : Prælati negligens, Discipulus inobediens, Juvenis otiosus, Senex obstinatus, Monachus Curialis, Religiosus caussidicus, Pannus pretiosus, Cibus exquisitus, Irreverentia circa altare, Lis in capitulo, Dissolutio in choro, denique Rumor in clauetro. Revera inter tot cœnobiorum mala non est minimum, quod est ultimum, *Vani Rumores*. His exterminandis aut saltem non temere narrandis, certam legem sanctus Ignatius & Lojola suis injunxit. Neque nos de scriptis solum rumoribus hic agimus, sed de quocunque alio relatu, qui ubi aliquid incrementi sumpserit, mox in rumorem transit. Inter ipsos etiam Apostolos hæc loquendi labes serpere cœpit: *b Exiit sermo iste inter fratres, quia discipulus ille non moritur*. Tantis auctoribus hoc sparsum est, ut id scripto fuerit refutandum à Joanne, qui clare asserit: *Non dixit ei Iesus, non moritur, sed, sic eum volo manere*. Nimirum verba Domini sinistre percepta, aut perperam explicata, statim rumorem falsum conflarunt. Hoc ipsum. Hodieque millies contingit: excipiuntur aliquot vocolæ, sed mutilæ, aut ad audientis arbitrium detortæ: hinc rumores falsi, hinc aniles fabulæ, hinc nugæ nugarum.

Timotheum divinus cl'aulus sic hortatur: *Ineptas & aniles fabulas evita*. Eas potissimum fabulas notavit, quas Simonianorum hæresis, de rerum creatione, de pugnis Angelorum, de bono & malo Deo, de cibis bonis

bonis & malis confinxit. Post impias istas, profanae quoque fabulae damnandae, quibus quodiduanum sermonem condiri credimus imperite. Nam etsi salva sint hinc omnia, nihilominus stultitiam prodit Nugigerula insignem.

Gorgias Sophista, duos adiit indoctos philosophos, unum ridicula proponentem, alterum insulsa respondentem: Ecquis vestrum, ait, stultior, qui hircum mulget, an qui cribrum supponit? Istud Gorgiae sapissime querendum foret: quis magis fatuus, qui fabulas tam indoctas, rumusculos tam mendaces spargit, an qui credit & aliis vendit auctiore pretio? *Ineptas ergo fabulas, ô Timothee, evita, exerce autem te ipsum ad pietatem.* Nam multi optimas horas pessime perdunt, dum ea legunt, quae profanis aut sordidis imaginibus sic occupent animum, ut ei vix liceat cogitare sanctiora: *a Tu ergo talia lege, illa meditare, quae meliorem te faciant, quae saniores in te affectus susciant, nutrantque: Stultas & sine disciplina quaestiones devota, quibus Attellanae & fabulae, Madagascarienses & Arbitri, scriptores impurissimi abundant.*

Noritur igitur Lingua Nugigerula, quantum faciat damni, dum nugis spargendis studet. Hoc tamen in studio, pretiosissimum tempus, cuius unius iactura irreparabilis, per ludum & jocum amittitur; animus sic impletur nugis, ut optima quaeque nauseet, & grande censeat fastidium precari. Et quia Nugigerula saepe falsa pro veris venditat, pess-

a 2. Tim, c. 2. v. 23. b Venenum vere letalissimum.

pessimum nomen conciliat suo domino, ut
 de eo passim dicatur: Bonus iste vir, multa
 dicit, pauca probat, nec omnia quæ affir-
 mat, ex tripode pronuntiari credendum,
 Hæc talis fama nemini non plurimum offi-
 cit, cum scilicet quæri solet: Talisne huic
 homini lingua est, cui non semper tuto liceat
 credere? qui sæpissime quidem grandi hiatu,
Nova, Nova proclamet, id tamen plerunque
 non aliter interpretandum, quam *Mendacia,*
Mendacia. Et quoniam disertus hic nugator
 somniis suis atque ineptiis multos decepit,
 credat ei Judæus Apella, aut quisquis alius
 verbis duci voluerit. Nos illi cras crede-
 mus, hodie nihil. Hoc suo domino I lingua
 Nugigerula nomen parit, ut omnes qui eum
 noverint, dicant, * *nugigerulus, fabulator,*
nugivendus est: audiamus ergo, quæ nova
 somnia ferat hic homo; historia fabulari ple-
 nus est, quacunque parte dolium hoc reli-
 nas, nugamenta copiosissime fundit, nem-
 pe rumoribus narrandis semper paratus est,
 cum deest quod narret, tam fertilis est inge-
 nii, ut rumores nusquam auditos ipse fingat:
 rarissimus apud eum hospes est Veritas. Hanc
 famam colligit, hoc habet ille commodi,
 qui nugis ac rumoribus recensendis vel et-
 iam audiendis tam studiose vacat. Nam cum
 mitissime de illo alii loquuntur: Ut sciais,
 inquit, quid hominis sit iste, patria &
 domo Atheniensis est, de quibus illud beati
 Pauli jam notum: a *Athenienses autem omnes*
& advena hospites, ad nihil aliud vacabant, nisi
aut dicere, aut audire aliquid novi.

III: Sed:

* *Fabelhaas / Märchenfrager.*

a Act. c. 17, v. 21.

III. Sed o humanæ mentis temulentiam! Vitam agimus brevissimam; dum ordimur, finis est: Tempus perniciosissimum non gressu, non cursu, nec volatu recedit, sed momentis fluit singulis, nosque inania cogitantes deserit, fuga æternum irrevocabili: Nos tamen inter hæc rapidissimitemporis præcipitia non tantum lenti sumus, sed etiam nugaces & optimos quosque dies sterilissimis nugamentis frangimus. Agit nos, agiturque velox dies: inscii rapimur, dum nugamur, & perniciæ nostra ludimus. a Seneca celeritatem temporis explicaturus: Nunquam Virgilius, inquit, dies dicit ire, sed fugere, quod currendi genus concitatissimum est.

Optima quæque dies miseris mortalibus,
ævi

Prima fugit —

Quare optima? quia restat quod incertum est. Quare optima? quia juvenes possumus discere, possumus facilem animum, & adhuc tractabilem, ad meliora convertere, quia hoc tempus idoneum est laboribus, idoneum agitandis per studia ingeniis, & exercendis per opera corporibus. Quid ergo cessamus, quid fabulas ac nugas tractamus? Meliora prætervolant, deteriora succedunt. Quemadmodum ex amphora primum, quod est sincerissimum effluit, gravissimum quodque turbidumque subsidit: sic in ætate nostra, quod optimum, in prima est. Id exhauriri in nugis potius patimur, ut nobis fæcem reservemus. Itaque toto hoc agamus animo, & ineptiis ac nugamentis omissis,

III

a Senec. Epist. 108. post med, pauculis additis,

in rem unam laboremus, ne hanc **empori**
pernicissimi celeritatem, quam retinere
non possumus, relictæ demum intelliga-
mus. Primus quisque tanquam optimus dies
placeat, & redigatur in nostrum. Trisci:

Hic meus est, dixere, dies.

Ita dies sunt nostri, cum eos usurpamus ad
feria: alieni sunt & nihil ad nos, qui inter
nugas ac fabulas elabuntur. Machetes reli-
giosissimus senex, Cassiano a teste, diabo-
lum otiosarum fabularum fautorem maxi-
mum esse his argumentis docuit. Sermonem
cœperat Machetes de rebus divinis. Audi-
tores, quos habuit, verborum modulis paul-
latim sopiri, & toto capite annuere, sic di-
cta omnia surdis auribus transmittere. Se-
nex sermonem cœptum subito abrumpere,
& jucundam texere fabulam, & : Audite,
inquit, obsecro rem miram, qua ratione
Vulpes & Simia, alternis sese astubus cir-
cumvenerint. Vix narrationem hanc ingres-
sus, & mox omnium oculi reviviscere at-
que aperiri, aures audiendi cupidæ patere,
jam nemo dormire amplius: Hic serio in-
gemiscens senex: Caperamus, inquit, di-
vina sermone prosequi: mox fere omnium
oculos & aures occlusit sopor, & nescio quam
inexpugnabilis dormiendi necessitas: pau-
cissimos ea quæ dicebantur attentos habue-
runt: ubi vero fabulosum apologum exor-
sus sum, illico excussus est iners somnus,
nemo non vigiavit. Videte quæso, fra-
tres, quis sacri sermonis impugnator huc irre-
perit, quis oculos oppresserit hoc lethar-
go: Profecto non alium reperieris, quam

Q9.

illum

illum ab inferis pervigilem draconem, quatum maxime somnum inducere conatur, cum dicuntur animo profutura; cum vero fabulæ percentsentur, attentam omnibus vigilantiam facile persuadet. Videte, fratres, qua arte tam vitiosum soporem expugnetis. qui dormit seriis, & vigilat fabulis, discipulus est cacodæmonis.

Maches a Anachoreta literas nec unas tantum, sed plures in fasciculum colligatas accepit è patria. hic ipse secum quærere: Et quantum, inquit, temporis perdes, dum has tot chartas perlegas? quantis animum cogitationibus implebis? quam vanam inde letitiam, autquam inutilem hauries mœrorem? quot diebus laborabis, dum parentum, cognatorum, & amicorum memoriam aboleas? quid facies tam diversis & precibus & blanditiis confusus? mox mascula manu arreptum fasciculum etiamnum ligatum conjiciens in ignem: Ite, inquit, cogitationes patriæ; satius est vos ardere quam mentem.

Hunc feliciter æmulatus *b* sanctus Ignatius Lojola, nam cum clauso cubiculo ardenter precaretur, janitor ad fores bis terve pulsavit, vocem præstolatus quæ juberet ingredi. Cum preces Ignatius perseveraret, & nec verbulo responderet, janitor iterum iterumque obtundens ostium, molestus esse non desistit. Demum pandens januam: Quid, inquit, tibi vis frater? Cui janitor: En Pater literas, ait, allatas è patria; & una literarum fascem tradidit. Ignatio, qui ostium obse-

a Cass. l. 5. Insti. c. 32. *b* Ribad. lib. 5. c. r. post med.

oblerans, accensum focum circumspexit, (hiems erat) & liberalissima manu literarum fascem pabulum projecit igni, at ipse continuo ad intermissas preces rediit. *Deus* bone, quam non avidi erant rerum novarum sanctissimi quique viri, quibus longe consultius visum est tot unà literas, quam tempus comburere, chartaceos libellos flammis abjicere, quam animum curis, quæ nocere plurimum, prodesse vix quidquam possunt. Quin ergo & nos libera voce dicimus: Ite vani rumores, ite; longe satius est, hæc talia nesciri, quam animi tranquillitatem amitti, curas augeri, lætitiā vanam accendi, mœrorem non profuturum ali, tempus omnium pretiosorum pretiosissimum pessime consumi. Profecto pars magna tranquillitatis est hæc velle ignorare.



O.

Otiosa, Objurgans, Ostentatrix lingua hoc loco
se spectandas præbent.

Otiosam linguam adumbrat otiosus demon
gladio indormiens, & hic homo somni ple-
nus, A. qui scripturus videtur, nec tamen
scribit, nam calamum levâ gerit ignavissi-
me. Imo tam piger est, & laboris parcus, ut
nec muscis quidem abigendis libeat movere
manum. Otiosa lingua ingens muscarum
agmen urico partis effundit. Sed pûngent he
musce, cum dies aderit rationis reddenda,
de verbis etiam otiosis. Vide C. 41. §. 1.

B. Objurgantem linguam representat is qui
ignem elicit è silice, sed sicut scriba calamum
sinistra, ita hic ea manu tenet silicem qua
chalybem deberet, modo prorsus inverso: ita
& Lingua Objurgans omnem reprehendendi
ordinem invertit. Vide C. 42. §. 2.

C. Ostentatricis lingua symbolum est simia
in delphino equitans. Vide C. 43. §. 3.

O.

CAPUT XLI.

*Otiosam Linguam diverse perniciosam esse,
& de illius pœna.*

Ceram æmulatur mens humana, calore mitescit & formam quancunque molis recipit, frigore indurescit, nec facile signatorium annulum admittit. Colloquia veracunda & Christianam sapientiam spirantia, intellectum sic afficiunt, voluntatem sic calefaciunt, ut flecti se sinat, & formantem manum facillima sequatur. Cleophas cum socio comite Emaunta ibat ipso die reviviscentis Christi: erant hi duo peregrini, velut durissima cera, quam unicum colloquium in eam facilitatem emollit, ut magistra manus obedientem habuerit ad omnia. Nutabat fides horum viatorum desperabundis colloquiis misere convulsa, sed hanc tertii comitis colloquium sic denuo crexit, ut hi duo ipsimet faterentur: a *Nonne cor nostrum ardens erat in nobis, dum loqueretur in via?* Nec mirum; b *Ignitum eloquium tuum, (Domine) vehementer.* c Colloquia vero vana & otiosa ita omnem virtutem enervant, ut Paulinum oraculum pro-

a Luc. c. 24. v. 2. b Ps. 118. v. 40. c 1. Cor. c. 15. v. 33.

pronuntiet : *Corrumpunt bonos mores colloquia mala.* Malis colloquiis jure annumerantur otiosa, quæ verborum semper plurimum, nihil emolumenti, plerunque multum detrimenti habent, prout scilicet facundiam suam explicat lingua Otiosa, de qua nunc agendum. & principio quidem exponendum, quæ verba dicantur otiosa, deinde quantum ea damni adferant; tertio quæ eorum sit pœna, & cur illa tantopere cavenda.

I. Otiosa lingua nominatur, prout eam Hieronymus depingit, quæ nec loquenti nec audienti prodest. Hinc Otiosum verbum beatus *a* Gregorius appellat, quod aut justæ necessitatis, aut piæ utilitatis intentione caret. Hinc quicquid loqueris, inquit Bernardus, nisi intendas alicui prodesse, otiosum est. Varium ab his & multiplex damnum, nos ea in quatuor classes reducimus.

Prima: Otiosa verba flammæ piacularium nobile sunt pabulum. Ecquid in otiosas voces gravius aut formidabilius dici potest, quam quod servator *b* Orbis his omnino verbis proclamat: *Dico autem vobis, quoniam omne verbum otiosum quod locuti fuerint homines, reddent rationem de eo in die judicii.* Pensitate hæc obsecro; ad tribunal trahuntur verba etiam otiosa, quantumvis innoxia, quid lascivis fiet, quid fiet noxiis & blasphemis, si vana quoque & inutilia coguntur in jus ambulare? *c* Bernardus hic in-

Qq 4 gemi-

a Greg. l. 7. moral. c. 17. & hom. 6. in Euang. Bern. de Pas. Dom. c. 25. *b* Mat. c. 12. v. 36. *c* Bern. serm. de tripl. custod.

gemiscens : *quam est vera sententia*, inquit, *in multiloquio non effugiendum peccatum*. Ut enim præteream cætera, si propterea est otiosum verbum, quod nullam rationabilem causam habeat, quam rationem de eo reddere poterimus, quod est præter rationem? Nemo ergo arbitretur otiosa verba, ut vilissimum quid, oblivioni tradenda; in die iudicii ratio de iis exigetur, nec tantum de aliquibus, sed omne verbum otiosum iudici sistetur. *Heu nobis*, inquit Bernardus, *a quam poterit reddi ratio de otio?* Otium non est, si non omnino ratione vacuum est. Quod si homo unicus multa millia otiosorum temere fundat, dum vivit, quis erit numerus otiosorum verborum, quæ omnes omnino homines loquentur? Id tamen exactissime constabit summo iudici, quot, & quam universi & singuli sæculis omnibus protulerint : *omne verbum otiosum dabit supplicium*.

Classis secundæ damna sunt : A verbis otiosis facillime transitur ad scurrilia, & ad noxia. Amnis exundans cito fit lutosus; lingua exerrans omne genus sordium brevi colligit. Verissime dixit b Gregorius : *Dum otiosa verba negligimus, ad noxia pervenimus*. Primo quidem loquimur aliena, & quæ nihil ad rem; paullatim miscemus detractiones; tandem erumpit lingua in contumelias: quisquis non abstinet otiosis, sane nec noxiis abstinebit. Tertia damnorum classis est : Otiosa verba, omnem pietatis spiritum extinguunt, mentem obnubilant, tranquillitatem turbant.

a Idem de præcept. & dispens. c. 12. initio: b Greg. 12 c. 6. Job.

bant. Verissime dixit Salomon: *a Ubi verba sunt plurima, ibi frequenter egestas*, virtutis scilicet & bonæ mentis. Si vasi vinario aut unguentario desit operculum, vini aut unguenti odor brevi omnis defluet. Beatus Diadochus *b* dicere solebat, Balneum aut hypocaustum calorem omnem amittit, si balnei aut hypocausti janua relinquatur sæpius aperta. Sunt qui hominem castro conferant vel arci: sed arx hæc subinde ab hostibus undique obsidetur. Sensit hoc qui dixit: *c Inimici mei animam meam circumdederunt*. Arcis illius porta, os hominis est: hostis cum portam tenet, arcem cepit. ideo qui cupit custoditam arcem, summa diligentia necesse est custodiat portam. Nihil hic muniminis omisit natura; sepem huic portæ ossæam apposuit è triginta plus minus dentibus; addidit labia, pontem versatilem. Si qui jam cautiores sunt castellani, portam nunquam referant locuturi, quin Linguam prius moneant: *Lingua quo vadis? attende tibi, ne nimis magno nobis stet prodiisse in publicum, & locutam esse. Attende tibi, & dum licet, disce manere domi: Omne verbum otiosum subibit iudicium.*

II. Quarta damnorum classis: Otiosa colloquia suffurantur tempus, omni auro, omni-que gemma longe pretiosius, quisquis hinc otiosis naniis auferat vel horulam, nihil dignum tanto impendio redditurus est. Apis illa Clarævalis *d* Bernardus, si usquam, certè hic aculeum habet, quem otiosis illis fabulato-

Qq 5

lato-

a Prov. c. 14. v. 23. b Diadoc. de perf. Spirit. c. 70. c Ps. 16. v. 19. d Bern. serm. de triplici custodia, mihi pag. 385. ante med. serm.

latoribus infigens : *Nemo vestrum*, inquit, *parus aestimet tempus quod in verbis consumitur otiosis*. Siquidem tempus acceptabile est, & dies saluus. Volat verbum irrevocabile, volat tempus irremeabile, nec advertit insipiens quid amittat. Libet confabulari, ajunt, donec hora prætereat. O donec prætereat hora, O donec pertranseat tempus: Donec hora prætereat, quam tibi ad agendam penitentiam, ad obtinendam veniam, ad acquirendam gratiam, ad gloriam promerendam, miseratio conditoris indulget. Donec transeat tempus, quo divinam tibi repropitiare debueras pietatem, properare ad angelicam societatem, suspirare ad amissam hæreditatem, aspirare ad promissam felicitatem, excitare remissam voluntatem, flere commissam iniquitatem. Sic nimirum, sic agricolæ cum diu desiderata affuerit oportunitas seminandi, sic vinitores cum expectatum tempus putationis advenerit, invenisse occupationes, & quasi irreprehensibiliter sine opere diem transegisse latantur : Sic instantibus nundinis institores necesse moras, occasiones querere solent, ne quem forte sibi ex eis quæstum provenire contingat ? Sic denique pauperes mendicantes, cum multis clamoribus evocatus tandem affuerit eleëmofynarum distributor, diverticula captant, & concurrentibus sociis vacuos ambiunt occupare recessus, & fovere latebras in angulis platearum ? Utinam tamen vel solum tempus vitæ amitteretur in verbis ; sed multi in his etiam vitam amittere comprobantur : nec ipsi modo amittere, sed aliis quoque adimere. Hanc
Ber-

Bernardi sapientem facundiam confirmans Hieronymus : a *Breve est, inquit, hujus vite curriculum, hoc ipsum quod loquor, quod scribo, quod relego, de tempore meo mihi aut crescit, aut deperit.* Res tanti pretii tempus est, ut hujus unius jactura plurimum & pæne sola sit deploranda. Quicquid cæterorum amiseris, reparabile damnum est : dispendium temporis vel minimi nulla restituent sæcula. Pecuniæ jacturam fecisti ? reddi potest alia, & copiosior. honorem perdidisti ? redire potest : & auctior. valetudinem amisisti ? plurimis hoc damnum profuit : sed & valetudinem amissam quam multi recuperant : amissum tempus nemo omnium unquam reduxit : irreparabile est, cujus tamen optimam quamque partem otiosa colloquia subducunt. Credibile est nec à sapientibus quidem hoc temporis pretium satis æstimari. Ut ut hæc sunt, hoc Christianus sapiens unice laboret, sic omne vitæ momentum dispensare, ne unquam de se cacodæmon gloriari hoc possit, *Inveni otiosum.* Multicolor est otiositas, sunt enim & otiosæ cogitationes, quas sæpe comitatur otiosa confabulatio, hanc non raro sequitur opus otiosum, quod quandoque pejus est ignavissimis feriis. De quo dilucide Bernardus : b *In hoc genere transgressionis, inquit, nonnulla sunt stultiloquia, seu vaniloquia, & quæque otiose dicta, facta, cogitata.*

III. Optimus loquendi magister Christus, c in omnibus suis colloquiis occasionem

a Hier, in c. 6. epist. ad Galat. b Bern. de præcept. & dispens. cap. 14. post initium, c Ioan. c. 4. v. 14.

nem captabat ut sermonem quacunque de re institutum flecteret ad divina. Collocutus cum Samaritide, ab aqua Sicharia ad aquam vivam in cælo salientem opportunissime deduxit sermonem. Cum mentio incideret de Manna, cœpit Servator de vero Angelorum pane differere, ut non nemo auditorum esset qui diceret: Domine semper da nobis panem hunc. Hac occasione oblata: *Ego, inquit, sum panis vita; qui venit ad me, non esuriet; & qui credit in me, non sitiet unquam.* Cum sub concione nuntiasset quis, adesse matrem & fratres, arripuit verba nuntii, & de Dei voluntate cœpit dicere. Eodem modo in conviviiis quam nobiles instituit dissertatiunculas convivis & temporis aptas? Apud Matthæum telonarium de medicina sacra, seu, pœnitentia; apud Simonem Pharisæum de divino amore ob præsentem Magdalenam; apud Phariseorum principem, ubi delicias faciebant, & ceremoniam adhibebant in accubitu, de Humilitate cœpit differere. Exemplis tam luculentis instrui-mur, quomodo colloquia inutilia & otiosa dextre derivanda in affatus meliores. Non enim in levi ponendum, destinato loqui otiosa. Optimus hac in re monitor e Bernardus: *Quid cum scienter, inquit, & ex deliberatione in verba otiosa silentio licet non indicto, lingua laxatur? Hanc noxam Deus sæpissime non futuris judiciis servat, sed præfenti vindicat supplicio.* Beatus Gregorius d narrat virginem consecratam non ab una
solum

a Ioan. c. 4. v. 14. b Ioan. cap. 6. v. 35. & 36.

c Bern. serm. de præcept. & dispens. c. 12. initio.

d Greg. 1. 2. dialog. c. 51.

solum virtute nobilem vixisse in cœnobio: pollebat hæc continentia vitæ, sed non itidem linguæ: mores illius casti, & qui virginem decerent, modo lingua fuisset amantior taciturnitatis. Extra legem garrire solenne illi erat. Obiit tandem & hæc diem suum, sepulta in templo. Nocte proxima vidit ædituus pridie humanam refodi, & ad aram deduci, illic mediam secari, atque in ignem conjici, parte altera intacta. Die sequenti ædituus quæ videret noctu, exposuit, & locum monstravit cadaveris combusti. Narrationi fidem fecerunt luculenta rogi vestigia marmoris alte impressa. Ergo nec templi sanctitas ab incendiis servat, quem damnat linguæ procacitas. Gregorii relatus, testimonio firmanatur a Cassiani, qui senem religiosissimum, in specimen virtutis statuens: Moyse, inquit, qui hanc eremum habitat secundus, vir incomparabilis, sed opinionis suæ paullo tenacior cum Macario disceptare cœpit, hic voces jecit duriusculas, & aculeo petiit adversarium. Quia tamen facti poenituit Moysen, noxam hanc Deus non ad seruum tribunal rejecit, sed dæmoni mox potestatem fecit & occupandi hominis, & torquendi. dæmon licentia usus insperatum hospitium invasit. Sed Moyses Macarii precibus ab hospite Orciniano brevi liberatus est. Tanti est vel parva in speciem improbitas linguæ, ob quam sanctissimi quique homines pœnas sæpe gravissimas dependent. Duranus b ex abbate Tolosanensis præsul, vir cætera pius & mire industrius, sed lin-
guæ

a Cass. l. 7. collat. c. 27. b Vinc. Belvacens. l. 26.
Spec. histor. c. 5.

guæ solutioris verba ridicula subinde libè-
 rius usurpavit : sed non impune. Postquam
 enim in humanis esse desit, cruciatus quos
 ei beatus Hugo a Cluniacensis abbas prædi-
 xerat, sensit, & mox Signino, notæ sancti-
 moniæ sacerdoti visendum se præbuit aspe-
 ctabili sed tetra forma, præsertim ore por-
 tentosum in modum extuberanti, labrisque
 fæde concisis & exulceratis. Hoc oris habi-
 tu & voce lachrymabili suppetias rogavit,
 præcipue ab Hugone monitore suo feren-
 das. Hugo re ad se perlata septem cœnobi-
 tis unius hebdomadis severum silentium in-
 dixit, quod tamen non æque ab omnibus
 servatum est. Itaque Duranus rediit, & ob
 neglectam legem necdum è tormentis se
 liberum monstravit. Nova igitur silentii lex
 dicitur, qua defuncti præfulis necessitati
 consulerebatur. Tertium denique spectan-
 dum sese Duranus, jam à pœnis solutus ex-
 hibuit, & ob præstitam opem immortales
 egit gratias Hugoni. Ita nugæ quoque ac fa-
 cetiæ puniuntur, ita linguæ intemperantia
 non maxima vel alterius Orbis suppliciis
 eluenda est.

IV. Non ignoravit hoc Carthusianorum
 sanctissimus Patriarcha Bruno : exploratum
 habuit quantis à lingua periculis involva-
 mur, quantis damnis; vidit otiosorum ver-
 borum ingentes acervos, observavit opti-
 mum quemque sua vel aliena lingua perire,
 novas igitur leges sibi suisque scripsit, qua-
 rum caput est, strictissime *Silere* Bruno sic
 ratiocinatus fuit: si Doctor ille Parisiensis
 qui tanta sanctimonia præditus credebarur,
 dam-

damnatus est ab æquissimo iudice; hoc ergo connitatur, ut ego me sociosque meos mature subducam in tutum, ubi cum Deo assidui loquamur, ne nobis ipsis aliisque noceamus loquendo. Et qua ratione de tot centenis millibus otiosorum verborum rationem reddaturi sumus? præsertim si tot criminosa, tot falsa, tot luxuriosa se miscuerint? sit leve quid vox leviter prolata, sed jure terreatur multitudo. levissimum quid piuma est, sed numero graves cum plumbo certant; quid imbecillius aquæ guttula, sed repetita toties, lapidem cavat. Unica vox otiosa facile habet veniam, sed cum tanto numero repetuntur, non degravent mergantque navim? Ideo Beatus Godefridus Ambiani præsul, quotiescunque iter faceret, comites semper iussit præcedere. causam huiusce moris rogatus, dixit: Ne otiosis sermonibus texendis sit occasio. Jobus suis cladibus jam prope sepultus, amicos nihilominus otiose garrientes perstringit, &:
a Ad increpandum, inquit, *tantum eloquia concinnatis, & inventum verba profertis.* Merito eos reprehendit velut otiosissimos consolatores. Auceps in Ardearum venatu non dimittit Falconem, nisi prius viderit Ardeam: venator siue tenet canem, dum conspexerit feram; at nos incauti evolare verba permittimus, antequam utilitatem ullam cernamus; aëri & ventis loquimur, cum sciamus non perinde ad nos redire verba, uti ad suos dominos mansuefacta animalia; ad aucupem revolat Falco, ad venatorem recurrit canis, verbum semel emissum nullis

lis artibus ad auctorem revocari potest : excessit, evasit, erupit, æternum irrevocabile. Quid igitur est consilii ad otiosam locutionem saltem minuendam si non tollendam? Augustus Imperator, Suetonio narrante, ita filiam & neptes instituit, ut nihil agerent, nihilque loquerentur quod non in diurnos commentarios referri posset. Vox digna Cæsare; consilium augustum, vere Christianum; & quod præclare congruit Servatoris dicto : *Reddent rationem de eo in die iudicii*. Nulli mortalium vel minimum otiosum verbum excidit, quod non in tabulas & syngraphas referatur, cogitata, facta, dictaque, omnia in Dei perscriptiones, & in acta mittuntur, nec syllabula omissa. Quisquis hoc attentius cogitaverit, ipse sibi dicit : Caute, obsecro, caute; nam quicquid dixeris, in tabulas refertur, in acta mittitur; *de omni otioso verbo rationem reddes*; vide igitur ne rationes in immensum excrecant. Si hæc unicus pretio stat tanto, quanto stabit integra hæc cum * orca? Si sua est multa vel otioso verbulo, num impunita dimittentur falsa, spurca, noxia?

V. Pauca sæpe verba, per otium & ludum, dolo non malo prolata in errores se maximos diffundunt, velut oleum in telam aut asserem effusum latissime serpit. Ejus rei, mi Lector, paradigma tibi, animi gratiâ exhibeo. Invitarat quispiam sex convivas variæ dignitatis. hinc cum accumbendum, lis ingens & delitiæ ac ceremoniæ plurimæ : alter alteri principem locum cedere, ille non accipere, hic urgere, ille de-

EUO

nua tergiversari, iste iterum blandiri, & rogare, ac priorem accubitus deferre. Hic paterfamilias & modimperator partes suas interponere: Et quæso, inquit, num hodie stantes prandebimus? proximum quisque locum occupet, aut ergo vos toties, adhibebomenſæ, quoties ſeſſionis locus poterit inter vos mutari. Otioſe hoc prorsus & temere dixit, nec prius ad calculos ſedit, ut variandi accubitus numerum iniret. Obsecro te, Lector, addivina, quoties ſex convivæ accumbendi ordinem inter ſe variare poſſint. Dicturo mihi, ſat ſcio, vix habebis fidem. Ergo adverte animum. Si leges Arithmeticæ ſpectemus, poſſunt ſex convivæ ſeptingenties vices diſcumbendi ordinem commutare. Si jam anno uni trecentos ſexaginta quinque dies aſſignemus (tot enim habet communis annus) debuiſſet paterfamilias ille ſex convivas (ſi quidem promiſſis ſtare voluiſſet) anno integro quotidie bis ad menſam vocaſſe, exceptis ultimis quinque diebus in hebdomade majori ſacra. Necdum credis? iſtis igitur oculis, non ſolum auribus, fidem faciam idque ſignatis tabulis: ſex Alphabeti primæ literæ, ſex convivarum vices ſubibunt. Litteras perinde ut convivas ſic colloco. Aude, mi Lector, adjectas hic chartas ſine tædio aſpicere. Et en hoſpites meos nunquam eodem ordine accumbentes.

a b c d e f a c b d e f a d b c f e a e b c d f a f b c d e
a b c d f e a c b d f e a d b c f e a e b c f d a f b c e d
a b c e d f a c b e d f a d b e c f e b d c f a f b c e d
a b c e f d a c b e f d a d b e f c a e b c f d a f b d e c
a b c f d e a c b f d e a d b f c e a e b f c d a f b e c d
a b c f e d a c b f e d a d b f e c a e b f d c a f b e d c
a b d e e f a c d b e f a d c b e f a e c b d f a f e b e d
a b d c f e a c d b f e a d c b f e a e c b f d a f e b d e
a b d e c f a c d e b f a d c e b f a e c d b f a f e d b e
a b d e f c a e d e f b a d c e f b a e c d f b a f e d e b
a b d f c e a c d f b e a d e f b e a e c f b d a f e c b d
a b d f e c a c d f e b a d e f e b a e c f d b a f e c d b
a b e c d f a c e b d f a d e b c f a e d b e f a f d b e c
a b e c f d a c e b f d a d e b f c a e d b f c a f d b e c
a b e d c f a c e d b f a d e c b f a e d c b f a f d c b e
a b e d f c a e e d f b a d e c f b a e d c f b a f d e e b
a b e f e d a c e f b d a d e f b c a e d f b c a f d e h c
a b e f d c a c e f d b a d e f c b a e d f c b a f d e c b
a b f c d e a e f b d e a d f b c e a e f b c d a f e b e d
a b f c e d a c f b e d a d f b e c a e f b d c a f e b d c
a b f d e e a c f d b e a d f e b e a e f c b d a f e c b d
a b f d e c a c f d e b a d f c e b a e f c d b a f e c d b
a b f e e d a c f d b e a d f e b c a e f d b c a f e d b c
a b f e d e a c f e d b a d f e e b a e f d c b a f e d c b

b a c d e f	b c a d e f	b d a c e f	b e a c d f	b f a c d e
b a c d f e	b c a e d f	b d a c f e	b e a c f d	b f a c e d
b a c e d f	b c a e d f	b d a e c f	b e a d c f	b f a d c e
b a c e f d	b c a e f d	b d a e f c	b e a d f c	b f a d e c
b a c f d e	b c a f d e	b d a f c e	b e a f c d	b f a e c d
b a c f e d	b c a f e d	b d a f e c	b e a f d c	b f a e d c
b a d c e f	b c d a e f	b d c a e f	b e c a d f	b f c a d e
b a d e f e	b c d a f e	b d c a f e	b e c a f d	b f c a e d
b a d e c f	b c d e a f	b d c e a f	b e c d a f	b f c d a e
b a d e f c	b c d e f a	b d c e f a	b e c d f a	b f c d e a
b a d f c e	b c d f a e	b d c f a e	b e c f a d	b f c e a d
b a d f e c	b c d f e a	b d c f e a	b e c f d a	b f c e d a
b a e c d f	b c e a d f	b d e a c f	b e d a c f	b f d a c e
b a e c f d	b c e a f d	b d e a f c	b e d a f c	b f d a e c
b a e d c f	b c e d a f	b d e c a f	b e d c a f	b f d c a e
b a e d f c	b c e d f a	b d e c f a	b e d c f a	b f d c e a
b a e f c d	b c e f a d	b d e f a c	b e d f a c	b f d e a c
b a e f d c	b c e f d a	b d e f c a	b e d f c a	b f d e c a
b a f c d e	b c f a d e	b d f a c e	b e f d a c	b f e a c d
b a f c e d	b c f a e d	b d f a e c	b e f d a c	b f e a d c
b a f d c e	b c f d a e	b d f e a c	b e f c a d	b f e c a d
b a f d e c	b c f d e a	b d f e c a	b e f c d a	b f e c d a
b a f e c d	b c f e a d	b d f e a c	b e f d a c	b f e d a c
b a f e d c	b c f e d a	b d f e c a	b e f d c a	b f e d c a

cabdfe	cdabef	cdabef	ceabdf	cfabde
cabdfe	cbadfe	cdabfe	ceabfd	cfabed
cabedf	cbaedf	cdabef	ceadb f	cfadb e
cabef d	cbafed	cdafef	ceadfb	cfadeb
cabfde	cbafde	cdafbe	ceafb d	cfae b d
cabfed	cbafed	cdafef	ceafd b	cfaedb
cadbef	cbdaef	cdbaef	ceb mdf	cfbade
cadbfe	cbdafe	cd b ufe	ceb afd	cfbaed
cadebf	cbdeaf	cdbeaf	ceb daf	cfbdae
cadefb	cbdefa	ced b cta	ceb dfa	cfb d'ea
cadfbe	cbdfa e	ced b fae	ceb fad	cfbead
cadfeb	cbdf ea	ced b fea	ceb fda	cfbeda
caebdf	cb eadf	ced eab f	ced ab f	cf dabe
caebfd	cb eafd	ced eafb	ced afb	cf daeb
caedbf	cb edaf	ced e baf	ced b af	cf d bae
caedfb	cb edfa	ced e b fa	ced b fa	cf d bea
caefbd	cb efad	ced e fab	ced f ab	cf deab
caefdb	cb efda	ced e fba	ced f b a	cf de ba
cafbde	cb f ade	ced f abe	cef ab d	cf eab d
cafb ed	cb f aed	ced f aeb	cef d ab	cf eadb
cafdb e	cb f dae	ced f b a	cef b ad	cf ebad
cafd eb	cb f dea	ced f bea	cef b da	cf e bda
cafeb d	cb f ead	ced f eab	cef d ab	cf e dab
cafedb	cb f eda	ced f eba	cef d ba	cf e d ba

d a b c e f d b a c e f	d c a b e f d e a b c f	f a b c e
d a b c f e d b a c f e	d c a b f e d e a b f c	f a b e c
d a b e c f d b a e c f	d c a e b f d e a c b f	f a c b e
d a b e f c d b a e f c	d c a e f b d e a c f b	f a c e b
d a b f c e d b a e f c	d c a f b e d e a f b c	f a e b c
d a b f e c d b a f e c	d c a f e b d e a f e c	f a e c b
d a c b e f d b a f e c	d c b a e f d e b a c f	f b a c e
d a c b f e d b c a e f	d c b a f e d e b a f c	f b a e c
d a c e b f d b c a f e	d e b e a f d e b e a f	f b c a e
d a c e f b d b c e a f	d e b e f a d e b e f a	f b c e a
d a c f b e d b c e f a	d e b f a e d e b f a c	f b e a c
d a c f e b d b c f a e	d e b f e a d e b f e a	f b e c a
d a e b c f d b c f e a	d e c a b f d e c a b f	f c a b e
d a e b f c d b e a c f	d e c a f b d e c a f b	f e a b c
d a e c b f d b e a f c	d e c b a f d e c b a f	f c b a e
d a e c f b d b e c a f	d e c b f a d e c b f a	f c b e a
d a e f b c d b e c f a	d e c f a b d e c f a b	f c e a b
d a e f c b d b e f a c	d e c f b a d e c f b a	f c e b a
d a f b c e d b e f c a	d e f a b e d e f b e d	f e a b c
d a f b e c d b f a c e	d e f a e b d e f a e b	f e a c b
d a f c b e d b f a e c	d e f b a c d e f b a c	f e b a c
d a f c e b d b f e a c	d e f b e a d e f b e a	f e b c a
d a f e b c d b f e a c	d e f e a b d e f e a b	f e c a b
d a f e c b d b f e c a	d e f e b a d e f e b a	f e c a b

e a b e d f e b a c d	e c a b d f e d a b c f	e r a b e d
e a b c f d e b a c f e	e c a b f d e d a b f c	e f a b d c
e a b d e f e b a d c f	e c a d b f e d a c b f	e f a c b d
e a b d f c e b a d f c	e c a d f b e d a c f b	e f a c b b
e a b f e d e b a f c d	e c a f b d e d a f b c	e f a d b c
e a b f d c e b a f d c	e c a f d b e d a f c b	e f e d a b
e a c b d f e b c a d f	e c b a d f e d b a c f	e f b c a d
e a c b f d e b c a f d	e c b a f d e d b a f c	e f b a d c
e a c d b f e b e d a f e	e c b d a f e d b c a f	e f b c a d
e a c d f b e b c d f e	e c b d f a e d b c f a	e f b e d a
e a c f b d e b c f a d	e c b f a d e d b f a c	e f b d a c
e a c f d b e b c f d a	e c b f d a e d b f c a	e f b d e a
e a d b c f e b d a c f	e c d a b f e d c a b f	e f c a b d
e a d b f c e b d a f c	e c d a f b e d c a f b	e f c a d b
e a d c b f e b d c a f	e c d b a f e d c b a f	e f c b a d
e a d c f b e b d c f a	e c d b f a e d c b f a	e f c b d a
e a d f b c e b d f a c	e c d f a b e d c f a b	e f c d a b
e a d f c b e b d f c a	e c d f b a e d c f b a	e f c d b a
e a f b c d e b f a c d	e c f a d b e d f a b c	e f d a b c
e a f b d c e b f a d c	e c f a b d e d f a b c	e f d a c b
e a f c b d e b f c a d	e c f b a d e d f b a c	e f d b a c
e a f c d b e b f c d a	e c f b d a e d f b c a	e f d b c a
e a f d b c e b f d a c	e c f d a b e d f c a b	e f d c a b
e e f d c b e b f d c a	e c f d b a e d f c b a	e f d c a b

f a b c d e f	f b a c d e	f c a b d e	f d a b c e	f e a b c d
f a b c e d	f b a c e d	f c a b e d	f d a b e c	f e a b d c
f a b d c e f	f b a d c e	f c a d b e	f d a c b e	f e a c b d
f a b d e c	f b a d e c	f c a d e b	f d a c e b	f e a c d b
f a b e c d	f b a e c d	f c a e b d	f d a e b c	f e a d c b
f a b e d c	f b a e d c	f c a e d b	f d a e e b	f e a d b c
f a c b d e f	f b c a d e	f c b a d e	f d b a c e	f e b d c a
f a c b e d	f b c a e d	f c b a e d	f d b a e c	f e b a c d
f a c d b e f	f b c d a e	f c b d a e	f d b c a e	f e b c a d
f a c d e b	f b c d e a	f c b d e a	f d b c e a	f e b o d a
f a c e b d	f b c e a d	f c b e a d	f d b e a c	f e b d a c
f a c e d b	f b c e d a	f c b e d a	f d b e c a	f e b d c a
f a d b c e f	f b d a c e	f c d a b e	f d c a b e	f e c a b d
f a d b e c	f b d a e c	f c d a e b	f d c a e b	f e c a d b
f a d c b e f	f b d c a e	f c d b a e	f d c b a e	f e c b a d
f a d c e b	f b d c e a	f c d b e a	f d c b e a	f e c b d a
f a d e b c	f b d e a c	f c d e a b	f d c e a b	f e c d a b
f a d e c b	f b d e c a	f c d e b a	f d c e b a	f e c d b a
f a e b c d	f b e a c d	f c e a d b	f d e a b c	f e d a b c
f a e b d c	f b e a d c	f c e a b d	f d e a c b	f e d a c b
f a e c b d	f b e c a d	f c e b a d	f d e b a c	f e d b a c
f a e c d b	f b e c d a	f c e b d a	f d e b c a	f e d b c a
f a e d b c	f b e d a c	f c e d a b	f d e c a b	f e d c a b
f a e d c b	f b e d c a	f c e d b a	f d e c b a	f e d c b a

Etiamnum dubitas, Lector, sex convivas a septingenties vices accumbendi rationem permutare posse? sed huc nos duxit inconsiderati patrisfamilias otiosa promissio. Nos sexcenta talia quotidie, dum garrulum otium sectamur, fundimus, nec valde dolemus, his manibus perdidisse tempus.

Sed est qui dicat. Quanti hæc res negotii est, verba omnia ad aurificis stateram examinare, unde mihi hæc libella? Huic Siracides *b* respondet: *Aurum tuum & argentum tuum conflat, & verbis tuis facito stateram, & frenos ori tuo rectos, ut non labaris in lingua tua.* quicquid habes facti, infecti, signatique argenti, huc omne confer, ut inde fiat trutina; quicquid in te prudentiæ aut sapientiæ est, id totum in hanc rem impende, *ut non labaris in lingua tua.*

Finio cum c Bernardo: *O quantus terror, inquit, iudex sapientissimus, qui numerat omnes pluvie guttas, discretor omnium temptationum, omnium hominum à primo Adam usque ad ultimum qui erit in fine sæculi, vult audire rationem verborum omnium otiosorum, cum sederit in sede majestatis judicii sui, ubi non jam misericordia, sed iudicium cantabitur Domino. Quid tum miseri & miserabiles faciemus? Sapientissimus es Domine, falli non potes, justissimus es, corrumpi non potes, Quid ergo dicam? Miserere quæso. &c. ut non solum à maledictis & turpibus declinem, verum etiam otiosa verba devitem, ne de illis me oporteat in die judicii reddere rationem, ubi jam non de bonis & viridibus foliis verborum, sed de malis &*
ari-

aridis ratio est reddenda. Rarum, firmum, fixum est decretum: a Omne verbum otiosum quod locuti fuerint homines, reddent rationem de eo in die iudicii.

CAPUT XLII.

Objurgans *Lingua*, prout par est, ob-
jurgatur.

M Agnum illud Græciæ lumen Basilus, cum innumeros errores vel unius linguæ pensiculatus cogitasset, verissimum hoc pronuntiavit: *Vita nostra referta est lingua delictis.* Quis enim ille tam circumspectus, ac prudens qui non vel uno die sæpius halucinetur lingua, nisi eam severius inter silentii leges coërceat? Linguæ rabies, vilitasque morum ubique est obvia. Ea de causa sanctissime monet Ambrosius: *b Alliga sermonem tuum ne luxuriet, ne lasciviat, & multiloquio peccata sibi colligat.* Ergo beatus (quod Siracides c affirmat) qui tectus est à lingua nequam, qui in iracundiam illius non transit, & qui non attraxit jugum illius, & in vinculis ejus non est ligatus: jugum enim illius jugum ferreum est. Mors illius, mors nequissima: & utilis prius inferus quam illa. Perseverantia illius non permanebit, sed obtinebit vias injustorum; & in flamma sua non comburet justos. Qui relinquunt Deum, incident in illam & exardebit in illis, & non extinguetur, & immitetur in illos quasi leo, & quasi pardus ladet illos. Quis autem hos leones,

Rr 5

a Matt. l. sup. cit. b Ambr. l. Offic. c. 3. c Eccli. c. 28, v. 23, ad 28.

hos pardos satis semper caverit? Ioco quo non putes prorumpunt hi leones, hi pardi, & sevitiæ invadunt inopina. Furibundis his linguis merito accensetur lingua *Objurgans*, quam post Otiosam, alphabeti cognatione proximam locamus. Itaque hac dissertatiuncula *Objurgantis* linguae genium persequemur.

I. Atque primo quidem si habitum istius linguae spectemus, vestem horridam gerit indutui, pro calceis perones clavis compactos, aut grandes piscatorum ocreas habet, passus facit amplos & sonoros, neque enim aliud docta est quam vituperare, reprehendere, verbis exagitare, invektivis uti: hos avaritiæ insimulare, illos superbiæ aut stultitiæ damnare. Nil quidem optatius est terræ sitienti, quam opportunus imber, si istamen placidis guttis rorando defluat, quod si præceps nimbus superne ruat, unoque sese impetu effundat, plus sæpe nocimenti adfert quam commodi. Lingua sedata & mitis velut stilla leniter impluit, suaviter penetrat, multum fecundat; lingua objurgans & invektiva velut grandinans pluvia frequenter non emendat, sed exacerbat. Utrumque prorsus vitiosum est; nihil, & omnia reprehendere; nihil dissimulare posse, & omnia dissimulare velle, meras invektivas declamare, aut semper in exornationis genere versari. Erudite a Siracides: *Est correctio inquit, mendax in ira contumeliosi.* Iracundus menitur correctionem, nam objurgare vult, non emendare. Si Tullio credimus, amicorum est, moneri, & mone-

re,

re, sed non adulari, non insectari verbis, non increpare minis. Hæc sæpissime non corrigunt prava, sed magis talia faciunt. a *Responsio mollis frangit iram, sermo durus suscitatur furorem*, teste sapientissimo regum. Si æneum tormentum glandem evomat in cespitem, tormenti vis omnis hebetatur; si feriat glans murum, lacerat & pertundit: fulmen molliori carni sæpius parcat, sed ossa comminuit: sic aspera verba, sermo iracundus, ni mansuetum hominem offendat, destruit, non corrigit. Si cum saxo chalybs alternis collusionibus rixetur, ignis emicat: ita si objurgatio in hominem durum ac præfractum incurrat, flamma utrinque exilit, & multum iræ; qualis nimirum specus est, quæ vocem emissam accipit, talis & vox est quæ remittitur.

Salomon *b* linguam cicurem & modestam commendaturus: *Lignum vite*, inquit, *lingua placibilis; quæ autem immoderata est, conteret spiritum*. Quicquid in hac vitali arbore foliorum est, medicinam promittit & sanitatem: quicquid in homine sedato ac miti verborum est, virtutis argumentum est. Et quemadmodum ramus virens ac succi plenus flecti se finit facillime, sequiturque ducentem manum; ramus arens & exsuccus frangitur: ita si hominem objurgantis linguæ vel minimum læseris, non flectes sed franges; nam quæ immoderata est, conteret spiritum, tam loquentis, quam audientis, tam objurgantis quam objurgati: at homo placidus, & cui cicur est ingenium, etiam cum reprehendere cogitur, sic tamen reprehen-

hensionem temperat, ut non tam hoc agere, quam docere videatur, instruit leniter, nec acerbe carpit, prorsus ad mentem beati Pauli, *a* qui reprehensores sic erudit: *Si praecipuus fuerit homo in aliquo delicto, vos qui spirituales estis, huiusmodi instruite in spiritu lenitatis.* Quid enim emendet objurgator ille qui asperrimarum objurgationum plaustra exonerat in eum quem verbis castigatum cupit?

II. Illustrissimum illud Angliæ fidus Thomas *b* Morus artificiose prorsus & dextre objurgantem alterius linguam mansuetiores mores docuit. Sederat pro tribunali Morus cum cæteris iudicibus. Rei producebantur Zonarii sectores, præsentibus accusatoribus, qui crumenas sibi præfectas querebantur, nec aliud contendebant, quam nebulones illos talia ausos in patibulum rapiendos. Hic unus assessorum vir gravis, & grandis natu, ipsos innocentes & injuria affectos acerrime objurgans: Hoc, inquit, incuriæ vestræ tribuendum: cur vestros sacculos non accuratius custoditis? supina negligentia nebulonibus his occasionem offert furandis res vestras cautius servate, & tagaces manus facile vitabitis: qui sua negligit, furem facit. Morus audita tam importuna oratione senis, qui jus dicere, non increpare læsos debuisset, causam hanc in diem alteram rejecit. Interea noctu ex illis larrunculis unum clam e carcere ad se iussit adduci: &, si cras, inquit, ad cognoscendas causas confederimus, nunquid poteris

a Gal. c. 6. v. 1. *b* Thomas Stapletonus in vita Mori c. 13.

teris tu illi seni qui accusatores adeo culpam
 rat crumenam subducere non observant?
 Gratiam à me inibis si feceris; libertatem
 certam spera, si tamen furta non velis repe-
 tere: quid dicis? Ille promissa venia lætissi-
 mus, omnia vicissim amplissime promittit:
 sibi modo fideret, se rem hanc strenue cu-
 raturum, & ad votum. Postera luce cum
 Assessoribus Morus confidet dicendis sen-
 tentiis; evocantur separatim rei: primus
 illorum fuit hic ipse latrunculus ad omnem
 nequitiam factus, & tanto jam animosior
 ad nobile facinus, quanto securior pecca-
 turus: Jubetur ergo, si quid habeat pro
 se dicere. Ille velut ingenti pudore terri-
 tus, abunde sibi suppetere, ait, quo suam
 innocentiam tueatur, id tamen infimis pre-
 cibus rogare, liceat sibi in unius è judici-
 bus secretas aures causæ suæ momentum
 deponere. Permittitur; unum ipse deligat
 quem velis ex omnibus. Senem morosum
 illum deligit. Itaque accedit trepidationem
 simulans, & nescio, quod grande secretum
 in aurem suam demurmurat, eademq; omni-
 no opera crumenam ad latus pendentem ex-
 ercitata manu præsecat. Arcana narratione
 finita, ad suum se locum recipit. Morus ac-
 cepto rei bene gestæ indicio, alium ex hac
 face hominem sisti jubet, captatque occa-
 sionem utriusq; liberandi collata stipe: *Quin*
hos miseros, inquit, dimittimus, tanto seve-
rius si redeant puniendos. Damnum si quod
aliis intulerunt, nos sarciamus, Neque ve-
ro tanti est. conferamus pecuniarias sym-
bolas, initium faciam; scio neminem grava-
te secuturum; & cum dicto æs reponit in
mensa.

mensa. Post Morum primus pæne ordo marsupium senis evocarat, ille suam symbolam prompturus, crumenam ubique quærere, nusquam reperire; atque jam sinum scrutari, jam caligas explorare, jam manticam omnem excutere, huc illuc oculos manufque mittere, non leviter erubescere, indignari etiam ac turbas facere; & : quid hoc, inquit, prodigii? compertissimum mihi est, me in tribunal hodie non sine crumena conscendisse: quis eam malus dæmon avexit? Hic Morus vultu ac voce ad lenitatem composita: Mi domine, inquit, ipse jam experimentum capis, quî vigilantes etiam oculos fallat Mercurius; nemo hic satis caverit. Quare in posterum eos quibus hoc infortunii contingit, ne acerbius objurga, jussitque crumenam à latrunculo reddi. Hic omnium risus consecutus est de sene, quem Morus urbanitate tam faceta docuisset, non tam asperere, præsertim infontes objurgare. Ubi orationis lenitudo deest

— os claudite

Centuplice sera, pessulo centuplice.

Os illud maxime quod objurgationis plenum est.

III, Ergo vos, qui spirituales estis, hujusmodi instruite in spiritu lenitatis. Plurima reprehendi possunt, sed moderate ac parce. Moneri & corrigi, res à se inamœna est & ingrata: quod si accedat verborum immoderatio & truculentia, jugum censetur intolerabile, quod vel excutiendum sit, vel calcandum ipso contemptu. Plurima quoque commodius dicuntur soli & separate, quam coram aliis. Illud enim admonitioni, hoc obju-

objurgationi similis habetur. Socrates in convivio quendam suorum familiarium paullo acrius objurgarat. Nec dissimulavit hoc Plato, sed ad Socratem versus: Nonne, inquit, satius fuisset, hæc illi seorsim dixisse? Cui mox Socrates: Et quæso, ait, mi Plato, an non tu quoque rectius fecisses, si mihi seorsim hæc dixisses?

Christi præceptum est, eum qui deliquerit, ter monendum ac instruendum, dum morbus illius censeatur immedicabilis. Jussus a divini verba sunt: *Si peccaverit in te frater tuus, vade & corripe eum inter te & ipsum solum; si te audierit, lucratus eris fratrem tuum. Deinde: Si autem te non audierit, adhibe tecum adhuc unum vel duos. Tertio demum: Quod si non audierit eos, dic Ecclesie. Si Ecclesiam non audierit, sit tibi sicut Ethnicus & publicanus.*

Ut autem linguam objurgantem non refrenare solum sciamus, sed etiam tolerare cum ab effreni lædimur, nobile documentum Annæi juverit: Si meritò objurgaverit te aliquis, scito quia profuit: Si immeritò, scito quia prodesse voluit. Sed longè melior hac in re magister Apost. Petrus, ut eos instruat qui planè insontes objurgantur aut multo acerbius: quam commérité fuissent: *Quæ est, b inquit, gloria, si peccantes & colaphisati suffertis? sed si benè facientes sustinetis, hæc est gratia apud Deum: in hoc enim vocati estis. Hæc aurea nominatur lingua Christianorum, quæ uti adulari nescit, ita insectari verbis, & carpere non consuevit, omnemque sermonis otiositatem studiosissime*

sime fugit. Hæc lingua præ cæteris videtur digna, quam divinæ laudes occupent æternum.

CAPUT XLIII.

*Quam frequens, & insolens sit Lingua
Ostentatrix.*

A Thenienfes Berofo Mathematico, quod multa velut vates prædixisset, quæ temporis series, rerumque eventus vera monstrassent, statuam æneam in gymnasio posuerunt. statuæ tamen linguam inferuerunt auream. Ejus rei contrarium passim experimur. Est qui merito suo laudetur, dicaturque *aureus homo*. modo linguam prudentius nosset regere: En statuam auream, cui tamen vix plumbea sit, aut ærea lingua: Phariseus ille publicani contemptor, ex asse talis fuit, dixisses aureum hominem, qui jejuniis, qui eleëmofynis, qui cæteris virtutibus sedulo vacet: sed ostentatrix ipsius lingua panè fuit lignea, quæ pulchram hanc statuam plurimum fœdavit: commendabiles fuissent Pharisei actus, si eos ipse non adeo commendasset.

Hæc Ostentatrix lingua sui domini elogia miris artibus novit in theatrum Honoris educere, & omnibus spectanda proponere. Linguae hujus labor panè omnis in exornationis genere versatur. Laudare omnium optimè novit; nec tamen laudat omnia, sed solum res sui domini. In suas sui que domini laudes excurrit amplissimè. & longam narrationis seriem rexit, ut à pluribus scia-

tur.

tur quam insignem habeat dominum qui meritò vivus per ora virum volitet. Quam autem hæc ipsa *Ostentatrix* lingua suo domino sæpè noceat, dum stulte favet, nunc explicabimus, & quidem cum cura & paullo fufius, nam linguæ vitium longè communissimum est *Ostentatio*, & valdè noxium, & forsan non sentiet se feriri, nisi bene feriatur.

I. Quemadmodum mercator aut propola, laudat venales quas vult extrudere merces, sic Lingua *Ostentatrix* merces suas expedit non sine amplissima commendatione. Habet autem duplicis generis mercimonia, nam aut seipsum quis laudat, suum stemma, familiam, dotes sibi suisque concessas, aut laudat suam artem, scientiam, suum officium, suas functiones, opes suas ac potentiam. Hos quidem *a* Sophonias Magniloquos superbiæ vocat. *b* Tobias dehortatus filium: *Superbiam*, inquit, *in tuo sermone nunquam dominari permittas*. Sed & Salomon *c* censoriâ ferula *Ostentatricem* hanc linguam commonefaciens: *Laudet te alienus*, inquit, *& non os tuum: extraneus & non labia tua*. Merito suo vapulat hæc lingua, non enim curat ut Deo placeat, sed ut honori ac famæ serviat, & semper in promptu habeat, quo glorietur.

d Mens fame avara, obnoxia est jactantiæ.

Ostentatores istos irridens e Paulus: Non enim, inquit, *audemus inserere nos aut comparare quibusdam, qui seipsos commendant.*

Sf Sed

a Soph. cap. 3. vers. 11. *b* Tobiaë c. 14. v. 14.

c Prov. cap. 27. vers. 2. *d* Iamb. Ver. *e* 2 Cor.

G. I. v. 12.

Sed ipsi in nobis nosmetipsos metientes, & comparantes nosmetipsos. Hoc in falsos Apostolos dictum, qui omnia Pauli extenuantes: Quid aiebant, sit Paulus? epistolæ illius magniloquum quid spirant, sed cum ipse auditur, nec vox, nec elocutio, nec oris dignitas expectationi respondent; nos illi longè antestamus. Ita prorsus, inquit Paulus, ego homuncio non audeo his gigantibus me comparare: intra meam me pelliculam contineo; non in immensum gloriabimur. Hac ratione Paulus ostentatricem linguam repressit.

Nabuchodonosor Rex inter gloriabundos illos gigantes numerandus: Nonne, a inquit, *hac est Babylon civitas magna, quam ego edificavi in domum regni, in robore fortitudinis meæ, & in gloria decoris mei? Insignem stultitiam, & grandem superbiam hæ voces prodiderunt. Cumque sermo adhuc esset in ore regis, vox de cælo ruit: Tibi dicitur Nabuchodonosor rex, regnum tuum transibit à te, & ab hominibus ejicient te, & cum bestiis ferisque erit habitatio tua, & fœnum quasi bos comedes. Quid ergo te jactas, ô Thraso, de divitiis, honoribus, majorum imaginibus ac prisco sanguine? circumspice, ubi nunc illi sunt qui ante te tales erant? tu brevi ubi eris? ad illos transibis.*

Si quis res gestas priscorum eremicolarum evolvat, quosdam ex iis post quadraginta aut quinquaginta annos in maxima vitæ austeritate actos, in turpia scelera ruisse comperiet. Sed ne miremur. nam hos virtutis suæ jactatores fuisse deprehendimus. At verò jactantia superbiæ filia est.

Deus

Deus & filiam, & matrem extreme odit, & averfatur. Hinc etfi quis mille annis accuratè Deo fervierit, ubi feipfum commendare, & virtutes fuas velut merces proponere incœperit, omnem prioris obfequii gratiam corrumpit. Vade jactator, vades; fortent obfequia tua, propter linguam tuam. Laudator fui idolum eft, quod feipfum colit, fibi cantat, fibi pinfit, fibi litat. Illud quidem non negandum, aliquos è numero fanctorum divino honori augendo, partim excitandæ fpei, aut exhibendo exemplo de feipfis quandoque non fine præconio locutos. Rex a Ezechias: *Memento Domine, inquit, quomodo ambulaverim coram te in veritate.* Paulus b invitus & aliorum improbitate coactus: *Exiftimo, inquit, nihil me minus feciffe à magnis Apoftolis. In quo quis audeat (in infipientia dico) audeo & ego. Miniſtri Chriſti ſunt; & ego (ut minus ſapiens dico) plus ego.* Sed rationem reddens dictorum: *Quod autem facio, inquit, & faciam, ut amputem occaſionem eorum, qui volunt occaſionem: ut in quo gloriantur, inveniantur ſicut & nos.* Nam ejufmodi Pſeudo-Apoſtoli ſunt operarii ſubdoli, transfigurantes ſe in Apoſtolos Chriſti. Hæc eo dixit hic Orbis Eccleſiaſtes, ut decepti juvarentur, ideo à ſe dicta audaciam vocat & infipientiam. *Imitemur vel umbram beati Pauli, quod c Chryſoſtomus monet, & ſi qua auſa memoranda patravimus, non ea ſtatim venialia in forum extrudamus, alioquin omnibus nos præmiis privamus.* Rex Ezechias theſauros omnes perdidit, quia illos ambitioſè mon-

S f 2 *ſtravit.*

a If. c. 38. v. 38. b 2. Cor. c. 11. v. 12. 13. 21.
& 23. c Chryſ. hom. 73.

stravit. Sanctorum pænè omnium in rebus plurimis mens ista fuit : *Nemo sciat, nisi Deus.* Cum pictor loquitur, suamque picturam prædicat, ab omnibus pessimè locutus arguitur; cum verò pictura loquitur, suumque laudat magistrum, à nemine non præclara locutio vocatur, neque enim aliunde plausum expectet artifex, quam a suo opere : Vox operis omnium vocibus antecellit.

II. Jusserrat Deus Moysen, è sinu manum producere, quæ omni ex parte visa est leprosa: jussus est iterum Moyses eandem sinu abdere. & omnis inde lepra depulsa est. Quæ autem hæc subita mutatio? num aër corruptus aut arcana in sinu virtus, mutationis tam repentinæ causa extitit? Quod si hoc miraculi loco habendum, cur id non in fronte, aut facie tota expressum, sicut in Ozia rege, & sorore Moysis Maria? Procopius Gazæus hunc in modum respondet. Manum Moysis Deus leprosam esse voluit, quandoquidem ea patraturus erat admiranda in Ægypto: perinde si Deus præmonuisset Moysen: Miranda hæc opera ne manui tuæ tribue, nec illam ob ista osculare: Manus tua à se leprosa & inepta operi: ne illam igitur ostenta, velut mirandorum operatricem; absconde potius, & doce illam erubescere sub veste. Pari modo si à nobis ipsis virtutes nostræ tegantur, longe tutiores erunt suæ sibi puritatis consciæ; sin eas ostentemus, & velut venales proponamus, omni laude destituentur. Omnia maculat Ostentatrix Lingua. Hinc sæpè permittit Deus, ut is qui omnia se scire aut posse profitetur, qui miram rerum experientiam venditat, qui
omnium

omnium regionum mores describit, omnium nationum linguis loquitur, & ingentia quæque promittit. ut is inquam, subinde leprosam è sinu manum educat; sic jactantia ipsius detegitur, pudefit, odio esse incipit: *a* Salomon hic vaticinatur: *Qui se jactat & dilatat, jurgia concitat.*

Thomas *b* Morus hoc genus hominum, prout meretur, insigniter tractare novit. Legatus ierat Bruxellas Morus ad Carolum V. Imperatorem. Illic in aula tam celebri nescio quis gloriosulus fuit, qui ad aulæ valvas affixit chartam, qua in litterarum certamen provocabat quoscunque, responsum se ad omnem cujuscunque juris quæstionem, vel quicquid demum in quacunque humanæ litteraturæ scientia proponeretur. Audacissima prorsus ostentatio! Thomas Morus audita hominis tam petulanti vanitate, hanc è jure Britannico quæstionem posuit: Utrum animalia capta in Withernamiam sint irreplegibilia? Addidit: in familia Legati Anglici esse, quiea de re disputare cupiat. Hic jactatori hæere aqua, ostentatrix lingua non tantum titubare, sed & obmutescere: miser nec voces quidem, nedum quæstionem intelligere, ad rem nihil respondere. ita suam ipse vanitatem agnoscere coactus, omnium denique sibilis ac risu vanissimus provocator exceptus est. In nunc puer gloriabunde, & viros laceffe ad pugnam.

III. Non multum huic absimile con-

Sf 3 tigit

a Prov. c. 28. v. 25. *b* Stapl. in vita Mori c. 13. circa medium.

tigit a Viennæ. Doctor Paulus Florenius, qui religionis, cui se addixerat, defector, plurimorum idioma um se peritum jactarat, & credebatur is vulgò linguam Latinam, Græcam, Hebraicam, Syriacam, Chaldaicam, aliasque similes egregiè calere. Georgius Scherer Societatis JESU sacerdos Schedam ad se delatam accepit, idiomate ignorabili scriptam, qualem dicuntur anus ad collum infantum suspendere, febris amuletum. Hanc ille chartulam cum interpretari non posset, Florenium adire statuit, optimam hanc occasionem ratus, quâ hominis multiplicem in peregrinis linguis scientiam experiretur. Hunc ipsum ergò adit, & schedam porrigens: Obsecro, inquit, ignorantem juva, & barbaros hos characteres interpretare. Ille non diu cunctatus, & linguæ illius peritiam audacter simulans: illud idioma est, inquit, quo sacerdotes Ægyptii utuntur in suis sacris. Scherer gratias egit erudito interpreti, & mox in cubiculum secedens, tres voces germanicas istas, b Gånß gehen Barfuß ordine inverso inscripsit, tunc voces emerferunt iste, Gnäg / neheg / süfrab. Accepto novo hoc schedralimate, Patrem Christianum, qui tum Theologiam publicè docuerat, convenit: & quæso, inquit, accede socius ac testis, mi Pater; exploremus, num D. Florenius, tot linguas calleat, quot ille sibi cognitas gloriatur. Paullò anteschedulam ei exhibui vocibus ignotis exaratam, ad quam ille promptus respondit, esse sacra
verba

a Georg. Scherer. tom. I: controversi, mihi p. 643.

b Anseres eunt nudis pedibus.

verba sacrificulorum in Ægypto. Equidem valde dubito an idioma illud didicerit. Florenium Reverentia vestra non nescit ambiciosum esse masculum, qui ne fateri cogatur ignorantiam, ex tempore confingit mendacium. Ita hi solent; fidentissimè pronuntiant rerum omnium ignari; ne tales habeantur. Eamus igitur & denuo exploremus, quid eruditionis in homine lateat. En novæ schedæ mysterium: scripsi præposterè, *Gânß gehen Barfuß*; hæc illi scheda lapis Lydius est. Audiamus obsecro novum Mithridatem, quid iudicii super hanc scriptiorem ferat, sed laurum prius mordeamus, ut risum alioquin erupturum comprimamus. Ambo igitur ad Florenium revifunt; ubi Georgius Scherer: Doctor Paule Floreni, ait, veniam rogo, si negotium facessam, hic iterum ignota me schedula fatigat, ritu mirabili scripta; quid istud obsecro idiomatis est, ecquis horum verborum sensus? juva meam in linguis infantiam. Doctor Florenius schedam curiosè contuens, mox pronuntiat, &: illa ipsa, inquit, lingua est, quæ in chartula priore perscripta: Ægyptiæ linguæ verba sunt sacrificulis illis solemnia. Ubi Pater Christianus hæc audit, vix januâ prehensâ foras se eiecit, alioqui prorupurus in cachinnos. At vero Georgius Scherer vultum serium fingens, & velut persuasus valedixit. Inter hos duos postea satis risum est ob exaltatam hanc fabulam tam doctæ interpretationis.

IV. Hæc Ostenratrixis linguæ sunt facinora, ut semper habeat quod magnificè lo-

quatur, fingit. Verbum vetus est, & verum : Ignavi homines plus habent verborum quam operæ, lingua scilicet potentes, non item manu. bellator ore, plerunque pecus ignavum est re. Præclare dixit *a* Isidorus : *Horret sapientia spumeum verborum amburum.* Et tamen illi potissimum utuntur, quibus verba sunt sine * penu & pecunia. Myndiorum olim vilis fuit urbecuia, sed portæ ingentes & magnifici operis. Diogenes ille notus è Stoa Philosophus, hanc urbis & portarum dissimilitudinem contemplatus, exclamavit publice. O Myndii portas claudite, ne per illas urbs vestra exeat. In homine inanis gloriæ appetente, hoc ipsum prorsus est videre. Portas is habet amplissimas, os supra modum garrulum, & quod in sui domini laudes excurret laxissime. Sed plerunque civitatula hic latet vilissima, actus parum insignes, manus languidæ & leprosæ, virtutis curtissima suppellex. Atque hos suo nomine † Thrasones vocamus, qui ampullas & sesquipedalia verba jaciunt, qui quicquid hostium est, super mensam debellant, & ut Plautinus ille Bombomachides, decem uno distant spiritu. Aristogiton, uti Plutarchus memorat, passim in sermonibus bella crepabat & arma; strategum dixisses animosissimum. Cùm verò miles scriberetur, crus pannis obligans Aristogiton, gressus baculo fulciebat, & ut piger canis claudicabat. Vidit hunc è tribunali Phocion, qui mox castrensi tabellario :

Scribe,

a Isid. lib. 2. de ser. cap. 29.

* Viel geldhryp/ und wenig Wok.

† Prachthansen.

Scribe, inquit, Aristogitonem claudum, & mendacem. Hoc ostentatoribus solenne est, dum verbis agitur, nemo illis animosior, nemo fortior; cum ad rem venit, hic illi claudicant, jamque vix serpunt, qui antea volarant.

V. Claudius a Paradinus, linguam inter geminas draconis alas pinxit, addita inscriptione, *Quo tendis?* Septis quidem & quasi valvis duplicibus Natura linguam repressit, hæc tamen nihilominus perrumpit claustra, & in apertum evolat. Arx in homine caput est; dentes, cancelli ossei; os, arcis portas; Ratio arcis domina, quæ linguam fere instar coërceat. At hæc sæpissime fractis carceribus erumpens, draconum alas obtinet, fitque volans draco. Hæc jam alata fera plena b veneno mortifero, huc illuc instar jaculi fertur. & plerunque primam omnium prædam proprias laudes sectatur, idque tam avide, ut etiam in flagitiis gloriam inanem aucupetur. Sunt enim, qui latantur cum malo fecerint, & exultant in rebus pessimis. Cum autem gloria è vitiis summa sit ignominia, querit regius Psaltes: *Quid d gloriaris in malitia, qui potens es in iniquitate.*

Quis autem volanti huic draconi alas affigit? Aut Superbia, aut Avaritia, aut etiam Opulentia. Superbia quidem hoc agit, ne quis intus seipsum norit, atque ita longe majorem quam sit æstimet: Avaritia hoc docet, ut quis artem quam novit, apud omnes prædicet, quo eam carius vendat. Opulentia proprium est grande supercilium attollere.

Si 5 & spi.

a Parad. Symb. her. mihi p. 115. b Iacob. c. 3. v. 8. c Prov. c. 2. v. 14. d Ps. 51. v. 1.

654. CAPUT XLIII.

& spirare superbiam. Pompejus Magnus belli gloria, quam ipse sibi fingeat, insolens dicere non dubitavit; si terram vel semel pede pulsaro, totum Orbem ad arma provocabo. En alatum draconem, & orbe toto vagantem.

Has feras persequitur Deus, qui ad honorem suum attentissimus: a *Gloriam meam*, inquit, *alteri non dabo*, Omnia nobis, etiam seipsum dare paratus est, si modo nos illi suam gloriam. Hanc à nobis cumprimis exigit, ut non b *glorietur in conspectu ejus omnis caro*. Hilariter rationem reddens: Soli Deo, inquit, de se credendum est, qui se solus novit. Nos autem quàm non novimus nos ipsos intus & in cute? Et cui non jure ignorantia sui objicitur? c *Quia dicis, quod dives sum, & locupletatus, & nullius egeo: & nefcis quia tu es miser, & miserabilis, & pauper, & cacus, & nudus*. Abi ostentator, & disce teipsum nosse: non deerunt qui te hac in re juvent.

CAPUT XLIV.

Quibus in rebus Ostentatrix lingua se potissimum efferat.

A *Ttalum quendam perstringit olim poeta, epigrammate faceto:*

d *Declamas belle, causas agis Attale belle:*

Historias bellas, carmina bella facis:

e *Componis belle mimos, epigrammata belle:*

Bellus

a Is. c. 42. v. 8. b 1. Cor. c. 1. v. 29. c Apoc. c. 3. v. 17. d Marti. l. 2. epig. 6. e Comœdias & scenicas actiones scribis,

Bellus Grammaticus , bellus es Astrologus.

Et belle cantas , & saltas Attale belle ;

Bellus es arte lyra , bellus es arte pila.

Nil bene cum facias , facis attamen omnia belle :

Vis dicam quid sis ? magnus es Ardelio.

Ea fuit Attali jactantia, ut nihil non affectaret, in rebus omnibus se jactaret, plurima agendo nihil perageret. Et quia sibi uni eximie placebat : nunc se oratorem, nunc declamatorem, nunc historicum, nunc poetam est professus : Jam grammaticum, jam astrologum, jam lyristam & lusorem, jam musicum & saltatorem se jactabat; nihil horum erat, sed verissimus Thraso, & ostentator sui vanissimus, qui sibi omnia belle facere videbatur, & nihil bene faciebat, quod Ardelionum est proprium. Talis Attalus, qui omnia sibi tribuebat, & cum nolent alii, seipsum magnifice laudabat. Hem quam ampla est etiamnum horum Attalorum familia! quam multi sunt, qui seipsum unice admirantur, & suspiciunt, hinc de seipsis multa & graviter & honorifice prædicant, magnamque à seipsis laudem ferunt in rebus pæne omnibus. Potissimum tamen quinque rerum capita sunt, de quibus ostentatrix lingua gloriari solet. 1. De forma & corporis viribus. 2. De genere ac nobilitate. 3. De vestitu, supellectili, opibus. 4. De ingenio, ac eruditione. 5. De Virtute, ac dotibus animi : imo tanta ostentandi se libido est, ut etiam de vitiis gloriemur. Quam autem ostentatrix lingua, inanem & stultam sumat operam, cum in his talibus gloriatur, hac dissertatione explicabimus.

I. Primum Ostentationis genus est de forma & robore gloriari. Sed heu quam breve, quam & fragile bonum est forma? nihilo firmior est illa quam tempus, cum eo veniens, cum eodem fugit. Siste, si potes, tempus, poterit & forsan forma consistere, quæ ut amœnus flosculus, inter ipsos mirantium atque laudantium oculos evanescit: brevis hunc pruina percutit, levis hunc aura decutit, vel inimicæ manus ungue carpitur, vel prætereuntis calce premitur, & perit. ita formam febricula, morbique alii extinguunt. Quanti facienda sit forma, mors ostendit, nec mors sola, sed senectus & paucorum annorum spatium, imo vel unius lucis repentina commotiuncula

a *Forma bonum fragile est, quantumque accedit ad annos.*

Fit minor, & spatio carpitur ipsa suo.

Hæc expertus quandoque formosus ille Romanus Princeps Domitianus; qui amico scribens: Scias, inquit, nec gratius quidquam decore, nec brevius, etiamsi durable perpetuumque naturæ donum esset, non intelligo, quid tantopere habeat expetendum iste non solidus, nec in ipso homine nisi superficie tenus fulgens decor, multaue fæda & horrenda contegens.

Cur obsecro Deus conditi orbis initio creata omnia laudavit, solius hominis laudes tacuit? Ambrosius b causam assignans: Creatorum omnium bonitas, inquit, in exteriori specie sita erat, non item hominis, propterea laudabantur illa, non homo, qui prius laudandus non est, quam per exteriores

a Ovid. l. 2, amorum. b Amb. de insti. virg. c. 3.

res actus interiorem bonitatem demonstret. Hinc à sola exteriori forma laudari, vanissima laus est.

Forma libidinis fomentum, multis acerbis ac turpis interitus causa fuit: forma morborum & temporis ludibrium quam non longa floret ætate! quid jactas tam volucre bonum! mox flava cadet cæsaries, albescunt reliqua, purpurascunt genas & serenam frontem squaientes arabunt rugæ, latas oculorum faces & lucida sidera mœstæ obducent nubes, candidum ac læve dentium ebur scaber atteret situs, recta cervix agilesque humeri curvescent, miniata labra expallescent, aridas manus & recurvos pedes suspicaberis non esse tuos. Quid multa? Veniet dies quo te in speculo non agnoscas: testes oculi dicent, *aut alius es, aut tibi ipse dissimilimus es.* Quid ergo miramur tam caduca? quid de vitiorum adjumentis gloriamur?

Quid veteres hac in re senserint, non ignoramus: Raram aiebant illi esse concordiam formæ atque pudiciæ, raram mixturam formæ atque sapientiæ. Utrumque verum, nam luculenta forma meliorem non reddit animum, quem sæpissime in periculum trahit; moribus censendus est homo. Est & animo sua pulchritudo multo suavior certiorque quam corporis, & ipsa quoque suis legibus, atque apta suarum partium dispositione subsistit. Illam optare, illi operam impendere dignum est, quam nec longa dies deteret, nec morbus, sed nec mors extinguet. Quid attinet gloriari eo, quod neque nostrum est, neque diutius servare possumus; quod habuisse nulli, quod

quod contemfisse multis gloriosum fuit. Mito alios : Spurinam non naturalis forma nobilitavit , sed ultro accersita deformitas ornavit. *Fallax a gratia , & vana pulchritudo.*

Quæ de forma , eadem de robore corporis affirmamus. De robustis viribus gloriari , taurina gloria est. Bos aut elephas hac in re gloriosior sit , quia robustior. Deinde nulli unquam tantæ vires obtigerunt , quæ vel labore immodico , vel acri morbo , vel cuncta vincente senio non fuerint fractæ. Invicta & infatigabilis est vis animi , quæ veram parit gloriam. Nemo Milone robustior fuit , sed clariores multi. Virtus verè laudanda mole corporea non eget ; in animis habitat. Quid nostris viribus triumphamus , cum multas belluas hac in re superiores habeamus ? Erravi : quod nostras appellarim vires , cum eæ non sint nostræ , sed hospitii nostri , imo carceris nostri. Vanum est autem , cum ipse sis fragilis , de valido habitaculo (dicam melius) de robusto adversario , qui te sapius prostraverit , gloriari. Num mortuus decenter gloriaretur de sepulchro ? foris nitet , intus putret & foetet. Divinus ille *b* concionator , ut humanæ ostentationi alas incideret : *Vertime* , inquit , *ad aliud , & vidi sub sole , nec velocium esse cursum , nec fortium bellum , nec sapientium panem , nec doctorum divitias , nec artificum gratiam : sed tempus casumque in omnibus.* Et ne quis viribus suis inaniter fidat , adjungit hoc monitum : *Nescit homo finem suum ; sed sicut pisces capiuntur hamo , & sicut aves laqueo comprehendantur : sic capiuntur homi-*

homines in tempore malo, cum eis extemplo supervenerit. Milonem omnibus palæstris celebratum & cognitum arbor una detinuit, lacerandumque feris obtulit. Sic illud eximium robur, fissæ quercus robori impar inventum est. Samsoni heroum longè fortissimo robur omne ademit acies novaculæ. Ille qui leonem velut hedulum ludibundus discerpsit, in puellæ gremio, corporis & animi robur omne perdidit. Ergò : a Melior est sapientia quam vires, & vir prudens quam fortis. b Siquidem non in fortitudine sua roborabitur vir. Anus c quæpiam cum Jovinianum Imperatorem Romanorum mole corporis excellentem & validum, sed parum intelligentem vidisset, exclamasse fertur : O quam bonam domum hic habet amentia ! Putat Valerius, nimio robore membrorum, vigorem mentis hebescere, quasi abnuente natura utriusque boni largitionem : ne supra mortalem sit felicitatem, eundem & valentissimum esse & sapientissimum. Ergò : d non gloriatur fortis in fortitudine sua, & non gloriatur dives in divitiis suis : sed in hoc gloriatur qui gloriatur, scire, & nosse me ; quia ego sum Dominus, qui facio misericordiam & iudicium, & iustitiam in terra. Linguam magniloquam disperdet Dominus.

II. Alter Ostentationis impetus est, de genere ac nobilitate gloriari. In cæteris forsitan homines nos haberi non indignamur, hic supra humanam conditionem efferimur, & Dii nobis videmur. Is profecto fastus

a Sap. c. 4. v. r. b 1. Reg. c. 2. v. 9. c Valerius Maxim, lib. 9. c. 12. d Hier, cap. 9. v. 23. & 24.

factus est quorundam, ut præter se neminem æquè hominem censeant nisi pariter nobilem. Propago vetus, profapia nobilis, generosa origo, ornamentum est hominis, non negamus, sed hominis illius, quem non sanguis solum, sed & virtus nobilitat. Ille verè nobilis est qui strenuè agendo nobilitatem peperit, non nascendo accepit. Alienum est, cui de nostro nil inest. atqui alieno gloriari, ridicula prorsus ostentatio est: avorum merita, nepotum degenerantium notæ sunt; nec aliud magis posterorum maculas aperit, quam majorum splendor ac gloria cui posterum non respondent. Veram laudem nisi de proprio sumpseris, ab alio non expectes. Agedum, quisquis nobili altoque sanguine vis censeretur, virtute & factis te nobilem proba non verbis. Nam & majores tui nisi aliquid dignum egissent laude, nunquam nobiles fuissent. Ubi generis antiqui est nobilitas, ibi necesse est antiqua fuerit virtus, sine qua vera nobilitas non est. Sæpè magna est parentum claritas, sed tanto major obscuritas filiorum. Corpus & patrimonium à parentibus accipimus, non ita claritatem, hanc & qui habet, raro in filium transfert, & qui non habet, subinde illam in filio videt. Quantum patre clarior Cæsar, quantum obscurior Africani filius? Amare illum potuit pater, illustrare non potuit, infinitam suæ lucis eclipsim passus in filio. Ita rarò excellentis viri filius excellens est; ita nominis claritas non nascendo quærenda est, sed vivendo; sæpe etiam, quod miraberis, moriendo, Ita verus nobilis non nascitur, sed

sed fit. Platonem Philosophia non accepit
nobilem, sed fecit. Desinamus igitur nostrū
nomen alienis obumbrare virtutibus, ne u-
noquoque suum reposcente, nudi de pro-
prio rideamur. Sed ego, inquis, non sum
cornicula, quæ alienis se pennis jactet; mul-
ta mihi est claritas sanguinis. Ah, quid hac
de re gloriaris? Omnis propemodum san-
guis est concolor, sicubi forte alter altero
clarior inventus sit, non id nobilitas efficit,
sed sanitas. Et quam opportunè hic illud
Aquinati poetæ occinam?

*a Stemmata quid faciunt, quid prodest, Pontice
longo*

*Sanguine censeris, pictos ostendere vultus
Majorum, & stantes in curribus Emilianos,
Et Curios jam dimidiis, b humerosque minorem
Corvinum, & Galbam auriculis, nasoque car-
rentem?*

*Quis fructus generis, tabula jactare capaci
Corvinum, post hæc multa contingere c virga
Fumosos Equitum cum Dictatore magistros,
Si coram Lepidis malè vivitur.*

Avorum & proavorum atque atavorum sta-
tuæ in armariis per atria dispositæ, vetusta-
te exesæ, fumosæ ac mutilatæ, inquit poëta,
nobilitatem tibi non dabunt, si mores de-
sint, si tu ante imagines majorum tuorum
pessimè vivas, tota nocte aleâ ludas, auro-
ram poculis salutes,

Tota licet veteres exornent undique ceta

Atria, nobilitas sola est, atque unica, virtus.

Cur enim Q. Fabius, Q. Fabii Maximi Al-

T t

lobro,

a Juvén. sat. 8. v. 1. & seqq.

b Fractas avorum statuas

c Fascibus, magistratus insignibus

lobrogici, Imperatoris clarissimi filius, maiorum gloriâ efferatur, eorumque titulos sibi adsciscat, cum vitam luxu perditam & maioribus indignam agat?

a *Nam genus & proavos, & quæ non fecimus ipsi,*

Vix ea nostra puto —

Beatus b Hieronymus Celantiam nobilem feminam modestiæ commonefaciens: *Nulli unquam*, ait, *de generis nobilitate te præferas, ne obscuriores quasque & humiliore loco natas mulieres te inferiores putes.* Nescit enim religio Christiana personas accipere, nec conditiones hominum, sed animos inspicit singulorum. Servum & nobilem de moribus pronuntiat. Sola apud Deum libertas est non servire peccatis. Et nunquid non omnium una est nascendi conditio? nunquid non & moriendi una est conclusio?

Judæorum perpetua fuit hæc ostentatio, genealogias suas omnibus recitare, & ore quanto assidue illud crepabant? *Semen c Abrahæ sumus, & nemini servivimus unquam.* Quibus Humilitatis magister opportunissime: *Si filii Abrahæ estis*, ait, *opera Abrahæ facite: omnis qui facit peccatum, servus est peccati.* Quid igitur ostentatrix lingua sanguinem altum intolerantius jactat? In alto nasci nec tranquillum certe, nec sempertutum est, etsi sit clarum. Scitum est illud Lyrici poetæ:

d *Sapius ventis agitur ingens*

Tinus,

a Ovid. l. 13. metamorp. post init. in orat. Vlyssis. b Hieron. epi. 22. ad Celant. c Ioh. c. 8. vers. 33, 34. & vers. 39. d Horat. lib. 3. carm. od. 10.

*Pinus, & celsa graviore casu
Decidunt turres, feriuntque summos
Fulmina montes:*

ut nemo naufragium in sicco, ita nec præcipitium in imo metuit. Nil præterea tam altum, quod non & sollicitudini, & labori, & invidiæ, & pavori ac mærori, & in finem morti pervium. Omnem sane fastum eminentiamque mortalium, sola mors in planum redigit. Quot fuerunt nobiles familiæ, quarum hodie superstes nemo, & vix ulla est memoria? Omne quod in tempore oritur, cum tempore occidit. Omnia tempus imminuit consumitque. Nobilitas quam longa dies peperit, longiorque auxit, longissima subruit. Ponamus cristas; nemo vere nobilis est, nisi & modestus sit. Linguam magniloquam disperdet Dominus.

III. Tertium Ostentationis genus à victu & vestitu, à nummis & opibus crescit. Virtutum nutritrix optima est paupertas, opulencia vitiorum. Ubi divitiæ, illic plerunque sunt & vitia, & tamen nemo se pauperem esse gloriatur, divites videri omnes volumus, etiam ii sæpe, quos occulta conficit egestas. Ecquis est qui facultates suas nec verbis, nec factis prædicet? Difficillimum est ostentatrici linguæ accrescentes divitias non subinde prædicare: minus inanis esset gloriatio, modo gaudium, tranquillitas, virtus cum crescentibus divitiis crescerent. At contrarium experimur: quanto magis hæc crescunt, tanto illæ decrescunt magis. Si ad clarissima rerum exempla reflectamur, videbimus Romanos dum fuere pauperes, omnium gentium, imo & vitiorum

fuisse victores; tum vinci cœpisse, cum opulenti evasere. Sic ad divitiarum adventum discesserunt virtutes ac victoriæ, simulque opum comites delitiæ ac libidines in virtutis locum subierunt, ut non immeritò illius ævi scriptores, Romanæ paupertatis interitum querantur. Divitiæ plurimos faciunt non divites, sed occupatos, non dominos sed custodes & servos. Qui multas opes congeffit, rem habet quæsitu difficilem, custoditu anxiam, amissu stabilem. Et multo plures sunt, qui habentur à divitiis quam qui eas habent. Hinc prophetæ testimonio viri divitiarum, non divitiæ virorum sunt. Nihilominus gloriamur de divitiis, quæ sæpe non dona, sed vincula, sed compedes, nec jam ornamenta corporis, sed impedimenta animi, & sollicitudinum atque formidinum cervi sunt. Divitiæ multis attulere mortem, requiem abstulere fere omnibus. In vepribus sopiuntur, qui in divitiis quiescunt. Gravis sopor qui aculeos non sentit. Sed venit ecce vox, quæ malè soporatos excitet: *a Dormierunt somnum suum, & nihil inveniunt omnes viri divitiarum in manibus suis. Et va illis, b qui in multitudine divitiarum suarum gloriantur.* Non est bona gloriatio illorum. Ecquid etiam de lauto victu, de splendido vestitu gloriamur? An nobis ideo plus parcent vermes, quam duro agricolæ, an non cibo molliore vescantur avidius? Scimus, etsi forte dissimulemus, nos illi convivio præparatam escam, & forte jam cœnæ tempus instare, certè autem longius abesse non posse: Nam & brevis est lux, famelici-

que

que convivæ, & quæ mensam instruit, mors impigra. Quin potius nos pudet, more pecudis gaudere pabulo, & ciborum fieri reconditorium, & dolii vicem subire, seque insuper de hoc magnifice jactare, & gloriam ducere, se gulæ servum fateri! Quid porro gloriolæ captamus, cum vestium nostrarum pretium prædicamus, tanquam si nobile sit factum, in veste totum patrimonium circumferre, & posse dicere: *tanti cæno, tanti vestior.* Non est laudis, tot sumptibus suum sibi carcerem ornare. Sed nos omnia eo molimur, ut divites habeamur: Hinc illæ ventosissimæ narrationes: tot mihi sunt prædia, tanta prædiorum merces, tot annui proventus, tanti redditus, tot argentea vasa, tantum numeratæ pecuniæ; horum omnium vanissima est ostentatio. *a* Rex Ezechias cætera laudatissimus, & in amoribus Deo, hoc uno tamen graviter deliquit, quod palatii sui thesauros ambitiosius exteris monstravit. Non videbatur huic humanitati hæerere noxa: Nihilominus Isaïas divino jussu sententiam pronuntiat: *Ecce dies venient & auferentur omnia, quæ sunt in domo tua, & quæ condiderunt patres tui usque in diem hanc, in Babylonem: non remanebit quidquam, ait Dominus.* Adeone grande piaculum est, domus regiæ gazas regiis legatis ostendere? Tantopere Deus ostentationem omnem odit, ut vel parvam, vel in amicissimis sæpe magno puniverit supplicio. *b* Non ergo gloriatur dives in divitiis suis. *Linguam magniloquam disperdet Dominus.*

IV. Quantum ostentationis specimen

Tt 3 est;

a 4 Reg. cap. 20. v. 27. *b* Hier. cap. 9. v. 25.

est, ob ingenium & eruditionem se jactare. Communis hic furor est, ingeniosum malle quam laboriosum dici: Non neminem reperiastam stolidum, qui eo solum nomine laborem fugiat, ne minus videatur habere ingenii, quo plus insumit laboris. Infania luculenta: Cum non raro ingenium optimum pessimus quisque habeat: *Labor*, ut Seneca *a* loquitur, *optimos citat*. Bene laborare, quia industriæ simul & laudis est: ingenium fortiri bonum, etiam pigerrimus potest, imo & nequissimus. Et tamen nescio qua ratione amœnius ad aures nostras accidunt hæ voces, *Ingeniosus est*, quam illæ, *Laboriosus est*. Hinc illæ fuimet commendationes: Promptum mihi & velox ingenium est. Utinam promptum & velox sit ad virtutes. Alioqui quo velocius, eo propius ruinæ. Pretiosa est animi supellex, præclarum ingenium, non negamus, si tamen bonis artibus applicetur; si minus, periculosa, sibi aliisque exitiosa. Ingenia felicissima frequenter exorbitant turpissime. Annæus *b* ex Aristotelis mente asserit: *Nullum magnum ingenium sine mixtura dementiæ fuisse*. Julianus Imperator Apostata magni fuit ingenii, sed tanto sibi & terrarum Orbi exitiosior, quanto ingeniosior. Hujus generis plurimos vetus recentque memoria numerat, qui si minus ingenii habuissent, minus nocuissent tam sibi, quam aliis intulissent. Vix quidquam in rerum natura exitiosius est, quam altum ingenium malis artibus imbutum, aut pravis opinionibus corruptum. Ingenium

a Sen. l. de provident. c. 5. *b* Sen. de Tranquill. c. 15. fine.

magnum sed pravum, præcipitio semper proximum: tutius est semper ingenium bonum ac modestum, quam excellens, quod illud in malum non facile flectatur, hoc in diversa fit volubile. solent qui de se magnificè sentiunt, præfidenter majora viribus aggre-
 di, inque nisu medio prolapsi suo vel periculo vel pudore condiscere, quam iusti fuerint rerum æstimatores suarum. Addo & illud quod Romanus a sapiens affirmat: *Ingenia quo illustriora, hoc plerunque breviora sunt.* Nec fere quidquam odiosius est sapientiae, quam nimium acumen: ideo veteres invisam Palladi finxerunt araneam, cujus subtile opus ac tenues telæ sunt, sed fragiles, nullique usui: Ingenia magna & subtilia, sæpe maximorum initia malorum fuerunt. Raro magni errores, nisi ex ingeniiis magnis prodierunt. Sed & hoc quotidiana loquitur experientia, in uno eodemque homine ingenium quandoque summum, & nullum esse iudicium, quod moderari deberet ingenio: ita quidam doctissimi sunt, doctrina vix uti possunt. An non istud superbiam omnem & vanissimam ostentationem coërceat? Quanti sunt nihilominus qui non ingenium duntaxat suum, sed & sapientiam suam jactitent. Sed mihi credite, si verè sapientes essent, nunquam se esse dicere-
 rent. Sapiens cum intelligat, quantum sibi desit, non solet de rebus suis gloriari, nec sapientiam sibi familiarem opinari. Primus ad stultitiam gradus est, se sapientem credere; proximus est, se sapientem profiteri. At horum non paucos numeraveris. Qui

Tit 4 . . . bene

bene res irent hodie, si tot essent sapientes, quot sapientiæ professores. Nunc illorum paucissimi sunt, horum maximus est numerus. Felicissimam dixerim ætatem nostram, quæ non unum duosve vel septem sapientes, sed in singulis urbibus, ceu pecudum greges numerat quam plurimos. Sed vide te quanto errore. Proprium est sapientis, suam in rebus plurimis ignorantiam nosse ac fateri, quod ostentatores illi omnium minimè faciunt. Audite, obsecro, ostentatorem insignem: *Vos nescitis quidquam*, ait Caiphas, *nec cogitatis, quia expedit vobis ut unus moriatur homo pro populo, & non tota gens pereat.* Omnes alios ignorantiae, temeritatis & inconsiderantiae damnat; se unum prudentem, circumspectum, sapientem venditat. Sic Iobi cognatus Eliu. *b Audite me*, inquit, *ostendam etiam vobis ego meam sapientiam.* His talibus illud Iobi c opportunissimè objicitur: *Ergo vos estis soli homines, & vobiscum morietur sapientia?* At sapientem, inquis, non nemo me dicit. *O te bonam*, sed fatuam oviculam! quam creduli & quam faciles in fidem sumus, cum de laudibus nostris agitur. Quam suaviter Demosthenem titillavit, cum eum anus Attica digito monstraret, diceretque: *Hic est ille Demosthenes:* O vane gloriator! non te tuæ, neque alienæ voces sapientem facient, sed res ipsa. Vulgo sapientes insaniunt, & insani sapiunt, nihil est à virtute vel à veritate

a Ioan. cap. 11. vers. 50, b Iob cap. 32. v. 10,
c Idem cap. 12. vers. 2,

ritate remotius quam vulgaris opinio, quæ falsa pro veris, vera pro falsis habet. Et quid nostro hoc ævo litterarum & inscriptionum tituli non audent, quem non nobilissimum & maximè strenuum, quem non eruditissimum ac jurisconsultissimum, quem non prænobilem, amplissimum, magnificum, generosum, perillustrem, illustrissimum faciunt? hic garriendi & adulandi libertas infinita. & facilius putant hæc scribi quam dici. nam littera non erubescit. Sed quid aliis ô vane gloriator de te credis? teipsum de tuis rebus interroga. Vis nosse quam sis sapiens? oculos in tergum reflecte: Recordare obsecro, quoties in hoc vitæ cursu cespitaveris, quoties aberraveris, quoties offenso pede cecideris; quot dolenda, quot pœnitenda, quot erubescenda commiseris: jam si audes, te dicito sapientem. Præstatigitur (mihi crede) falsas opiniones abjicere, insolentiam deponere, insipientiam circumspicere, & optare, ne qua experiendæ sapientiæ necessitas incidat, quæ declaret nos de nihilo gloriatos; Hæc rectior tutiorque quærendæ sapientiæ via est. Nihil enim altius ascendit, quam operosa Humilitas. *Non ergo gloriatur sapiens in sapientia sua. Nam linguam magniloquam disperdet Dominus.*

V. Quintum Ostentationis caput est, de virtute, imo & de vitiis gloriari. Cum deest Ostenetratrici Linguae quod jactitet, tunc ampuliantia & sequipedalia verba, tunc vitream fractam & somniorum Interpre-

Tt 5. tamenta,

tamenta, tunc fabulosos sententiarum strepitus spargit. Sed nunquid non saltem de virtute gloriari licet? Ut liceat, in illo solum est gloriandum, qui virtutis & bonorum omnium solus auctor & largitor est. Sed nos plerunque in nobis atque de nobis, nostrisque virtutibus gloriamur, dum fatue credimus, pluribus atque majoribus nos præditos virtutibus, quam simus. Fundamentum veræ virtutis humilitas ne tantam claritas est ulla, quam elatio non obscureret. Scit hoc ille, qui clarissimus creatus, sed quia seipsum efferebat, non tantum obscurus, sed tenebrarum princeps est factus. Quod si Angelorum nobilissimus sic præcipitatus est, quid alii de se sperent? quid fiet vermiculis, si Angelis non parçitur superbientibus? Non solet esse virtus jactatrix aut miratrix sui, sed imitatrix alieni, ubicunque demum emendatius viderit exemplum: Itaque semper anhelans, semper altius aspirans, dum se comparat, parvi pendit. Nunquam virtus consummatam se judicat, non confidit nisi Deo, nihil sibi arrogat. Scit hoc tempus esse militiæ, non triumphi aut gloriationis, atque ideo nunquam torpet, & semper in actu est, semper quasi nunc primum incipiens accingitur, nec unquam se omnia perfecisse credit. Non est virtus, error est virtutis advertarius, sui ipsius commendatio. *a Non enim qui seipsum commendat, ille probatus est, sed quem Deus commendat.* Quisquis ad virtutis jugum ascendisse se credit, in hoc primum fallitur, quod ubi se credit esse, non est.

Siqui-

Siquidem nil tam profectui adversum, quam magni profectus opinio. nemo studet agere, quod peregrisse se putat. Qui omnem vitam suam ante oculos ponit, perque dies singulos actuum ac verborum & cogitatum rationem à seipso exigit, incorruptus rerum suarum arbiter, videbit quantum vacui sit in animo, quantum occupent vitia: qui conscientiam suam interrogat, aliter de se sentit, quam qui tantum famam. Sed ego ipse, inquis, mihi vir bonus videor. Ergo certe! malus es. Boni enim sibi displicent, seque accusant. Sed forsan & tibi, & aliis bonus videris? Quid si tu malus, illi autem stulti sint? Nec scintilla quidem est solidæ gloriæ, tamen si vulgus omne una voce nos laudet. Jam dixi: nulla pronior ad errorem atque ad præcipitium via est, quam per vulgi vestigia. Quicquid pæne vulgus laudat, vituperio dignum est. Quicquid ferè vulgus cogitat, vanum est; quicquid loquitur, falsum est; quicquid improbat, bonum est; quicquid approbat, malum est; quicquid prædicat, infame est, quicquid agit, stultum est. I nunc, & infanorum fermunculis gloriare. Ecquid omnium laudes, quid omnis humanus favor est? Pulchra & multicolor iris. Et quid iris est? nubes opaca & roscida, in * aquam brevi abitura. Nec ille quidem ad gloriam veram pergit, qui omnibus placet. Placentes hominibus Deus spernit, & hominibus placere, displicere Deo est. contraria contrariis gaudent.

* Jest bistu lieb und werth/ heut Morgen als verkehrt, schabab.

dent. Quapropter, *Nolite a multiplicare loqui sublimia gloriantes; recedant vetera de ore vestro.* Nemo virtute sua, quamvis vera, sed in ipso virtutum omnium auctore gloriatur. Qui contrarium facit, non modo non assequitur, quod non habet, sed idipsum quod habet, vel imminuit, vel amittit.

Sed sunt quidam virtutum adeo inanes, ut vel ipsis vitiis gloriantur, a *Peccatum suum quasi Sodomo pradicaverunt, nec absconderunt.* b Ambrosius in hos graviter invec- tus; *Plerique, ait, in suis lapsibus gloriantur, & putant etiam laudis esse, qua criminis sunt.* Iam in laude ponitur, vino se obruere, simplicem circumvenire, alienam pudicitiam expugnare, suam in omne flagitium abjicere. Non falsissima solum hæc est gloria, sed etiam fœdissima. Nec ego in tam flagitiose gloriantes aliud fulmen torqueo, quam quod olim in eos sanctissimus c rex torserat his verbis: *Quid gloriaris in malitia, qui potens es in iniquitate: tota die injustitiam cogitavit lingua tua. Propterea Deus destruet te in finem; evellet te, & emigrabit te de tabernaculo tuo, & radicem tuam de terra viventium.*

Radicitus extirpaberis è vivis, futurus miser æternum. Hic finis falsæ ac fœdæ gloriæ.

Quid igitur o vanissimi mortalium, quid vires ac formam corporis jactamus, quid nostram ipsi proficiam prædicamus, quid ingenium & eruditionem ostentamus, quid virtutes nostras, aut quod longe turpius, nostra

a Isa. cap. 3. v. 9. b Amb. lib. de Apol. David cap. 9. c Ps. 16. v. 1. & v.

stra vitia in gloriæ censu numeramus? Gloriam veram nunquam assequetur, qui falsam tam sedulo quæsierit.

Vide obsecro *a* mi Lector, quæ de Vana gloria disseruimus in Amussi rectæ Intentionis. Hic solum ostentatrix lingua erat configenda.

CAPUT XLV.

*Quæ plerunque pœna Linguam Ostentatricem
soleat comitari.*

ERudite dixit quispiam è sapientum numero, tria esse vitia linguæ admodum frequentia. Primum eorum est, inquit, qui pauca sciunt, & doceri nolunt. alterum eorum qui multa sciunt, sed ea docere nolunt. horum denique tertium, qui optime quidem docent, sed pessime vivunt, atque de alterutro certe, si non de utroque gloriantur: eruditionem jactant, quam malis moribus refutant. O grave linguæ vitium Iactantiam! Hanc sanctissimus Rex David *Linguam magniloquam*, beatus Jobus *verba ventosa* vocitat. Hujus linguæ stolidum ingenium utcunque spectandum proposuimus, nunc quæ hoc oris vitium pœnæ comitari soleant, exponemus.

I. Ostentatricem linguam passim hoc supplicii comitatur, ut dum superbo se volatu jactat, alienæ linguæ jaculo repente fixa concidat. Rex Antiochus Annibali profugo argenteum suum exercitum ostendit, & quæsit: Num hæc satis forent Romanis.

con-

contra quos erat bellaturus? Imo vero, inquit Annibal, satis; etsi avarissimi sint. Aperte tetigit regiam ostentationem. Non raro puniuntur lingua, qui lingua delinquant. Babelicæ turris structores non lepra percussi, non aquis submersi, non incendiis consumpti, non terra dehiscente absorpti, sed linguarum confusione puniti. Ab Ostentatrice Lingua vanissimum illud ædificium cæpit: *Venite, aiebant, faciamus nobis civitatem & turrim, cujus culmen pertingat ad cælum: & celebremus nomen nostrum.* A lingua peccatum, à lingua peccati supplicium fuit.

In convivio affederat virgo cultior quam ditior, & quæ suum omnem censum secum circumferebat. Epulæ lautæ, & quæ solertissimam gulam irritarent, inferebantur. Illa tanquam conductæ ad has lautitias spectatrix, sedebat sine cibo, viva statua; neque tam videri volebat abstinens, quam dives & opulenta, cui domi satis esset cupedium. Hortantur alii & aliæ, ut manum cum cæteris admovere, & hunc mensæ paratum velit non spernere. Nil proficiunt. Illa ut prius manuum destituta usu sedet; solis oculis omnium ora oculosque delibat. Tandem honesta matrona quæ illam juxta affidebat: *Ecquid mea filia, inquit, causæ esse dicam, quod fercula tam opipara prius damnes quam gustes?* Cui illa: *Non est, inquit, quod mire ris, mater, nimium Mecastor, huc accessiatura. nam domi prius perdicula famem omnem exemi.* Audiit hoc facerior quispiam mensæ minister, & vanissime se venditanti:

Appa-

Apparet, inquit, quod de perdice asseritis; nam plumæ collari etiamnum inhærent, & simul intento digito in collare, reliquias pulvis avenacæ ostendit. Mox risus undique coortus, quo misellæ pultiphagæ vanissima ostentatio jugulata. Jure: nihil turpius paupere superbo. Formicula bovis arantis cornu occupans, cum à bove, quid illic ageret, interrogaretur; arare se & sudare respondit. Hanc formicæ inanissimam ostentationem, cum illa caussidici licebit conferre:

Caussidicus quidam sic se jactabat apud me,

Nullam quod usque causam, ab annis plus decem

Perdiderit: verum (quantum considero) dixit.

Causam qui ab annis plus decem egit unicam.

Possent jactator hic caussidicus virginem illam conjugem ducere paris studii æmulam. Sed aptiorem scio maritum, & qui melius illi conveniat, quam Tullie Tarquinius.

II. In oppido quod sextum ab Argentorato lapidem distat, (nomen tacemus) viravorum quam nummorum ditior habitabat. Poterat is quidem fumosas majorum effigies; exesas carie clavas, confossas jaculis peltas, perforatas crebra glande galeas, infectos rubigine gladios ostendere.

a — tumens alto Drusorum stemmate:
tanquam

Fecerit ipse aliquid, propter quod nobilis esset.

Interea tamen in suorum Drusorum conspectu

specu tenui nimis salino viſitans coge-
batur

a ——— *sordes farris mordere canini.*

Nec illi fere alia quam feralis cena, exi-
gua patella ponebatur. Cenæ quotidiana
caput erat, pallidus caulis lucernam olens,
& dimidio conſtrictus gammarus ovo, aut
crudi fungi, aut acerba mala, aut ſiquis
alius cibus ſtrangulat. Et ſane periculum
non erat, ne quis huic patriſamilias ſtrobi-
lus obreperet, & quadrilibrem ollam au-
riplenam ſublegeret. Nihilominus diviti-
as ille jaſtabat, & nescio quam ſecretam
opulentiam. Adeo robusta eſt Jaſtancia,
ut nec validiſſimis quidem brachiis malæ
Fortunæ poſſit dejici. opes vel pauperrimi
de ſe prædicant. Hic certe intolerantius
ſe efferebat, quod antiquo ſtemmate ra-
mum duceret milleſimus. Et ut quadragin-
ta ſeſtertia, quæ non habebat, habere crede-
retur, & nescio quarum opum ſuſpicionem
moveret, quotieſcunque vicinam urbem in-
greſſus eſt, eques eſſe voluit, ſed ſine equo.
Ocreis & calcaribus pedes impediebat, &
jumento miſer, quod foderet, carebat. Ri-
dicula hæc conſuetudo hodieque invetera-
ſcit; ocreati ſunt & calcaribus armati, eti-
am in curribus & navibus, aut dum plateas
obambulant, nec equos cogitant, niſi lapides
illis maria, & rhedæ pro equis ſint, ut cal-
caribus agantur. Hunc morem gloriator ille
religioſſime ſervavit. Reſcivit hoc magiſtra-
tus, & ludos facere voluit rediculum homi-
nem. Citatur ergo in curiam; ubi laticlavus
aliquis canicie venerandus; Ad nos, inquit, no-
bilis.

bilis domine, querelas in te alliegavit pauperula familia, teque injuriarum egit. Accusationis caput hoc est. Diceris ante portas urbis, equum tuum cursu exercuisse, & infantem illic temere ludentem, equi calcibus obrutum esse. Causæ meæ, Patres concripti, ait accusatus, in promptu est sincera defensio. nego fecisse. A me aut nec equo supra oviculam mihi hic infans immortalis sit. Sed forsitan vestis aut vultus similitudine decepti vestri cives mihi impurant quod ager deliquit. Iterum innocentiam meam affirmo, & nego fecisses; intans natus equi mei calcibus obrutus est. Contra senatus obducere, testibus veile agere; crimen confirmare, & exaggerare; ideo & cupere, reum se fateatur, atque dicundæ sententiæ submittat. Hic miser inter caudinas furculas deprehensus, nullum prorsus videre exitum; aut enim causam amittere, aut equum debuit, quem nunquam habuit. Eques videri volebat, & opulentus, puniri tamen ob fictum equum nolebat. quare satius ratus causam capitis agere, quam equi hætenus simulati: Ut liqueat, ait, vobis patres conscripti, in hac capitali causâ, de innocentia mea, testes ego contra testes producam: duo forsitan in me testabuntur: ducentos ego adducam. Et videte quam falso injuriarum agar. Norunt, quotquot pagi mei incolæ sunt, jam à toto decennio stabulum meum ab omni jumento desertum & vacuum fuisse, equum illic tanto tempore stabulasse nullum. Ad quæ senatus omnis inlatum cachinnum effusus, ita decrevit: morte calculo absolutum pronuntiamus: sed ut

evictæ tibi causæ perpetuum sit monimentum, Hippona tuo stabulo æternum exulet nullus unus unquam ad tua præsepia stet equus. Vix mensis abiit, & binos caballos (sed quales ad cultrum proscribi solent) cœpit alere. Tantus est ostentationis pruritus. Hæc paulo fufius narrare conveniebat, ut vel hac ratione Ostentatricem linguam reprimeremus.

III. Quam sapienter monuit *a* Chryso-
stomus: *Præstantem virum non modo de iis quæ ipsi
desunt, gloriari non convenit, sed ne de iis quidem
quæ habet. Nam si ob ea quæ vere bona sunt,
gloriari stultitiæ est, multo certe magis ob
ea quæ nullius pretii sunt. Isidorus b* Pelu-
siota ejusdem animi: *Pietatis, inquit, ac
justitiæ norma in eo sita est, ut ea quidem quæ re-
cte ac ex virtute gerimus, occultemus, tum quia
finis incertus est, tum ne audientibus graves ac
molesti simus. Ingratissima est oratio quæ re-
bus flaccet, strepitu viget. Præclare canit
Venusinus vates,*

c Sed tacitus pasci si posset corvus, habe-
ret

*Plus dapis, & rixæ multo minus, invidia-
que.*

Sic ostentator & plausor, si virtutem quam
nactus est, posset non prodere, retineret:
lingua Ostentatrice perdit. Virtus in addi-
to erefcit. Omnia perdidit qui dixit:

d Non sum sicut cæteri hominum.

Hic quisque pro se clamat: Ego doctior
sum,

a Chrys. hom. 23. in 2. ad Cor. & hom. 24. in
eandem. *b* Isi. lib. 3. epist. 162.

c Horat. lib. 1. epist. 17. ad Scævam. *d* Luc;

c. 18. v. 12.

sum, ego nobilior, ego ditior, ego robustior, ego formosior, ego vero honoratior. Non sumus sicut ceteri hominum. Hi tales simillimi sunt lucernæ, de qua venuste apologorum parens: Lampas, inquit, oleo ebria & lumen diffundens, gloriabatur quasi præ sole splenderet clarius. At ventis paullo concitarius spirantibus statim extincta est. Sed eam rursus quispiam accendit, dixitque: Luce lucerna, & tace; astorum lux nunquam deficit, *a* Audite gloriosuli plaufores, & nolite multiplicare loqui sublimia gloriantes. Lucete, & tacete. Virtutum omnium hostis est jactantia. Virtutis expers, verbis jactat glorias. Nimirum quo dolium est inanius, hoc sonat vehementius: natat ovum si inane est, plenum desidat: arista inanis recta stat quidem, sed curva est plenior. sic sepiissime

b Majus est se non jactare quam fecisse maxima.

Jactantia quantumvis cauta, decori tamen terminos semper transilit. Athenis duo architecti de opere publico conducendo contendebant; alter differendi copia & elegantia instructus, cum orationis suæ apparatu populum movisset: Alter dicendi ignarus, sed arte melior, in medium progressus: Viri Athenienses, ait, quemadmodum iste dixit, ego efficiam. En, obsecro,

c Grandius flumen minore, quam minus, fluit sono.

Solebant olim mercatores navigationibus longinquis catellos melitæos, aut simios asumere, quorum lusibus navigandi tedium

V u 2 levā-

levarent. Fuit ut orta tempestate inhorresceret mare, arque fluctus ea vi assilirent navigio ut everterent. Disiectis misere, ac fluitantibus tam vasis quam hominibus, mari etiam innabat simius. Hunc conspicatus Delphinus, & quod esse hominem arbitraretur, naufragi animalis misertus, familiariter adnavit simio, tergum præbuit conscendendum, & ad terram cœpit evehere. Jamque in conspectu erat mons Piræus, & Atheniensium navale, cum Delphinus simium interrogat: an esset civis Atheniensis? Hic simius laudis avidus, se & esse civem Atheniensem, & in ea urbe nobilibus parentibus prognatum dixit. Amplius ille interrogare, an etiam Pyræum nosset? Tum simius: Optimumne illum amicum, & summum, ac in primis familiarem, inquit, meum? ratus de homine Delphinum loqui, qui de monte querebat. Hac tam impudenti jactatione offensus Delphinus subduxit se in altum, & miserum simium undis suffocandum deseruit. Hæc gloriationi merces debetur: cum molissime punitur, pro applausu risum fert. Veteri verbo dicebatur:

a. *Ventosa risus est parens jactantiae.*

Venite, ajunt, habemus hic corvum alienis plumulis ornatum; revelamus illas cum festivo risu.

I V. Ergo qui metuit irrideri, caveat gloriari; qui refugit haberi stolidus, fugiat esse gloriabundus. Nemo citius stultum insimulatur, quam qui plurimum de se gloriatur. Multi dum magnifice loquuntur, famam se colligere sperant, cum infamiam colligant,

& ceu

& ceu viatores erronei dum accedere existimant, retrocedant. Quicquid propter solam gloriam dicitur, veram gloriam non mereur, sæpe non tantum irrisum, sed & supplicium. Optimus Deus levem etiam jactantiam vel in amicissimis graviter punivit.

Eleutherius, sanctitate mortum & amabili simplicitate celebris, beato Gregorio teste, cum iter faceret ingruentibus vespere tenebris, ad cænobium sacrarum virginum divertere coactus est. Erat illic puerulus quem cacodæmon infederat, & noctu præcipue vexarat. Hunc virgines illæ Eleutherio, de vitæ sanctimonia jam noto commendarunt, & velut per speciem officii rogarent, pateretur puerulum illum ea nocte in suo esse cubiculo. Non recusavit. Altero die sacræ virgines solerter quæsierunt, quæ sese puer gessisset? Miratus Eleutherius hanc quæstionem: Bene, inquit, se gessit. quid istud quæritis? Illæ rem candide fassæ, malo genio puerum occupatum, singulis noctibus crudeliter hætenus habitum dixerunt, rogaruntque obnixè in suum secum monasterium abduceret. Assensus est vir sanctus, & puerum ab inquilino pessimo jam liberum in D. Marci cænobium abduxit; neque ille ab inferis hospes diversorium suum repetere est ausus. Aliquanto post tempore Eleutherius cum cænobitis suis familiariter collocutus, & adolescentem illum, qui adstabat, in vius: Videte, inquit, fratres, quam diabolus cum virginibus illis luserit! apud illas à malo dæmone agitabatur; apud nos mera est ovicula. Vix hanc vocem paulo

jaſtantiorem miſerat, cum denuo ille ab Orco carnifex adfuit, & adoleſcentem in omnium oculis acerbetorſit. O Eleutheri, ſi tu tacere, ſi tu potuiſſes non gloriari, Acheronticus iſte tortor reverſi non potuiſſet. Sed Eleutherius paululum ſui oblitus mox ad ſe rediit, & una cum ſuorum cœtu, jejuniis, precibus, lamentis tamdiu cælum pulſavit, dum hoſpes inviſſimus jam ſecundùm cedere eſt coaſtus, nec unquam poſtea in hoſpitiū hoc rediit. Tanti eſt vel una vocola quæ jaſtantiam oleat. Veriſſime dixit Hebræus *a* Pſaltes: *Diſperdat Dominus linguam magnilequam.* Ea de cauſſa *b* Tobias filium tam ſollicite inſtituens: *Superbiam,* inquit, *nunquam in tuo ſenſu aut in tuo verbo dominari permittas.* Oſtentationem omnem penitus eliminatam vult, & à corde, & ab ore. *c* Non enim qui ſeipſum commendat, ille probatus eſt, ſed quem Deus commendat. Ille ſerio laudandus, qui, uti Saluſtius in Jugurtha notat, plurimum facit, & minimum de ſeipſo loquitur. Lingua igitur oſtentatrix, & magniloqua ſummopere cavenda.

d *Omnium virtutum hoſtis, turpis eſt jaſtantia.*

Multa ſatis de Oſtentatrice Lingua diximus, ſi verba numeremus; pauca nimis, ſi vitii obſervemus indolem. Pene inſanabile hoc monſtrum eſt, & videri poteſt omnium viſiorum mori ultimum. Subinde, dum habitus eſt, Oſtentatio vivit. Produco teſtem.

Sutori, *e* & quidem egeno (tacemus gentem)

a Pſ. 11. v. 4. *b* Tob. cap. 4. v. 14. *c* 2. Cor. 10. v. 18. *d* Vetus Troch. *e* Icon. Anim. c. 7. p. 4. à princ.

tem) cum jam fata instarent, aderat filius in paternam sortem notus. Is cum rogasset, ecquid decessurus sibi præceptorum relinqueret? Jam defecta voce pater: Ut, inquit, memineris, in majestatem assurgere familiâ tuâ dignam. Deus bone! Jam tribunal vocat, jam æternitas in oculis est, & necdum missionem damus Ostentatrici Linguae?

O fœdam labem, quiste Oceanus eluat? ô vastam dementiam, quæ tibi anticyræ suffecerint? ô vesanam jactantiam, quæ te supplicia satis castigant? Abrumpo hic potius quam finio. Dissertationi clausulam a Sarisberiensis imponat, qui verè de hoc vitio: *Omnia, inquit, quæ ostentationis causâ sunt proficiscuntur in mortem.*

a Ioan. Sarisb. l. 7. Policratici c. 22.

Nota, Lector, nos hic egisse de Linguae glorificatione: quæ vero de vana gloria, ejus radice disseruimus, reperies in libro 2, de Recta Intentione cap. 4. & 5.



P.

- A.** *Linguam Politicam refert Felis Crocodilo vehens, & pelliculam suam extergens linctibus. Tales sunt hujus ævi homines terribilissimi, quos Politicos vocamus: suis hos coloribus describimus C. 46. Crocodilum cum fele explicamus eodem capite §. 4.*
- B.** *Amygdalus, & Morus C. non eo quo cetera arbores sunt ingenio. Amygdalus, omnium arborum stultissima, Morus omnium prudentissima dicitur, ideo hic utriusque indolem hortulanus miratur. Amygdalus linguam temere Promittentem exhibet. Vide C. 47. §. 3.*

CAPUT XLVI.

*Qua lingua Politica sit, & de quatuor
illius venenatissimis venis.*

Christus a æterno Patri preces allegans:
Confiteor tibi Pater Domine cali & terra, in-
quit, quia abscondisti hæc à sapientibus, & pru-
dentibus, & revelasti ea parvulis. Delectum
facit servator inter homines, quos in dupli-
cem classem partitur, sapientum & parvu-
lorum. Quemadmodum inter Angelos duæ
à se partes abibant in diversum: illa perse-
verant ium in Dei cultu, hæc discedentium ab
illo: hæc prorsus inter mortales pars una sa-
pientum est, qui à multis tanquam homines
cælo lapsi adorantur; sint cælo delapsi, in
cælum redituri non videntur, sicut parvuli
qui alteram constituunt partem humanæ
gentis.

Sed quinam illi sapientes sint, operosa est
quæstio. Queritur olim Philippus b Melanch-
ton, & una gratulatur: Jugum Pontificis
Romani excussum esse; At contra, inquit,
hominum istorum politicorum jugo colla
sunt subjecta. Itane verò jugum politicum,
jugum tam horrendum est, præ quo vis alio?
potens argumentum vel ab adversario in

poli-

a Matth. c. II, v. 25. b Melan. præfat, in Cor-
pus doctrine.

politicos. Hos si pene eosdem cum sapientibus illis dixero esse, non multum aberravero. Hi sapientes, quos jam *Politicos* vocamus, è lingua potissimum noscuntur. Lingua illorum, anguilla est in theca holoserica; utcunque eam comprehenderis, elabitur. Non est scabra hæc lingua, sed lævis, nitida, plena succi & verborum, plena gratiæ & venustatis, ad technas struendas versutissima. Anguilla lubrica est lingua politica, sed in theca, ut diximus, holoserica. Nos linguæ *Politicae* venas rimabimur, & primarias quatuor proponemus.

I. Nobilissimus Elegorum scriptor Ovidius questus est, quod suus sibi pater poësin interdixerit, cum tamen pronissimum ad id studii fortitus sit ingenium. Sed velit nolit parens, naturam aliò flectere difficilissimum est:

Quicquid conabar dicere versus erat.

Lingua Politica pene idem de se dixerit: *Quicquid conabar dicere, fucus erat: Quidquid conabor dicere, fumus erit.* Habemus consistentem reum. Sed ad rem: venas Politicæ linguæ scrutandas sumpsimus.

Prima venenata vena illius linguæ dicitur *Cretismus*. Lingua Politica velut primæ veritatis mysterium adorat principium istud; Cum vulpibus vulpinandum est, & cum Cretensibus cretandum est, hoc est, mentienti mentiendum, fallens fallendus. B. Paulus Epimenidis poëtæ testimonium allegat hoc modo: dixit quidam ex illis, proprius ipsorum propheta: a *Cretenses semper mendaces, mala bestia, ventres pigri*; Testimonium

nium hoc verum est. Quam ob causam increpa illos dure, ut sani sint in fide. Græcorum adagio erat: Tria cappa pessima. Cretenses, Cilices, Cappadoces maximam partem homines mendaces, & nimium quam potentes lingua Politica, quæ mendacium novit tegere. *a* Plato tolerter advenit, notatque urbes & regiones maritimas (qualis est Creta) plerunque mores non optimos præ se ferre: Nam cum mercibus, inquit, & cauponando talis civitas repleatur, dolosos animos, instabiles & infidos mores parit: unde parum ipse ad seipsam, & minus ad alias gentes fidem & amicitiam stabilem colit. His tamen viriis lingua Politica pulcherrimum mantelum novit injicere. Siracides *b* hominem Cretisantem describens: *In conspectu oculorum tuorum*, inquit, *condulcabit os suum, & super sermones tuos admirabitur: novissime autem pervertet os suum, & in verbis tuis dabit scandalum.* Nimirum hi politici, aliud lingua promptum, aliud pectore clausum habent; non sunt sani in fide. Fidelis *c* ille famulus Christi Domini optime rogat: Verbum verum & stabile da in os meum, & linguam callidam longe fac à me. Quod pati nolo, omnimode cavere debeo. Politicus, ut verbis Salomonis utar: *Comede & bibe, dicet tibi, & mens ejus non est tecum.* Cibos quos comederas, evomes, & perdes pulchros sermones tuos. Nempe tu ebrius cum iobrio, nec decore nec caute loqueris. Nam politicus, stylo Siracidæ, *e* est vir astutus, multo-

runt

a Plato l. 4. de legibus. *b* Eccli. c. 27. vers. 26.

c Imit. Christi l. 3. c. 45. n. 4. *d* Prov. c. 23. v. 7.

e Eccli. c. 37. v. 21.

vum eruditor, & anima sua inutilis est. Quam proprie Cretilans politicus hic notatus est! optime dixit Ambrosius: a. Turpis est omnis frans, quantumcunque videatur speciosa. Ulpianus quidem explicat quare ratione veteres distinxerint, dolum bonum & dolum malum, nam primum illum dexteritatem, solertiam, urbanitatem dixerunt: quicquid sit, Turpis est omnis frans. Pacificas istas ac politicas fraudes damnamus, non stratagemata militaria. Isaias b olim minatur. In die illa visitabit Dominus in gladio suo duro, & grandi, & forti, super Leviathan serpentem vectem, & super Leviathan serpentem toruissum, & occidet cetum qui in mari est. Leviathan piteis magnus squamis arte cohærentibus, serpens vocatur quia lubricus & toruosus, multiplici se volumine convoivit, cum stringitur, elabitur. Lingua Politica torquere se novit, refugere, tergiversari, ambages querere, tanta causarum & rationum & argumentorum varietate, ut jures, eam omnium linguarum optimam, sanctissimam: sed toruosus coluber est, obliqua dat responsa expectationis variæ, nec ad Dei honorem, sed ad suum: se spectat suumque commodum. Atque hæc prima Politicæ Linguae vena est Cretismus.

II. Al. era vena linguæ Politicæ Syncretismus dicitur. A vetis nosse, quid syncretismus sit? dolosus ignis est sub quieto cineres falsa, simulata, insidiosa pax, malitia in occasionem ultionis intenta, umbra fœderum, simulas officii ostentatione b audiens,

Cum.

a Ambr. lib. 9. Offic. cap. 9. b Isai. cap. 27. vers. 1.

Cum Isaias vates Ezechiae regi nuntium ferret acerbiores, diceretque: *a* *Ecce dies venient, & auferentur omnia quae erunt in domo tua, & quae condiderunt patres tui usque in diem hanc, in Babylonem: non remanebit quidquam, ait Dominus, Cui Ezechias: sit tantum pax & veritas in diebus meis.* Simili ferme modo lingua Politica loqui affolet: Modo mea mihi salva, quicquid aliis fiat, quicquid posteris profit, aut noceat: viderint illi, ego mea tueor; sit tantum pax in diebus meis. Proximus sum egomet mihi: Omnes sibi melius esse malunt quam alteri. Pacem volo, sed mihi bonam, cuicumque demum mala sit.

Quid amoenius pace? pacem te poscimus omnes, si tamen pax fida sit & sincera; si verò ea sit quae diu durare non possit, quam pars adversa in omnem nocendi occasionem flectat, pax miserrima est, & bello pejor. Gratissimus est olivæ ramus, si autem is strictum gladium jugulo imminentem tegat, faceffat hæc oliva. Sunt qui velint inducias pacisci cum Morte atque Inferis. *b* *Percussimus fœdus, inquit, cum morte, & cum inferno fecimus pactum.* O pacem non stabilem, ô non duratura fœdera! Mors in omne momentum intenta, occasionem subito non sumet, sed rapiet, & insurget truculentior, inferi profundius hiabunt. Et delebitur fœdus vestrum cum morte, & pactum vestrum cum inferno non stabit. Consecutus pacem cum carne & carnis concupiscentiis, seipsum turpissime fallit. Videte,

obse-

a 4. Reg. cap. 20. vers. 17. *b* Isai. c. 28. v. 15. & 18.

obsecro quibuscum inducias agitetis; ne inter eos censeamini qui dicebant, a *Pax*, *Pax*, & non erat pax. Pax intuta formidolosa bello. Apologus rem declarabit. Erinaceus ad Lepusculi cavum accessit, rogavitque hospitium. Cui Lepusculus miti responso: Doleo, inquit, mi frater, quod te cogar excludere; vestitibi nimis est hispida: sub uno tecto quod ipse facile conjicias, profecto non conveniremus. O mi optime frater, inquit Erinaceus, si de mea veste solum lis sit, hospitium spero non negabis; ita me contrahere possum, ut me ipso minor sim: quicquid aculeorum est, velut vagina condo, ut neminem lædam. Quod si bellum ingruat, ducem me simul & militem habebis; pro te, meque pugnabo. Non est quod amici mea arma formident, illa ego in hostes expedio. Quicquid porro Lepusculus objecit, id Erinaceus verbis tam blandis refutavit, ut demum hospitio receptus sit. Sed non diu novus hic hospes naturam dissimulavit, aculeos sensim laxavit, atque se quantum potuit, dilatavit. Hic Lepusculus: Ohe frater, inquit, hoc quidem pacta & promissa tollit: aliud sponderas; aliud præstas. Et Erinaceus irridens: Hic meus est mos, inquit, si cui non placet, exeat. Agnoscite, quæso, in Erinacei moribus linguæ Politicæ nequitiam; hic sincretismus est. Ergo vide cui fidas, cum quo transigas; si is semel iterumque fefellerit, non illi unquam facile fidas.

Augustinus a hac in re fidelissimus monitor:

a Hier. cap. 6, v. 14. b Aug. lib. 10, de Civitate, cap. 5.

tor : Nulle , inquit , occultiores sunt insidiae , quam quae latent in simulatione officii , nam eum qui palam est adversarius , facile evadendo vitare poteris . Est ergo longe periculosissimum , cum morte & inferis , cum carne & concupiscentiis , cum linguis pellicis , cum erinaceis tam aculeatis pacisci veile , quam prius una enim similes pacificatores occasio invitae , mox pacta , conventa , fœdera que omnia rescinduntur . Erinaceus objicit : Ita soleo , iste meus mos est . Nec aliter Mors , aut Inferi : sic vita hominum est , a jun . Ita & caro : Pro mea hoc consuetudine facio : Ab exemplis mille jam scitur , quam ego blande in exirium traham eos , qui mihi fidunt . Qui cum apud pacem cogitat , dentes ei excutiat . Non est pax impiis , non est ; nec illam in seipſis habent , nec cum aliis servant . Talis lupus Antiochus Epiphanes , qui ad cives Hierosolymæos quæstorem suum misit , Et locutus est ad eos verba pacifica in dolo , & crediderunt ei . Et irruit super civitatem repente , & percussit eam plaga magna , & perdidit populum multum ex Israel . Talis Lupus , Barchides , talis Alcimus : Et locutus est cum eis verba pacifica , & juravit illis dicens : Non inferemus vobis malum neque amicis vestris . Et crediderunt ei . Et comprehendit ex eis sexaginta viros , & occidit eos in una die . De sincerissimo hoc unum addo , quod Ambrosius b dixit : Hæretici contra se discordant , sed contra Ecclesiam concordant . Nimirum Pilatus & Herodes amici sunt , quando de Christi capite agitur .

En

En ipsam sincerissimi effigiem, dolosam pacem: sed progredior.

III. Tertia lingue politica vena est, Pharisaismus. Capitaliores nostes Hierosolymis non habuit Christus Dominus quam illos ipsos qui se sacrorum Antistites profitebantur, Pontifices, Phariseos, Scribas, Rabbinos, legis interpretes, morum doctores. Hos omnes, nequam hominum catenam dixeris, quæ Christum irretire moliebatur. Omnes, paucissimis exceptis, vapidam sub pectore vulpem gestabant. Nam ut odium atque invidiam tegerent, verbis Christum blandissimis astati: *Magister*, ajunt, *scimus quia verax es, & viam Dei in veritate doces*. Et ut verbis adderent facta, etiam ad mensam vocarunt, appararunt convivias, nec quidquam insidiosæ humanitatis omiserunt: legatos miserunt, conscientiaë questiones proposuerunt, etiam ægros curandos obtulerunt; nihilominus odium gesserunt adversus Christum implacabile. Sed quia homines erant politicissimi, non aperis odiis pugnarunt, concilii specie pleraque ab illis gesta sunt. Atque ut omnia in Christum molimina sanctioris senatus auctoritas firmaret, principes sacerdotum, seniores populi, primi ordinis senatores conveniunt. Et quam illud compte, quam pollice propositum? b *Quid facimus, quia hic homo multa signa facit? si dimittimus eum sic, omnes credent in eum, & venient Romani, & tollent nostrum locum & gentem*. Ergo resistendum mature, ne quid Respublica detrimenti capiat: si pax nobis cordi sit, si urbis incolu-

X x mitatem

mitatem amamus, clavus huic homini per linguam adigendus est, ut silere discat: convenientissimus illi lectulus crucis erit. Et quam etiam illud politice ac caute: a Non in die festo, ne forte tumultus fiat in populo. De politicis his linguis insigniter b Augustinus: *Temporalia, inquit, perdere timuerunt, & vitam eternam non cogitaverunt, ac sic utrumque amiserunt.* Diabolus in vitro, & Lingua Politica in amictu holoserico admodum bene conveniunt; nam pares cum paribus facillime congregantur. Quod si Lingua Politica magnæ sit auctoritatis, plerumque multos trahit affectas: benigne auditur, strictè observatur, religiose conitur. Sed illa clandestino dolo tam noxia est, ut sæpe diabolus conatibus suis omnibus atque viribus tantum nocere non potuerit, quantum Politica Lingua unica nocuit, quæ Phariseo schemate magnifice incescit.

IV. Quarta linguæ Politicæ venenata vena est *Herodianismus aut Machiavellismus*. Sicut autem Græci dicere solebant: Aut Plato Philonizat, aut Philo Platonizat, tanta in utroque sensuum & dictionis similitudo: ita nos absque injuria dicemus, aut Herodes Machiavellizat, aut Machiavellus Herodianizat; vix ovum ovo similis est. Non nescio Machiavellum pluribus commendatissimum esse, imo c alicubi infantes pene in cunis, scriptoris hujus documentis imbui. Sed revera hic prudentiam excludit affectus, & subinde parum meminimus nos esse Christianos; politica sic tractamus,

a Matth. c. 26, v. 5. b Aug. tract. 49. in Ioan.
c Jam ante mentionem fecimus,

mus, ut obliviscamur æterna. De Machiavello, ut rem dicam, idem prorsus sentio quod Justus Lipsius, cujus viri doctrinam & judicium, omnis eruditorum tenatus jure merito veneratur. *a* Lipsius ergo in Politicum scriptorem illum ex æquo & bono pronuntians: Machiavelli ingenium, inquit, non contemno, qui utinam Principem suum recta duxisset ad templum illud Virtutis & Honoris! Sed nimis sæpe deflexit (audite ô boni Politici, mali Christiani) nimis sæpe deflexit, & dum commodi illas feminas intente sequitur, aberravit à regia hac via. Machiavellus argutus, sed sæpe pravus. Hunc Justus calculum tulit in Machiavelli libros. Nec aliter, puto sentiet quisquis rem sine affectu examinarit.

Herodem ego & Machiavellum non male cotes dixero, quibus exacuantur Politicæ linguæ. Suas certe his cotibus exacuentes Priscillianistæ dederunt, quorum illud est: Jura, perjura, secretum prodere noli. Suam hic linguam & Julius Cæsar exacuit: si violandum est jus, inquit, regnandi gratia violandum est: aliis rebus pietatem colas. Hinc & regium illud: Qui nescit dissimulare, nescit regnare. Dictum cætera non malum, si melior fuisset interpretatio. Nec extra Politicorum numerum fuit rex Hebraus Saul, qui Davidi derulit connubium filiæ, ut infidiaretur vitæ. Rex ipse David cœteroqui sanctissimus, hic turpiter impegit: qui Uriam è castris evocavit humanissime;

XX 2.

fed

a Lipsius initio Politicorum, post præfationem ad Reges & Principes, de consilio & forma operis.

sed tales illi commendatitias Bellerophon-
tæas literas dedit, quæ caput absculerunt
Uriæ. Politicam Absalonis linguam quis
ignorat? Peregrinationem vovit hæc vul-
pes, non ut Deo sacrificaret, sed ut paren-
ti diadema excuteret. Idem Ananiam fra-
trem ad epulas invitavit, ut vinum sangui-
ne miscendum propinaret. Sed herbam hac
in re nemini porrigunt Herodianæ stirpis no-
bilissimi tres furculi. Herodes Antipas à
Christo vulpes nominatus, Joannis Baptiste
tam fidelis atque integer Amicus fuit, ut il-
lius caput in mensam pro ferculo adferri
jufferit. Herodes & Agrippa minime dene-
ger Politicus, occidit Iacobum fratrem Joannis,
gladio. Vicens autem quia placeret Iudæis, ap-
posuit apprehendere & Petrum, emerendo Ju-
dæorum favori. At vero Herodes Magnus
Ascalonita, illic latronum dux & cory-
phæus, qui quatuordecim millia Hebræo-
rum infantum jugulavit: *Renunciate mihi,*
ait, *ut & ego veniens adorem eum.* Quid fini-
gi, dicique potuisset plumbilius? quam
callide cruentam sicam Politica velavit lin-
gua?

Aleator aulicus æque facetus & hilaris
est, cum infelices subsistant canes, & cum
aurum perdit, atque cum Venerem jacet &
aurum lucratur:

c *Spem vultu simulat, premit altum corde
dolorem.*

Hic genus est Politicæ linguæ; non facile
se noscendam præbet, prodicam se credit,
cum nota esse incipit. Sed illa vel invita
sym-

symbolum illius contemplemur. Est hoc: Crocodilus tergo infidentem vehit felem, addita hac inscriptione: *Flemus & Mulcemos, ut fallamus.* Crocodilus animal amphibium aqua terraque vivit, antequam hominem invadat, iaceret, glutiat, lachrymas fundit, perinde si dicat: Mi socie natiui causa doleo, te mihi victimam oblatam: quia tamen occasio me ultro invitat, adeisdum, meus es, à nobili fera sorberis. Non aliter se gerit lingua Politica: quid illa humanius, quid mitius? vel ad lachrymas subinde pia est. Sed cum occasionem sibi tam faventem habet, nocentes innocentes devorat, superfluum censens discrimen facere. Hæc lingua dubium illud animal est, quod terramarique ingentes edere strages inter triumphos suos numerat. Sane nocendi occasionem vix unquam negligit, ita tamen hoc agit, ut nihil minus quam hoc agere putetur, & etiam prodesse censeatur. In eam rem felem dorso vehit. Felis non solum inter astutas animantes numeratur, sed omnium pene animantium mundissimum videri potest, adeo frequenter nunc pedes lambit, nunc pelliculam lingua extergit, nunc pectus aut tergum polit, se totam assidue comit. Quid Politica lingua cultius aut comptius, quid ea sanctius? nil illa sine ratione molitur: causas struit sexcentas, & subinde, putat, urgentissimas: plena rationum est, nec unquam illi deest, quo se suaque dicta defendat.

V. Aulas subi, & videbis quam illic venales sint lingue Politicæ: Amicitia & sincerus amor, rarum in aula nomen. Quam

non multi sunt qui suadeant, quod decet, quod oportet. Principis enim frontem intuentur, ac in quam ille partem inclinat, in hanc se prono corpore propellunt. justum nimirum probumque illis, quod justum probumque princeps judicaverit. Dum enim placere student & offendere verentur, in sententiam illius eunt omnes. Non facerent, si principem, non fortunam illius amarent, aut si plus virtuti, quam commodis suis studerent: si majora à Deo quam à principe sperarent. Nunc præsens amor æternorum obliviscuntur. Hi subinde id solum spectant, ne gravius quid delinquant in jus civile; cæterum, nullus amor religionis, cura nulla rerum sacrarum, virtutis solidæ neglectus maximus, sed occultus. Modo illi sub sua vite & sicu quieti maneant, susque deque vertantur cætera, id illos non cruciat. Reipublicæ causam agere videntur, dum agunt suam: sanctè loquuntur, ut efficacius fallant. Difficile est linguam tam * astutam, tam politam & comptam satis dignoscere à melioribus. Quin ergo hanc paullo melius in lucem protrahimus & noscendam damus. Lingua Politica quod maxime deberet, sæpe non audet negare; annuit ad omnia. De quo sapienter Brutus: Male mihi videtur, inquit, adolescens florem ætatis collocasse, qui nihil negare audet. Et Plutarchus a narrat joco quempiam dixisse. Homines Asiaticos ab unico rege in servitutem redactos, quod unicam syllabam, NON, efferre non possent: Multos præterea, quod negare

* Ein glatte gestreute / Laischleiehende Zung-

a Plutar, de vizioso pudore.

negare nescirent, quæ maxime negata vel-
lent, sciperem, aliquando etiam vitam per-
didisse. Athenodorus Philosophus cum mis-
sionem peteret ab Augusto Cæsare, audiret-
que illam impetrandam si prius utile in o-
mnem vitam præceptum daret, dedit liber-
rime istud : Domine, cum ira te stimula-
verit, prius viginti quatuor Græcorum literas
recense, quam verbulum loquaris. Hoc sa-
piens liberumque monitum ita placuit Au-
gusto, ut mox sententia mutata diceret : Tu
verò mecum mane ; tuâ operâ mihi vehe-
menter opus est. Sed ajunt Politici, alia
nunc esse tempora, alios hominum sensus :
tectius nunc agendum, vix ab ullo princi-
petam apertam libertatem tolerari. Erra-
tis, ô boni, largiter : sint etiamnum Athe-
nodori, erunt etiamnum Augusti : sint Am-
brofii qui libere moneant, non deerunt
Theodosii, qui pacate id ferant. Sed lingua
Politica confundit & turbat omnia, aut im-
portuno silentio, cum loquendum ; aut ma-
ligno consilio, cum tacendum foret. Silere
est consentire, cum possis arguere. Nec ma-
le Ambrosius metuens : *Si pro otioso sermone,*
inquit, rationem reddemus, videamus, ne &
reddamus pro otioso silentio. Lingua Politica
fallit & loquendo, & silendo. Sed licet
tribunalia omnia fallat, non fallit ultimum.
Quisque suæ caveat linguæ, ne politicam
hanc vafritiem addiscat. Venite parvuli,
adeſte ſimplices, vobiscum loquitur Deus :
Abite Politici, exestis fallaces, vos averia-
tur Deus : *Cum a simplicibus sermocinatio ejus.*

CAPUT XLVII.

*Lingua temere Promittens quibus nos
malis implicet.*

Hieronymus & Cardanus vir eruditus, linguam bovi extractam toto die palpitare afferit. Tantum animæ remanet, in hac animantis parte jam evulsa, ut motus inde proveniat toto die. Addit & illud Cardanus: si lingua juvenco erepta in aquam conjiciatur, non tantum palpiat sed & movet se, quod ego tamen, inquit, nondum expertus sum. Cum hac tremula bovis lingua, non male comparem vani promissoris linguam. Hæc plerunque longa est & robusta, bovis esse dixeris, varie se movet, præsertim cum vino immaduit; his illis plurima pollicetur, tamen si sat sciat, domini sui manus jam præmortuas, nec unquam facile daturas, quod oris vanitas promiserit. Hic montes paruriunt, sed demum ridiculus mus nascitur: promissa fiunt, sed non perficiuntur.

b ——— *Amphora cœpit*

Institui; currente rota cur urceus exit?

Figulus quandoque vas magnum olivæ promittit, sed figuli manu celeri arte sua prævertit rota, & olla vel urceus prodit. Sic lingua promittens non raro amplissime procurrit: & fidem audacter obligat: tandem magnum est inane, nec promissis statatur.

a Carda. l. 10, de Subtil. mihî pag. 245. b Horat. de arte poet.

statutur, nec fides servatur, & longa spes vano hiatu deluditur:

De robusta hac bubu'a temere Promittente lingua, quæ nunquam non dives est pollicitis, hac dissertatione agendum.

I. Lingua quæ Græca fide promittit, triplici se malo implicat. Primum est, remorsus conscientiæ. Alterum, jactura amicitiae. Tertium, restitutionis obligatio. De conscientiae pleuritide significanter Salomon: *a Est qui promittit, & quasi gladio pungitur conscientia*. Cuperet quidem nil promississe, velletque, si modo posset honeste, resilire; interea promissis angitur, occultum conscientiae vulnus urit. Sed nec levis amicitiae jactura hinc oritur. Qui plures cupit numerare hostes, pluribus daturum se promittat, nihilque det, & satis hostium habebit: Luculente testatur Siracides: *b Est qui præ confusione promittit amico, & lucratus est cum inimicum gratis*. Postulata vix audet negare, adactus verecundia; Sed quia non vult, aut non potest politica efficere, amicitiam aut turbat, aut dissolvit. Ea de causa Siracides c monens: *Non spondeas, inquit, super virtutem tuam: quod spononderis, quasi restituens cogita*. Nec Deo nec homini quidquam pollicere, quod vel non possis præstare, vel non nisi difficillime. Promissi? obligatum tenoris ad tuam fidem liberandam: *quasi restituens cogita*. Da illius partem, si dare nequeas totum quod promissi. Ideo coercenda est temeritas ne quid illa more suo inconsiderate promittat, præsertim Deo. Eorum

XX 5

nos

a Prov c. 12, v. 18. *b* Eccli. c. 20, v. 25. *c* Idem c. 8, v. 16.

nos supplicia terreant, qui promiserunt quidem, sed promissis non steterunt. Deus non irridetur, nec vanis pollicitationibus placari potest. Ideo David *a* vociferatur: *Vovete & reddite Domino*. Fieri non potest, ut ille virtutem amet, qui Deo fidem fregit. Annos atque secula recense, & hos tales plerunque hæresum auctores deprehendens: veteres illos Jovinianum, Pelagium, Eutychetem taceo: priori ævo plurimi emerferunt è cœnobiis, qui obstrictam Deo fidem fefellerunt. De quibus omnibus verè dixeris; homini fidelis non erit, qui fidem Deo fregerit: Hic ergo lex ista sit: Priusquam promittas, delibera; postquam promiseris, ne procrastina.

b Vox, umbra facti est: ergo utrumque consuet.

Hominem ore liberali magna promittentem Salomon *c* hac imagine spectandum proponit: *Tubes & ventus & pluvia non sequentes, vir gloriosus, & promissa non complens*. Sæpe Auster imbricus largissimas promittit pluvias, sed nubes pumicis parsimoniam induunt, nec guttulam fundunt; ita sunt homines gloriosi, qui pro certo pollicentur maxima, & ea quandoque stipulata manu, interposito jurejurando confirmant, sed demum nubes omni pumice aridiores sunt. Larvatus in monte dæmon omnia mundi regna, & gloriam eorum, loquente manu demonstrans Christo: d *Hac; inquit, omnia tibi dabo, si cadens adoraveris me*. Promissio longe audacissima, cultori suo præmia profus

a Ps. 75. v. 12. *b* Iamb. vetus. *c* Prov. c. 25 v. 14. *d* Matt. c. 4. v. 9.

fus aliena pronuntiare. *Nemo honeste polliceri, quod suum non est, potest.* Plurimi linguas habent actione longe sublimiores, cum Venusino vate magnifice spondent:

a Fortunam Priami cantabo, & nobile telum.

audiamus ergo;

Quid dignum tanto ferat hic promissor hiatu.

Tibi puto non immeritò Plautinum illud objiciemus:

b Bene promittis multa: ex multis omnia incassum cadunt.

II. In pharmacopoliis picturam mendacem non unam reperire est. Stant illic decora serie pyxides complures, suis quæque signata titulis, grande valetudini auxilium pollicentur: hæc saccharum rosatum, illa flores violarum, ista Rhabarbarum, hæc tincturam violarum, aliæ Cassiam, Manna, & speciosissima quæque nomina præferunt. Aperi quæso, & latentem thesaurum scrutare; in plurimis illarum araneas & inanias meras reperiēs: Ita vani promissores æthera stipulationibus onerant, & hiantem verbis ducunt; cum explicandæ sunt manus, cum dandum est, negant illi se domi esse, quod Ennius Nasicæ respondit. *c* En ventum & nubes, & pluvias non sequentes. Quibusdam scilicet exiguæ sunt manus & adstrictæ, sed lingua protensissima largissimæ promittunt, promissi munus nunquam confecturi. Præclarum, augebat Phocion, non magna dicere, sed magna

a Horat. de arte poet. *b* Plautus Poenulo act. 1. scen. 2. v. 148. *c* Cic. l. 2. de Oratore,

magna facere. Quot spontalia solis constituantur pollicitis? scribantur tabulae, ampla dori pecunia dicatur, nova nupta domum ducitur. Ubi nuptiae finierunt, sola restant nomina, jamque inter lares domesticos Dearum praecipua est, splendida Paupertas. Eadem saepe ratio in contrahendis aut firmandis amicitiiis servatur. Est qui dicat: Me tibi semper amicissimum habebis; fores meas seu interdiu seu noctupulses, illas nunquam non patulas, me nunquam non promptum reperies; vel meam tecum animam partiri si liceat, non recusaverim; mea tibi omnia patere cogita, ad ipsum usque cor: in hoc promissionum aestu, domus aureae, nectaris flumina, frumenti montes, maria gemmea promittuntur. Cum venitur ad rem, pro malam fortunam! iterum nemo domi est. Abi amice, abi; de verbis plurimum, de factis nihil habebis. Quod si huic feci hominum tam turpem magnificae promissionis inconstantiam objicias: Quid vultis vos, ajunt humani moris ignari? verba honoris erant; haec neminem ligant. Album vobis panem pinximus (quod prius dicebant) sed cum illum furno eximeremus, invenimus nonnihil ambestum. Quibus Valerianus apte respondens: *Inde est*, inquit, *quod interdum amicitiarum fides lassus suspiret. Inimicitias enim est indixisse; promissa denegasse.*

Piacentiarum genus est, quarum mestotam implent patinam, adeo artificiose turgent, sed haec ad messorum famem inane sunt ludibrium: ore xini famelici ventris non

tan-

tantum non sedant, sed & iram excitant. His placentis simillimi sunt illi amici, quorum arduæ sunt promissiones, quæ verborum plurimum habent, rei nihil. * Ollarium amicorum copiosa est seges, auxilium magnâ penuria.

Mendacium est ut nivis globus, qui quo diutius volvitur, atque revolvitur, eo fit major: promissum quod non exsolvitur, honestum ac palliatum est mendacium, nec ab simile massæ nivæ; sed hæc nemine movente diffluit ad solem, subit terram, evanescit: sic vana promissa oblivione velut terra obruuntur. Recte monuit a Sarisberienſis: Si promissionis implenda facultas non suppetit, temerarium est promittere, quod præstari non potest. Si vero potestas affuerit largiendi, nisi voluntas beneficii producat effectum, promissor non gratiam de promisso, sed maculam contrahit de mendacio.

Siracides b vanissimos promissores hos graphice depingens: Donec accipiant, inquit, osculantur manus dantis, & in promissionibus humiliant vocem suam. Et in tempore redditionis postulabit tempus, & loquetur verba tadii & murmuracionum, & tempus caussabitur. Si autem potuerint reddere, adversabitur, solidi vix reddet dimidium, & computavit illud quasi inventionem. Sin autem; fraudabit illum pecunia sua, & postea erit illum inimicum gratis: & convicia & maledicta reddet illi, & pro honore & bene-

* Es gibt viel Freunde/aber wenig Nothhelfer.
Freunde in der Noth / gehen zwölfte an ein Noth.

a L. Sarisber. l. 3. de nugis Curial. c. 11.

b Eccli. 6, 29, v. 5, ad 30.

beneficio reddet illi contumeliam. Ita solent hi
 ta es oris mercenarii homines, cum eos ri-
 gida premit necessitas, quam altum voci-
 ferantur: Juva, domine, juva; mille nomi-
 nibus me tibi obstrictum habebis, nec gra-
 tuitam mihi opem conferes; me sane gratif-
 simum experieris. Sed ubi per ærumnas elu-
 ctatus nonnihil emerferit, promissionis sue
 vix jam memor, protolii tempus cupiet, id
 si non impetret, verbis asperrimis molestus
 erit. Nimirum hoc spondebat. Cum Deo sic
 agunt plurimi, cum aut morbo aut aliis exer-
 centur calamitatibus, amplissima quæque
 pollicentur feriam emendationem vitæ,
 exactissimum virtutis famulatum; Juvan-
 tur, revalescunt, ærumnas evadunt; sed
 promissa non perficiunt, sibi serviunt, non
 suo servatori. Ipsissimus Judæorum hic ge-
 nius est, cui Psaltes a indignatus, quartum
 reperit: *Et clamaverunt ad Dominum, cum*
tribularentur, & de necessitatibus eorum eduxit
eos. Cito fecerunt, obliti sunt operum ejus, & non
sustinuerunt consilium ejus. Sic divina bene-
 ficia pensamus injuriis. Quod Hieremias
 vates obstupefcens: b *Nunquid, ait, red-*
ditur pro bono malum? Non est Deus quasi ho-
mo ut mentiatur: fidelis Deus in omnibus verbis
suis. Ergo si quid c *vovisti Deo, ne moreris red-*
dere, displicet enim ei infidelis & stulta promif-
sio, sed quodcumque voveris redde.

III. Nos Dei negotiatores & agricolæ
 fumus. Nobis dictum est: d *Negotiamini*
dum venio. Sua cuivis negotiatio est, modo
 eam

a Ps. 106. v. 6. 13. 19. 28. Ps. 105. v. 13. b Hier.
 c. 18. v. 20. c Ps. 144. v. 13. Eccl. c. 5. v. 3.
 d. Luc. c. 19. v. 13.

eam bona fide faciamus. Porro ut agricolæ monemur: a *Nemo mittens manum suam ad aratrum & respiciens retro aptus est regno Dei.* Si ergo * mercatorum & agricolarum munus nobis commissum, meminerimus ab his maxime fidem obligatam exigere. Sed nos æstivum cælum æmulamur, hoc si mane aureolum rutiler, & nescio quam serenitatem polliceri videatur, vesperi pluvias ac tempestatem fert: ita sunt homines, plerunque qui liberalissime promittunt, promissa minime persolvunt, sed hoc pessimæ famæ est, quæ omnem boni nominis nitorem extinguunt. Nauci homo creditur, qui pollicitationes suas, velut lepus suos catulos tuetur: ii olim mores erant, ut unicum generosum *Ita vel Non*, aut manus manui conferta majus habuerit pondus, quam instrumentum septem sigillis consignatum. Nunc quandoque consignationes & stipulationes omnes negando evertimus. Bilbilitanus vates hunc talem vanissimum promissorem facere sic irridet:

b *Si donare vocas promittere, nec dare, Cai;
Vincam te donis, muneribusque meis.*

Accipe Callaicus quicquid fodit Astur in arvis,

Aurea quicquid habet divitis unda Tagi.

Demum more suo colligens, quicquid sparsim dixerat. Omnium, inquit, bona tibi dono, sed eo modo, quo tu soles donare: nihil das, nihil accipe.

Quic-

a Idem c. 9. v. 62.

* Bavoren und Käufler ten ge bühret zuhalten/
was sie beloben.

b Mart., l. 10, Epigr. 16:

Quicquid habet omnes, accipe, quomodo das.

Gulielmus Peraldus, Lugdunensis præful, domesticum hortum inambulans, hanc sibi quæstionem sumpsit disceptandam, quæ omnium arborum stultissima, quæ vero sit omnium sapientissima. In eam denique sententiam descendit, ut omnium arborum stultissimam pronuntiaret Amygdalum, quæ primo vere floreret, suosque flores periculo committeret, ultimo pene autumno, fructus maturos porrigeret; At contra Morum sapientissimam esse quæ omnium ultima floreret, & fronderet, & pene prima fructus offerret, stultæ sunt amygdali, promissiores illi qui intempestive quid velint, quid possint garriunt, jactantque grandia; arbores cautæ tardius flores, sed citius fructus ferunt; tarde promittendum, sed mature perficiendum est promissum. Hoc ramende promissis licitis dictum veim; nam si sint iniqua, nec impleri possint, nisi Deo, divina lege, conscientiaque lafis, etsi millies promiseris, nunquam tamen standum est promissis.

IV. Ipso jure cautum est, ut nulla promissio quæ turpem aut tristem habeat exitum, impleatur. Herodes qui saltarricula societatem regni promisit, fidem potius ruperit, quam divinum Baptistæ caput secuerit. Ita a recte Isidorus; *In malis promissis, inquit, rescinde fidem; in turpi voto nulla decretum; impia est promissio quæ scelere adimpletur.* Nos quod de promissoris constantia diximus, eam in promissis æquis ac honestis necessaria.

cessariam affirmamus; in his profecto turpe est, diverticula, explicationes, effugia, callida glossemata quarere. Nam, quod observatum Livio, perfidos nunquam causa deficiet, cur pactis non stent; semper aliquam fraudi speciem juris imponunt. Ideo *asi* Tullium audiamus; *Semper in fide quid senseris, non quid dixeris, cogitandum est.* Quod affirmas, quasi Deo teste promiteris, id tenendum est. Quisquis eam induit audaciam, ut promissionem quam injuratus fecit, rescindat, is paullatim promittere, & omnes Deos jurare, fidem nihilominus fallere audebit. Petrus cum se Christi discipulum primitus negaret, non juravit; cum easdem voces secundum repeteret, juramento & tunc abstinuit. At vero cum tertium suæ ipse promissioni contradiceret, capit detestari, & jurare. His gradibus itur ad perjurium. O Petre, quam longe alia promiseras! Caput tuum votis obligaveras; carceris imo & mortis societatem conceptissimis verbis pollicitus. quantum divertunt hæ voces in Caiphæ atrio, ab illis in Christi canaculo emissis! illæ leonem spondebant, hæ cervum timidissimum arguunt. O Petre, quisquis promittit, debitor est, & veritatis urgente sententia, sponsonis fidem compellitur implere:

Non est amici polliceri, sed dare.

Valde deformis est Oratio, si res non committeretur verbo. Averfatur hanc humanitatem Deus, quæram exporrecta est promittendo, tam adstricta præstando. Vult ille homines inter se sincere agere, nec linguam

Y Y


tam:

tam procul abire ab animo. Et quemadmodum Deus mutuum à nobis amorem exigit, sic mutuam quoque fidelitatem, quæ amoris filia est. Nec pæna illos claudo pede sequitur, qui fidem aut negligunt, aut violant: a *Quoniam qui malignantur, exterminabuntur.* Malignari, est, ingentia in os polliceri, phaleratis verbis ducere, in spem maximam impellere, verbis dapsilem esse, re ipsa Enclionem agere. Et quid his moribus vulgatius? Nec illud vulgi carmen à vero abludit:

*Annis mille jam peractis,
Nulla fides est in pactis,
Mel in ore, verba lactis,
Fel in corde, fraus in factis.*

Manus ergo longas & liberales, linguam modicam & brevem habeamus. Longe sint manus, quæ Artaxerxi cognomen dederunt Longimani, quod præsentibus atque absentibus aperta protensaque manu benefaceret. At vero lingua sit adstricta & brevis, quæ non in longos logos, aut prolixas deplorationes, aut multa promissa excurrat. Ita promittat ut promissa perficiat, b *Displecet Deo infidelis & stultia promissa.*

a Ps. 6. v. 9. b Eccl. 1. 5. v. 3.



Q.

*Linguam Querulam dabit noscendam Iona
 Hebraeus vates. An sub Hedera, an vero
 sub Cucurbitæ umbra confederit Iona, non
 disputamus. Nos hic cum 70. Interpretibus,
 & ad mentem Augustini pinximus Cucur-
 bitam. Liem alii definiant. Vide C. 17. §. 4.
 Porro lingua Murmurantis & Querulæ va-
 rium discrimen est, etiam istud: Lingua
 Murmurans sapissime suo se fremitu fali-
 gat; sibi canit, & suo domino, quamvis
 pessime canat, & * ima voce. At vero Que-
 rula plerunque aures alienas querit, in quas
 lamentationes ac questus suos egurgitet. At-
 que hoc fusius dicto capite describimus.*

Aug. tom. 2. epist. 10. ad Hieron,

* Ein groben Bos.

Q.

CAPUT XLVIII.

Lingua Querula multiplicia sua improbitatis dat specimina.

Plutarchus peritissimus ille morum magister elegantem inter cæteros libellum de garrulitate vulgavit. In hoc scripto refert ab a Amaſo Ægypti rege, Biani ſeni miſſum bovem jam in victimam aſſatum, & ſimul monitum Biantem, partem bovis & optimam & peſſimam eximeret. Ille linguam exemit ſolam, & remiſit cum dicto, Nil pejus, nil melius eſſe lingua. Dictum ex tripode credendum.

Poſt tot linguas, linguas ſane peſſimas, non melior prioribus adeſt lingua, quam *Querulam* vocant, monſtrum horrendum, ingens, quod ab improbitate multiplici, Orbe toto notiſſimum eſt. Hanc linguam hac diſſertatione ſumpliſſime explicandam.

I. Lingua Querula tam ubique potens eſt, ut ſuis querimoniis Orbem impleat, nec ea unquam primum caput Geneſeos poteſt addiſcere, tam ſtupida & nullius memoriæ eſt. Geneſeos liber narrationis principio hoc reſtatur: b *Viditque Deus cuncta quæ fecerat, & erant valde bona.* At verò lingua Querula in

Y y 3

rebus

a Alii, Pitracæ. b Gen. c. i. v. 31.

rebus omnibus mali quid invenit quod deploret. Et quamvis hæc lingua Christianum os occupet, occultis tamen & obliquis questibus Deum ipsum laceffit, cum vix ulla res creata sic illi probeatur, ut de ea non conqueratur, sed inaniter & impie. Ecclesiastæ a monitum est; *In die bona frui bonis, & diem malam præcave: sicut enim hanc, sic & illam fecit Deus, ut non inveniat homo contra eum justas querimonia.* b Deus olim Abrahamo de Ismaele ex ancilla nascituro prædicit: *Hic erit ferus homo manus ejus contra omnes, & manus omnium contra eum; & è regione universorum fratrum suorum figet tabernacula.* Talem plane se gerit lingua Querula, omnium hostis accusat omnia; quicquid ei displicet, in jus ducit, & actionem movet. Linguarum querularum refertus est Orbis. Ubi domus, ubi Xenodochium, ubi cœnobium, ubi palatium est, ubi latebræ ullæ sunt, in quibus non omnia his linguis perstreant? Et quemadmodum diversissimi palari in discernendis cibis, ita dissimillimi genii sumus in effundendis querelis. Et quid, obsecro, in rerum natura est tam sanctum aut laudabile, de quo nemo conqueratur?

Lingua Querula toto die abunde habet quod queratur, & ut sibi semper similis sit, ad diei auspiciū, etiamnum in lecto incipit ejuscemodi querulas voces spargere: Equidem non satis diu dormivi: pessimus canis somnum latrando sæpius interpellavit: & jam importunus excitator adest, & rumpit quietem. Subinde & sol reprehenditur tanquam nimium moratus in via: Et

quando

a Eccles. c. 7, v. 15. b Gen. c. 15, v. 12.

quando tandem, ajunt, luceſcet? Cum oculi exteſi, cum veſtes jam induendæ, querelæ iterum innumere; hoc plus æquo ſollicat, hoc nimis ſtriſtum, hoc laxum nimis eſt, iſtud non ſatis adhæret corpori, hoc pedi non apte reſpondet, illud nimis rugoſum eſt, hoc planum nimis. Cum libri aperiendi, curæ manus admovenda chartæ,

a *Tuxa* querimur, *crasſus* calamo quod pendeat humor,

Nigra quod infuſa vaneſcat ſepia lympha:

Dilutas querimur geminet quod fiſtula guttas.

Neque hic querelarum finis: Jam caput dolet, jam ſtomachus reſolvitur, jam deſtillationes vexant, nunc malum in humeris, nunc in cruribus eſt; jam calculus inſeſtat, jam dentes verminant, jam angina cruciat, jam cibi ſaſtidium affligit, jam alia atque alia torquent: ſæpe plures morbi quam membra, quia unum ſubinde à diverſis doloribus exercetur: hos autem aperire, conſilium petere, remedia quærere minime vetitum, nec indecorum, at vero queri & cum indignatione miſerias ſuas deplorare, ſapientis linguæ non eſt. Hæc linguæ querulæ ſpuma eſt. Quod ſi plures ejuſcemodi lamentatrices linguæ conveniant, tunc ſane plenis tibiis cantatur. Vix autem unquam duo colloquuntur, quin aut novas fabulas, aut veteres querelas referant.

II. Fuit ut viri duodecim magna familiaritate conjuncti ſermonem ita conferrent, ut quilibet querelarum aliquid in commune

Y y 4

ne

ne diceret. Primus, in tempestatem & cælum peroravit, quod modo ut nimbosum nimis & tempestuosum, modo ut nimis ferenum ac sudum accusavit, modo ventos, modo malaciam, modo imbres, modo siccitatem nimiam, modo nimios æstus, modo frigora nimia; jam inconstantem & nubilantem aërem reprehendit. Et en, ait, quam hæc fada est, quam turbida, quam atrox & immoderata tempestas! Ita huic dicendi & conquerendi materiam præbuit cœli serenitas, & gravitas. Ita nec cœlum nec Deus placent omnibus.

Alter, in uxorem querelarum plaustrum exoneravit. Uxor mala, inquit, quam gravis, quam longa, quam intolerabilis crux! Di Deæque qualem ego nactus sum uxorem? improbam oppido, & vix unquam taciturnam, nisi cum dormit; sed & in somnis garrit Canidia, trivenefica.

Tertius, stipendium ac salarium tam suum, quam aliorum in jus vocavit: Maximis, inquit, ac continuis laboribus urgeor, salario autem perquam tenui & exiguo ludifcor: quis sumptu tam modico vitam toleret? equidem domino meo placeret, si laborarem ut asinus, curam congererem ut gryphes, foliis victitarem ut bœbyces. Jure queror, domini mei avaritia nimis vilem pensunculam præbet.

Quartus in Magistratum copiosè bilem effudit. Ecquis, ait, non queratur? Magistratus in quosdam tam facilis ac clemens est, in alios tam rigidus ac severus. Dat veniam corvis, vexat censura columbas. Hic offam interit, alteri exedundum est, hic dimittitur

tu noxius, ille insons punitur. Disciplina
deseritur, connivetur, amplum est sceleri-
bus patrociniū Et quī tot pecuniariis exa-
ctioribus par sit?

Quintus, in annonam querelas plurimas
evomit. annonæ structor videri potuisset,
tam grandi supercilio pistorēs omnes dam-
navit, suū panī pondus, farinam, operam
deesse causatus. Ita querelas in curiam, pi-
strina, molendina, granaria, frumentato-
res & triumviros, panarios effudit largissi-
mē.

Sextus, militiam sibi sumpsit querelis la-
cerandam. Hic, aiebat, nimis lentī sunt &
cunctabundī, hic præcipites nimium, hic
vero nihil sit: hic honores defunt, hic mu-
nera; hic concilium militare hallucinatur,
hic à ducibus est error; hic avaritia, hic su-
perbia omnem militarem succellum corrup-
pit: ita rem bellicam variè deploravit.

Septimus, de templo & divino cultu est
questus. In hac æde, dicebat, conciones
nimis prolixæ, in illa nimis breves: in cæ-
teris quamdiu exspectandum, dum rei di-
vinæ initium fiat? hic erratur in cantu, illic
in ceremoniis, hic omnia nimis operosè
sunt & sumptuosè, illic neglectim & nimis
perfunctoriè: isti comestarii vehementes
nimis, & impatientes sunt, aibi mites ni-
mium & plane fœdissimi, ac propemodum
elingues. Sint hæc vera, linguis tamen que-
rulis nō sunt enuntianda.

Octavus, in ancillas & famulos quere-
lis grassabatur: Hi homines, inquit, aiebat,
nimis jam imperiosi, contumaces, pigri,
infatigabiles sunt, nullis iussibus, sed nec

Manilianis imperiis in officio satis continendi.

Nonus, in sacerdotes, & viros religiosos examen querelarum emisit: Et isti quidem, aiebat, poculis rem agunt: hos effert superbia, istos inquinat avaritia, illos perdit otium, hi sacra bonæ Deæ non ignorant. Sic à querelis ad detractiones transitur.

Decimus, vitiosissimum ævum & degeneres ab avis posteros quæribundus deservit, nec dixit: Ego tuque sceleratorum hominum pars sumus, sed omnem temporis culpam impegit.

Undecimus, Dei satellites & apparitores, Morbum, Mortem, diabolos querelis onerans: Mors, inquit, immanissima præmatræ mihi amicorum optimum abripuit, illic tragædias diabolus tragicissimas excitavit, cadis & malorum omnium mandator. Hujus hominis querelæ vix ipsi Deo pepercerunt.

Duodecimus, in suis obrectatores & inimicos innumeras querelas ore pleno ejiciens: Hic, inquit, torvis me oculis intuetur; hic salutat non resalutat; hic asperis in me verbis invehit. Querulus iste homo non ante querelarum finem fecit, quam alii veterem telam ordirentur, repeterentque querelas jam auditas, quod linguae huic proprium, idem sapius recantare. Atqui hi sunt, ut Thaddæus a Apostolus loquitur, murmuratores, querulosi, *secundum desideria sua ambulantes, & os eorum loquitur superba.*

III. Porro quid vos auditores, de his sentitis, quis horum primum præmium obtinet? Si rationem & jus consulamus, primum

num præmium debetur illi, qui sic queritur, perinde ac si divina dispositio ei non perplaceat, & idcirco modum Deo constituendum censeat. Alterum præmium ei debetur, qui magistratum querelis suis allatat: non exigui res momenti est, iudicium agere velle iudicem. In tertiis consistit, qui tot tantasque querimonias de aliis hominibus habet, ut cum primis certet. Apertissimum Christi a dictum est: *Amen dico vobis, quamdiu fecistis uni ex his fratribus meis minimis, mihi fecistis.* In Moysem & Aaronem Judæi querelas plurimas congefferant. *b* Sed illi querelis responderunt: *Non contra nos est murmur vestrum, sed contra Dominum.* Verum duodecim illis querulis censoribus breviter respondendum est; sua quemque censura feriat.

Primus de tempestate & injuriis cæli questus est. Respondemus: Homo patientiæ non ignarus, contra neminem magis quam se ipsum queritur. Divinam Ordinationem non tangit. Illud unum assidue ingeminat: *c Bene omnia fecit.* Hominum aliquis peccat? Non aliud secum quam hoc repetit: *d Quis ego sum, qui iudico servum alienum? Domino suo stat aut cadit.* Sed nec contra rem aliam creatam queritur. Alter de uxore questus est. Respondemus. Quod tute tibi intrivisti, tibi exedundum est. Uxorem habeas ut natus.

Tertius de suo salario questus est. Respondemus. Qui non nescit se frustra & incassum queri, nec tamē querelas desinit, is nummos suos

a Matth. c. 25. v. 40. b Exodi cap. 16. vers. 8.
c Marci c. 7. v. 37. d Rom. c. 14. v. 8.

suos in pertusum sacculum mittis quieti suæ consuleret, si taceret.

Quartus contra Magistratum questus est. Respondemus: Qui toties errat in gubernanda domo sua, stultè magistratum accusat, qui urbem aut provinciam gubernat, discat ille prius pauculos suorum regere, vix demum alios docere poterit, qua ratione populus sit regendus. ita in alienis lynces, in nostris talpæ sumus.

Quintus de annonæ caritate questus est. Respondemus: Ubi demum omnia & ubique locorum ad rectissimam amussim erunt composita, nos non amplius erimus superstitices. Hoc interim re ostendamus, vestigal magnam esse parsimoniam: pistoribus & moitoribus sui sunt iudices, qui farinam inspiciant; vitam nos nostram inspiciamus, & illud sæpius cogitemus: Bona verba non raro meliora esse quam dona.

Sextus contra nostratis militiæ rationem questus est. Respondemus, & una querimus: Quot obsecro querulus hic homo stipendia fecit, quibus ducibus militavit? an unquam in hostem gladium strinxit? an unquam plombeam glandem extorsit? Ergo, ne sutor ultra crepidam. Milites de armis, Mathematici de stellis, architecti de ædificiis, navarchi de ventis, medici de morbis eruditius, quam alii loquentur.

Septimus de templorum administris & maxime de concionariis questus est. Respondemus: Qui a sine peccato est, prius in illos lapideam mittat. Ubi quis munus suum exactil-

exactissime, & ad unguem exsecutus fuerit, alios fortassis rectius docebit.

Octavus de famulis & ancillis questus est. Respondemus: Aut talis nunquam servit, aut memoriam omnem perdidit. *a* Plato ait, neminem regem non ex servis esse oriundum, neminem non servum ex regibus.

Nonus de sacris hominibus & religiosis viris conquestus est. Respondemus: Urbs munda conservatur hac ratione, si quis paterfamilias viam publicam ante ædes suas conservere mundam, reliqua curabit magistratus. Optima scientia est, Notitia sui: qui seipsum novit, in alios non temere sententiam dicet. Deinde iniquum est, uno delinquente omnes accusare. De Religiosorum domibus idem penè dicendum, quod de sua *b* Augustinus; *Neque mihi*, ait, *arrogare audeo, ut domus mea melior sit, quam arca Noë, ubi tamen inter octo homines unus reprobus inventus est; aut melior sit quam domus Abrahamæ, ubi dictum est. Ejice ancillam & filium ejus, &c. aut melior sit quam cohabitatio ipsius Domini Christi, in qua undecim boni perfidum & furem Judam tolerarunt; aut melior sit quam cælum ipsum, unde Angeli ceciderunt.*

Decimus de temporum iniquitate questus est. Respondemus: Senecæ conjux famulam habuit Harpallen fatuam. hæc subito desit videre, se tamen cæcam esse non scivit: ideo totam domum ut tenebrosam acculavit; tenebræ in ipsius oculis fuerunt. Idem nobis accidit; accusamus tempora, cum nostra sit culpa.

Unde-

a Senec. epi. 44. *b* Aug. ep. 137. ad Clerum & pop. Hipp. *c* Sen, epi. 50, initio,

Undecimus de morbis & morte questus est. Respondemus: olla olim de figulo questu est, quod eam parieti allississet: at nemo hanc querelam non stultissimam dixit: hoc jus figuli est, fingere vasa & frangere prout ipsi placet.

Duodecimus de suis obrectatoribus & inimicis questus est. Respondemus: Augustæ Vindelicorum duo religiosi viri ostiatim mendicarunt. his pro stipe homo improbus restim porrexit: quem illi reverenti osculo acceperunt & gratias egerunt, ædificio suorum fore percommodam asserentes. *a* Omnium inimicorum nostrorum nequitia & technæ funes sunt & restes, quibus nostra onera, nosque ipsi attrahamur in cælum. Quid ergo habemus justæ querelæ? gratiæ potius sunt agendæ.

IV. Sed objicies: Ergo anxias & acerbæ gemitus explicare non licet? imo vero licet, sed eo loco, atque iis hominibus quibus oportet, hoc non est querelam effundere, sed medicinam petere. At verò tam multis aliis, & toties molestias suas oggerere, conquestio supervacanea, & plerunque damnosa est. Deinde inter querelas ita nonnunquam effervescit animus, ut tacito passu ad obrectationes & calumnias fiat transitus, quas nos justas querelas nominamus. Sed objicies iterum: Quis adeo ligati oris sit, ut cum scierit se non nisi vera locuturum, querelas tamen omnes comprimat? quandoque solatio est eas effudisse. Si effundantur in amicorum sinum, è quo consilium speretur vel auxilium, subinde non obfuerit: at

vero

verò querimonias ubique spargere; omnium aures iis fatigare, malum asperat, & ulcus facit grandius, præsertim si hoc resciscant illi, de quibus querimur, quamvis & ii hic monendi sunt, quos querelæ petunt, ne ea quæ de se dici audiunt, contemptim transeant, velut inania murmura, & merissimas querelas; ne dicant; Servis & subditis nunquam defunt intempestivæ querelæ: quin potius examinent rem quæ aliorum questus provocat, an ea nihil æquitatis habeat; pensent singula, num juvare possint, num parcere debeant, an non nihil cedere, & onus levare conveniat. Iniquum est si domini omne sibi jus in servos aut subditos tribuant: Nemo bonus iudex in causâ propria.

Sionis Rex David à Joabo, quem suæ militiæ præfecerat, acerrimis querelis flagellatus, non tantum hominem benignè audiit, sed & executus est, quæ suus sibi famulus dictarat exequendum. a *Nunc igitur surge & procede*, inquit Joab, & *alloquens satisfac servis tuis. Surrexit ergo rex, & sedit in porta. Quid potuisset mitius aut dicere, aut facere potentissimus regum ad querelas acerbissimas? Has audiit mitissimus regum, sed non retorfit; suum illud potius usurpavit: Domine, b ut jumentum factus sum apud te, & ego semper tecum? neminem accuso nisi me ipsum; de nullo conqueror, nisi de me ipso; paleis an hordeo pascar, fileo; jumentum sum.*

Hebræus Propheta Jonas non semper Domini jumentum esse voluit. Et hic ipse est qui

qui luculentum querulæ linguæ specimen præbens, contra divinos jussus variè conqueſtus eſt. Cumque jam penè non haberet: contra quem quereretur, in res inanimas linguam querulam emiſit: Nam hederam à vermiculo perroſam gravibus querelis convulſit. Cui Deus: *Putasne*, inquit, *a bene irasceris tu ſuper b hederam?* Cui Jonas audacter: *Bene irascor ego, uſque ad mortem.* En judicem, ſed malum & queribundum: qui cauſſam propriam cenſet æquiſſimam. Quem admodum igitur par eſt ut magiſtratus & domini, ſervorum ac ſubditorum querelas, non primo aſpectu rejiciant, ſed examinent atque perpendant, ita ſubditi ſuas querelas non pertinaciter, velut æquiſſimas defendant. Sæpiſſime utraque pars erra, errorem ſateri & corrigere neutra vult. Ille imitator Chriſti prudenter: *Domine*, inquit, *quid poſſum conqueri, ſi me deſeris?* *Si rectè me inſpicio, nunquam mihi facta eſt injuria ab aliqua creatura: unde nec juſte habeo conqueri adverſum te.* Jumentum nec de pabulo neque de lecto, neque de domicilio queritur. Cum ſapientiſſimo rege ſapit, qui hoc idem de ſe affirmare audeat: *Ut d jumentum factus ſum apud te, & ego ſemper tecum.*

V. Iſaias divinam benevolentiam pollicetur: *Si*, ait, *e abſtuleris de medio tui catenam, & deſieris extendere digitum, & loqui quod non prodeſt: tunc invocabis, & Dominus*

exau-

a Ion. c. 4. v. 9. b Interpretes 70. ajunt fuiſſe cucurbitam. Nos hic editionem vulgatam ſequimur.

c Imit. Chriſti lib. 3. cap. 40. & 41. d Pl. 72. v. 23. e If. c. 58. v. 9.

exaudiet; clamabis & dicet: Ecce adsum. Pri-
mò omnium auferenda est catena. Heu
quàm misera est vita, quæ noxas noxis, sce-
lera sceleribus veit annulum annulo con-
nectit: tollatur hæc catena, & redibit divi-
na gratia. Alterum est; Contine digitum, ne
minare, ne illude: minaces, iracundi, il-
lusores intento digito loquuntur. Tertium
est; si desieris loqui quod non prodest. Inter
sermoneſ prorsus inutiles pene inutilissimus
est querela, quæ rarissimè prodesse, ferè
semper nocere solet. a Jobus: *Quia*, in-
quit, *querelas in me reperit, ideo arbitratus est*
me inimicum sibi. Sint querelæ veræ, sint ju-
stæ, sed quid tum postea? quid querimoniis
juvatur? causam bonam vix unquam adju-
vant, causam malam plerumque deteriorem
faciunt querelæ. Ergò desine loqui quod non
prodest. Siracides etiam hortatur: b *Fili in*
bonis non des querelam, & in omni dato. Tot
sanctissimi martyres minimè omnium que-
ruli fuerunt, quos Ecclesia vel ideo etiam
veneratur & laudat: *Non murmur resonat,*
non querimonia, sed corde tacito mens bene con-
scientia conservat patientiam. Hanc laudem jure
optimo tuit sanctissimum par conjugum Za-
charias & Elizabetha; Nam, c *erant justi*
ambo ante Deum, incedentes in omnibus manda-
tis & justificationibus Domini, sine querela. Ne-
mo de illis queri potuit, sed nec ipsi de aliis
questi sunt; forte suâ contenti vixerunt, ve-
rè *sine querela.*

Prisci dicere solebant, non decere sa-
pientem, modo in hunc, modo in illum

Z z

decla-

a. Job. c. 33. v. 15a b Eccli. c. 18. v 15. b Luc.
c. 1. v. 6.

declamitando, veritatis oculis caliginem offundere. Male audit de quo dicitur : *Est homo querulus, nemo ei satisfacit, cum omnibus injuriam expostulat.* In viro religioso hoc grande vitium est : Quamobrem Abbas Pastor dicitabat : Qui querulus est, monachus non est. Homo religioni addictus non facile de re ulla conqueratur, instar jumenti, cujus fortunæ omnes à nutu domini pendent. Monstrosius, sic dicam, monstrum videri potest, cœnobium querulus, quam asina loquens.

Hominem seriò probum Ecclesia hoc afficit encomio : *ecce homo sine querela, verus Dei cultor & permanens in innocentia sua.* De querulo mutatis vocibus canendum : Ecce homo plenus querela, ventris sui cultor, & permanens in stultitia sua, quicquid ad suum stomachum non facere putat, repudiat. Tantò inter omnes pretiosior a Jobus & unice æstimandus, qui à Satana tam dirè habitus ut nihil sui corporis haberet, quod sanum diceret præter linguam, fors ideo non ulcerosam, ut eam in querelas laxaret, ut cœlum omnesque cœlites execraretur, ut hostibus suis omnibus pessimè precaretur : *Et tamen in omnibus his non peccavit Iob labiis suis.* Ipse quidem de se affirmat : *Derelicta sunt tantummodo labia circa dentes meos.* Læta & afflicta erant omnia, una supererat lingua, qua usus est non ad querelas, sed Dei laudes & gratiarum actiones : *Sit nomen Domini benedictum.* Non est melior, non est brevior, non est suavior cantiuncula, in miseriis & ærumnis, in rebus adversis omnibus, quam

quam hoc ipsum Jobi carmen : *Sit nomen Domini benedictum*. Nihil agimus querelis, nisi quod causam nostram plurimum labefactemus, perinde ut qui funiculos implicatos nec solvere potest, nec rumpere; dum luctatur, arctius eos implicat, & pluribus nodis constringit. Quin ergo aulicum illum imitatur, qui in cultu regum consenuerat, cujus notissima vox est. Nam cum illum quidam interrogaret : Quomodo rarissimam rem in aula consecutus esset, senecturem? *Injurias*, inquit, a *accipiendo*, & *gratias agendo*. Sape adeo injuriam vindicare non expedit, ut ne fateri quidem expediat. Et nos profecto tantò chariores Deo famuli erimus, quantò minus queruli. Probissimi hominis illustre prorsus indicium est; De nullo conquiri, nisi coactum.

a Sen. l. 2. de Ira c. 33.



R.

*Lingua secreti Revelantem monstrat dolum
 um Danaidum , A. rimarum plenum ,
 quicquid huic infuderis, mox iterum effun-
 ditur, Vide. C. 18. S. 1. Unde tot quotidie
 de amicis prodeunt querelæ, nisi quia quos
 fidiſſimos habebamus, invenimus infidos,
 & arcani proditores? Nempe non omnibus
 Rex Macedonum Alexander os annulo
 impresso claudit & obſignat, uti ille ſuo
 Hephæſtioni poſt lectas literas. Heracliti
 dictum eſt: Vulgus non differre à fractis
 urceis, cum nihil continere poſſit, ſed diſ-
 ſuat nugando.*

R.

CAPUT XLIX.

*Lingua Revelans secreti, quadruplici nos
malo afficit.*

Malum ovum malus corvus, veteri verbo jactatur. De ovis pessimis Isaias a vates præmonens: *Conceperunt laborem, inquit, & pepererunt iniquitatem. Ova aspidum ruperunt, & telas aranea texuerunt: qui cederit de ovis eorum, morietur; & quod constructum est, erumpet in regulum.* Aspidis ova, ut Bartholomæus b Anglicus testatur, excludit rubeta; rana non minus aspide venenata. cum rubetæ fomento rupta est ovi crusta, exit regulus, aspide & rubeta venenatior, qui vel oculis necat; at primum quod ab eo necari solet, est rubeta mater. Quisquis de absentibus contumeliosè loquitur, & id tanquam arcanum non evulgandum alienis auribus committit, is alteri aspidis ovum supponit cui incubet. alter aliquanto tempore fovet ovum silentio, demum garulitate ac imprudentia excludit. atque hinc regulus qui nonnunquam patrem & matrem auctorem & fautorem necat. idcirco ingenti circumspèctione opus, quidnam arcani, & cujusnam id auribus committatur.

Neque

a Isa. c. 59. v. 5. b Bact. Angl. de rex. propr. l. 19. c. 78.

Neque enim dumtaxat, qui hæc talia narrat, attentum volumus & circumspectum, sed & illum qui narrantem audit: huic sedulo cogitandum quid sibi & à quo committatur, ne istud temere ac imprudenter emanet. Si secus fiat, ingentia hinc damna oriuntur. Hanc ob causam Alphabeti series ad literam caninam nos ducit, quæ linguam pessimæ famæ commonstrat. ea *Revelans arcanum* nominari solet. Quantum verò nocumenti adferat hæc lingua, quantis discordiis orbem misceat, qua demum ratione hæc pestis coercenda sit, hoc capite demonstrabimus.

I. Arcanum hic & secretum id dicimus, quod vel secretò ab aliis auditum, vel certe à se tale quippiam est quod silentium exigat. Subinde res adeo arcana non est, sed quoniam alter rogavit; * *Tecum habeto*, profecto edicenda non est. Et multo magis clausa sunt habenda consilia, quod ipsum etiam jusjurandum poscit. quicquid denique inter duos aut plures occultis arbitriis disceptatur, alto silentio premendum est. Quisquis tale quid edicit, jure † futilis gerro dicitur, ut qui linguam habeat rimarum plenam, hac atque illac disfluentem, uti sunt Danaïdum dolia semper pertusa, quibus quicquid infunditur, perditur. Atque hinc mala nascuntur plurima: numeremus.

Primum est: Magna levitas animi, & puerilis simplicitas se prodit in eo homine, qui nihil secreti potest tegere, sed audita mox obviis enuntiat. imperitus lusor est qui

Z z 4. fa.

* Laß be' dir bleiben.

† Klappermaul / Blinder / Offenburger.

favente sorte pictas chartas aliis ostendit, seque ridiculum facit : Sed, ut vulgus arguatur, quatuor sunt, quæ abscondi nequeunt. Palma inclivo, stramen in calceo, fusus in sacco, arcanum in fatuo. Nec sapientiores ii, sed & nequiores, qui dicta ejusmodi ab aliis expiscantur, quæ proximo cuique venditent. & fit quandoque ut narrationem celandam audiat is ipse de quo male instituta est. Siracides hos locutalesios prægnanti feminæ confert, quæ partui vicina dolet, ingemiscit, luctatur; sic, *a Afacie verbi parurit fatuus, nec quiescit miser dum partum suum enixus sit in lucem, & quæ auribus concepit, totis buccis effuderit.* Si quid ad canis aut felis caudam alligetur, quanta inquietatio sequitur? ut currunt ut saliant, ut furunt inquietæ animantes? nec ullo loco consistunt, dum alligatum excusserint: Non aliter *Revelans lingua* impetufertur ad eloquendum, & ea sæpe gestit libidine sua effutiendi, ut non visa solum & audita narret, sed illa quoque misceat, quæ suspicatur, quæ fingit: falsa sint an vera, juxta habet. Grande hoc malum est, animi sui levitatem sic omnibus spectandam proponere, ut quam plurimi norint hominem mentis inopem esse.

Alterum malum est, qui secreta retegat, fidem amittit; nemo est qui se suaque velit illi committere: *b Siracidæ hoc credimus: Qui denudat arcana amici, fidem perdit, & non inveniet amicum ad animum suum, erit qui par pari reddat.* Hanc profecto viam tenet divina providentia, & potissimum in linguæ vitiiis,

ut

atquemadmodum ille de isto contumeliose loquitur, sic alii de illo; & sicut iste commissa sibi effutit, ita nec alii arcana illius celent. Salomon luculente pronuntiat: *a Qui ambulat fraudulenter, revelat arcana, qui autem fidelis est animi, celat amici commissum.* Nimirum hoc discrimen est: qui ambiguae fidei vir est, audita mox foras eliminat; fidus & prudens secum habet quæ audiit. Arcanorum revelatio à fraudulenta & infida plurimum mente proficiscitur; fidelis enim commissa concreditaque sibi alto premit silentio; qua enim fide ab amico rem accipit, eadem servat. Ille in hujus sinum reposit; iste committentis affectui respondebit, & non fallit. Si vero prodit, fallit, infidus est, amicus non est. Proinde nihil illi credendum. Venusinus vates cavendum eum monet:

b Fingere qui non visa potest; commissa tacere

Qui nequit, hic niger est, hunc tu Romane caveto.

Addit, quam suaviter arcanum exprimā soleat:

c Tu lenē tormentum ingenio admoveas

Plerumque duro: tu sapientium

Curas, & arcanum jocosō

Consilium retegis Lyao.

Hæc lenia tormenta, subsequitur cæcus amor sui.

d Et tollens vacuum plus nimio gloria verticem

Z z 5 Arca

a Prov. c. 11; v. 13. *b* Horat. de arte poet. v. 434.

c Horat. l. 3, od. 21. med. *d* Idem, l. 1. Oda 171. line.

*Arcanique fides prodiga, perlucidior vi-
tro.*

Luctator dolosus est vinum, ut Plautus putat, pedes captat primulum, imo vero linguam, cui sic capta secretum facile rapit.

II. Tertium malum est: Qui sibi dicta mox foras eliminat, non tantum fidem; sed & amicum perdit. Siracides hoc affirmans: *Est, inquit, a concordatio, excepto convicio, & improprio, & superbia, & mysteriorum revelatione, & plaga dolosa; in his omnibus effugit amicus.* Omnis amicitiae nexus solvitur, & vix unquam iterum copulari potest, quæ his modis dissoluta est. 1. Conviciis ultro citroque jactis: 2. Improperiis, cum aut iste donum exprobrat, aut ille doni vilitatem exaggerat, 3. Fastuoso amici contemptu. Amicitia aut pares accipit, aut pares facit: hinc perit illa, si alter alterum velut inferiorem despiciat. 4. Vulnere per fraudem inflicto: Gravius sentitur damnum quod ex obliquo venit. 5. Revelatione mysteriorum: Difficile est amicos componere post hanc injuriam detecti arcani. Deum quidem omnibus his modis lædimus, sed reconciliari Deo facillime possumus. Non eadem inter homines est ratio: non raro qui fidem semel violavit, semper infidus creditur; qui semel offendit, semper hostis censetur.

Ergo cui cordi est fides & amicitia, non tantum secreta non aperiat, sed & societatem eorum caveat, qui ore lubrico quod audiunt, mox effundunt. Ita leges divinæ fe-
rio

rio mandant. a *Et qui revelat mysteria, & ambulat fraudulenter, & dilatat labia sua, ne commiscearis.* Erudite Ambrosius: b *Cum omnia, inquit, nobis nostra essent communia, individuus spiritus, individuus affectus, solum tamen commune non erat secretum amicorum, ut fidem servaremus.* Sapientissimus regum vel hanc unam ob causam, ne arcanum pereat, vinum dari regibus ita vetat: *Noli c regibus, ô Lamuel, noli regibus dare vinum; quia nullum secretum est, ubi regnat ebrietas.* Facundi calices quem non fecêre arcani proditorum? Homo potulentus totus translucet, totus effluit, & nullo cogente se, tanquam si quaestione interrogatus esset, arcana omnia manifestat.

Quartum hîc malum est: qui arcana fido pectore non occulit, non tantum fidem & amicum perdit, sed ita quidem perdit, ut recuperari nequeant. Eam ob rem Salomon providus consuasor: *Quæ, d inquit, viderunt oculi tui, ne proferas in iurgio cito, ne postea emendare non possis cum dehonestaveris amicum tuum.* Quid heroum fortissimo Samsoni vires, oculos, libertatem, vitam rapuit, nisi garrula futilitas, quæ Dalilæ urgenti secretum enuntiavit, & omnia perdidit. In Romanis sacris vas aquæ hauriendæ adhibebatur, quod humi deponere nefas erat: ideo pede carebat, ne uspiam è manu deponi posset. Os vasis istius amplum, in angustiorum conum desinebat, perinde ut in conviviiis nostris vitrea sunt, quæ campanas

a Prov. c. 20. v. 19. b Amb. de obitu fratris sui Satyri, c Prov. c. 31, v. 4. d Prov. c. 25. vers. 8.

nas dicimus, quas nisi vacuas, in mensa reponere piaculum foret. Atque illud suum Romani vas, *Futile*, vocabant, quod quicquid contineret, effundendum esset. Huic vasi apposite confertur homo tam pauli ac lubrici oris, ut quicquid auditione acceperit, id mox iterum effundat locutione, perinde ac si nefas sit auribus quippiam accipere, quod non quamprimum os regerat. Hæc tamen inter vas illud & os humanum differentia est; vase illo nullum unquam incendium excitatum est, sed ore hominis sæpissime illud igni extinguendo fecit, hoc creberrime sufflando. Arcana non celasse ingentium malorum sæpius origo fuit. Divinus testis a Siracides: *Denudare, inquit, amici mysteria, desperatio est animæ infelicitis.*

III. Illud Romanorum columen Metellus senex, militiæ peritissimus, tanti æstimavit secreta posse contegere, ut interrogatus, quid in sequentem diem juberet, dixerit: Si scirem intimam meam tunicam arcani mei consciam, in ignem eam abjicerem. nec enim solum linguæ vitium est, aliena secreta effutire, sed etiam sua, præsertim apud imprudentem. Metellum secutus Petrus Aragonius; Comburam, ajebat, tunicam meam intimam, si consiliorum meorum esse gnaram sciero. Sapientissime monuit Salomon: *b* *Causam tuam tracta cum amico tuo, & secretum extraneo ne reveles.* Quam ob causam abbas Antiochus dixit: Unicuique libet obvio concedere sui pectoris arcanum, id peculiare est animæ prorsus incruditi.

Ne-

Neceſſe eſt igitur circumſpectè & comite conſilio agere omnia.

Infans cum manu glaciem tener, brevi luſu ſe decipit, cuperetque perlucidum hoc cryſtallinum non demittere, ſed quia gelu manus adurit, gaudium ſuum manibus elabi ſinit, quod nequit retinere: ita hi per- tuſioris homines, vellent quidem non inſi- di ac leves videri, ſed quia rimarum pleni ſunt, hac atque illac perfluunt, uti vas flu- xum & pertuſum, dolium Danaidum.

Salomonem & Siracidem locupletiffimos teſtes ſæpiuſcule adhibuimus, ii tamen para- tiſſimi ſunt, longe ſæpius in vitioſam linguam teſtimonia denuntiare, præſertim in hanc ipſam de qua agimus. Siracides quidem hic neminem non cautiffimum exoptans: *Non a duplices, inquit, ſermonem auditus de re- velatione ſermonis abſconditi, & eris vere ſine confuſione.* Perinde ſi dixiſſet: Quod tibi primo dictum, tu ne ſecundo dicas; ne du- plices ſermonem. Illud verò ridiculum ad- modum & ſtultum eſt, quod tunc primum, cum jam aliquid enuntiavimus, os alteri obſerare cupiamus. Exemplo rem demon- ſtramus.

Narravit mihi Sertorius nuperrime Pol- lionem ſenatu movendum, Thraſeam auſa excludendum narrationis ſuæ epilogum ad- jecit hunc: Cave ulli hoc dixeris; nam res adhucdum alto præmenda eſt ſilentio. Ego autem amicorum fidiffimo hoc ipſum narra- vi, ſed & clauſulam hanc adjeci: Obſecro te, ne hoc aliis enuntia: etiamnum obſcurè ferendum eſt. At ille familiarium meorum

intri-

intimus, uxorem inter illos alios non numerans: O mea conjux, agebat, quandoquidem tu alter ego es, arcanū tibi commissum præter me neminem scire crediderim: audirem miram & novam; Pollio senatu movebitur, Thraseas excludetur auias; sed occultum hoc habeto. Illa byssinæ sed lubricæ linguæ mulier, vix duabus horis tam grande secretum continuit, & in vicinæ aures mox egurgitavit, illam quoque speciosissimam clausulam attexens, secum hoc haberet; audita in vulgus minime spargenda. Mulier vicina fidem non falli arbitrata, nisi arcanum publice narraret, clam in unius alteriusve aures hoc de Pollione & Thrasea infusurravit; mox urbe tota volavit fama, & tragœdia inde nata est non una.

Quis hujus tragœdiæ auctor obsecro? primus ille, qui tacenda non tacuit. Sed dicet: Ego tamen obnixerogavi te, nemini hoc enuntiares. Quid me rogabas, ô stultissime mortalium? cur non rogasti teipsum, & os tuum? si tu recessus mentis tegere non potuisti, quid de alio sperare poteras? si nesciri hoc volebas, cur ulii alii narraisti? Ego enim sic mecum ratiocinabar, Si potuit id mihi uni committere, possum & ego uni alteri, hic alter tertio, tertius quarto, hic quinto; ab hoc celeriter ad sextum, inde ad decimum, ad quinquagesimum, ad centesimum res delata est. Singuli quidem rogabant: Hoc tecum habeto, istud nemini dixeris. Verum hæ ipsæ preces audaciam suggerbant ad propagandum secretum. Chrysostomus & ineptissimas has preces & ipse irridens

dens ac detestatus: Hoc vero ridiculum magis est, inquit, quod talem habentes vitam, & propria negligentes, cum aliquid arcanum dixerint, rogant audientem & adjurant, ne cuiquam amplius alteri dicat: declarantes quod rem reprehensione dignam commiserunt. Si enim illum, ut nemini dicat, rogass; multo magis te priorem huic dicere non oportebat. In tuto sermonem habebas: postquam vero alteri prodidisti sermonis custodiam, superflua facis & inutilia, admonens & obtestans pro delictorum custodia.

IV. Quicquid ergo deblaterari non vis, hoc in tuo pectore, hoc in ore tuo moriatur, & computrescat. vivere finis, & ex ore tuo profilire? jam actum est; brevi ora omnium persultabit. Divinè hic Seneca ^a philosophatur, & hoc ipsum quod dicimus, rationibus affirmans: Nihil, ait, æquè proderit, quam quiescere, & minimum cum aliis loqui, plurimum secum. Est quædam dulcedo sermonis, quæ irrepit & blanditur, & non aliter quam ebrietas, aut amor secreta producit. Nemo quod audierit, tacebit: nemo quantum audierit, loquetur. Qui rem non tacuerit, non tacebit auctorem. Habet unusquisque aliquem cui tantum credit, quantum ipsi creditum est: ut garrulitatem suam custodiat, & contentus sit unius auribus, ^b populum faciet. Sic quod modo secretum erat, rumor est. Nam etiamsi unum rem dixeris; ille porro uni, hic alteri, alterique: & ita populus sciet. Hoc è veteri memoria festivissimum ludicrum demonstrabit.

Roma.

^a Seneca epist. 105. ^b Qui populum faciamus, mox sequentibus verbis explicatur.

Romanus senatus occultum aliquod consilium per aliquot dies intra se agitaverat, cumque res ea multum obscuritatis haberet, variasque excitaret suspiciones, quendam senatorum, mulier alias pudica, sed tamen mulier, majorem in modum precibus urgebat, ut arcanum sibi aperiret: dejerans interim, se silentio rem tecturam, & ni faceret, diris se devovens execrationibus, fletusque & quiritans fidem sibi non haberi. Ille ut stultitiæ eam suæ coargueret: Vincis, ait, mea uxor; proinde audi terribilem rem atque prodigiosam. Relatum ad nos est à sacerdotibus * cassitam visam esse volantem cum galea aurea & hasta: de eo ostento unà cum auguribus deliberamus ac anxie disquirimus, bonine an mali aliquid portendat; tu vero tace. Hæc locutus in forum processit. At vero mulier ancillam, quæ primum intraverat, arripiens, pectus suum plangens & crines scindens: Eheu, inquit, mi vir, & ô mea patria quid nobis fiet? volens docensque ancillam quærere. Quidnam igitur evenit? inquit ancilla, & simul silentii fidem obstringit. Postquam interroganti & fidem danti mulier rem narravit, addidit communem omnis loquacitatis clausulam: Cave ne cui hæc dixeris, & tace. Vixdum à domina ut est digressa, una fervienti alteri, quam maxime videbat otiosam, narrationem injicit. illa hæc famulo curiosus sciscitanti exponit. Hoc modo fabula in forum devoluta, ita ut præcurreret auctorem. Quidam ad eum notus accurrit, & ad recens domo adveniat quærit. Alit ille. Nihil ergo.

ergo, inquit, inaudisti novi? Ad quem ille:
 Quidnam obsecro? an novi aliquid evenit?
 Tum alter: Cassita, inquit, conspecta est
 volans, cum hasta & aurea casside, atque
 de hoc ostento principes senatum habent.
 Ubi ridens iste: Laudo, inquit, mulier ce-
 leritatem tuam qua factum est, ut me in
 forum euntem sermo hic anteverterit. Pro-
 inde ad magistratum accessit, eumque tre-
 pidatione liberavit. Ut autem mulierem ul-
 cisceretur, domum reversus: Mulier, per-
 didisti me, inquit, pruritu linguæ: comper-
 tum est enim è domo mea in publicum ela-
 tum esse alicuius: itaque ob quam incontinen-
 tiam solum mutare cogor. Eunique in-
 ficias, & dicenti: Quod si vero tu non recen-
 tesimus hæc audieris? Quomodo, inquit, tre-
 centesimus, qui te urgente ut periculum ta-
 cerem, possesne aucta recitare, istuc con-
 finxerim? Atque hic quidem mulieris fore
 continentiam probavit, & ut utinam vas fa-
 tiscens, non vinum aut oleum, sed aquam
 infudit.

Ita femineum hoc virium est. Nam viri
 est frenos linguæ injicere, & ante vitam po-
 nere, quam concedi a retigere: effluare
 commissa muliebri est ingenii, ad colum-
 & acum nati. Homo futilis perfora obibit
 poculo; plus effundit quam bibat. Ecquid
 autem ab eo speres, cui nihil tuto credi po-
 test? qui consilia in fronte & manibus ge-
 rit? parere fors poterit, imperare non po-
 terit.

Tutissimum ergo est, si quid publicari
 nolis, tu ipse primus taceas. Quod Siraci-

des a fidelissimus monitor, nobili documen-
to intillans; *Audisti verbum*, inquit, ad-
versus proximum tuum? commoriatur in te, fi-
dens quoniam non te dirumpet. In omnem hoc
calumniam, obtrectationem, maledicen-
tiam dictum est quicquid enim akerius no-
men famamque accidit aut denigrat, id in
narrationibus locum penitus non habet: nec
ullius momenti est illud dicere; *Trouc em,*
sic vendo. Malas & vitiosas merces emisti
deceptus; nunquid ideo decipies alios, ut
easdem vendas? monetam plumbeam ab
impositore accepisti; nunquid eam iterum
erogabis, ut imponas & aliis? Frange, projice
hos nummos luce publica indignos; omi-
te, amputa narrationes ulli hominum dam-
nosas. nec illud te unquam excusaverit:
Do, prout accepi. Audisti verbum adversus
proximum tuum; commoriatur in te. Eui-
pides secreti tenacissimus, cum eï nescio
quis animam fœtentem exprobraret: Ne mi-
reris, inquit, vir bone, multum arcani in
hoc ore computruit. Ergo *commoriatur in te*,
putrescat, & emoriatur intra tuas sauces,
quod aures ure receperunt. Christus Domi-
nus quam istud exemplo suo efficaciter mon-
stravit: In eadem secum mensa, idq; in coe-
na ultima sceleratissimum proditorem ha-
buit, hoc tamen secretum non prodidit. *V-
nus vestrum*, b inquit, *me traditurus est*. Non
dixit, Oecoromus noster hoc faciet: non
dixit, Judas Iscariotes, meus proditor est.
Fluit ista, ut & arcanum tegeret, & homi-
nem nefarium corrigeret.

V. In

V. In priscae legis ritibus *a* præcepit Deus, ut in templo ad manus essent lebetes parvi aqua pleni in quos lampadum & cereorum mucus conjiceretur, ut sic fumus ac foetor templo arcerentur. Non aliter Spiritus sanctus per Salomonem præcipit: Audisti verbum malum adversus proximum tuum? commoriatur in te: sit cor tuum aqualis instar, aut lebetis aqua pleni, in quo quicquid malevolorum dictorum est, mergatur, ne fumus ac sæor latius abeant; commoriatur in te, quidquid alienam famam inficit.

Alexander *b* Rex Macedo in ea, quam contra Dariû suscepit, expeditione: omni cura vestigans, quam regionem Darius petiisset, tamen explorare id non poterat: more quodam Persarum arcana regum miraculantium fide, non metus, non spes elicit votem, qua prodantur occulta. Verus disciplinæ regum silentium vitæ periculo sanxerat. Lingua gravius castigatur quam ullum probum: nec magnam rem magis sustineri posse credunt ab eo, cui tacere grave sit, quod homini facillimè voluerit esse natura.

Festive is, quem dixi, Alexander Macedo hanc in arcanis tegendis taciturnitatem docuit, hoc modo. Epistolam Alexander à matre missam, quæ occultas accusationes & calumnias in Antipatrum continebat, ubi perlegit, ab amicissimo Hephæstione, uti contineverat, eandem passus est legi, sed ea lecta, digito detraxit anulum, & Hephæstionis ori, quasi signum impressurus, admovit, &: Contine hæc, inquit ne quid eorum effutias. Signatorius hic annulus illorum

A a a 2 . . . labris

labris potissimum imprimendus foret, quorum os nullo sigillo clauditur. Beatus a Ambrosius graviter, ut solet: *Quicumque ait, est facilis in verbis, velut plenus rimarum, hac atque illac effluens, interiora evacuat sua, & exterioribus passionibus inundatur, tegeri se nesciens, nec tenere verbum quod acceperit, sicut sancta Maria, quæ conservabat omnia verba in corde suo, ne quod ex ore ejus deflueret.*

V I. Quod vero tam necessaria taciturnitas toties violetur, licet periculosum sit non solum falsa dicere, sed etiam vera, quatuor assignantur causæ. Nam istud vel a vicio adulationis, vel avaritiæ, vel jactantiæ, vel loquacitatis provenit. Etenim secretorum proditor aut palpare vult & blandiri, eam ob rem sienda deblaterat; aut lucri causâ proditorum præmium ambit, vendique lingua quæ silentio erant involvenda, aut videri vult scire paucis aut nulli cognita. Satyra hunc tangit:

b *Scire tuum nihil est, nisi, te scire, hoc sciat alter.*

Auc certe imprudenter & immeditate id loquitur, quod mille meditationes seculum non emendarint.

Hinc Ana andridas eruditè dixit: Qui sermonem instar depositi sibi commissum divulgat, aut injustus, aut admodum incontinens est: Injustus quidem, si lucri causâ id facit: sin absque lucro, certe incontinens dicendus. Quisquis igitur erubescit vel adulator, vel arrogans, vel avarus, vel loquax haberi, secretum & arcanum omne occu-


occulat fidissimo pectore, & ori velut ostio
feram appendulam injiciat. Ratio ante hoc
ostium semper excubet, rigideque exami-
net, quicquid per hanc oris januam vel in-
gressum vel egressum querit. Quod sapiens
Chilo erudite monens: Non committendum
est, inquit, ut lingua præcurrat animum,
nescit enim vox missa reverti. Si valium hoc
hostis occupe: totam urbem expugnavit.
Arcanum ante omnia velandum: nec amor,
nec odium extorqueat quod fidis, ut puta-
batur, auribus commissum est.

*Qui per iram arcana amici premit, hostis est
duplex.*

Violatione secretorum res fere maximæ, re-
gnaque perierunt integra: ut merito quis
dixerit, everrendis imperiis rebusque na-
tum hoc malum, cum una sæpe agenda
rerum prosperitas à silentiorum tenacitate
dependeat. Vulgasti? periit bene gerendæ
rei occasio; & clapsa non raro manibus præ-
da est, verbo uno au altero intempestive
prolato: imperiaque non postrema jacent,
ad cineres deducta magnorum secretorum
improvida violatione. Proditor est, omnis
commissorum violator. Illud inter Romana
incanabula pulcherrimum, quod arcana
consilia latum conscriptorum multis sæcu-
lis nemo senator evulgavit, cum non unum,
sed neminem audisse crederes, quod mul-
torum auribus fuerat commissum. Nunquam
enim reciturnitatem, optimum ac tutissi-
mum administrandarum rerum vinculum,
labe factari volebant. Hinc non improbe sen-
tiunt, qui silentium in principum consilia-
riis vitæ periculo sancendum putant, ve-

terum Persarum more, nec unquam consiliis eum admovendum, cui aut metus, aut spes, aut auri suavissima vis tacendorum vocem exprimat.

Innumera cum publica tum privata mala Linguae Revelanti debentur. Atque hinc Hieronymi monitum est: *Si quis voluerit suis misceri amicitiiis, & hunc videri prioris amici pandentem secreta, eum veluti perfidum cave. Quid magni expectes ab eo cui tacere grave est?*



S.

*En, imo aspectu Scurrilem, Subsannantem,
Suspendentem & Susurronum linguam.*

*Formosulum hunc puerum, cum naso tam lar-
go nemo miretur, nam saepe*

*a Et pueri nasum Rhinocerotis habent.
Hic puer linguam Scurrilem A. gladio quo
accinctus est; Subsannantem manibus
asiniuas auriculas imitantibus B. Suspendentem
prominentiore naso C. significat.
Vide C. 19. & 20.*

*Tulchella haec femina D nec Helena multum
abfinitis, incendiariam Susurronum lin-
guam graphice sub aspectum subicit. At-
tente hoc monstrum contemplandum est, quo
pusiosius caveri possit. Vide C. 52.*

a Marti, l. 1. Epigr. 3.

CA.

S.

CAPUT L.

*Linguam Scurrilem nominatim à beato
Paulo vetitam esse.*

CAreon juvenis garrulus & immodicæ
linguæ in disciplinam se tradere satage-
bat Isocrati eloquentiæ magistro, ut ab eo
scite loqui disceret. Isocrates altero tanto
grandius minervæ petiit quam ab aliis, hoc
est, * viginti millia philippeorum. Eho, aje-
bant cognati, nimium petis, magister, &
quæ obsecro duplicandi minervæ causa
est? Quibus Isocrates: Nemo id miretur,
ait, nam & duplex huic juveni ars traden-
da est, primò quidem docendus est pruden-
ter & oportune silere: & hoc sane non di-
scet stans pede in uno. Deinde docendus est
etiam loqui, idque ad leges Rhetoricæ. Ad
hoc quidem docendum, alteram minerva-
lis partem exigo. Non inique.

In omnibus bene linguæ vitiis hæc do-
cendi ratio servanda, ut prius quicquid vi-
tiosum est, dediscatur, quo deinde perfectius
addisci possit, quod virtus tradit. Inter lin-
guas valde vitiosas *Scurrilis* est, quam & pe-
tulantem nominemus. Hæc in sacris paginis
nominatim perstringitur, nam à beato Paulo

Aaa 5 Scur-

Scurrilitas graviter notata turpissimis vitiis accensetur, de qua nunc plura disseremus.

I. Veteri apologo narratur coitio hunc in modum instituta. In venerabili murium concilio etiam forices assederunt consulturi in medium. Hic unus aliquis forex de voce & cantu insolenter gloriari instituit. Sunt enim forices minores quidem muribus, sed strident clarius. Hanc insolentem jactantiam non tulit mus ætate provectior, & : Quid de hoc gloriaris, ait, stultissime * galactopota, quod tibi plus obest, quam profit? nescin inter homines verbo tritissimo jactari: Sorex ipse suo se prodit indicio? Ergo discere sapere, illoque te non effer quod nec utile, nec honestum est. Sed adolescens rutilus senator senem irridens, altius stridebat, ita ut domus incolæ intellexerint latere mures, & muscipulam instruxerint omine bono. Primus omnium captus est forex, & tamen etiamnum stridebat. Audiit hoc grandævus ille mus, & ad suos musculos: Videte, inquit, filioli mei, extremam improbitatem linguæ, quæ in ipsis etiam suppliciis pertinaciam non emendat; forex jam captus, adhuc dum stridet.

Petulantis seu scurrilis linguæ genius non obscure hac fabella proditur. quo enim illa plus monetur & corrigitur, eo plus crepat & nugatur a Siracides commonet: *1. disciplinæ loquelæ ne assuescat os tuum: non effunde quicquid in buccam venerit; frena linguam, vix tamen omnem cavebis noxam.* Ad rem dixit Beda: Per indisciplinatam linguam cuncta facinoræ

* Jung milchmaul.

a Eccli, c. 23. v. 17.

facinora aut concinnantur, aut perpetrantur, aut excusantur. Lingua adulteriorum, cædium, latrociniorum, veneficiorum egregia concinnatrix est: testimonium corruptum: jusjurandum falsum, obtrectationes & calumniæ, omnisque generis injuriæ à lingua sunt; hæc perpetrat facinora tam illustria: a ubi perpetravit, tegere novit, defendere scit & excusare. Acuenda cautionis Salomon a commonefaciens: *Hominis est, inquit, animam preparare, & Domini gubernare linguam* Quid dicendum sit, serio præmeditandum est: neq; deerit huic præmeditationi divinus favor, velut auriga, dirigens hunc currum. quod si lingua petulans aut scurrilis frenos non admiserit, velut equus calcitro temonem rumpet, & currû evertet.

Divinus Paulus serium mandatum afferens: *Fornicatio, inquit, & omnis immunditia, nec nominetur in vobis sicut decet sanctos; aut turpido aut stultiloquium, aut Scurrilitas, quæ ad rem non pertinet, sed magis gratiarum actio.* Lingua scurrilis sales insulsi, nugas aniles, facetias invenustas, urbanitatem stultam & frigidam, dicta illiberalia & fordidam miscet, vomitque largo spiritu.

I I. Aristoteles, Augustinus, Thomas Aquinas, & Philosophi, cæterique Theologi, virtutem laudant, quam Eutrapeliam nominant. Hanc recte dixeris esse *Modestiam in ludicris*, ea est enim quæ ludis & jocis rationis modum imponit, ut decorum servetur. Arcus subinde remittendus est, & suæ ingenio feræ permittendæ; joculari licet quandoque, sed temperanter, & moderate.

Assen-

Assentitur Tullius, a & : Ludo, inquit, & joco, ut illo quidem licet; sed sicut somno & quiere, tum, cum gravibus seriisque rebus satisfecerimus. Verum, ut pueris non omnem ludendi licentiam damus, sed eam, quæ ab honestatis actionibus non sit aliena: sic in ipso joco aliquod probi ingenii lumen eluceat. Nam duplex est jocandi genus; alterum illiberale, petulans (linguam scurrilem tangit) flagitiosum, obscænum: alterum elegans, urbanum, ingeniosum, facetum. Nec Augustinus contradicens: b *Volo tandem tibi parcas*, inquit, *sapientem enim interdum remittere aciem, rebus agendis intemam, decet.*

Ne autem hic limites transiliamus, Ambrosius c sic submonet: *Caveamus, ne dum relaxare animum volumus, silvamus omnem harmoniam, & quasi concentum quendam bonorum operum.* Ipsum certe jocandi genus non profusum nec immodestum, sed ingenuum, facetum, loco, tempori, personis congruum esse debet: quod si vero sit pungens, mordax, importunum, sordidum, inhonestum, non *Eutrepia* sed *Baptoxyia* & scurrilitas, dicenda erit, quæ divinis quidem paginis parcat, sed verbis sacris ad profanissimos quoque sermones abutitur. Non levis hæc noxa est, quam & sacer Tridentinus d senatus severe prohibens mandat, & præcipit, ne de cætero quisquam ullis sacræ scripture locis utatur ad scurrilia, fabulosa, vana, adulationes, detractiones, superstitio-

nes,

a Cic. l. 1. Offic. b Aug. l. 2. de Musica, fine.

c Amb. lib. 1. Offic, c. 20. d Triden. Concil. sess. 4. fine.

nes, divinationes, sortes, libellos famo-
 sos, &c. jubetque hos tales per Antistites pu-
 niri.

III. Oppositum Eutrapeliæ vitium est
 Morositas, quæ quod scurrinitas excessu, illa
 defectu peccat. Hinc reperias homines
 morosos, terribiles, difficiles, fastidiosos,
 agrestes, inhumanos, morologos, quorum
 lingua nunquam non aceto stilat. Neque hos
 laudamus, nam æque vitiosum est hac aut il-
 lac virtutis semi am deferere. Verum ani-
 mus non est, austeram hanc & asperam mo-
 ro egiam persequi: scurrili as flagellanda
 est, quæ jam olim à poetis etiam largiter
 vapulavit

Ille à pistrino Comicus, linguas scurriles
 hac ratione depingit:

*a Nil est profecto stultius; neque stolidius,
 Neque mundaciloquius, neque argutum ma-
 gis,*

*Neque confidentiloquius, neque perjurius,
 Quam urbani asidani cives, quos scurras va-
 cant.*

*Atque egomet me adeo cum illis una ibidem
 traho,*

Qui non illorum verbis falsis acceptor fui:

*Qui omnia se simulant scire, nec quidquam
 sciunt.*

*Quod quisque in animo habet, aut habiturus
 est, sciunt.*

Id quod in aurem Rex Regina dixerit,

Sciunt, quod Iuno fabulata est cum Iove,

*Quæ neque futura, neque facta sunt, tamen se
 sciunt.*

Fal-

* Saurampfer / Wandering / Waffer.

a Plautus Trinummus Act. 1. Scen. 2. v. 162.

*Falsone an vero laudent, culpent quem vē-
lunt.*

*Non flacci faciunt, dum illud quod lubeat,
sciant.*

Severissimus hac in re censor a Chryso-
stomus; scurrilitatem omnem penitus eli-
minatam vult: Nullus igitur, inquit, sit nobis
sermo otiosus, ex otioso quippe sermone incidimus
& in absurdos. Transiens tempus non effundendi
gaudii, sed luctus est, tribulationum & lamen-
tationum: tu vero leviter urbanis facetiis jucu-
laris? Belli tempus est, & tu quæ tripudiantium
sunt, usurpas? Ludis, delinaris, facetias di-
cis ac risum moves, nihil ista curans? Quæ sunt
ex facetiis perjuria, quot incommoda quot: stul-
tiloquia? Sed tales, inquis, non sunt facetia.
Verum audi quod omnem facetiæ urbanita-
tem rejecerit Apostolus: Belli tempus est, pu-
gna, vigiliarum, custodia, armatura & aciei.
Nullum hic locum habet ridendi tempus: illud
enim Mundi est. Ubi turpitudine, ibi & urbana
facetia. Pari ratione Basilii, Hieronymus,
aliique è præcis Patribus, ridiculos sales
& facetias arcent à Christiana integritate,
cui flere ac lugere magis conveniat.

Neque tamen omnem loquendi urbanita-
tem Chrysostomus, aut alii Patres damnant,
sed intemperantem illam & immoderatam,
quam suo nomine scurrilitatem appella-
mus. Ideo & Paulus Apostolus dixit: quæ ad
rem non pertinet, quæque sibi tum maxime
placet, cum risum movet. Eo autem fine
hilarius aut festivius loqui, ut labor mitige-
tur, aut ut vegetior quis ad laborem re-
deat.

deat, Christianis moribus non indignum est. Fecerunt hoc sanctissimi viri, qui subinde etiam joci, sed temperanter prorsus & sobrie; omnis illorum hilaritas & sermo modestiæ sale perspersus fuit. Quod beati Pauli documentum est: a *Sermo vester semper in gratia sale sit conditus, ut sciatis quomodo oporteat vos unicuique respondere.* Cibus non falsus aut nimium falsus ingratiſſimus: ita sermo prudentiæ sale sit conditus, & ut Anselmus loquitur, in dulcedine charitatis, bono sit exemplo; gravitatem, modestiam, humanitatem præ se ferat

Ejus rei sal admonet, qui infantulorum ori, cum lustrali rore tinguntur, inseritur. Lingua profecto ejusmodi membrum est, quod primum in putredinem, facile scaturit vermibus. Hinc recte monet Anselmus linguam sale adipeiendam, ne putrescat fateaturque, ne vermiculis mendaciorum & turpium facetiarum ebulliat. Chrysostomus monitum illud Paulinum in concionatores trahit, perinde si dixisset Paulus: *Sermo vester, ô sacri oratores, jucundus sit, & simul salitus; stringat, obturet, parget, acuat: lenibus acrimoniam, dulcibus misceat amaritatem, Vobis à Domino dictum: a Vos estis sal terræ.* Hinc nemo prudens moleste fert, si concio falsa sit, & mordeat: putredini vicina sale perfricanda sunt. Malus Ecclesiastes est, qui solum mulcere novit: oleum habet, vinum non habet; nec aliud tere convivis suis apponit, quam dulcia pruna, quæ sine sale coquantur. Ergo & concionatores, & Christiani omnes sermonem sale condiant,

III

ut scurrilis & nimium jocosa dicacitas vite-
tur.

IV. Hoc ipsum Salomon & Siracides
diversa sub imagine proponunt: Siracides:
a *Sagitta*, inquit, *infixa femori canis*, *sic ver-*
bum in ore stulti. Idem paullo aliter elociutus
Salomon: b *Quomodo*, inquit, *si spina nasca-*
tur in manu temulenti, *sic parabola in ore stulto-*
rum. Homo probè appotus spinam inhaeren-
tem dextræ non sentit, seque aiolque ladii,
ita homo fatuus jocis ve ut spinis nesci uti,
alios & seipsum vulnerat. Et quoties libe-
riores facetiæ graviter offenderunt, & ex
amicis reddiderunt hostes? diseritissime id
affirmans c *Chrysostomus*: *Necesse est etiam*,
inquit, *urbanis deditum facetiis mi. ime necessa-*
rius in sese recipere inimicitias eorum quos salibus
suis temere ladii, sive prasentes sint, seu absentes
hoc audiant.

Ita res è joco nascitur, & acerbæ risum
lachrymæ consequuntur. Est odibilis, teste d
Siracida, *qui procax est ad loquendum*. Putat
is quidem se plausum ferre, si sint qui ri-
deant, at passim scurra & cavillator audit,
proinde sibi dictum existimet: Fœde ad ca-
chinno moveris, fœdius moves. Nimirum
os stulti confusioni proximum est. irridetur,
spernitur, exhibilatur, sed post siparium, &
à tergo.

Quod si scurrilitatis originem indage-
mus. Thomas e Aquinas eam aperte mon-
strat his omnino verbis: *Inepta latinitas, Scur-*
rilitas, immunditia, multiloquium & hebetudo
mentis

a Eccli. c. 19. v. 21. b Prov. c. 26. v. 7. c Chryf.
loco proxime citato. d Eccli. c. 20. v. 57. e S.
Tho. 2. 2. quæst. 148. art. 6. cõsul.

mentis circa intelligentiam, quinque sunt Gula filia. Sic ubi Gula imperat, illinc plerunque non exulat scurrilitas. Bene esse, bene bibere, male & scurriliter loqui ut plurimum cognata sunt. Pro testimonio dixit Gregorius: a *Nisi gula deditos immoderata loquacitas raperet, dives ille qui epulatus quotidie splendide dicitur, in lingua gravius non arderet.* * Utricularis tibia tunc maxime stridet, cum vento plena est. Volubilis lingua tunc plurimum garrir, cum vino permaduit, cum fame flaccetilia, modestiam ostendit lingua.

Chrysostomus b aliam mali originem assignans: Orta, inquit, ex immoderato risu scurrilitas, à scurrilitate turpiloquium, à turpiloquio operatio turpis profecta est. Ideo c Bernardus hic auribus cavendum docens: *Verbum scurrile, inquit, quod faceti urbanive nomine colorant, non sufficit peregrinari ab ore procul; & ab aure relegandum est.*

Nec mitiorem sententiam in ludicra & scurrilia hæc tulit Clemens d Alexandrinus, vir sanctissimus juxta & doctissimus. Audite loquentem: *Cum verba omnia à cogitatione & moribus emanent, fieri non potest ut verba aliqua mittantur ridicula, quæ non procedant à moribus ridiculis. Siquidem ex abundantia cordis os loquitur. Vana verba, vani cordis indices sunt. Integrane an fracta sit campana, è sono facillime dignoscitur; plenumne an mane sit ac vacuum*

B b b

dolio.

a Greg. in Past. part. 3. c. 20. in principio.

* Die Sacl, fuiff furret / wanns voll ist.

b Chrys. rom. 2. in cap. 27. Marth. hom. 88. post med. c Bern. 1. 2. de confid. ad Eugen. d Clem.

Alex. 1. 2. pedag. c. 5.

doliolum, tinnitus prodit. Chrysoſtomo a res certa eſt: Quale cor unusquisque habet talia verba locutur, & talia opera facit.

V. Ille ſpiritus magiſter Joannes Avila ſermones facetos à Chriſtiani hominis inſtitutione alienos eſſe judicavit, (quid de ſcurrilibus dixiſſet?) quod ut exemplo ſuo ſanciret, nullum ipſe unquam facetum verbum per omnem vitam protuliſſe legitur. De Joanne Chryſoſtomo Metaphraſtes teſtatur, non ipſum modo ab ejuſmodi ridiculis ſermonibus abſtinuiſſe, ſed neque aliis ut de re ſimili loquerentur, unquam permiſiſſe. Baſiliuſ talia locutum à cæterorum confortio convicſtuque ſeparavit unius hebdomadiſ ſpatio: quod ſacri anathematiſ quidam imago fuit & coſpectavit, ut hac lue infecti, hac ſerula caſtigarentur & curarentur, ſanis autem & integriſ hanc ſcabiem non affricarent.

Miretur quiſ non immeritò, quosdam parentes ſolenter cavere, ne filii paganos mores addiſcant, non cavere tamen, ſed nec curare quidem, etiamſi verba ſordida & ſcurrilia primis annis ſic combibant, ut ea balbutiendo etiam imitentur. quaſi vero gravior ſit jactura, moribus minus aulicis & politicis, quam ore ſcurrili & ſpurco eſſet. I a ſcilicet animum negligimus & conſcientiam, modo ſplendeant exteriora.

Gemma Martyrum Ignatius Antiochenus Præſul, in ipſo tormentorum imperu, auguſtiſſimum nomen J E S U aſſiduè ingeminavit. Ejus rei cauſam rogatus: Hoc nomen, inquit, cordi meo aſſiſſimè infixum

ge-

gesto. Obita morte, & aperto corpore, repertum dicitur hoc ipsum nomen in medio cordis efformatum. Agedum, homo ridicule, si cor tuum ipse inspicias, quibus illud notis punctum, quibus petulantis aut fordibus inscriptum reperiēs? Qui ore scurrilitatem egerit, quid nominis inscriptum cordi habebit? Monitum Paulinum repeto: Turpitudine, aut stultiloquium, aut scurrilitas quæ ad rem non pertinet, nec nominetur in vobis, sed magis gratiarum actio. Placere non potest, quicquid honestati adversatur.

CAPUT LI.

*Lingua Subfannans & Suspendens
noscenda dantur.*

E Os qui podagrâ laborant, cæteris loquaciores esse ajunt, Quid tandem causæ assignabimus? Alphonsus Aragoniæ & Neapoleos Rex, hoc ipsum sciscitantibus ita respondit: ii, quos podagra pulvillis & lectulis affigit, ob pedum vitium ambulare non possunt; ideo linguâ quæ plerunque in iis sanissima, velut ambulatione quadam crebrius utuntur, ne ex toto torpeant. Idem de iis quos chiragra exercet, dicendum videtur. Morbus illis manuum usum negat, prohibetque calamus ducere: ergo linguâ vice calami utuntur. quâ ratione scribunt innumera, & totos sæpè dies hoc unum habent negotii sic scriptitare. Quivis illorum cum Psalte 4 dixerit: *Lingua mea calamus*
Bbb 2 *scriba*

scriba velociter scribenis. Sed, uti diversa est scriptio, ita longe diversissima est locutio, quod Isidorus a explicans: *Corde*, inquit, *bene loquitur*, qui *charitatem non dissimulat*. *Ore bene loquitur*, qui *veritatem annuntiat*. *Factis bene loquitur*, qui *alios bono exemplo ad probitatem format*. *Corde male loquitur*, qui *cogitationes noxias secum ipse agit*. *Lingua male loquitur*, qui *jure reprehensus murmurat*. *Factis male loquitur*, qui *male vivendo, mores improbos aliis dictat*. Addit Isidorus: *Semel bene loquitur*, qui *seipsum post admissionem noxam redarguit, & corrigit*; *Bis bene loquitur*, qui *quod recte dicit, non minus recte facit*. *Bis male loquitur*, qui *nec bene vivit, nec bene docet, vitam vitiis, doctrinam erroribus infamans*; *bis male loquitur*, qui & *male cogitat, & male cogitata non verecundius explanat*.

Tarsensis Paulus in literis ad Corinthios datis: b *Gratias*, inquit, *ago Deo meo, quod omnium vestrum linguam loquor*. *Sed in Ecclesia volo quinque verba sensu meo loqui, ut & alios instruam; quam decem milia verborum in lingua*. Maluit Paulus pauca loqui, sed quæ auditores caperent, quam idiomate peregrino longissimos sermones texere, quos nemo satis intellexeret. Inter flagitiosas linguas, quæ nec ab omnibus, nec plene volunt intelligi, *Lingua Subsannans & Suspendens* est, par nobile nequam ancillarum, quæ hoc unum agunt, ut & alios, & suum denique dominum aliis deridendum propinent. De utraque hac lingua *Subsannante & Suspendente*

a Isid. in sent. l. 2. c. 29. de serm. b 1. Cor. c. 14. v. 18, & 16. c Hoc est, peregrina,

dente breviter dicemus : suffecerit utramque atro calculo notasse, utrique nigrum fixisse Theta.

Linguam iridentem jam supra depinximus. Hanc subsannans eò superat, quod irrisiones plerunque gestu augeat, dum vel ipsa per informem oris hiarum sese provolvit, vel digitum manumve, vel nares aut frontis rugas facit loquentes. Sanna veteribus irrissio erat, non simplicibus verbis, sed cum gestu. Linguam subsannantem omnium optime videtur expressisse nebulosus ille satyricus :

a O Iane, à tergo quem nulla ciconia pin-
xit,

Nec manus auriculas imitata est mobilis al-
bas,

Nec lingua, quantum siliat canis Appula,
tantum

Occipiti caco, postica occurrite sanna.

Felicem te Jane, inquit poeta, quem nullus laudator pictus pone subsannat. Tres sannaarum modi sunt, quibus Veteres utebantur.

Primus est cum indice digito, in eum quem ridebant, directo. crebra ejusdem curvati motitatione ciconiam rostro pincentem imitabantur, vel propter prælongam avis istius rostrum, vel quia symbolum erat ciconia, non solum grati animi verum etiam prudentiæ. Beatus Hieronymus in epistola ad Rusticum monachum : Ne credas, inquit, laudatoribus tuis : imo irriforibus autem ne libenter accommodes : qui cum te adulationibus foverint, & quodammo-

Bbb 5

de

do mentis impotem effecerint: si subito respexeris, aut ciconiarum post te colla curvari deprehendes, aut manu auriculas agitari asini, aut æstuantem canis protendi linguam. Vult ciconiam colli motu exprimi, non ut dicebamus, digiti motitatione. Potest fieri ut utrumque sannæ genus ciconia diceretur.

Alter subfannandi modus est auriculas asininas imitari manu; Quos enim esse asinos arguere prisce volebant, appposito temporibus pollice, & manu commota sannam eis faciebant. Ratio autem est, quia solus fere ex animalibus homo aures à natura accepit immobiles; asinus contra maxime mobiles. Huic sannæ affine est, quod ad contemptum rei alicujus exprimendum, caput movebant, quia aliter aures non poterant. Hos modos sannarum lingua suis solet ineptiis commendare.

Tertius sannæ modus est, linguam instar sitientis canis exertare ad contumeliam alicujus. Nemo est qui ignoret canes fessos, cum celo æstuantem currunt, solitos linguam ex ore paulo projicere. *a* Ita Gallus ille miles inusitatae magnitudinis homo Romanos provocabat, si quis secum depugnare veller. Cum nullus se duello sistere videret, ob formidandam viri molem, Gallus eos exerrante linguâ ut imbelles irridebat. Id subito perdolium est Tito Manlio, qui Romanam virtutem à sannis vindicavit illustri victoria.

Ita plerunque subfannantis lingue petulantia contunditur. Isaias id vaticinatus: *b* Et

qui

a Gellius l. 9. Noct. Attic. c. 13. *b* Isa. c. 33. v. 1.

qui spernis, inquit, nonne & ipse spernèris? si
 detint homines, qui paria faciant, Deus a
 ipse deludet illusores. sed lingua hæc à divi-
 nis judiciis sibi non prætimet, facit quod
 solet, & hos quidem voce ac gestu irridet,
 illis vitia corporis, aliosque defectus oppro-
 brat non sine irritu. Ita quod b Jobus que-
 ritur, deridetur justì simplicitas. Judæi cum
 maxima invidia ferrentur in Christum, nec
 tamen sanctissimos illius mores aut doctri-
 nam argumentis possent convellere, ad ex-
 secrationes & sannas progressi; c Nonne be-
 ne dicimus nos, inquiunt, quia Samaritanus
 es tu? Nunquid tu major es patre nostro Abra-
 ham, qui mortuus est? & propheta mortui sunt.
 Quem te ipsum facis? Quinquaginta annos non-
 dum habes, & Abraham vidisti? Quid hoc,
 nisi sannæ & sarcasmi? Demum conclusio
 subsannantis hujus syllogismi, erant silices.
 Nam ubi sannis profecerunt nihil, neque
 divinam sapientiam disputationum suarum
 laqueis irretire, aut in angustum conclude-
 re potuerunt, tulerunt ergo lapides ut jacerent
 in eum. Nemo est in Orbe tam integrorum
 morum, nemo est tam probatæ sanctimo-
 niæ, cui Lingua hæc non audeas insultare.
 Testis Siracides; d Equus emissarius, inquit,
 sic & amicus subsannator, sub omni supra-
 sedente hinnit. Perulans hic equus & iuc-
 cundior, etiamsi regem vehat, etsi Cæ-
 sarem, etsi Pontificem, vel etsi Chri-
 stum vehat, hinnit tamen & perridiculis af-
 surgit insolentis. Hinc istud lingue vitium,
 etiam Myæterismons dicitur, hoc est, ser-

Bbb 4

mo

a Prov. c. 3. v. 34. b I. b c. 12. v. 4. c Ioan. c. 8.
 v. 48. 53. 57. & 59. d Eccli. c. 33. v. 6.

mo non sine fanna & naso, seu subsannatio cum suspensione nasi. Quem in modum cum Moyse & Aarone locutus Pharaos: a Sic Dominus, inquit, sit vobiscum, quomodo ego dimittam vos & parvulos vestros. perinde si sugillando illos, dixisset: Tam non opitulaturus est vobis Deus, quam ego vos non dimissurus sum.

II. Achabus rex panopliam indutus & armatus undique. parte tamen lateris non magna patebat ictui. Commisissis jam exercitiis, sagitta illac qua patuit, illapsa vitam hausit. Nam, ut Regum fasti *b* memorant, vir quidam tetendit arcum, in incertum sagittam dirigens, & casu percussit regem Israel inter pulmonem & stomachum. Vix ullus tam vitiosus homo est, qui non qua indolem, qua mores, habeat quod laudari possit; at volans illud jaculum, subsannans lingua, non ea parte ferit qua quis tectus est, sed qua vulneri pater; non indolem commendat, non eruditionem laudat, non virtutes memorat, sed ingenium accusat, stuporem exprobrat, vitæ maculas ac nævos sugillat, omniaque tam joculariter exaggerat, ut ei subinde, quem sic ludos facit, pene vitam extorqueat.

Qua in relapillo illi, quem Nabuchodonosor Rex vidit, hæc lingua non absimilis est. Lapillus ille in prægrandem statuam delapsus, non aurum statuæ, non argentum, non æs aut ferrum, sed luteos pedes tenuit, & contrivit: Subsannator aut sannio si quid de alio narret, non virtutis aurum, non boni nominis argentum, sed vitiorum lutum

attin-

attingit, huc collineat, huic quidquid sannarum domi habet & irrisio-
num confert, idque eo quo diximus modo. Lingua aut agilem manum, aut corrugatas nares, aut ca-
peratam frontem, aut subductum vultum
conducit, ut quem sibi designavit, effica-
cius cavilletur: manus, frons, oculi, nares
subsannantis linguæ velut satellites sunt,
qui dominam suam, quaqua excurrit, co-
mitentur. Hic nemini ceditur, parcitur nul-
li.

Tobias & Jobus viri sanctissimi, subsan-
nantem tamen linguam non evaserunt. Uxo-
res illorum hanc in illos furiam immiserunt.
Uxor a Tobie netrix manupretium accepit
hædum, & domum adduxit. hunc cum ba-
lancem audiisset cæcus Tobias, metuens ne
forfan furtivus esset, suo illum domino jus-
sit restitui. quia *non licet nobis, aiebat, aut ede-
re ex furto aliquid, aut contingere.* Hic uxor
irata, & instructa sannis: *Manifeste*, inquit,
*vana facta est spes tua, & eleemosyna modo ap-
paruerunt.* Atque his & aliis hujuscemodi
verbis exprobrabat ei. Parentes ipsi & co-
gnati non suavioribus cavillis Tobiam irri-
dentes: b *Ubi est spes tua*, inquiunt, *pro qua*
eleemosynas & sepulchras faciebas? Nec Jobum
parcius improba uxor ludificans: c *Adhuc*
tu permanes, inquit, *in simplicitate tua? benedic*
Deo, & morere. Quid potuisset acerbius si-
mul & dicacius dici?

Ludovicus XI. Galliarum Rex, d mode-
stius, non minus tamen aculeate potuit ir-
ridere. Intellexerat is à Nicolao Paulino

Bbb 5 Bun

a Tob. c. 2. v. 20. & seqq. b Ib. v. 16. c Iob. c. 1. v. 9.
d Gillius Corrosetus de singularibus urbis Paris.

Burgundiæ Cancellario, valetudinarium publicum recipiendis exteris esse conditum. Fuerat autem Paulinus in exigendis multis, & pauperibus premendis paullo severior. Quod Ludovicus non sine aculeo notans: Hoc, agebat, rationi admodum consentaneum est, ut qui plures pauperes effecerit, tandem iis excipiendis domum constituerit. Quo simul iudicium in multando rigorem, & in pauperum causis ignaviam & teporem accusabat.

Uguccio Fagiolanus notus à mensa princeps, & cum in urbem Lucam properaret, ad Castruccium quem in vinculis habebat, securi ferendum, & prandenti nuntiatum esset, Pisanos armis rem gerere, prandium tamen continuavit, tanquam parum verus, aut spernendus esset nuntius. Sed adest alter & tertius: Pisis res perditas esse, Lucenses quoque ad arma convolasse, carcerem effregisse, victum compedibus Castruccium eduxisse, & Civitatis principem salutasse. Uguccio rebus desperatis cum prætoriano satellite ad Julium Cæsarem Scaligerum Veronam confugit. Recipitur non sine honore atque benevolentia, & dies plusculos laute habetur. Inter epulas forte fortuna injecta mentio de edonibus, ubi subjunxit gloriabundus Uguccio, se juvenem quatuor altiles capos, totidem perdices, assam hædi suffraginem, infarctum vitulæ pectus, præter salsamenta cætera, relictæ cœna unica consueisse absumere. Aderat in mensa, & audiebat hæc vir ingeniosus & falsus, Petrus Nanus, qui dignam iannis edacitatem

citatem & lingua & loquente manu perstringens: Non est, inquit, quod miremur à te juvene tantum cibi absumptum, cum jam senex, paucis & invalidis dentibus, duas omnino urbes integras prandio uno consumpseris. Nam fama erat, Uguccionem, si à prandio temperasset, nascentis tumultus initia sedaturum, & urbem utramque servaturum fuisse.

Hic docemur tum solum noxis vacuam esse linguam subsannantem, quando non tam vitiosos quam vitia irrisu plectit, neque lædere vult, sed corrigere. Hujus certe animi fuit vir integerrimus Thomas Morus, qui erudite noverat vitiosis moribus illudere. Istud in specimen damus.

Matrona quæpiam cultu fastuque turgida, & veste induta, cui bonam fundi & agrorum partem impenderat, præsentè Moro conquesta est, se nimio indumentorum pondere gravari. Salse Morus irridens: Non est mirum, inquit, ò bona, te vestium onere laborare, cum amplius quam quatuor terræ jugera veste circumferas.

Quod si lingua subsannans hoc unum agat, ut sugillet, & omnibus quos non amat, proterve illudat, inter vitiosissimas linguas censenda est. Sed ad vicinam transeamus, quam *Suspendentem* appellavimus.

III. Suspendio in Rhetorum scholis inter orationis decora numeratur. Nimirum ubi res postulat protrahenda est auditorum expectatio, & acuenda. Vates Venusinus id laudis olim fert à saryrico:

a Omne vafer vitium ridenti Flaccus amico

Tan-

*Tangit, & admissus circum praeordiali-
du.*

*Callidus excusso populum suspendere na-
so.*

Hic ipse in suspendendis auditoribus lau-
datus artifex, Balatronem scurram hoc en-
comio afficit:

—— *Balatro suspendens omnia naso.*

Matheſeos magiſtrum fuiſſe ajunt, qui
diſcipulos non paucos numerabat. Die quo-
dam cum Mathematice hic profeſſor de ſo-
laribus horologiis docte ac copioſe diſſeruiſ-
ſet, ad quaſtionem ſane arduam delapſus:
Quid autem, inquit, arcanae artis tunc ex-
promendum eſt, cum ſol nubibus ſepultus,
nihil radiorum in horologii numeros emit-
tit? qua ratione diei & horarum ordinatiſ-
ſimus fluxus tunc dignoſci poterit? unicare
aliqua cenſuerim opus. Hic ingens omnium
expectatio, intenſique ora tenebant: nemo
non aures arrigere, & rariffimum artificioſum
addiſcere velle, quod ſolaris jubaris abſen-
tiam ſuppleurum credebatur. Poſtquam o-
mnes adunco ſuſpenſi naſo, demum Ma-
theſeos doctor, vultu quam maxime ſeno
pronuntiat: Cum ſol non lucet, opus eſt
patientia. Hoc omne ſuſpendentis linguae ar-
tificium eſt. Ab eadem & iſtud eſt.

Perdiderat quis tres capellas vicini furto
abſtaras. Rem ſuam ad tribun. l. judicis repe-
titurus pro ſe dicere juſſit cauſſidicum. Hic
exordium ingens rexuit. nam magna voce,
manuque tota ſonabat Cannas Romanorum
clade nobiles, & bellum Mithridaticum, &
victoriam Carthaginenſium: Sullam etiam,
& Marium atque Munum, eorumque faci-
nota

nora percensebat. Expectatio omnium erat maxima quid magni venisset in controversiam. Demum hic præiargi a pulmonis confidicus monitus est : Jam tandem de tribus capellis diceret.

Ita sæpissime quod b Flaccus canit : Parturiunt montes, sed ridiculus mus nascitur. Suspendens lingua hos partus enititur. Abundat Orbis infami hac sobole. Ubique cernere est præcelsum vanæ spei patibulum ; in hoc alteri alteros appendimus. Expectamus sæpe grandia & illustria, tandem post longam spem, post operosam expectationem, aut nulla se produnt aut humilia. Hinc illæ tot querelæ : Longo me naso suspendit, verba dedit, ductavit me dolis, lactavit spe falsa, illudit mihi turpiter. Sic alter alterum speciosissimis verbis & circumvenit, & suspendit.

Israhælis populus omnis in hoc vanissimæ spei patibulo suspendi se passus, auxilium expectavit ab Ægyptiis, sed in suam perniciem. Hinc Isaias infamiam illis & probrum vaticinatus. c *Ambulatis, inquit, ut descendatis in Ægyptum, & os meum non interrogastis, sperantes auxilium in fortitudine Tharaonis, & habentes fiduciam in umbra Ægypti. Et erit vobis fortitudo Tharaonis in confusionem, & fiducia umbra Ægypti in ignominiam.*

Usitatissima est ubique locorum hæc suspensio : nusquam non parturiunt montes, hinc musculi, qui nascuntur inde, innumerari. Sed hoc linguae vitium non raro graviter lædit, & subinde omnem amicitiam dissuit.

a Odio

a Marti. l. 9. Epigr. 16. b Horat. de Arte poeti

c Is. c. 30. v. 2, & 3.

a *Odio beneficium est, expectatum quod dū est.*

Nec enim semper innocenti joco fit suspensio, frequenter damnum infligit non leve: nam quoties

b *Expectatione futuri perdimus presentia?*

Cui charitas cordi est, suspendium hoc odit, cavetque tam suspendere alios, quam ab aliis suspendi. c *Lingua Eucharis* (& fecunda gratiæ; in bono homine abundat, inquit Siracides. DEUS est mare dulcedinis, si lingua sit inde rivulus, maris illius dulcedinem servabit. Lingua Christiano ritu dulcis, studiosius metuit ne quemquam circumveniat, quàm ne circumveniat.

CAPUT LII.

Lingua Sufurronum, linguam esse pestilentissimam.

Cestius civis Romanus, homo nasutissimus simul & dicacissimus, sed vix ullius ingenii, Marcum Ciceronem acerbè & penitus oderat, sed hoc ei admodum male cessit. Nam cum Ciceronis filius i rator Asiam obtineret, Cestio convivæ suo in epilogum cœnæ sustuarium apposuit, ea, quam dicemus, arrepta occasione. Sed prius Cicero junior noscendus nobis est, nam à patris virtute ac ingenio longissime deflexit, plane degener filius, qui præter indoctam urbanitatem nihil habuit, quo laudari posset. Paternum ingenium omne poculis sepelivit

a Iamb. vetus, b Troch. vetus, c Eccl. 6.6. vet. 5.

pelivit; memoriam, quam antea non magnam habuit, inter assiduas comestationes, omnem penitus amisit. Cum ergo Cestium haberet convivam, subinde quæsit, quî vocaretur qui imus sederet? Cui servus aliquoties dixit: *Cestius est*. Sed Ciceroni, qui congiorum quam nominum capacior erat, Cestii nomen nunquam non iterum elapsum est. Ideo servus sæpius querenti, quis imus accumberet? ut domino suo veterem saltem memoriam refricaret: Hic est Cestius, inquit, qui negavit patrem tuum literas scisse. Evigilavit * Tricongius Cicero ad hanc patri factam injuriam, & mox Cestii flagra jussit adferri, eaque in convivam imum expediri. Ita Ciceroni detergo Cestii datum est supplicium; quod ore miser deliquerat, id luit tergore.

Linguam hic adfero nullis unquam flagellis, nullis taureis satis expiandam, linguam malam, linguam omnino pessimam. Qui hac utuntur, proprie *Susurriones* appellantur. Quam autem hoc genus hominum omnibus exitiosum sit & pestilens, hac dictione declarabimus.

I. Inprimis constare debet, quam grave sit hoc linguæ vitium. Est enim susurratio, ut theologus a ille loquitur, peccatum mortale, quod probo, inquit, quatuor rationibus: primò, ratione præcepti, contra quod agit; secundò, ratione nocumenti, quod inten-

* Novem nostrates mensuras coena una facile capiebat.
Tergilla binos congios (6 vnserer Zeutschen Maß)
simul haurire solitum, ipsi objecti. Plin. lib. 14.
nat. hist. c. 22. seu ultimo medio.

a Raynetius de Pisis tom. 2, mihi pag. 1072.

intendit : tertio, ratione maledicti & supplicii, quod incurrit ; quarto, ratione vitii, quod excedit. A susurrone legem divinam violari, infra demonstrabitur.

De nocumento quod infert susurro, res ipsa loquitur, omnem enim amicitiam inter duos pluresve dissuit. Quod Ecclesiasticus *a* affirmans : *Vir peccator, inquit, turbabit amicos, & in medio pacem habentium immitet inimicitiam.* Illud autem satis est supplicii, maledicti à Deo, quod idem Ecclesiasticus in susurrone pronuntiat. Gravius autem esse hoc lingua vitium ipsa etiam detractio-
ne, Theologorum princeps Thomas *b* Aquinas explicans : Tametsi, ait, maxima sit inter obreſtationem & susurationem similitudo (nam per utramque bona proximi fama clanculum arroditur, atque minuitur) differunt tamen. Primum fine, quod obreſtationi imminutio famæ proximi ; Susurationi vero discordiarum inter amicos disseminatio, sit proposita. Deinde nocumenti & peccati gravitate: magis enim nocet graviusque peccat, qui proximum amico, quam qui eundem fama vel honore privare conatur. Hoc ipsum idem sanctissimus doctor confirmans : Nam quanto, inquit, amicitia honori præstat, tanto susurratio, per quam amicitia tollitur, detractio, per quam honor lædiur, gravius est peccatum. Siracides consentiens : *Amico fideli nulla est, inquit, comparatio & non est digna ponderatio auri & argenti contra bonitatem fidei illius. hunc autem averſum susurro, & hostem efficit.* Nec Aristoteles

a Eccli. c. 28, v. 11. *b* S. Tho. 2, 2, quæst. 74.

ast. 1. & 2. *c* Eccli. c. 9, v. 15.

teles a dissentit, qui melius esse ait amari quam honorari; hinc gravius delictum susurratio, quæ omnem tollit amicitiam, quam detractio vel contumelia, quæ famam tollunt, aut honorem. De lingua susurronum, illud Maronis vere affirmari potest:

Monstrum horrendum, informe, ingens, cui lumen ademptum.

Malum inquietum, indomabile, perturbationis & inquietudinis seminarium. Hæc lingua principes, reges, imperatores, altissima hominum fastigia concussit, & nonnunquam evertit: hæc inter familiares, cognatos, amicos, hæc inter innumeros omnis ordinis & sexus homines, discordias & inimicitias nonnunquam inextricabiles conflavit. Unde odiis & invidiis, & armis concurritur certaturque, nec aliud utrinque queritur, quam perniciës extrema & exitium; rem alterius funditus perire, illumque eradicari uterque cupit.

II. Susurronis officium hoc est, ut quod ab uno aliquo audit, arrectis mox auribus excipiat, & recta referat ad alium, dicatque: En ille hoc contra te dixit, dicta pierunque auget additque de suo, quo citius flammam excitet. Et tu (solet dicere susurro) eum tibi amicum credebas: nihil minus est: etiam istud coram aliis de te ausus est dicere. Nonnunquam mendacis narrationem aspergit, ut eum cui talia narrat, gravius in alterum inflammet. Et licet non nisi verissima diceret, id tamen sine scelere non faceret. Eò enim talis narratio quantumvis vera se effundit, ut duos mutuis in-

Ccc . . . ter

ter se odiis committat. Imo hoc nonnunquam ex destinato agit fufurro, ut utramque partem in mutuas similitudines excitet, lites ac discordias utrinque ferat. nam quem admodum à primo exceperit quod in alterius aures egressit malevolè, sic ab alterius ore pariter excipit, quæ in primi aures refundat. hinc utrinque ardent odia, hinc semper grande malum nascitur: hoc est, canes & feles in mutua vulnera instigare.

Sufurronibus ^a Seneca nanc notam apprimat: Pessimum genus hominum videbatur, qui verba gestarent: sunt quidam qui vitia gestant. Horum sermo multum nocet, nam etiam si non statim officit, semina in animo relinquit, sequiturque nos etiam, cum ab illis discefferimus, resurrecturum postea malum. Accipiendum hoc de lingulacis, adulatoribus, & maxime sufurronibus, qui ab aliis accepta servant, & velut ad alios ferunt & deponunt. Non enim patiuntur perire verba, sed ea tollunt & gestant.

Homines sane pestilentissimi sunt ejusmodi sufurrones, in nulla familia, in nullis cætibus, in aula nulla tolerandi, vix enim spes ulla emendationis est in tam nequam homine. Ideo Salomon cavendum hoc malum præcipiens: ^b *Cum defecerint ligna, inquit, extinguetur ignis: & sufurrone substracto, jurgia conquiescunt.* Sufurronis lingua pro jucundo spectaculo habet, duos pure seve inter se ita collidere, ut mutuo attritu concidant. Putrida membra sunt sufurrones, quæ nemini non suam putredinem as-

fricant,

^a Sen. epist. 123, circa med. ^b Prov. cap. 26. vers. 20.

fricant, vicina omnia inficiunt: letali toxico.

III. Horum hominum vilissima est annona; ubique reperiuntur immixti probis, imo & ipsi sæpe probissimi volunt videri, adeo clam fallunt. a Davidi Jessro, nondum regi, cum occasio sese offerret occidendi Saulis, illico susurrones advocarunt, qui urgerent dicerenque: *Ecce dies de qua locutus est dominus, Ego tradam tibi inimicum tuum, ut facias ei sicut placuerit in oculis tuis.* At vero David virum se gessit, nec audit susurrones istos, sed contra generoso spiritu obtestatus Numen: *Propitius sit mihi Dominus, inquit, ne faciam hanc rem domino meo, ut mittam manum meam in eum, quia Christus Domini est.* Et confregit David viros suos sermonibus, & non permisit eos, ut consurgerent in Saul. Quam illustris mansuetudo in capitalem hostem! Nec diu post abeunte jam Saule, clamabat David; b *Domine mi rex Et respexit Saul post se: & inclinans se David pronus in terram adoravit, dixitque ad Saul: Quare audis verba hominum loquentium, David querit malum adversum te (susurrones notat.) Ecce hodie viderunt oculi tui, quod tradiderit te Dominus in manu mea in spelunca, sed perpercit tibi oculus meus, &c.* En David omnem causam odii Saulini contra se in susurrones conjicit: *Quare audis verba hominum loquentium?* Ita enim sentiunt, ita loquuntur & decernunt principes regesque, prout diversorum narrationibus imbuuntur, cum

Ccc 2 enim

enim ipsi in rem præsentem rarissimè veniant, ab ore aliorum pendent, & auribus hausta citis vocibus remittunt. Hinc in aulis sepius non exiguus susurronum numerus. hoc enim pro se quisque agit, ut domini aures occupet, & aliis, maximè æmulis, ad has aditum præcludat.

Quamvis Susurrones a nuspian defunt, etiam in sacris cætibus inter religiosos viros fœminasque inveniendi. Nec in unum contentus sævisse quitalis est, sævit in omnes, cum universam sedibus suis moveat familiam. Nam & apud Præsides suos detrahit in fociis, maximè si suboffensos illos è quacunque causa senserit; & apud socios damnat Præsides, idque potissimum cum exacerbationis aliquid inaudierit. Quin si quem viderit commotiorem, ubi se in illius familiaritatem insinuaverit, exasperat animum, sinistraque Majorum judicia dum recenser, & acrioribus etiam exacuit, auget alienationes. ac tanquam dolosis suppositis ignibus accendit flammæ. Decurrit inde ad unum è majoribus denunciaturus quæ audivit, quorum ipse ferè auctor & incentor primus, dictaque acerbiora sua ori adnectit aliorum, quo fortius superioris animum exulceret. Inde mutuas fovet dissensiones, & ementitis etiam ultro citroque narrationibus accendit, novamque alienationum materiam indefessus utrimque suggerit. Et dum utriusque partis gratiam venatur, ac placentia grataque offensis animis enarrat, mutuos odiorum ignes accendit. Neque magni moliminis

liminis ea res est, arentia enim ligna scintillâ pertenui succenduntur. Et licet nulla dissensionum vestigia religiosus hic susurro reperiatur, illarum tamen semina ultro spargit, & falsis plurimum delationibus, altius illa pectoribus inserit, quam multorum annorum labor evellat. Sed his omissis ad profanos susurrones transeo: quamvis illorum nemo dici possit religiosus.

IV. Idumæus Doëg pastorum rex, & Ziphæi cives (quod Regum Fasti memorant) cum observassent Saulem graviter in David commotum, mox regias aures occupare studuerunt, & pessima quæque de David narrare, calumnias struere. David in majus odium adducere; verbo, graphice susurronum munus exequi. Hos tales Chrysostomus regiis in Babylone servis comparat, qui sævam fornacem illam naphtha, & stupa, & pice & malleolis succendebant, & effundebatur flamma super fornacem. Sed quid novi aut miri sic sævisse ignem tam lauto pabulo animatum? Tales omnino sunt ii qui ad hos & illos deferunt, quid alii contra ipsos dixerint, fecerint; addunt de suo, demunt, mentiuntur, ignemque tam validum ac sævum fornaci subjiciunt, ut iracundiæ flamma erumpat undique. Hos fornacarios & calefactores oracula divina meritò maledictos nominant. Siracides b aperte: *Susurro*, inquit, & *bilinguis maledictus*. *multos enim turbavit pacem habentes*. Nec malè filii Belial vocantur. Hoc eos nomine beatus Gregorius insigniens: *Si jure*, inquit,

Ccc 3

inquit, filii Dei vocantur qui pacem faciunt. procul dubio Satane sunt filii, qui pacem turbant. Eam ob rem Salomon a inter homines Deo invisissimos supremo loco collocat eum qui seminat inter fratres discordias.

b Specimen præbeat Theodorus Santabarenius homo perditissimus. Hic cum non nesciret apud Leonem jam nominatum Imperatorem se gratia non valere, hanc stropham commentus est. Leoni etiamnum juveni, Basilii Imperatoris filio, simulata benevolentia persuasit, ut cum venatum iret cum patre, pugionem occultum ferret vel in feras, vel in suos aut parentis insidiatores. Non displicuit consilium, nec dolum susurronis observavit. Hoc apud Leonem filium confecto, ad Basilium parentem se contulit Santabarenius, & velut fidissimus famulorum monuit, porro sibi à filio cave-ret, qui testissimas strueret insidias, & parenti necem moliretur. neque verò se cupere, suis solum verbis haberi fidem; rem ipsam locuturam, modo in venatu pugio fur-tivus quæreretur. Quæsitus & inventus est. Hic pater irâ furere, filium perditum veile, nec ullam filii defensionem admittere. Et cer-rè oculos eruiſſet Leoni, Santabareno instigante, ni senatus assiduis precibus sen-tentiam mitigasset. Susurronem non so-lum odit Deus, sed etiam execratur. A-percè Salomon? Sex sunt, inquit, quæ odit Dominus, & septimum detestatur anima ejus. Eum scilicet qui seminat inter fratres discordias: Et eum utique multo magis execratur, qui inter

a Prov. c. 6. v. 19. b E Zonara, Cusupalata, alius Baroni, Anno 879.

Inter parentem & filium, velut unius animæ duo corpora, tam pestilentem agit susurronem

V. Aves sunt, quæ dicuntur incendiariæ hæ adeo rapaces sunt, ut ipsum etiam ignem furentur. nam ubi prunas vident, carbonem vivum inde subtrahunt, sed quia urentem prædam unguibus sinunt excidere, de facili incendunt domos. Non aliter Susurrones, ubicunque viderint scintillare igniculum, ubicunque audierint sinistre quid dici contra alium, mox advolant incendiariæ hæ aves, excipiuntque quod mox gliscente lingua in alterius aures deferant. hinc tot incendia. Id Siracides ^a affirmans: *Homo nequam, ait, in ore carnis suæ non desinet donec incendat ignem.* Atque tunc maximè suo se officio præclarè functum credit, cum ignis luculentus vixerit. Hoc sanè diaboli artificium est, unum ab altero distrahere, veterem conjunctionem dirimere, amicitias diffuere, familiaritates extinguere: at verò Christi est, oves dispersas colligere, lites componere, animos jungere, pacem conciliare, & hos & istos pristinam in concordiam reducere. Ideo proclamat: *b Qui non congregat mecum, spargit.*

^c *Beati ergo pacifici quoniam filii Dei vocabuntur.* Diabolus ejusque assectæ hoc agunt, ut amicum cum amico, domum cum domo, urbem cum urbe, populum cum populo committant per incendiarias has linguas. Os susurronum, diaboli est armamentarium, è quo arma promuntur, quibus li-

Ccc 4

beri

^a Eccli. c. 23. v. 21. ^b Matth. c. 12. vers. 9.

^c Idem c. 5. v. 9.

beri in parentes, fratres in sorores, mariti in uxores, cognati in cognatos utuntur. Atque istud quidem subtili fit nequitia. Audies enim susurrones qui dicant: *Obscuro te, cave dixeris hoc tibi à me narratum, ne res innotescat: ego certe sub rosa hac tibi velim dicta: quod si alii hoc rescirent, ea res mihi frandi foret, negaremque metalia unquam dixisse.* Ideo ille qui ejuscemodi prunas à susurronem accepit, clauso eas servat pectore, atque hinc immortalia odia, clandestinæ similtates, pertinax invidia: amici non salutantur, cognati vitantur, veluti famæ ac nominis pestes: mirantur alii subito mutatos, præsertim cum offensionis causam ignorent. Hoc omne malum à susurronibus est. Ex his reperias qui alterius aures atque animum ejuscemodi verbis occupant: *Equidem vehementer doleo, mi optime Ioannes, te ita passim traduci; mallem ab alio id audires quam à me: quia tamen fidelitatis hoc officium esse arbitror, silere nequeo, quam horrenda de te spargat ille ipse, in quem plurimum beneficii contulisti; miror sane quod talia de te foras efferre audeat.* Ita flare solent diaboli folles: hoc flatu concitatur ignis. Verissimè dixit Salomon: *a Verba susurronis quasi simplicia, & ipsa perveniunt ad intima ventris.*

Sed alium audias susurronem, qui ubi plurima mentitus, dicat nihilominus, non audere se omnia dicere, vix rerum dimidiam partem à se recensitam; admiranda magis ab aliis audienda. En avem incendiarium, ut prunas subjiciat moliendo incendio!

dio ! Atque hoc longè deterius est, quàm si omnia fuscè deblaterasset.

Spoleti anus nequissima è media fufurronum face notum sibi dominum accessit, & tanquam fida monitrix : Mi Domine, ajebat, ille tuus æmulus militem conduxit, ut vitæ tuæ armatas strueret insidias ; tuum erit prudenter has declinare, aut vim vi repellere. Eadem furia illum ipsum, quem alteri detulit ut insidiatorem, accedens ; O bone Domine, ajebat, iste vim parat contra te, ego tunc incolumitatis amans monere volui, ne forte hosti occurreres imparatus. *a* Ab his vocibus pugnae tumultuariæ sunt ortæ, sed planè sanguinariæ, quas illa Canidia verularum pessima, oratione non longa concitavit. Nunquid & huic anni diabolus par calceorum porrexit longa pertica, dixeritque quod illi triveneficæ ; *Me longè sapientior es.*

Neque fufurrones tantum, sed ii etiam, qui eos benevolè audiunt, gravi supplicio vindicabuntur : Dici solet, si non haberet fur, cui furta venderet, non furaretur ; ita prorsus si deessent fufurroni benevoli auditores, desineret & ipse obgannire ad aures ; desint furum hospites, demum & fures non erunt : desint fufurronum patroni, tandem nec fufurrones erunt.

VI. Quàm verè questus est *b* Siracides : *Lingua terna multos commovit & dispersit illos de gente in gentem, civitates muratas divitum destruxit, & domos magnarum effodit : Est lingua*

Ccc 5

gua

a Ita Luther, in Collo. edit. Franc. cap. 24. circa finem mihi pag, 216. *b* Eccli. cap. 28. v. 16, & 17.

gua verax & est mendax : lingua susurronis : lingua tertia est e duabus illis composita ; quæ modo vera , modo fa fa proloquitur , modo ungit , modo pungit , præsentem laudat , absentes vituperat . Hæc lingua , si conatum illius spectes , Dei regnum turbat universum , & evertit : Qualem hoc regnum Dei? Beatus Paulus opportunissime respondet : *a Non est enim regnum Dei esca & potus , sed iustitia & pax & gaudium in spiritu sancto .* Susurronum lingua iustitiam conculat , pacem eliminat , discordiam excitat , & tristitiam . Atq; hoc nonnunquam inde provenit quod susurro amborum , quos inter se committit , gratiam exambiat . At sæpe non gratiam , quam cuniculis tam iniquis querit , sed grave odium reportat . Quod apertissime vaticinatus Siracid . *Susurratori autem , inquit , odium , & inimicitia , & contumelia . Susurro conquinabit animam suam & in omnibus odietur .* Hanc ille gratiam meretur , idque jure meritissimo . Nam hoc unum lingue vitium cæterorum plurima complectitur , adulationem , mendacium , detractionem , & si quæ hujus generis sunt , & ipsi susurrones plurimis titulis insigniuntur : nam * assenatores , aurium servi , Satanæ folles , beliorum incitatores , diaboli tubicines vocantur .

Tubicen olim bello captus , & neci additus est . At ille intimis precibus rogare institit , vitæ suæ parcerent , mortalium neminem à se occisum . Cui iudices responderunt :

a Rom. c. 14. v. 17. b Eccli. c. 5. v. 17. & c. 21. v. 37.

* Ohrenblaser / Ruspfer / Ohrentrager / Lärmensblaser / Meistmacher.

runt: At eos qui plurimos occiderunt, ad cædes incendisti c affico: ædum de te occidendus es. Eodem forsitan nomine susurrones se purgaverint, neminem à se jugulari: sed eos, ô improbi, qui alternis vulneribus se jugulant, in cædes animatis; vestrum est:

a *Aere ciere viros, Martemque accendere cantu.*

Vos odia struitis, & contentiones inimicitiis incenditis, diabolo charissimi sibi cines. Eam ob causam Deus hoc linguæ vitium peculiari lege vetuit; *Non beris criminator nec susurro in populo* Et quemadmodum Deus alia pleraque linguæ vitia, ita & hoc punire solet, ut quod susurro aliis, hoc idem illi fiat ab aliis. c *Luculentum* ejus rei paradigma est Antipater Herodis filius, qui immodica regni cupiditate incensus in Alexandrum & Aristobulum fratres, alterum ex altero vaframentum commentus est, quo eos apud parentem in odium adduceret, itaque regno excluderet. iis certè sermonibus paternas aures oneravit, ut uterque fratrum jugula us fuerit. Sed tandem etiam nequissimi susurronis fraus omnis detecta est, & à patre, à quo gratiam moliebatur, jussus & ipse occidi.

Hoc quivis persuasissimum sibi habeat, in suum se damnum loqui, quicquid demum furtivis ejuscemodi sermonibus contra alios loquatur. Projectus in altum lapis in jacentem recidet: Perillus in suo ardebit bove: sic lingua noxia suum jugulabit auctorem.

Diser-

a Virg. l. 6. *Æneid.* post initium. b Levit. c. 29. v. 16. c Fusa narratio apud Iosephum l. 16, & 17. *Antiq. Judaic.*

7⁴ CAP. LII. DE SUSURRO. I ING.

Disertissimè monuit Siracides : a Non ap-
pelleris susurro , & lingua tua ne capiaris ,
& confundaris. Laqueum gerit faucibus ,
quisquis talem linguam : Hæc non so-
lùm alios , sed & suum dominum illaquea-
bit.

a Eccl. x. v. 16.

A. Agunt



T.

- A. Ajunt acetum domesticum non esse acre, nisi & acris sit materfamilias. Hinc acetum in hac domo acerrimum, quia talis est domus domina.
- B. Maritus ad comprimendam uxoris tumultuosam linguam, crepida illam percussit. Quomodo autem ipsa prius maritum malleo lotorio verberavit. Vide c. 53. §. 5.
- C. Turpi. oquam linguam limaces & cochleæ ex ore dormientis rustici prorepentes, insigniter sub oculis ponunt. Vide jucundam narratu historiolum, Cap. 54. §. 1.

T.

CAPUT LIIL.

*Tamultuosa Lingua grande vitium
describitur.*

NON immeritò miratur Magnus Jacobus Apostolus, omne genus animalium tam serpentium & gradientium, quam volantium & natantium domari posse, & etiam subinde cicurari, linguam tamen esse indomabilem. Canem institutio humana pene simiam efficit; in macellum mittitur, ut œconomus; perferendis literis aliò ablegatur, ut tabellarius. quam varia condiscunt equi? humanos mores proximè imitatur Elephas. Omnis na ura bestiarum & volucrum, & serpentium, & cæterorum domantur, & domantur à natura humana: *a linguam autem nullus hominum domare potest.* Plane indomabilis est lingua, superatque vel ferocissimum equum. Quis peritus satis magister ac moderator aa hunc perdomandum? Bucephalus neminem nisi suum regem admisit sessorem; solus rerum conditor satis frenavit linguam. Hæc cum furoribus inflammatur, lupo ac vulgure rapacior, vulpe astutior, leone immanior, sæviortigride est.

In Ægypto, ut Plinius *b* refert, aspis admen.

a Tac. c. 3, v. 7. & 8. b Plin. Nat. hist. l. 10, c. 74.

mensam cuiusdam veniens alebatur assidue. Hæc catulos enixa, à quorum uno filius hostis interceptus, illa ad cibi consuetudinem reversa, cum intellexisset culpam, & necem intulit catulo. nec postea in illas ædes rediit. Imperatori Anastasio ex Indis missa tigris ad humanas manus feritatem dedit. Si Paulo Veneto credimus, Magnus Rex Tartarorum Leones, Leopardos, Tigrides, Lynces, Urso mansuefactos in venatum educit, & his venatoribus feras congeneres capit. Delphini humanam amicitiam ultrò ambiunt; ipsi etiam Crocodili aquatilium animalium; ferocissimi edomantur. Pica, corvi, psittaci doctores admittunt, & humanas voces addiscunt. Vultures, falcones, aquilæ ad domini manum revolant, & prædam apportant fido famulatu. Rhinoceros ferocissima bellua in florilegæ virginis gremium ferociam omnem deponit. Nullum penè animal indomabile. Et quamvis leones dentibus ac unguibus armentur, tamen veneno carent; serpentibus venenum est, iis tamen dentes, cornua, ungues negantur. Hem sola lingua est indomabilis; hæc dentes habet acutissimos, ungues rapacissimos, cornua robustissima, letalissimum venenum. Serpentes non lædunt nisi proximos: lingua & in absentes & in mortuos sævit, etiam ad centum miliaria diffitos invadit, & lacerat. Præclare dixit Augustinus: *Homo domat feram, non domat linguam, domat Leonem, & non refrenat sermone; domat ipse & non domat seipsum.* Inter indomabiles has linguas numeranda est

est etiam *Lingua* * *Tumultuosa*, de qua tamen ritu Laconum strictim differemus.

I. Irato mari vix quidquam terribilius aut indomabilius, marinos tamen furores Deus, solo voluntatis suæ nutu, inter arenarios carceres coercet. Jobus ut præceptor maris locutus: a *Circumdedit illud terminis meis*, inquit, & posui vectem, & ostia, & dixi: *Usque huc venies, & non procedes amplius & hic confringes tumentes fluctus tuos*. Qui hi maris termini, quæ ostia & seræ, quibus ira illius cohibetur? *Dixi huc venies*: solum Dei præceptum, cui etiam inanima obsequenter serviunt. Ut linguam Deus in officio contineret, aeterno eam carceri addixit, & in caveam compegit, quam officis dentium clathris communiit, insuper etiam catenis vinxit, variis scilicet gutturis & palati vinculis; quin etiam intelligentiâ eam regit, gratiâ protegit, pœnis corrigit. Nihilominus lingua hanc conditoris providentiam eludit, & licet captiva sit, ita tamen sapius furit, & bacchatur, ut mortalium pene maximum sit negotium, tumultus à lingua concitatos comprimere.

Hinc Siracides ardentè optans: b *Quis dabit ori meo custodiam*, inquit, & super labia mea signaculum certum, ut non cadam ab ipsis, & perdat me lingua mea? Non vanæ sunt excubiæ ad seditiones & motus linguæ, præferim Tumultuosæ sedandos.

Lingua, quam Tumultuosam vocamus, modo clamat, & altum vociferatur, modo

D d d . . . furit

* Ein Schrey-güll-och-bolder-trow-Trug-sang.

a Job c. 38. v. 10. b Eccli. c. 22. v. 33.

furit & baccharur, præsertim si vapido sub pectore ardeat iræ flamma & cogitationes instar aquæ bullientis agitentur, hic lingua Tumultuosa partes suas strenuè agit, nec ullo modo teneri se patitur: clachros frangit, catenas rumpit, repagula perrumpit, tonat, grandinat, fulminat, cælum terramque miscet, perturbat omnia, verborum agmina velut fluctus evomit, balænam dixeris quæ mare quod sorbuit, per caput violententer egurgitat in naves.

II. Sunt homines tam turbulenti & impetuosi, ut subinde nonnemo de tali quærat: quæso quid hoc hominis est tam vehementis & violenti, quam furentes is habet impetus? Hac ratione profecto ab homine intelligente, & emundæ naris,

Non pulchrum est digito monstrari, & dicier, hic est.

Homo ille procellosus, cui lingua est velut amnis exastuans & ripas transgressus. Hic talis vix quidquam sine clamoribus agit. Cum quippiam petit, clamat; cum negat petita, clamat; cum quid imperat, magis clamat; quidquid demum loquitur, turbulenter id facit, nec sine tumultu verborum sese multo impredientium. Atqui ferri esse possumus, jubere, imperare, etiam objurgare possumus, licet omnis verborum tumultus absit. Quinimo. rigidum mandatum sereno vultu placidisque verbis temperandum est & molliendum. Pleraque omnia rectius efferuntur sine hoc verborum tonitru.

Inter homines religiosos lex est, voce submissa loqui; vociferationibus, scilicet & indecoris clamoribus vitandis, qui videntur esse

esse hominum aut non sanorum, aut rusticanorum, aut certe surdastrorum. Quorum ultimi cum suam ipsi vocem non audiant; nec: b aliis se audiri putant, proinde in familiari etiam colloquutione clamosi sunt, & immodicè vocem efferunt. Hoc humanæ aures molestè ferunt, neque id certè ingenuis moribus decorum. Hinc ii omnes qui mores formant, tumultuosas linguas inter prima vicia damnant. Hac disciplina & exemplo suos alumnos imbuunt Plato, apud quem educatus puer, a cum ad parentes relatus vociferantem videret patrem: *Nunquam, inquit, hoc apud Platonem vidi.*

Tullius b post multa encomia Catulorum bene loquentium: sine contentione, inquit, vox nec languens nec canora. Deinde docet ex contentione vocis & summissione facile judicari quid aptè fiat, quid ab officio naturaque discrepet. Annæi quoque præcepto est: *Vox sit sine clamore.*

Hinc Tumultuosa Lingua, cum lenissimè peccat; decorum offendit.

III. Christianæ Religionis lumen c Basilus jam olim decernit: Interrogatus de re aliqua, gravi & submissa voce responde. Idem beatus d Benedictus à suis exigit: Ne sint clamosi. Clamorem certè aures non paganæ multum averfantur. Hinc rectè e Theophrastus insignem rusticitatis notam asserit, Voce magna & contenta loqui. Nec leve argumentum est moderati animi, vocis moderatio.

D d d z

De

a Sen. l. 2. de Ira c. 22. b Cic. l. 1. Offic. c Basil. ser. de Renunt. d Benedict. in Reg. c. 7. gr. 15. e Theophrast. c. 4. de Charamor,

De Christo Servatore Iſaias ut ſingulare quid prædicat his verbis: a *Non clamabit, neque accipiet personam, nec audietur vox ejus fortis.* Eodem ſenſu Matthæus: b *Non contendet, inquit, neque clamabit, neque audiet aliquis in plateis vocem ejus.* Non negandum, nonnunquam clamaffe Servatorem, ubi voce opus fuerat elatiore, præſertim in concionibus. Iſaiam & Matthæum explicans Hieronymus: c *Non clamabit, ait, erit enim mitis atque manſuetus, & non levabit in altum vocem ſuam.*

Divinus quoque Paulus clamorofam ac tumultuoſam linguam ab ore Chriſtiano arcens: d *Omnis, inquit, amaritudo, & ira, & indignatio & Clamor, &c. tollatur à vobis cum omni malitia.* idque ob eam cauſam, ne vel irati, vel ſimiles iratis eſſe credamur; iratorum enim proprium eſt clamare atque tumultuari. e Bernardus ſuperbiæ ſigna enumerans, inter ea etiam *clamorem in locutione* cenſet. Clemens f Alexandrinus Tumultuoſam Linguam inſaniæ adſcribens: *Elatuſ, inquit, clamor pronuntiationis, eſt res inſaniſſima* Additſ: g *Modeſti eſt in voce Moderatio, à magnitudine ſimul & prolixitate, celeritateque & multitudine coërcens ſuam orationem.*

Ejuſdem animi Ambroſius: h *Ipſum, inquit, vocis ſonum libret modeſtia: nec cujuſquam offendant aurem vox fortior. Quod ſi ſapientis eſt, loqui ſuaviter & demilſè, ut vult Bo-*
naven-

a If. c. 42. v. 2. b Matth. c. 12. v. 19. c Hier. in c. 42. If. d Ephes. c. 4. v. 31. e Bern. l. de inter. domo c. 41. f Clem. l. 2. Pæd. c. 7. g Ibid. h Ambroſ. l. 1. Offic. c. 18.

naventura, *a* certè insipientis & stulti erit, acerbè & tumultuosè loqui. Salomon *b* toto capite hic annuens: *Vidisti*, ait, *hominem velocem ad loquendum? Stultitia magis speranda est quam illius correptio.* Hominis malè facti proprium est, ore turbido procellas in obvium quemque ejicere, & sæpe de rebus vilissimis tumultus maximos ciere. At plerunque ubi multum clamoris, ibi parum rei aut veritatis est. Nisi res ipsa clamorem exigat, &, ut sic dicam, tumultum vocis. Veritas ex ore mansueto & minimè clamoroso, longè pulchrior prodit, & amœnior, quàm è tumultuoso & clamoribus asueto.

IV. Fit nonnunquam ut in domo aliqua interiore, aut in conclavi à plateis averso ex sint turbæ & clamores, ut in plateis transeuntes audiant & mirentur hanc domus tempestatem; quid si domum hanc ingrederentur, & in ipso turbarum loco consisterent, quam offensis auribus detestarentur inconditos illos ululatus? In hominis animo, in penetralibus his abstrusissimis omne genus affectuum latet, hinc ira, tristitia, impotentia, injuria, lascivia, & omne hoc vulgus delitescit ac tumultuatur, publicè nihilominus hi tumultus audiuntur, cum scilicet patet ostium, *Lingua*; quæ jam, iniquies, quanta seditio in ipso erit pectore? dum clausum & obseratum est domus ostium, servi & ancillæ rebelles coerceri possunt; cum fores patent, seditiosa familia domesticum tumultum dividit in plu-

D d d 3 rimos:

rimos : ita quamdiu quis fileat , aut verba profert mitia , tamdiu fores habet custoditas , & in iram plurimum potest ; perinde ut in incendiis civicis , quæ tamdiu ignis non erumpit , magistratus patremfamilias non punit , & incendium facilius sopiri potest ; ubi verò in apertum evolarit flamma , signum è turri datur , fax noctu , de die labarum protenditur , accurritur , jamque magistratus ob neglectos ignes jus habet puniendi : sic clausi pectore affectus , suo quidem domino , sed aliis non nocent , & minori negotio coerceri possunt ; ubi verò per tumultuosam linguam eruperint , & aliis nocent , & difficilius reprimuntur .

Quamobrem S. Diadocus utilissimè præcipiens : Volo , inquit , te esse breviloquum , rariloquum , & submissa voce loquentem . Nam pravi sicut in sensu leves , sic in locutione præcipientes , clamosi , vehementes sunt . Regius Psaltes Tumultuosam ejuscemodi linguam objurgans : a *Dilexisti* , ait , *omnia verba præcipationis* . Lingue Tumultuosæ prima virtus est , præcipit ire verba , & velut per scalas dejicere , ut unâ quasi ruinâ effundantur omnia .

Lingue Tumultuosæ affinis est *Seditiosa* , quæ fragore grandi prorumpit gladios , bombas , sanguinem loquitur . Ab hac erat cruentum illud , *Tolle , Tolle , Crucifige* . Ab illa sunt hæ voces non ignotæ : *Cæde , lacera , per fenestras præcipita , præcipitatos jugula* . Hæc lingua servos in dominum , cives in Magistratum , subditos in principem armat : Venite , clamant , excutiamus jugum : Ad arma , ad arma

arma: * libertas vindicanda est. Hæc lingua bellis ardere iussit Germaniam per tot jam annos. Sed ubi hæc lingua est, ibi auris plerunque nulla est: nil audit, nil moniti admittit aut consilii: ideo nos illam monere definimus; ad Tumultuosam redimus.

III. Sermo mitis ac moderatus inter Principum ac Regum necessarias virtutes numeratur. Hierosolymæus Rex David seipsum hac in re accusans: a *Quoniam tacui*, ait, *inveteraverunt ossa mea dum clamarem tota die. Quis hoc satis assequatur? quomodo clamavi si tacui? aut quomodo tacere potuit, dum clameret?* Hæc aliaque in speciem sibi contraria effrenis ac tumultuosa lingua facere simul potest, & tacet & clamat: studiosè tacet id omne quod in alterius laudem ac commendationem est, clamat & altum vociferatur, cum habet quod carpat, quod accuset, quod reprehendat & damnet, hic turbæ & tumultus ingentes, hic repetitæ plagæ & idus non perfunctorii.

Fuit qui tumultuosam hanc linguam + malleo lotorio comparandam censeret. Non ineruditè, idque confirmatur verboso conjugum duorum dissidio. b Non procul Witemberga maritus uxorem crepidâ percussit. Ægrè id tulerunt cognati uxoris, & de consilii sententia maritum ad se vocarunt. Cum præsentè expostulatum de injuria quam suæ conjugii cognatæ ipsorum fecisset. Porro meminisset, non ancillam sibi

D d d. 4 au:

* Dran dran / es muß ein anders werden.

a Ps. 31. v. 13

+ Wäschblaw oder Wäschkolben. Vide imaginem.

b Ioan. Manlius tom. 2. mihi pag. 178.

aut mancipium nupsisse : si quid dissensionis intercederet, non illicò verberibus & pugnis de re decidendum. His auditis maritus iræ continens, vultu sereno & ad omnem humanitatem composito : Affines optimi aiebat, admonitionem vestram boni consulo, sed hoc unum rogo, ne quid inaudita parte altera severius statuatis. Equidem fateor me conjugii offensorem, non continuisse manum, sed illius impulsu hoc factum, nam illa me prius percussit, & quidem longè immitius, nam malleo lotorio est usa. Vos igitur iudices convenio; decernite, an non gravior plaga sit, à malleo lotorio quam à crepida plagas accipere. Mirantur cognati, & querunt qua ratione lotorius malleus in iratas conjugis manus venerit? Hic ille subridens, Lingua, inquit, me verberavit, quam ego lato illi malleo non absimilem, sed eo longè graviorem censeo. Utrique risus, & gratiæ conciliatio.

Sanè lingua improba præcipuè Tumultuosa malleus est, sed laus & lotorio similis, à quo sc̃tus omnes sonori valde sunt & clamosi, præsertim cum panni madidi tunduntur. Væ tibi quisquis es, quem hic malleus pulsarit, qui nec regibus parcit. Philippus Rex Macedo, si qua alia virtute, certè contumeliarum patientiâ illustris fuit. a Demochares ad illum, Parrhesiastes, ob nimiam & procacem linguam appellatus, inter alios Atheniensium Legatos venerat: auditâ benigne legatione Philippus; Dicite, inquit, mihi, facere quid possum quod sit Atheniensis?

nienſibus gratum? Excepit Democharès, & lingua nimis quam tumultuoſa & præcipiti reſpondit, *Te ſuſpendere*. Indignatio circumſtantium ad tam inhumanum reſponſum exorta eſt: quos Philippus conticeſcere juſſit, & Therſitam illum ſalvum incolumemque diſmittere. At vos, inquit, cæteri Legati nuntiare Athenienſibus, multo ſuperbiores eſſe, qui iſta dicunt, quam qui impune dicta audiunt. Veriſſime dixit *Annæus*: Proprium eſt magnitudinis veræ, non ſe ſentire percuffum. Et hoc proſectò eſt lotorium illum malleum ſuſtinere ſine damno.

Rex Regum, Meſſias Orbis, exemplo ſuo nos decuit non tantum lingua non tumultuari, non clamare, ſed & tolerare linguas tumultuoſas, & vincere taciurnale-
nitate.

CAPUT LIV.

Turpiloqua Lingua omnibus Chriſtiani Orbis finibus proſcribitur.

NON b mihi ſi linguæ centum ſint, oraque centum, Omnes improbæ linguæ lapſiones enumeravero. In tanta errorum varietate hanc aliqui gradationem conſtituunt inter multiloquium, vaniloquium, ſtultiloquium, Turpiloquium, quorum alterum altero gravius delinquit. *Multiloquium* peccat defectu modi, verba enim agglomerat, ea-
que totis modiis effundit. *Vaniloquium* defectu finis delinquit, inutilia proſus garriendo. *Stultiloquium* priora duo ſuperat,

D d d 5 quando

a Ibid. c. 25. b Virg. l. 6. *Æneid*,

quando non tantum inutilia, sed & fatua protrudit, & fabulatur sine ratione: *Turpilogium* eo pene alia illa transcendit, quod linguam lascivam proxima cognatione attingat, & à beato Paulo plus simplici vice damnetur: sic enim Ephesios instruit: a *Fornicatio autem & omnis immunditia, nec nominetur in vobis, sicut decet Sanctos, aut turpitas, aut stultilogium, aut scurrilitas, quæ ad rem non pertinet.* Quæ præceptione non tantum obscenas fabulas & prætextatos ac lascivos sermones, sed omnia turpicula verbatantum Christianæ verecundiæ multum adversantia prohibet, quandoquidem turpitudinem, & omnem immunditiam, à Christianorum colloquiis excludit. Nos ergo cum beato Paulo *Turpilogium*, & omnem verborum immunditiam (linguis lascivis jam confixis) hoc capite persequemur.

I. *Sunt homines, inquit a Gellius, in verba proveci, quos & garrulos, loquaces, blaterones & linguaces dicimus, quorum lingua tam effusa ad loquendum, infrenisque est, ut teterrima quadam colluvione verborum fluat semper & astuet.* Hic suis sanè coloribus *Turpilogium*, de quo agimus, depictum est. quid enim hoc aliud nisi tetra valde colluvies sordidissimorum verborum, quæ propriè illota, & ab iis sermones * illotos dicimus.

Sunt quædam domus instrumenta adeo retusa, & nullius usus, ut cum purgamentis

a Ephes. c. 4. v. 3. b Gell. l. 1. Noct. Att. c. 15.

* Bngewaschne / wüste / unsaubre / grobe Wort.

tis & sordibus in latebras conjiciantur : ita quædam in colloquiis natura sua tegi volunt, & silentio tanquam latibulo abscondi, sed has sordes & purgamenta hæc studio in lucem eruit lingua Turpiloqua, ut ridiculum torum faciat, & emptores si non alliciat, saltem habeat spectatores : Sicut circumforanei & agituræ solent, qui radículas, lumbricos, succos, fucos & fumos in foro circulisque, concione advocata vendunt, & Stentorea voce proclamant, laudantque quas volunt extrudere merces, ut simpliciores & agrestes hianti rictu attonitos & atrendentes argento emangant: sic omnino Lingua Turpiloqua merces suas dicacitate fœda venales facit.

Ponuntur subinde quæstiunculæ quæ verbis non impuris constant, sed sensu. Et eo jam nequitia subtilitate profecisse diabolus videtur, ut fœdissima quæque honestissimis subinde verbis efferantur. In aulis non ignotum hoc diaboli artificium, quod etiam verecundiam quandoque ac innocentiam facit erubescere, dum homines oris pudici verba proferunt minimè sordida, aliorum tamen interpretatione ad turpitudinem trahuntur.

Romanos veteres hic minimè accuso, qui quædam naturæ requisita verecundo prorsus & casto loquendi ritu enuntiare soliti sunt: Christianos illos arguo & damno, qui verbis minimè impudicis interpretationes & sensus affingunt impurissimos. O homines minimè Christianos! *Et omnis immunitia non nominetur in vobis.*

Immundam hanc oris eluviam limacibus
& co-

& cochleis, præsertim illis quæ è dormientis ore proreperunt, rectissime comparavero. Rusticus fuit quem apud Genipontanum hospitem (cui nomen *Grôlid*) edundarum cochlearum guâ incesserat. His delictis quidem paganus homo assuetus non erat, satisfecit tamen huic cupidini, & sic crudas cochleas pipere tantum & sale nonnihil persperfas ingenti numero glutiit. Vere glutiit, uti ceteris Ninivitarum vatem; sed & vinum dulce addidit, vehiculum huic cibo, dein pone fornacem in scamnum se abiecit, manibus pedibusque liberaliter extensis. Atque dum toto proflat de pectore somnum, patuloque hiat ore, en tibi cochleæ, alia super aliam, quæ iverunt, viam relegunt, & dormientis faucibus proreptant, ligneosque fornacis cancellos occupant. Qui tunc temporis huic spectaculo interfuerant, non sine animi sui voluptate reducem hunc & vivum cibum viderunt, idque publice alibi narrarunt. Atque hi testes etiamnum in vivis sunt.

Huic reptili cochlearum plebi verba Turpiloque Linguae non absimilia sunt. Ex ore rustico prorsus & ebrio aliorum auribus inferpunt. Addo & istud: Limaces & cochleæ lentissime rependo arbores & conscendunt & depascuntur folia, quacunque autem repunt vestigium sui relinquunt, tenacem & glutinosum humorem: ita omnino verba fordida & illota undecunque ad aures perferantur, impuritatis aliquid & turpitudinis affricant, nocentque semper tam dicenti

ti quam audienti. Auditor quidem aut offenditur, aut dolet occulte, præceptum illud Paulinum (*omnis immunditia nec nominetur in vobis*) inter Christianos tam esse inefficax, ut ei vix quidquam loci sit.

Sed sunt sæpe auditores qui illis ipsis sordibus quas audiunt, delectantur, quo modo, dum nesciunt, læduntur. Sordidus verò locutor non aliis solum, sed & ipse sibi officit, dum enim verba non pudica fundit, pudorem sensim dediscit. Nam uti Gregorius *a* loquitur: *Sæpè, dum ab otiosis verbis nequaquam lingua compefcitur, ad temeritatem quoque stulta increpationis effrenatur. Quibusdam enim ruinæ suæ gradibus delidiosa mens in foveæ lapsus impellitur: nam dum otiosa verba cavere negligimus, ad noxia pervenimus, ut prius loqui aliena libeat, & postmodum detractionibus eorum vitam de quibus loquitur, lingua mordeat: quandoque autem usque ad apertas contumelias prorumpat. Sic dum sordida non vitamus, ad lasciva delabimur. ita placere incipit quod tutò frequentatur.*

Hinc zeno sapienter dixit: Satiùs est cadere equo, quam verbo in composito. Ubi autem sermones tam illoti & sordidi, quid puri cordis latere suspiceris: *b* *Ex abundantia cordis os loquitur.* Ex Augiæ stabulo tam immundo, quis odor nisi gravis & teter? Sodomorum vineæ dederunt odorem suum. Contra pudicæ mentis homo cum Psalte dixerit: *c* *crectavit cor meum verbum bonum.* Ut pyxides amomo aut cinnamo plenæ, vel
fac.

a Greg. I. 7. mor. c. 18. & ult.
y. 34. *b* Ps. 44. v. 1.

b Matth. c. 12.

sacculi Pæstani rosis turgidi, cum primum aperiuntur, odorem spirant suaveolentissimum, sic animus Deo plenus, Deum & divina loquitur.

II. Nobilissimum Virtutis Specimen Comes Ariani Elcearius, uti omnia sensuum exteriorum officia ad omnem modestiam composuerat, ita & linguam. Hic cognatae suae nuptiis, quæ quinque dies occupabant, interfuit, sed sanè invitus, nec sine oculorum & aurium crebris vulneribus. Aderat ex more magna hominum nobilium frequentia, fiebatque quod in nuptiis solet; dies noctesque epulae, confabulationes, carchinnationes, tripudia, choreae, & quicquid Thalasio & Hymenæo licitum putabatur, neque enim nuptialis licentia ad pudicitiae amissionem dirigebatur. Quam hac autem ad Elcearii stomachum non erant! Verecundissimus certè juvenis inter has delicias, tanta sermonis honestate & pudicitia utebatur, ut ei ne unum quidem non dicam lascivius, sed nec petulantius ullum aut sordidius verbulum exciderit. Interim alii tanto proterviores, liberrimè & loqui & facere, quæ sacris nuptialibus congruere videbantur, neque enim verba solum, sed & gestus parum pudicos edere, quibus & oculi & aures Elcearii gravissimè sauciabantur. Quicquid Venerei mellis hinc illinc spargebatur, castissimo juveni fel erat merissimum. Hoc unum confirmatius didicit, à Hieremia Vate verissime dictum: *a Nemo quod bonum est loquitur*; *b* & à Joanne Apostolo.

stolo : *Mundus totus in maligno positus est.*

Innumerae ubique sermonis turpitudines sunt, quas nemo satis effugerit, nisi qui non solum castus, sed & surdus fuerit. Enimvero maximi refert quibus sermonibus aures assuescant dum tenerae sunt, & culturæ patientes.

Comes Elcearius, quem dixi, à Roberto Rege Carolum filium natu majorem, eundemque Calabriae ducem regis artibus imbuendum accepit. Carolus exultantis ingenii mores minus compositos præ se tulit, lascivorum sermonum aur hominum, quam proprio Principē futuro, amantior, uti natura ipsa cupiditates adolescentiæ profundit, maximè si cum fortuna bona & ingenio animi mobiliore sit; si jam hominum impurorum usus, quibus aula interdum infestatur, accedat, quid mirum est si proximus ardeat Ucalegon? At verò si nihil quod impudicitiam oleat, attingere debet limina, intra quæ puer est, quanto sanctiora esse debent, intra quæ puer regius est. Hoc Elcearius maturè considerans, simul etiam alumni sui genium æquo liberiores advertens. Carolum ad se vocatum his verbis aggressus est: Ab omni quidem ore Christiano & aure sermones illi & turpes procul arcendi sunt, maximè verò à Principum & Regum colloquiis. Insignem & regiam personam nihil minus decet, quam vel audire vel proferre hæc verborum dedecora. Omnes virtutis nervos elidit immunda hæc oris cluvies: Quicquid agis, Carole, fuge, fuge contaminatissimos homines istos

istos, qui tam lutei, tam cæno polluti sunt, ut vel spurcidicos versus, vel cantilenas inverecundas, vel Fescenninos jocos effutiant; quicquid fere loquuntur viperinam Veneris saniem ructant. Horum omnium sermo vitandus est: hi sunt qui vitia tradunt, pessimum genus hominum. Venenum quod auribus instillant, diutius hæret quam auditur: nec facile est animo dulcem sonum excutere; prosequitur, & durat, & ex intervallo recurrit. Ideo claudendæ sunt aures his vocibus & quidem primis. Quare fuge, mi Carole, fuge, tam pestilens loquendi vitium, eique nec os nec aures præbe, isto & illis exclude. Regium sanguinem iis orna moribus qui deceant Regem.

Hæc Elcearius animo etiamnum tenero ac flexibili, oratione tam nervosa impressit, ut Carolum brevi tempore ad omnem pietatem ac pudorem adduxerit, non sine totius aulæ admiratione. Hinc illæ vulgi voces: *Dominus Dux in alium hominem mutatus est.* Alii magis aulice dicebant: *Comes Ariani cum Principe locutus est.* Hoc quasi brevi elogio, & Caroli mores & Elcearii sapientiam commendaturi: certe ipse Carolus, non tantum postea verbum obicæniis nullum feci, sed nec audire sustinuit.

III. Carolo a Calabriæ Principi Principem Castilionis jungo Aloysium Gonzagam, qui Societatem Jesu juvenis amplexus est, & vitam in ea usque ad mortem religiosissime perseveravit. Hic etiamnum adolescens,

paren-

parente Marchione cum copiis ad Tunetum profecto, Castilionem remissus est, ubi eundem, quem ingressus erat Casale, vivendi modum tenuit. Atque ut est plerumque militum vulgus ad verborum licentiam turpitudinemque projectum, ipse quoque ex eorum consortio nonnullas ejuscemodi voces hauserat, quas ignarus quænam esset eorum notio, interdum jactare cepit. Id cum aliquando Petrus Franciscus Turtius audisset, qui ejus pueritiæ moderator fuit, tanta vi in eum inVectus est, ut ipse postea moderator confirmavit, nullum unquam ei deinde nisi honestum decensque verbum effluxisse: Quinimo, si quem deinde licentius loquentem audiret, è vestigio oculis pudore suffusus, humique defixis, aut aliorum conversis, vel animum advertisse discitabat, vel dicta sibi auditu molesta fuisse significabat. Ex quo licet intelligi, nunquam eum hoc genere sermonis usurum fuisse, si, quid sibi veller, ante didicisset. Nam simul ac flagitiola atque à suo dignitatis gradu genereque aliena esse didicit, tantus eum pudor incessit, ut postea sit factus, ne sacerdoti quidem suæ conscientiz quæstori, ut ea nominatim aperiret, animum inducere potuisset. Ea erat puerilis animi verecundia. Neque vero unquam, dum vixit, hujus cum gravissimi, ut ipse sentiebat, criminis poenitentia deseruit.

Jobus profecto in causa non valde ab simili poenitentiam agens: *Qui leviter inquit, locutus sum, respondere quid possim? manus meam ponam super os meum. Taceam, et non sum, quod.*

Ecc

quod utinam non dixissem: & alterum; quibus ultra non addam. Manum super os ponere, gestus est agnoscens peccatum oris & verborum; sicut manu pectori admota agnoscimus & fatemur peccatum cordis. *Unum, inquit Job, locutus sum, & alterum.* En sincerissimam ab ore confessionem. *Quod utinam non dixissem:* en verissimam peccati detestationem in corde. *Quibus ultra non addam,* en firmissimum emendationis propositum, ipso exequendum opere.

Ah, manum imponat & ori & auri, quis Turpilorum unquam vel mutua collocatione, vel auditione benevola promovit: doleat talia dixisse ac detestetur dicta, sed iis ultra non addat; excutiat à se viperinam linguam. Paulus Orbis Ecclesiastes cum post periculosissimam navigationem, caelo frigido ac pluvio in insula Mytelene focum strueret, eique sarmenta pabuli vice ingereret, serpens sarmentis immixtus ab igne resiliit, & Pauli manum invasit. *Et ille quidem, a* inquit sacer historicus, *excutiens bestiam in ignem nil mala passus est.* Turpilorum, reptile viperinum est, quod aures invadit, & inde per omnem animum virus suum dividit. Excutiat hanc viperam qui ledi non vult, & illos ignes aeternos confideret, in quibus non epulonum dumtaxat aut belluonum, sed vitiosorum omnium linguae ardebant, guttulam in refrigerium mendicabant, sed & guttula iis negabitur.

Ergo quod Chrysostomus *b* hortatur, Christi

a A&. c. 28. v. 5. b Chrys. tom. 2. hom. 80. in c. 25. Matth. mihi pag. 559. & tom. 5. hom. 52. mihi pag. 298.

ſi loquamur lingua, non diaboli: Quem-
admodum enim, inquit, ſi Romanus iorte
fuerit iudex, non percipiet rationes tuas,
niſi Latine loquaris: ſic etiam Chriſtus non
audit, neque attendit, niſi lingua ſua utaris.
Discamus igitur ita loqui ut Rex noſter, &
ea linguâ proferre, qua ipſe utitur. Imite-
mur diligenter illam linguam in omnibus.

Viſtis Ephratæis, uti Judicum faſti me-
morant, Galaaditæ Jordanis tranſitum oc-
cuparunt. Cum autem è diſſipato exercitu
palantes miſites venirent cuperentque Jor-
danem tranſire, interrogabantur, num E-
phratæi eſſent? ſi negaſſent, jubebantur vo-
cem ſcibboleth proferre, hoc eſt, ſpicam ple-
nam. quod ſi literula una omiſſa dixiſſent
ſibboleth, jugulabantur miſeri, conſtabat
enim vel ex ipſa pronuntiatione hoſtes eſſe.
Eodem plane modo Turpiloqua lingua non
raro ſeipſam prodit voce unica ſordente &
minus caſta. Qui enim ſæpius inquinatè lo-
quitur, velut Ephratæus hoſtis ſibboleth pro-
nuntiat, nam ſcibboleth, paleas ruſtat, non
ſpicas plenas, colloquia ſordida & impura
amat, hoſtis eſt verecundiæ.

Has ergo ſordes averſetur plurimum, qui
pudicitie videri vult amicus, Exulet Lin-
gua Turpiloqua ab univerſis Chriſtiani Or-
bis finibus. Satiſ eſt mutum videri quam
Turpiloquum.



V.

A. *Linguam Vindicantem in oculis constituit Martius hic homo ex eorum numero qui è draconis dentibus in terram satis emerferunt. Neque hic aliud quam Vindictam spirat, Vindictam clamat. Vide C. 55. initio, ante §. 1.*

B. *Sutor cum in Apellea pictura crepidam malè pictam carperet, toleratus est; cum eadem censura crus etiam perstringeret, merito ad furcam, & ad calceos remissus est, ne vituperare pergeret, quod ignoraret. Vide C. 56. §. 1.*

V.

CAPUT LV:

*Linguam Vindicantem gladium esse Deo
præreptum ; omnibus damnosissi-
mum qui eo fuerint usi.*

A Genoris in Phœnicia regis filius Cad-
mus , ubi raptam sororem diu quæsisset,
nec invenisset uspiam , redire ad patrem
non ausus , nova sibi domicilia condidit.
Cum verò suorum comitum aliquot à dra-
cone interfectos amisisset , ut poëtæ memo-
rant , draconis dentibus terram obsevit. Ex
horribili hac semente viri profilierunt ar-
mati , qui armis in seipsos ilico versis , mu-
tua cæde corruerunt.

Manstuetissimus Moyſes & vatum antefi-
gnanus ira fervens aliena : a *Dentes bestia-
rum* , inquit , *immittam in eos , cum furore
trahentium super terram atque serpentium*. Sunt
qui hos dentes interpretentur , dicantque
iis indomitos linguæ furores designari , qua-
lis certe Lingua est , quæ *Vindicans* appella-
tur, Lingua ferox, furibunda, indomabilis.
Hujus sementis educator & altor , semina-
tor & fâtor diabolus est, qui saccos frumen-
tarios habet plurimos draconum dentibus
plenos. His agrum ille suum conferit , unde
innumera Lingua vitia succrescunt , præſer-
tim

tim atrocissimæ illius Linguae, quæ à suis clamoribus recte *Vindicans* vocatur. De hac lingua inter malas pessima nunc differendum.

I. Lingua Vindicans, eos præ se fert mores, ut, cum herum suum esse læsum intelligit, mox succlamet, *Vindica, Domine, Vindica.* Aut seipsam hortatur & extimulat *Vindica, vindica.* Aut minas spargit, & ore tragico vociferatur, *Vindicabo, Ulciscar hoc probe, Tænas mihi dabit ille mastigia.* Minitabundas ejuscemodi voces nunquam spargebat Christus: a *Qui cum pateretur, non comminabatur.* Qui comminari consuevit, stultiorem se ostendit quam sit, nam plurima minatur, quæ facturus est nunquam. Noster hic loquendi styus est. Aut minamur, aut quod minari poteramus, manu & gladio exequimur.

Ad colles Olivarios olim partes nimium quantum dispares consistebant, ut beatus Lucas commemorat, & res in conflictum spectabat. Videntes autem hi qui circa ipsum erant, quod futurum erat, dixerunt ei. *Domine, si percutimus in gladio? Et percussus unus ex illis servum Principis Sacerdotum.* At mansuetissimus Jesus pugnam hanc mox dirimens: c *Converte, inquit, gladium tuum in locum suum. omnes enim qui acceperint gladium, gladio peribunt.* Notandæ religiosissime sunt hæ voces: Qui acceperint ipsi gladium, gladio perituri sunt, non ii quibus datus fuerit gladius: ita prorsus lingua, si vindictam quæ Deo debetur, sibi arrogarit, gravi supplicio vindicabitur.

Iter fecerat Christus Hierosolyma, præmi-
E e e 4 sitque

a 1. Pet. c. 2. v. 23, b Luc. 22. v. 49. 50, c Matth. c. 26. v. 52.

fitque *a* in urbem Samaritanam duos discipulorum velut diverforii designatores. his autem civium inhumanitas negavit hospitium. Itaque ad Dominum reversi : *Domine*, ajunt, *vis dicimus ut ignis descendat de caelo, & consumat illos ?* Quibus mitissimus magister non sine reprehensione respondit : *Nescitis, cujus spiritus estis. Filius hominis non venit animas perdere, sed salvare.* Et abierunt in aliud castellum. Nescit profecto Lingua Vindicans, quam maligno feratur spiritu.

In lege prisca spiritus Eliæ concitator in quinquaginta milites bis ignem caelo evocavit. Vehementioribus his remediis tunc opus erat. At nunc aliam vivimus ætatem, mansuetiora nunc sunt tempora, illa Justitiæ fuerant atque vindictæ, hæc nostra sunt misericordiæ. *Nescitis cujus spiritus estis, o mei discipuli, ego vos longe alia docui, alterius spiritus specimen vobis ego præbui ; meus spiritus est spiritus mansuetudinis.* *b Spiritus Domini super me, eo quod unxit Dominus me ; ad annunciandum mansuetum misit me.*

Aliter olim David canebat, aliter nunc canit Zacharias. Ille : *c Ad faciendam vindictam in nationibus.* Ille : *d Ad faciendam misericordiam cum Patribus nostris.* Vos quidem hoc esse puratis zelum rectitudinis ; est zelus, sed amaritudinis. *e* Quod si zelum amarum habetis, nolite gloriari, & mendaces esse adversus veritatem. Non continuo cum iæsi sumus, paranda est ultio ; nolite damnare, & non damnabimini ; vindictæ cupidus

a Luc. 9. v. 52. & seqq. *b* Isa. c. 61. v. 1. *c* Ps. 149. v. 2. *d* Luc. c. 1. v. 52. *e* Iacobi c. 3. v. 14.

dis sentiet vindictam: neque verò de homine ullo quantumvis improbo, dum spirat, desperandum est

Considerate statuarium, is rrabem ante se habet informem, impolitam, statuæ dissimillimam: quis vero tam præceps aut fatuus, qui protinus clamet: *Ad ignem, ad ignem hoc rude & informe lignum.* Parcius ista: hoc lignum artifex dolabit, poliet, formabit in pulchram & artificiosam statuam. Exemplo sint illi ipsi Samaritani, quos Apostoli mox igne cælitus missio consumendos putabant. ^a Nam ubi res Christiana propagari cœpisset, Samaritani primi fuerunt, qui Christo auctorabantur.

Si Deus latronem Dissimam post unum alterumve latrocinium protinus neci dedisset, quomodo in Cruce patronum Christi egisset? Si Deus Saulum Ecclesiæ vastatorem præfervidum mox tolli voluisset, quî Paulum Orbis concionatorem habuisset? Possit artifex è rudi ligno æmulam vitæ imaginem formare, non possit Deus è flagitioso homine pium ac sanctum efficere? Procul igitur ab ore Christiano sit Lingua Vindicans, quæ more suo cum florent impii & multis nocent, mox altum vociferatur, *Impios ad leonem, ad bestias; Noxios ad furcam, ad rotam, ad rogam; sceleratos ad Orcuro, ad Inferos.* Ah, ista parcius, ô linguæ vindicantes.

Si Deus, quoties peccant homines, mox ignem suæque mittat fulmina, Orbis terrarum brevi annis rogas unumque fiet bustum. Nos nobis misericordiam flagitamus, in alios justitiam poscimus. Iniquæ sunt hæ pre-

E e e . 5 . . . ces,

ces, clamores pessimi. Hoc non est eadem metiri mensura; Quod si omnia meniamur vindicatione, erit qui ad hanc ipsam mensuram remetiarur nobis. Qui à Christo stant, ab amoris & mansuetudinis spiritu non dissentiunt.

Olim aliquo in numero fuit lex ista; Oculum pro oculo, dentem pro dente, manum pro manu; nunc aliis vivimus legibus. Vulgus quidem animosa miratur, & audaces apud eum in honore sunt, placidi pro inertibus habentur. Sed longe aliter judicat virtus. Illi duo Apostoli robur ostendere conabantur ulciscendo, at vero Deus ostendit parcendo. Nos Apostolos hoc uno perperam æmulamur: vix læsi mox omnia æra Martia * pulsamus, etiam ignem è cælo, si liceret, devocaturi.

Longe aliter Deus, qui potentiam suam miserefcendo potissimum, non ultionem petendo patescit. Ecclesia sic precari solet: a Deus qui omnipotentiam tuam parcendo maxime & miserando manifestas. Divinam hoc ingenium æmulatus David: b *Fortitudinem meam*, inquit, *ad te custodiam*. Utar fortitudine mea non ad hostes meos dejiçendos, sed ad te placandum. Vera virtus ultionis studium non habet.

II. Sanctus Anselmus triplicem ait esse facultatem animi, Rationem, Voluntatem, Appetitum: Ratione assimilamur Angelis, Appetitu brutis, Voluntate utrique, nam inter duas illas facultates velut media est Voluntas.

* Nur gleich Sturm geschlagen.

a Dom. 10. post Pentecost, preces Ecclesiæ.

b Ps. 58. v. 10.

luntas, quæ modo Appetitui, modo Rationi suffragatur. Rationem & rationabilia sapere dicitur, cum rationi subscribit; cum vero Appetitui assentitur, carnalis appellatur: *nimirum animalis homo non percipit ea quæ sunt Spiritus Dei.*

Ergo ex affectu dignoscendum quo quis feratur spiritu, cælesti an terreno. Apostoli quia vindicantem linguam plus æquo exercuerunt, objurgationem audierunt: *Nescitis cujus spiritus estis*: non vos è cælo spiritus afflavit, sed è terra vindictam spirans. Ignorabant viri simplices quo spiritu agerentur. hinc quod ipsis videbatur zelus Justitiæ, erat spiritus vindictæ. Hic linguam concitat, ut quemadmodum Hebræa plebs succlamabat *Tolle, Tolle, crucifige, crucifige*: ita hæc vociferatur, *vindicta, vindicta*: Imo plus audet, velut jus gladii Deo præripiens: Domine, inquit, gladium mihi cede, tu nimis bonus, aut tardus nimis es puniendo, ego istum & istum sic feriam, ut feriri se sentiat. Hoc prorsus est destinatum vindicandi potestatem Deo præripere.

Deus quidem, veluti magistratus supremus inferiores nobis decimas omnes permittit, unigenum filium dat obsidem: ecquid bonorum subditis negat? vindictæ tamen exceptione usus: *Mea, b* inquit, *est ultio, & ego retribuam.* Et ne quis ignorantiam culpæ prætexeret, illud ipsum Paulus per omnem Orbem promulgavit his verbis: *Mihi c vindictam: & ego retribuam, dicit Dominus: Non patitur Deus ab ullo mortalium vindictæ gladium*

a 1. Cor. c.2. v.14; b Deut. c.32. v.35. c Roma c.12. v.19. & He. c.10. v.30.

gladium sibi praripi. Sed in eam subinde iram accendimur, eo prolabimur furoris, ut lingua Vindicans clamare audeat: Mea, Domine, est ultio, mea est, & ego retribuam: tu facile nimis exorari te finis; sera nimis est vindicta tua. Qua quidem ratione, tametsi pars læsa simus, auctoritate tamen propria iudices sumus, sententiam dicimus, vindictam imperamus. O improbè furiosi, & in vestrummet caput crudeles! Contra vos & Christus clamat: Sic & Pater meus celestis faciet vobis, si non remiseritis unusquisque fratri suo de cordibus vestris.

Vix quidquam est, puto, quod dum vivimus, scire malimus, quam istud: An Deus delictis nostris veniam dederit, & an deinceps quoque daturus sit. At vero id signum est evidens, nec dedisse, nec daturum esse quamdiu clamamus, *vindica*, aut, *vindicabo*. Illud b Augustini hic certissimum: *Talem unusquisque indulgentiam accipiet à Deo, qualem fecerit proximo. Vindictam sentiet quisquis expevit vindictam. Jam olim hoc Siracides prædicens: c Qui vindicari vult, inquit, à Domino inveniet vindictam, & peccata illius servans servabit. Relinque proximo tuo nocenti te, & tunc deprecanti tibi peccata solvantur. Homo homini reservat iram, & à Deo querit medelam? In hominem similem sibi non habet misericordiam; & de peccatis suis deprecatur? Ipse dum caro sit, reservat iram, & propitiationem petit à Deo? quis exorabit pro delictis illius?*

Hic mihi obsecro & numerosas & nervosas Siracidae rationes perpendite.

I. Qui

a Matth. cap. 18. v. 35. b Aug. tract. 5. in Ioa.

c Eccli. c. 28. à v. 1. usque ad 6.

1. Qui vindictæ cupidus est, vindictam incurret. Archigrammateus fidelissimus omnia ipsius peccata minutatim perscripta *servans servabit.*

2. *Relinque proximo tuo nocentite.* Qui te læsit, amicus, socius, tibi proximus, conjunctissimus tibi est naturæ lege. Vide jam, ne dum ignem iræ in eum evomis, eodem & tu exuraris.

3. *Homo homini reservat iram & à Deo quaerit medelam?* qui te offendit, qui damno affecit, non Angelus, non Deus, sed homo est, qualis & tu es, mille erroribus obnoxius.

4. *In hominem similem sibi non habet misericordiam, & de peccatis suis deprecatur?* Cogita quæso quid hoc novi sit aut miri te offensum esse: tu alios nunquam offendisti? en nunc similem monetam tuæ. Sed & hoc tibi perpendendum: si veniam neges alteri, veniam & tibi à Deo negandam, nec eam ullis unquam precibus exorabis.

5. *Ipse dum caro sit, reservat iram.* Qui noxam intulit, carne constat fragili, quæ ad noxas semper pronissima. quid igitur caro in carnem sævit? Et nunquid bellissima est hæc precatio? Domine non secundum peccata mea facias mihi, neque secundum iniquitates meas retribuas mihi: sed ego, Domine, huic nebuloni secundum merita illius faciam illi, & secundum offensas illius retribuem ipsi: vindictâ dignus est. Nimirum hæc preces nostræ sunt, hæc nostra est manfuetudo.

6. *Quis exorabit pro peccatis illius?* Si Cælitres omnes huic homini vindictæ tam cupido
veniam

veniam rogent, nunquam impetraverint. *a* *Deus enim vindicans vindicabit.* Sed audiamus quam præclara dictis objiciantur.

III. 1. Est qui dicat: Vindictam non moliar, & linguam obmutescere jubebo, sed ut has ego injurias oblivione sepeliam, id vero mihi nemo persuaserit: servabo istud in animo meo.

Hoc quidem stultissima fraus est, & merissimus fucus clementiæ, nolle quid ulcisci, & tamen oblivisci non velle. Hoc est dicere; os amicum geram, non pectus. Tu si quid donas, dona integre. Illud Christi severum nosti; Sic & Pater meus cælestis faciet vobis, si non remiseritis unusquisque fratri suo *de Cordibus vestris.* Injurias oblivisci nolle, non est eas *de Corde* remittere.

2. Improbius me atque *indignius tractavit, quam ut veniam tam facilem impertiar.

Et nos homunculi quam indigne ac improbe tractamus Deum? quantis verborum ac rerum acerbitatibus nullo adhibito modo eum afficimus, & subinde vel uno die quoties has noxas repetimus?

3. Honor, inquis, defendendus est; munere publico fungor.

Obsecro, Christiani, non simus plus æquo subtiles. & Stephanus, & Apostoli, & Christus publico fungebantur munere, & tamen veniam capitalissimis hostibus condonarunt. Non nescimus, officii & status gratia subinde tuitione ac vindictis opus esse, sed innoxiiis, & quæ certa lege strin-

gan-

^a Eccli. c. 5. v. 3.

* Hat mirs zu grob gemacht,

gantur. In cæteris omnibus venia semper in promptu sit.

4. Nul.am, ais, illi nebuloni causam dedi, ut me tam hostiliter laceraret.

Si causam dedisses, injuriam ille non intulisset, calcus par potius esset, æquales forent † utrinque rationes. Quid Joseph fratribus causæ dedit, cum innoxium somnium percensuit? & tamen tantum odium omnesque injurias generoso silentio concoxit.

IV. Non leviculum est, quod ille trifurcifer in me molitus est.

Quid exaggeramus injurias, & velut nummum in lacrimas bracteas deducimus? Si levis sit injuria, levius erit præmium condonata; grandissimum, si grandis fuerit offensa.

Sed injuriam tibi factam inspiciamus; quanta demum ea est? Nunquid ferra medium cum Simone vel Isaia secus es? nunquid cum Stephano vel Paulo lapidatus es? nunquid cum Apostolis flagellatus es? nunquid cum Christo crucifixus es? Ad rem dixit Hieronymus, Deus faber est, hostes tui lime sunt & martei, quibus te velut rubiginosum ferrum hic faber expolit.

V. Sed sum nobilis & tantæ auctoritatis.

Sint hæc omnia: non nego; *a cui honorem, honorem*: sed scias velim, hostium tuorum animas tuâ non esse deteriores: si corpus spectemus, laetum estis; tu forsan paulo melius: Quod si te, inquit Tertulianus, libido

† Nulla non Nulla gienz auff.

a Rom. c. 13. v. 7.

libido vindictæ vincat ; non generosus, non nobilis, sed peccati servus es.

V I. Et licet, inquis, me non ulciscar, tamen ut me ulcisci nolim, non possum. Possumus omnino, possumus, modo admittamur, sed hic ignis non novis quotidie scindis nutriendus est. At ego, inquis, ardeo vindicta. Nisi mature hunc ignem extinxeris, accedet stygius, nunquam extinguendus. Tolle igitur mini abundos vindictæ clamores, & ad exempla mansuetiora te compone. Non ego tibi sanctissimos aut mitissimos hominum propono. Satis idolorum latris non esse velis deterior, quibus saepe nec ad irascendum causa defuit, nec ad ulciscendum potestas.

V II. Quid enim facilius fuit regi Antigonæ quam duos manipulares milites duci jubere, qui regio tabernaculo proximi faciebant, quod homines & periculosissime & libentissime faciunt, de rege suo pessime locuti. Audierat omnia Antigonus, utpote cum inter dicentes & audientem solum aulam interesset, quod ille leviter commovit, & Longius, inquit, discedite, ne vos Rex audiat. En Christiane, quam nullus hic clamor mortem imperans.

Idem rex quadam nocte, cum quosdam de suis milibus exaudisset, omnia mala impreccantes regi, qui ipsos in illud iter & inextricabile lumen deduxisset, accessit ad eos qui maxime laborabant : & cum ignorantes, à quo adjuvarentur, è luto explicuisset. Nunc, inquit, maledicite Antigono, cujus vitio in has miseras incidistis : ei autem bene operate, qui vos ex hac voragine eduxit.

eduxit. Necdum nos linguam omnia vindicantem corrigimus? Neque solum civium suorum, sed & hostium maledicta mitissimo animo Antigonus rex tulit. ^a Itaque cum in parvulo quodam castello Græci obsiderentur, & fiduciâ loci contemnentes hostem, multa in deformitatem Antigoni jocarentur, & nunc staturam humilem, nunc collisum nasum deriderent. Gaudeo, inquit, Rex, si in castris meis ^a Silenum habeam. Cum autem dicaces hos Græculos fame domuisset, adeo non ultus est tam gravem injuriam, tam nihil supplicii de illis sumpsit, ut eos qui militiæ utiles erant, in suas cohortes describeret, cæteros præconi subjiceret: id quoque se negavit facturum fuisse, nisi expediret his dominum habere, qui tam malam haberent linguam.

Regiè prorsus, imo & Christianè, nam proprium est veræ magnitudinis non sentire se percussum. Sic immanis fera minorum canum latratus obaudit: sic irritus ingenti scopulo fluctus assultat: sic sæpe nobilissima est ultio, ad probra nil respondiisse, aut certe pauca, nec sine miti joco. Diogenes philosophus Stoicus re ipsa id docuit. Nam cum illi de ira differenti adolescens protervus inspueret, tulit hoc ille leniter ac sapienter, &: Non quidem irascor, inquit, sed dubito tamen an irasci oporteat. Diogene melius Marcus Cato Romanus. Cui cum causam agenti, in frontem mediam, quoniam poterat attracta pingui saliva, inspuiisset, Lentulus, homo factio-

F f f sus

^a Seneca l. 3, de Ira c. 22, b Deformem Satyr-
ram.

sus & impotens, absterfit faciem Cato & affirmabo, inquit, omnibus ò Lentule, falli eos qui te negant os habere. Joco se. Vulgo agebant Lentulum sine fronte & ore esse, ob insignem impudentiam. Cato patronum se offert in hac parte, paratus ab experientia testari. Lentulum os habere, & amplum quidem ac grande, è quo tam liberaliter expuisset. Sanctius Catone Constantinus Imperator, cum enim susurriones de violata statua garrientes vultum ejus fœde vulneratum faxis dicerent, ille faciem manu oberrans: Ego vero agebat, nihil sentio.

V. Ex his utilissima hæc præceptio sumitur: *Cum verbis uteris, aut tace, aut jocare.* Cum te sermo à quocunque profectus mordet, aut file, quod sæpe tutissimum, aut certe joco dilue quamcunque dicti amaritudinem.

Etenim si vis ut alterius verba, quæ ille velut faces in te jecit, non ardeant, tu illa jocando refrigera, & sic ea omni igni exarabis: Scite Romanus sapiens: Circumscribenda, inquit, multis modis ira est. pleraque in lusum jocumque vertantur. Socratem ajunt colapho percussum nihil amplius dixisse, quam, *Molestum esse quod nescirent homines, quando cum galea prodire deberent.* Non quemadmodum facta sit, injuria refert, sed quemadmodum lata. joco bellissime refutantur plurima.

Tu, si moneri te, si argui, si reprehendi, si vituperari, si convicium in te dici audias, & tacendum non putes (quod tamen plerumque optimum) joco sic responde; *Quæ*

dictum est. O quanto satius est sanare injuriam, quam ulcisci? Itaque prudentiori cedamus, stultiori remittamus, pro quocunque illud respondeamus nobis, sapientissimos quoque viros multa deinquere. ^a Hic te rogo, mi Lector, non pigeat relegere, quæ in Zodiaco Christiano, symbolo nono uberius disseruimus.

Verum enimverò, quantumvis clament omnes Sapientes, minentur Prophetæ, dehortentur Cælitæ, vociferentur Angeli, Apostoli rogent, quantumvis ipse Angelorum Rex, Apostolorum Præceptor Christus, potestate maxima non suadeat sed præcipiat, vindictam esse remittendam, nihilominus vindictam etiam contumaciter clamamus, tam robusta est lingua Vindicans, tam cæca est ulciscendi libido. Sic omnes Sapientes, Prophetas, Cælitæ, Apostolos, Angelos clamore superamus. Justinianus ^b Imperator natus minor, cui prius præfectæ naves, imperio deinde pulsus est. Hic anno à Virginis partu septingentesimo secundo, e Chersona insula solvens, maritimum iter ingressus est; imperium denuo recuperaturus. Orta in mari tempestate & periculo vitæ jam proximo, unus fidissimorum è familiaribus: Ecce, inquit, morimur domine; Quin Deo voves, imperio reddito injurias illatas non ulcisci? Cui Justinianus: Quid tu, ait, puerilium votorum hic ingeris? Istud ego voreo, si pepercero vel unico illorum, qui fuerunt in me injurii, hoc loci submergat.

^a Phœbea veritas. Erratque sapientissimus sapientium. ^b Justin, Rhinotmetus, de quo Baron, tom. 8, ann. 702.

gat. Et tamen periculum incolumis evasisti anno sequente imperium recuperavit. Quam admiranda sunt tua, o Deus judicia? Hoc nescire non possumus, ultionem & vindictam à te severissime prohibitam. Lex prisca clamat: a *Non queras ultionem, nec memoreris injurie civium tuorum.* Clamat Salomon: b *Ne dicas, Reddam malum pro malo. Ne dicas, quomodo fecit mihi, sic faciam ei.* Clamat Paulus: c *Videte ne quis malum pro malo alicui reddat: d sed semper quod bonum est sectamini invicem, & in omnes.* Et rationem reddit: e *Qui enim injuriam facit, recipiet id quod inique gessit.* Ergo, Nulli malum pro malo reddentes, omnem vindictam Deo transcribamus. Tu vero, quisquis ultioni tam promptus es, nemini magis quam ipse tibi officis. Perinde si cum altero rixeris; & ille quidem vestem tuam laceret, tu vero brachium tuum pro ira ipse faucies: quis grandius tibi damnum intulit? ita prorsus. hic quidem fortunas tuas aut corpus tuum lædit; animum, si nocilis, lædere non potest: tu vero cum vindictam expetis, animum non solum lædis, sed & occidis. Apiculæ cum adeo excandescunt, ut aculeum non tantum infigant, sed etiam in vulnere relinquant, seipsas vitæ privant, sic qui injuriam nova ulciscitur injuria velut aculeum perdens in vulnere, seipsum necat.

Recitat Pausanias, f Theagini Thasiopugilum laudatissimo statuam æream esse positam. Hanc obtrektor Theaginis & amu-

Fff 3 lus

a Lev. c. 19. v. 18. b Prov. c. 20. v. 22. & c. 24. v. 29. c 1. Thes. c. 5. v. 15. d Col. cap. 3. v. 25. e Rom. c. 12. v. 17. f Pausa, in Eliacis.

lus non una nocte cecidit flagris. nec ei hoc satis. Nam ut plagas in arena acceptas ulcisceretur, statuam movere loco, & dejicere conatus est. Loco movit; sed dum ea ruit, ultorem oppressit: ita quicumque vindicta ardet dejecturus alterum, subinde quem sibi destinavit, dejicit; sed ultor, hoc casu primus obteritur: sibi nocet plurimum dum saepe prodest alteri.

VI. Interrogatus Abbas Pastor super iis verbis, *Non reddas malum pro malo*: hæc respondit: Vindicta geminis incedit viis: Prima à corde ad oculos; altera à lingua ad manus ducit. Ulturus se, primo cogitat ac circumspicit, qua parte hostem feriat: deinde hoc ipsum ore agit, & manus evocat ad audendum, dicitque, cum potero, reddam. a *Verba impiorum insidiantur sanguini*. Tu igitur primam cordis viam include. patet ista? iter impedi per alteram. Sic aliter cor, oculos, linguam, manus à sanguine pura conservet. Lingua Vindicans semper cruenta est, quemadmodum os canis, qui totos dies macello inerrat, & fauces semper cruentas gerit. Hanc cruentam & Vindicantem Linguam ad Christi crucem figamus, & eam Lingua Christiana commutemus que clamare norit: *Pater dimitte illis: Non mea, Domine, sed tua est ultio*. Opportunissime hic Augustinus b interrogans: *Vindicari vis, inquit, o Christiane? Nondum vindicatus est Christus. An tu passus es improbum, & ille non passus est? Nonne prior pro te passus est, qui non habebat quod pateretur? Nam in te tribulatio, firmax*
auri-

a Prov. c. 12, v. 6. b Aug. in ps. 30, sine explanatione.

aurificis est, sitamen aurum sis, & non paleam ut sordidus careas, non in cinerem convertaris. Hæc Lingua non sanguinem & vindictam sed misericordiam & veniam poscit.

Nihil ergo habet in se utiue teter ille & hostilis ulciscendi affectus; at omnia è contrario mala. Pudore calcato, nihil vacuum relinquit à scelere, non gloriæ memor, non infamiæ metuens, inemendabilis, cum ex ira in odium occalluit.

Hannibal Pœnus pulverem pede projiciens: Inter Carthaginem & Romam, inquit, bellandi finis tunc erit, cum harum urbium alterutra in pulverem subsederit. Sic inter Christianos nonnunquam nullus vindicandi finis est, dum alter è duobus in sepulchrales cineres fatiscat. Adeo contumax vindictæ spiritus est. Mature hic igitur resistendum. sibi quisque ut alteri dicat: *a* Quid juvat tanquam in æternum genitas iras indicare, & brevissimam ætatem dissipare? Quid juvat dies quos honestissimis studiis impendere licet, in dolorem alicujus tormentumque transferre? Quid ruimus in pugnam? quid certamina nobis accersimus? quid imbecillitatis obliti, ingentia odia suscipimus, & ad frangendum fragiles confurgimus? Quid tumultuamur, & vitam seditiosi conturbamus? Dies quos labi aut excidere tristibus & pravis curis patimur, eos fatum colligit tamen & in Expensi tabulis ponit: Mors propius ac propius accedit. Istud tempus quod alienæ destinās morti, fortasse circa tuam est. Quin potius vitam bre-

Fff 4

ven

vem colligis, placidamque & tibi & ceteris præstas? quin potius amabilem te, dum vivis, omnibus exhibes: desiderabilem, cum excefferis, reddis? Quid nobis cum vindicatione & insidiis? Quietipotius pacatique, quantumcunque superest, exigamus. Et quantum est temporis quo aut hostis tuus pœna sua torqueatur, aut tu malum gaudium ex aliena percipias? Dum inter homines sumus, colamus humanitatem: non timori cuiquam, non periculo sumus: detrimenta, injurias, vellicationes, convicia, vindicationes, omittamus aut contemnamus, & magno animo breviter feramus incommoda. Dum respicimus, quod ajunt, versamurque nos, jam mortalitas aderit ductura nos ad immortalitatem.

CAPUT LVI.

Linguam Vituperantem seu Censoriam nemini non exosam esse.

Socrates a cum decorum adolescentem diutule tacentem conspiciatus foret: Ut te videam, inquit, aliquid loquere. Scilicet Socrates tacentem hominem non videbat. Hæc eadem Philosophia etiam in sacris paginis locum habet. Nam & Siracides b non absimili modo Philosophatus: *Ante sermonem*, inquit, *non laudes virum. Sicut rusticatio de ligno ostendit fructum illius: sic verbum ex cogitatione cordis hominis. Qualis arbor, tales & frondes & fructus; quales hominis cogita-*

a Philosophus à Madaura lib, 1, Florid, initio.

b Eccli, c. 27. v. 7, & 8,

gitationes, tales plerunque & voces, & actiones

Navita de ventis, de tauro narrat arator,

Enumerat miles vulnera, pastor oves.

Eum qui epulas & generosum vinum adeo commendat, an non gulonem & catillonem dixeris? qui adeo disertus est in aliena forma prædicanda, indicium facit amoris non adeo casti. Qui se suaque crebrius ac liberalius laudat, à nemine non superbus judicatur. Qui omnium dicta carpere, mores omnium censere, nemini non notam inurere, rebus omnibus ceram miniatulam apprimere perquam dextre novit, an non is omnium voce Criticus & vituperator dicitur? Atqui *Vituperans* hæc lingua hoc ævo usitatissima est.

Quisque calculum de aliorum moribus fert è suis;

Quisque censor est alieni, nemo sed censor sui est.

Tanto graviore rerum alienarum vituperatores, quanto nostrarum facundiores laudatores sumus. nemo suæ manticæ quod in tergo est, videt. Hinc lingua *Vituperans*, quæ honestiore nomine *Censoria* solet appellari, de qua breviter differemus.

I. Solet in urbibus quorundam supellex auctione vendi. * Is qui præest auctioni, in assignando cujusvis rei pretio peritissimus sit necesse est, id enim muneris habet, pronuntiare, tanti hæc tabula, tanti hoc poculum, tanti vestis hæc, tanti hæc cista veneat. Lingua de qua loquimur, hoc officium se-

F f f 5 duló

* gantner.

dulo exercet, suum rebus omnibus pont
pretium, hoc centum valet affibus hoc tri
bus, hoc nullo, istud vix triobolare, illud
mille sesteriorum est. Hæc lingua omnia
censere, carpere, vicuperare; rebus omni
bus auctoritatem addere, demere, rerum
omnium defectus & vitia explicare scit. Ro
mani censores olim Magistri morum erant,
Magistratu amplissimo eoque quinquennali
fungebantur. Plurimum illis imperii, & ju
ris in Senatores, Equites, plebem, illos Se
natu movere, istis equum adimere, hos ca
pite censere poterant. iidem urbis templa,
vias, aquas, ærarium tuebantur. Censura o
lim potestatis erat plurimæ. Hanc sibi pote
statem vindicat *Lingua Vituperans* seu Cen
soria, non in senatores solum & equites ac
plebem, sed in ipsa fastigia, in principes,
Reges, Cæsares, in ipsos pene Cæites, qui
bus non semper ex toto parcit. Apud eos
potissimum hæc lingua officiosissima est, qui
sibi videntur pleno pectore sapere, qui et
iam dinumerare se stellas & * metiri magni
tudinem posse arbitrantur. Quamvis etiam
apud indoctissimum quemque hæc lingua in
promptu sit. a Imo, Et pueri nasum Rhino
cerotis habent. Etiam pueri adhuc balbu
tientes sibi jus censendi, damnandi, irriden
di sumunt. Nec mirum,

b Nam facilis cuivis rigidi censura cachin
ni

Maxima ubique ridendi carpendique libido
ac licentia est. Ubique tribunatia, ubique
judi-

* Die das Gras hören wachsen.

a Marti l. i. epi. 3. supra facta mentio, b Iuven,
Sat. 10, v. 31.

judices & judicia, sed quales sunt judices, talia & judicia, hoc est prava & temeraria. Quamvis hoc loco de judiciis temerariis nos nihil, lingua enim non judicat, & id alibi fuisse profecuti sumus. *a* Hic illam Linguæ licentiam compressum imus, quâ omnia quæ in oculos auresque incurrunt, censentur & carpuntur. Hæc lingua, mirum dictu, omnium scientiarum gnaram se fingit, perinde ac si ejus dominus & Grammaticus, & Poëta, & Rhetor, & Philosophus, & Medicus, & Jurisconsultus, sed & Theologus sit. *b* Hæc lingua non tantum infinitis se miscet questionibus, sed earum etiam disceptatricem se gerit & judicem: quicquid non placet, audacissime censet & vituperat.

Lex est à Doctorem moralium senatu fixa: *Si quem laudare non potes, ne vitupera.* Et certe veterum mos fuit, neminem sepe- lre, nisi prius laudatum. Sepeliendus itaque fuerat homo non magnæ frugis. Vivorum omnium altum ubique silentium de illo. Tandem prodiit tonsor, qui de mortuo dixit hoc elogii: Fuisse hominem supra modum forfici habilem, & capitis, ad manus tonsoris, apussimi. Unde intellectum est, vix quemquam esse tam illaudatæ vitæ, qui non à re aliqua laudari possit.

Ergo, *si laudare non potes, saltem ne vitupera.* Hanc legem exacte servavit Christus; siquidem interrogatus ab Hebræo Pontifice de discipulis & doctrina: Ad hanc quidem interrogationis partem de doctrina respondens: *c* Ego, inquit, *palam locutus sum*
Mundo:

a In Amus. seu Recta Intentione l. 2, c. 7. *b* Eccl, c. 7, v. 30. *c* Ioan, c. 18, v. 19.

Mundo : ego semper docui in synagoga quò omnes Judæi conveniunt, & in occulto locutus sum nihil. De discipulis penitus siliuit. Quid ita? Ah, ne hoc quæras : laudare illos non potuit, ideo nec vituperare voluit. Et quomodo eos laudasset, qui ea ipsa nocte, dum submisionem verbis & exemplis docerentur, de primis ipsi dignitatibus litigabant, qui vigilare toties moniti stertebant, qui carceris & mortis societatem polliciti, fugiebant. Vix poterant hæc laudari, ideo modesto silentio transmittenda erant. Si quem ergo laudare non possis, saltem ne velis vituperare. Pari ratione quod artem & scientiam tuam excedit, non facile unquam cense : aut carpe.

Apelles, Plinio a narrante, perfectæ operæ picturæ proponebat in pergula transeuntibus, atque post ipsam tabulam latens, vitia quæ notarentur, auscultabat, vulgum diligentiores judicem quam se præferens. Feruntque à futore reprehensum, quod in crepidarum una intus pauciores fecisset anfas. Tulit hoc Apelles & tacuit. Cum vero idem postero die prioris admonitionis commendatione jam superbior, circa crus nescio quid cavillaretur, indignatus Apelles prospexit, denuntians ne supra crepidam futor judicaret, quod & in proverbium venit. Ita pene legem sanxit nobilissimus hic pictor, ne quis censorem ageret in rebus quæ non sui officii, artis, opificii, facultatis essent. Quid lingua coci in rebus architectonicis censeat? longe aliud est ædificia struere, aliud pulres ac juscula parare : de
ollis

ollis & cacabis cocus, de structuris & fabricis architectus sententiam dicat. Quid medicum Jureconsultus docet, aut hunc ille? Quid militiæ ducem ignavus factior reprehendit? diversa sunt acum filumque, & militum agmina ducere. Quid navarchum caustidicus vituperat? Dissimililina sunt, in foro verba facere; & in pelago triremem regere. Quid oratorem exagitat bambalo? ipse prius loqui discat, & linguæ suæ plumbum emendet, quam aliorum eloquentiam corrigat. Quid testudo tardiolem anseris volatum ridet? Quid corvus columbæ gemitus carpit? ingratiſſimæ sunt hæ censuræ. Et quamvis Musarum alumnus in scholis educatus non imperite censere possit Martis alumnus in castris exercitatus, melius tamen censuram substringet. Censores & vituperatores licet peritos rerum nemo non odit. Quod si censor sit imperitus, nausea est, & stomachum nemini non evertit; pro præmio grande in se odium concitat. cum mollissime punitur, liberaliter irridetur. Salſe poëta vetus censoriam linguam irrifit brevi hoc carmine:

a Cum tua non edas, carpis mea carmina,
Læli:

Carpere vel noli nostra, vel ede tua.

Poëta vis videri, Læli, aliosque carpis. Hoc nemini non promptum. Nam facilis est cuiusvis rigidi censura cachinni. Multis hic morbus sedet, qui, cum ipsi nihil possint, censendis aliis hoc moliuntur, ut aliquid posse videantur. Frustra, Risum ferunt, non plausum.

II. Rex

a Marti. l. i. Epigr. 743

II. Rex Ptolomæus de re musica copiose differens, quædam sibi minus perspecta carperat. Hic unus aliquis aulædorum imperterritus: aliud est, inquit, ô Rex, sceptrum aliud plectrum. Rex Macedo Alexander non minus audaci responso iustus est censuram substringere. *a* Solebat Alexander ad Apellem, quem dixi, charissimum sibi artificem sæpius revivere, & varia de pingendi arte garrere, quæpiam etiam imperitius censere. Apelles silentium ei comiter suadens: Optime Rex, inquit, si me audias hac de re suavius filebis, ne pueri, qui colores terunt, te rideant.

: Momus, ut Hesiodus canit, somni & noctis pulchellus filius, & à tantis parentibus minime degener, otium habet pro negotio, nec pene alium laborem subit quam nihil laborare, omnium tamen labores inspicere, censere, carpere, quid perperam factum, liberrime dicere. A quo & nomen duxit *Momus*, seu reprehensor, vituperator.

Terrarum orbis, quod tuto affirmem, plenissimus est Momis, censuræ vituperiis mixtæ ubique plurimæ. & quidem de eadem re sæpe contrariæ. Eandem vestem quam ille nimis longam judicat, hic ait nimis esse brevem. Eandem scriptionem aliqui putant excultam nimis, & pene ad vitium elegantem, alii nimis rudem & impolitam dicunt. Idem epulum alii ut lautissimum commendant; alii delicatioris gulæ, uttenue ac paupertinum vituperant. Beneficium idem ab isto largum æstimatur, ab alio nihil fit. Momorum plena sunt omnia, quem-

admo-

admodum stultorum : 4 horum & illorum infinitus est numerus. Et quamvis non omnes stulti sint. Momi, omnes tamen Momi stulti sunt. insignissima certe stultitia est, alienos nævulos rigidissima censura perstringere, navos suos ingentes non videre. Ita cæci & nostri amantes, alienam festucam cernimus : Quæ carpinus in aliis, ea ipsi facimus. Aliis severi sumus, nobis indulgentissimi. Ridet alter alterius dementiam, nemo suam. Vix ullus est qui non censorem agat ; & tamen vix ullus etiam reperitur, qui Censores non pessime ode-rit. Illud virtutis & innocentia absolutissimum exemplar Christus Dominus, quam acerbos & rigidos habuit Censores Pharisæos, qui velut Epidaurii serpentes oculis acutissimis observabant, num in convivis, in concionibus, in colloquiis cum Christo aliquid deprehenderent quod vituperarent. Cum autem nequissima hæc solertia in Virtutis magistro nil vitii reperire posset, discipulos observare cœpit. Manus Apostoli non lavabant ? mox adfuit censura & vituperans lingua. Jejunia non tam crebra servabant ? Censura denuo & vituperium secutum.

Idcirco nullus ægre ferat se suaque rigidissime cenferi & vituperari : censoribus os obstrui non potest. Nec in Orbe quidquam est tam exasciatum atque perfectum, quod cenferi aut vituperari nequeat. Nulla virtus tantæ auctoritatis est, quæ omnem censuram subterfugiat. Quem ergo lingua Vituperans & Censoria tam rigide flagel-

flagellat, is secum assidue in animo volvat: Mihi hoc non soli fit: doctissimis, sapientissimis, sanctissimis id æque perferendum est: velis nolis * subeundus est runcinarum raptus. Sed norint illi, qui è stirpe Momi sunt, quorum lingua censere ac vituperare tam expedite scit, exosissimos se fieri apud omnes: nam ab omnibus Critici, Censores, Aristarchi, Syndici appellantur, ut qui Momum ubique agere, omnes diæteriis figere, omnia convellere norunt & carpere; qui nunquam serenam & matutinam frontem induunt, qui semper secum limam censoriam ferunt, qua ferrum impositum castigant & poliant. O Momi quorum potissimus labor est, labores aliorum maledico dente rodere. O Momi, publicum estis odium, ad Garamantas & Indos deportandi! Quamvis non nesciam olim genus hominum huic simile Romæ apud quosdam in delitiis fuisse. Affirmat Seneca, a & : Eadem causa est cur nos mancipiorum nostrorum urbanitas, in dominos contumeliosa, deleat: quorum audacia ita demum sibi in convivas jus facit, si cœpit à domino. Ut quisque contemtissimus, & ut maxime ludibrio est, ita solutissimæ linguæ est. Iueros quidam in hoc mercantur procaces, & eorum impudentiam acunt, & sub magistro habent, qui probra meditare effundant: nec has contumelias vocamus, sed argutias. An capitis istud ô Critici? ad Censoriam hanc dicacitatem non conducuntur nisi mancipia, pueri,

* muß vber den Hobelband.

a Sen, l. de Sapientis Constantia c. 17.

ri, contemptissimi hominum & impudentissimi, qui ut convivas eo liberius dictis vellicent à domino permittuntur initium facere. Hunc ubi censura parcente ac innoxia libaverint, cæteros deinde audacissime carpunt. Istius moris vestigium hodieque illic permanet, ubi sanniones, scurræ, moriones mensis inerrant, & liberrime dente joculari, sæpe non innoxio, quicquid lubet, arroduct.

III. Cum his jure comparem importunissimos seu Censores seu vituperatores illos, qui velutin convivio spargunt dictæria, & modo illud, modo istud vellicant. Huic tali homini nemo satis bonus videtur, nemo satis doctus, nemo nobilis, nemo dives satis; nemo satis liberalis aut pius: ut bene de te loquatur sentiatque nulla morum probitate impetrabis.

a *Rubiginosis cuncta dentibus rodit.*

Hominem malignum forsitan esse tu credas:

Ego esse miserum credo, cui placet nemo.

Imo miserrimus est cui nihil placet, cruciatur enim semper, & semper irascitur, amat nullum, odit omnes, & plerunque cui nemo placet, is ipse placet nemini. Eo carpendi & vituperandi libido perducit, ut tandem pudori non sit omnes allatrare, & spernari omnia. Verum, uti jam sæpe monuimus, primum improbæ linguæ supplicium est, utin casses quos aliis tetendit & ipsa incidat, suisque pereat inventis. Itaque tu qui alios censes, nonne censeberis

G g g & ipse

& ipse? qui alios vituperas, annon & ipse vituperaberis? I'edicas quas aliis posuisti. & tui pedes sentient. Aequissimum prorsus est, ut plurimos habeat censores, qui unus omnium censor fuit.

Quemadmodum vero Apelles sutorem ad futrinam remisit; iret porro & tuos calceos accrepidas contemplaretur: ubi lyncus illic omnia pervidisset, veniret, & cruris male picti errorem monstraret: Ita prorsus censor & vituperator seipsum in domum suam, in cor suum compellat, dicatque ipse sibi: Hic cense, hic vituperata tot pessimos affectus tuos, tot inolitua vitia, quid dicis de præcipiti tua ira, quid de tua tenacitate & ambitione? Incontinentiam tuam non reprehendis? animum tuum libidinosum non accusas, non punis? Socordiam tuam præferim in rebus animi tam supinam non damnas? Hic loquere, hic calculo atro utere, hic nigrum tibi theta fige: quid cessas ignavè? Censoriam potestatem hic ostendas.

Te corrigas prius, alterum quam corrigas.

Quod si lingua hæc vituperans & censoria suum ipsa dominum vellicaret, & abditos illi defectus opprobret, rem sane bonam faceret, ferretque operæ pretium. Hinc maxima in orbe quies & tranquillitas sequeretur; omnia longe quam alias ordinatius succederent, si quisque suus sibi censor & vituperator esset. Hoc & Christus, hoc & discipuli Christi omnibus incul-

inculcant : a *Quod si nosmetipsos dijudicaremus , non utique judicaremur.* Ergo calculus noster in nosmetipsos feratur , lima nostra censoria in nostrammet acuatur stultitiam ; quemadmodum scorpio effugium desperans , seipsum sua cuspide ferit , seipsum leo ad iram cauda provocat : sic & nos irascamur contra nos : hæc nobis ira permittitur. b *Irascimini , & nolite peccare.* sic vituperii nostri aculeus nosiplos fodiet. Omnes inconsulti & improvidi sumus , omnes incerti , queruli , ambitiosi , c *Quid lenioribus verbis ulcus publicum abscondo ? omnes mali sumus.* Quicquid itaque in alio reprehenditur , id unusquisque in suo sinu invenit. Quid illius pallorem , istius maciem notas , tu ipse pallidissimus , & torridus macie ? Quid illius imprudentiam culpas , tu ipse imprudentissimus ? Quid hujus supercilium tangis , arrogantia & fastu plenissimus ? Quid istius avaritiam incutas , tu omnium maximus Euclio ? Quid amici voracitatem carpis , cum tu inter Phagones & Novellios tricongios omnes excellas ? Quid tarditatem meam objurgas , cum ipsa sis pigritia ? Quid vicini iracundiam fugilas , cum ipse sis furor , & nemo te sapius irascatur ? Quidquid itaque in alio reprehenderis , id in sinu tuo invenies. Quapropter suo quisque censori dixerit , quod priscus poëta ei à quo carpebatur objecit :

d *Allatres licet usque nos , & usque ,*

G g g 2

Et

a 1. Cor. cap. 11. vers. 31. b Psalm 4. vers. 5.

c Sen. lib. 3. de Ira cap. 6. d Martial. lib. 5.

ep. 58.

Et gannitibus improbris laceffas:

Nos hac à scabie tenemus unguet.

Morbus est, scabies est tam effusa quoslibet carpendi licentia; qui morbum hunc odit, unguet teneat, linguam coërceat, aut hanc scabiem magis magisque irritabit.



X.

A. Hic homo cum laterna incendium contem-
platur, nec linguam tenet, quin domesticis
incuriam sic objiciat: O incolæ, si vos custo-
dissetis ignem, fuisset & vestra domus custo-
dita. Propterea ego Vulcanum in cornu in-
clusum gero, ne famelicus erumpat, &
prandio unico ades meas devoret.

Lingua ignis est, omnium assensu, & quidem
vehemens ac plane furiosus. Qui plurima
cavere vult incendia, caveat verba, custo-
diat linguam, eamque dentibus, velut ignem,
laminis corneis clausam coercet.

Torro laternam Angelus & hydriam proten-
dit pro flammeo gladio, ad omnes priores Al-
phabeti literas spectato: Nos namque sequen-
tibus capitibus, non vitia lingue, sed arifi-
cia ad vitiosam linguam vel emendandam
vel tolerandam explicabimus. Et quidem
Cap. 57. & 58. cur lingua sit adeo custo-
dienda, docebimus.

X.

CAPUT LVII.

Cur Lingua sit adeo custodienda.

ROmani Alphabeti literas viginti numeravimus, tres restant priori numero addendæ. de litera hic proxime appicta Quintilianus: *a* Et nostrarum, inquit, ultima X. qua tamen carere posuimus, si non quæsissemus. Pythagorica illa litera Y, Græcorum propria est, de qua nos infra suo loco. Prisci qui peregrinas literas non admittebant, quintam Latinorum vocalem substituebant illius vicem. Affirmat Tullius *b* regem Epirotarum nunquam Pyrrhum ab Ennio, sed Purrhum nominatum. Ultimæ Alphabeti character Z, à Græcis tanquam proprium ipsorum Elementum vindicatur, ab antiquissimis illis qui peregrinare respuebant non usurpatus. Nos ævi nostri morem secuti loquemur cum multis, & hoc Latini Alphabeti auctarium addemus hac ratione, ut ad literam X. quæramus, quare lingua & quomodo sit custodienda. Litera Pythagorica Y. duodecim medicamenta suggeret, quibuscunque vitiis linguis inducenda. Ultima demum alphabeti litera Z. septemplex artificium docebit quo pessima quæque lingua, si non doceri

G g g 4

ac

a Quintil. l. 1. c. 4, *b* Cic. l. de Orat.

ac corrigi, sustineri saltem & tolerari possit.

Atque hic quidem dum ordimur, antepenultimum Alphabeti elementum in memoriam mihi reducit piscem qui Xiphia dicitur. de quo ^a Plinius miranda maris commemorans: Trebius Niger auctor est, inquit, piscem Xiphiam, id est gladium, rostro, mucro nato esse: ab hoc naves perfossas mergi in Oceano. Lingua vitiosa Xiphiae pisci simillima, semper mucronatum gerit rostrum, non ligneas solum naves, sed etiam domos vel ferreas perfossura, vere Xiphia, nam hoc molitur, ut naves quas perfoderit, mergat, ut hostes quos contigerit sternat, ut domos quas perforarit, subruat. Hoc ipso jam liquet, quam caute mucronatum hoc monstrum sit custodiendum, ne adeo multis noceat. Sed istud paullo explicatius nunc docebimus, causas in genere assignaturi, ob quas lingua tam sollicite servanda. Et id puto recte ad litteram X. trademus, hæc enim velut crux decussata, duas habet obliquas trabes sibi met insertas: ita nos gemina dissertatione exponemus, quare lingua sit adeo custodienda, & quomodo possit custodiri. Primum hoc capite, alterum sequente profecturi.

I. In epulo caelesti in quo Christus convivator Corpus & Sanguinem suum comedendum & bibendum apponit, convivarum lingua primum honoratur: nam etsi convivæ divinum hunc cibum potumque intra viscera recipiant, omnium tamen membrorum

^a Plin. l. 32. hist. Nat. c. 2. ante med.

* Schwerdtfisch.

rum prima est lingua, quæ suum Dominum
velut gremio suo complexa suscipiat.

Prima igitur generalis causâ sit, cur lin-
gua tam studiose coercenda, quod ea om-
nium membrorum prima virgineum cor-
pus & sanguinem Servatoris, ipsum Dei
filium hospitaliter excipiat. Disertissimus
Chrysostomus hoc unum nunquam sibi vi-
sus est satis inculcasse, quod divinum hono-
rem adeo vel augetet vel imminueret. Au-
dite Oratorem aureum ita differentem: *ma-
gna a animadversione opus est, inquit, ut lingua
potestate caute & secure utaris. Cogita apud te hoc
esse membrum per quod cum Deo colloquimur.
Hoc est membrum per quod imprimis reverendum
summa veneratione dignum b sacrificium susci-
pimus.* Sciunt fideles quod dicitur, & ideo
oportet id esse liberum ab omni accusatio-
ne, maledicto, verbo obsceno & calum-
nia. Et si nos aliqua lasciva & impudica co-
gitatio urgeat, ea intus est suffocanda, nec
permittendum ut in verba exeat. Et si pusil-
lus & demissus animus facit ut loqui non
audeas, sed apud te murmures, ea quoque
radix est exsecanda. Tuta sit porta oportet,
& perfecta custodia, nec permittendum est,
ut intus mala consilia pariantur: & si pa-
riuntur, ea sunt in us suffocanda, & est ra-
dix eorum exsecanda. Hanc habuit Job
custodiam & ideo nullum verbum incon-
cinnum aut absurdum protulit, sed maxi-
ma quidem ex parte tacuit. Tum demum
enim solum loquendum est, quando quæ
dicuntur, plus proiunt quam silentium.

G g g 5 Idem

a Chrys. tom. i. hom. in Ps. 140, b Notetur ob-
secro, hæc vox sacrificium,

Idem a Chrysostomus : *Linguam* , inquit , oraturus deterge . Nam si quis pedes tuos stercore sordidatis manibus tangeret , non modo non exaudires , verum etiam calcibus expelleres . Quomodo igitur audes tu hoc modo Deum orare ? nam qui orat , quasi manu lingua vitur , quagenus Dei supplicando attingit . Nolite igitur ipsam maculare , ne Deus ad vos dicat : Si multiplicaveritis deprecationem , non exaudiam vos . Magis igitur quam pupillam oculi linguam tuam custodias . Regius quidam equus est lingua nostra : si ergo ei frenum immiseris & doctrina tua gradarium feceris , ascendet in eum rex & quiescet in eo : si autem nullo freno domueris , sed huc atque illuc infrenem jactari permiseris , diaboli eam vehiculum fecisti . Nec cessat Chrysostomus idem altius animo infigere , nam in illud Hieremix Prophetæ : b Si separaveris pretiosum à vili , quasi os meum eris , pro suggestu explicans : Cum itaque lingua tua , inquit , tanquam Christi lingua sit , & os tuum quasi Patris os fiat , & sancti Spiritus sis templum , quis jam huic fuerit equalis honor ? Iec enim si tuum ex auro foret os compositum , aut ex pretiosis lapidibus ita fulgeret ut nunc mundo mansuetudinis illustratum . Audax est , os diabolo simile possidere , & linguam maligni demonis habere similem , quam habere non oportet Christi mansuetudinis sectatorem : præsertim talium participem mysteriorum , & ipsi dominice carni communicantem . Addit : c Videamus , & quomodo formetur os diaboli , ne unquam il-

lud

a Idem tom. 2 hom. 46. in c. 13. Matth. mihi pag. 386. b Hiere. c. 15. v. 19. c Idem tom. 5, hom. 52, ad Pop. Ant. mihi pag. 297. & seq.

lud comparemus. Qualiter itaque fingitur? per imprecationes, per contumelias, per invidiam & perjurium: cum enim illius verba quis loquitur, illius linguam sumit. Quam igitur habebimus veniam? vel potius quam non subibimus panam, cum linguam, qua carnem gustare dominicam digni sumus habiti, negligamus diabolica loquentem? Ne negligamus, quaeso, sed utamur omni studio, ut eam doceamus suum imitari dominum. Si enim eam docuerimus, hoc nos cum multa fiducia ante Christi tribunal constituet. Nisi quis ita loqui sciverit, neque iudex eum audiet. Sed necdum Chrysostomus finem facit dicendi & monendi hoc ipsum, ut importunis saltem clamoribus surdam improbitatem expugnet. ita porro Constantinopolitanus hic Orator pergens: a Cogita, inquit, quam primum verbum protuleris, quid sis locutus, & qua sit oris tui dignitas. Patrem vocas Deum, & fratrem mox vituperas? Cogita, unde sit, quod Patrem vocas Deum. A natura? non poteris dicere. A virtute? neque istud poteris. Sed unde? ex sola benignitate, commiseratione & multa misericordia, &c. Ergo, Patrem vocas Deum & vituperas? Atqui non sunt ista filii Dei, sed porro aliena. Quod ergo opus est filii Dei? Inimicis ignoscere, pro crucifigentibus precari, pro odio habentibus sanguinem fundere, ista demum digna sunt filio Dei, inimicos ingratos, fures improbos, insidiatores, fratres & heredes facere: non eos qui fratres facti sunt, veluti mancipia vituperare. Cogita qua verba sit

os

os tuum locutum qua dignatum mensa, qua contingat, qua degustet, quo cibo fruatur. Perpende cum quibus tempore mysteriorum adstes, nempe cum Cherubim, cum Seraphim. Seraphim neminem vituperant, sed unus & idem usus ora illorum adimplet, nempe benedicendi & glorificandi Deum. Quomodo ergo potes cum illis dicere Sanctus, Sanctus, Sanctus, qui ore tuo ad vituperium abuteris? Dic, quaso, si vasculo regio, quod semper cibos habeat regios & ad illos ordinatum sit, ad stercorea ministrorum quispiam abuteretur, an auderet illud cum reliquis ad eadem edulia regia deputatis, stercore refertum denuo reponere? Nequaquam. Atqui ejusmodi est, quod fratrem accusas, quod vituperas. Cur itaque te ipsum sordidum reddis & pollutum? In calis consistis, & vituperas? Cum Angelis conversaris, & vituperas? Osculo dominico dignatus es, & vituperas? Tot ac tantis rebus os tuum adornavit Deus, utpote hymnis Angelicis, cibo non tantum Angelico, sed Angelicam etiam dignitatem superante, osculo suo, complexibus etiam suis, & vituperas? Noli obsecro, Magnorum malorum habens causam res ista quam longissime absit à mente Christiana. Claudamus oris nostri januam, objiciamus repagulum, mordeamus nos ipsos, si quando grave ac durum quoddam verbum dentes nostros transilire voluerit. Precemur Deum, precemur proximum conviciis affectum, nihil hujus agre feramus. Nos ipsos percussimus, non illum.

II. Ita Chrysostomo indignissima res visa est, lingua qua Deum alloquimur, qua Dei filium amplectimur, qua Caelites salutamus, ea ridiculas fabulas, graves obrectationes, libidinosas spurcicias spargere. Audeſne Christiane, Dominum Deumque tuum in spe-

spelæum colubris ac basiliscis plenum introducere? audeſne puriſſimum illud Domini corpus contingere lingua tua, quæ ſentina & cloaca eſt iniquitatis? Narrationem hie attexo quæ melius rem oculis ſubjiciat.

In urbe celebri non infimæ fortis femina habitabat hæreticorum domibus ſepta, quamvis Catholicorum myſteria illinc non penitus exularint. Idcirco matrona illa morbo correpta divinam ſynaxin à Catholico curione petiit ad ſe deferri. Hic jam deliberatum eſt inter cognatos, quandoquidem domus duplici erat ingreſſu, quâ ædium parte, antica vel poſtica Corpus dominicum inferretur, erant autem non procul poſtico ſella Patroclianæ. Fuerunt qui dicerent, cavendis vicinorum irriſionibus & ſannis, Euchariftiam per poſticum inferendam, illic enim non facile irriſorem fore, ubi nulla eſſet hominum frequentia. At boni homines, non hoc ſpectabant, ne ſerculum cœleſte irrideretur, ſed ne facerent quod vicinis diſpliceret. Non tulit hoc animorum frigus matrona ægra, & cognatos increpans: Quid iſtud, inquit, ſuadetis frigidi? non ita fiet, per anticam Chriſtus inferatur. rideant qui velint; ſinamus, quod vetare non poſſumus. Ego certè Dominum meum hac ignominia non afficiam, ut eum juxta latrinam inferri curem. Ita controverſia animoſe ac prudenter deciſa eſt. Interroga, oro, mi Chriſtiane linguam tuam, au. ea tacente, conſcientiam tuam, quantum illa ſordium contrahat uno die, hebdomadæ una, menſe aut anno uno, an non ea demum exundans cloaca erit tot otioſis, inutilibus, ſœdis, no-

xiis sermonibus stipata? & tu hæc ipsa lingua Christum non transeuntem, sed in te ingredientem, vis excipere, contingere, amplecti? At lota est, inquis, piacuari confessione. Quidquid sit; tanti hospitis honori necdum satis consultum. Si ego tibi piscem apponam delicatissimum, in ea tamen patina, quæ manuum pedumque fordes & omne genus sputorum aliquanto tempore exceperit, num hoc tibi ferculum appetentiam ciebit? Quid indignaris? jam lota est. Sit lota, inquis, & nauseam non moveat, honori tamen nequaquam est, prandium etiam dapfile tali præbere patina. Et tu tibi persuades non displiciturum Christo, si eum lingua, quæ omnium spurcitiarum fuit receptaculum, velut patina cibum suscipias?

Ergo lingua vel ideo solertissimè custodienda est, quod ea omnium prima cœlestem panem contingat. Sacram mensam sæpius accedis? tanto igitur purior sit lingua, quanto crebrius tantum Dominum & puritatis auctorem recipis raro corpore Christi pascaris? tanto igitur frequentius laberis lingua, quanto rarius biberis ex hoc fonte Gratiasum. Vide igitur & attende, ne in te dictum sit: a *Nobis dare sanctum canibus.*

III. Altera causa Linguae studiosissime custodiendæ hæc est: Qui linguam velut ignem custodit, ab innumeris se malis defendit. Iacobus Apostolus: Linguam inquietum malum, plenam veneno mortifero dixit. Quid in idum hoc agileque membrum dici potest gravius? si extrema lingue cus-

spis

spis venenata foret, quis non jure istius jaculi venenatam cuspidem timeret? enim verò lingua non leviter infecta; veneno plena est. bufonum toxicum propinat, non arterias solum occupat, cor perit & jugulat. Linguam putes scintillam modicam, sed sylva sit quæ Orbem terrarum æquet, hanc scintilla illa unica & incendere potest, & comburere. Sane in numeros redigi non possunt Iliades malorum, quæ ab una atque unica lingua proveniunt. Ergo sopienda est favilla ne surgat in flammam, furculus amputandus ne crescat in sylvam, gutta exsiccanda ne tumescat in fontem. Linguam non imperus sed intellectus ad loquendum solvat. nec enim oculi tantum clausi, sed & lingua servanda est vincula. Nam ut benè ratiocinatur a Gillebertus: Lingua prava iracundiæ & indignationis occasionem requirit, injurias vel falsas simulat, vel veras exaggerat, quas debuerat dissimulare: ad offensam officia etiam interpretatur, & venenati sermonis scintillas adhibet ad commovendum cor suum. Quid lingua nequam cordi tuo talem adhibes flammam? sufficiat illi flammæ sua, sufficiat illi concupiscentiæ ardor carnalis, & levitatis calor innatæ, quibus cor tuum ut volubilis rota impellitur. Noli ignem igni adhibere, & concupiscentiæ addere malitiam. Ignem hunc quem evomis, hauris de gehenna. Inde incipit, & ibi rapit. An non igitur hic ignis ne latius serpat coercendus, ne ad orcum rapiat, extinguendus? Etymon Lingnæ Ber-

a Gilleb. Bernardo succenturiatus, serm. 24. in
Caut, propius finem, ..

Bernardus *a* investigans, *Lingua*, inquit, dicitur, quia *lingit* adulando, mordet detrahendo, occidit mentiendo.

Leonardus Rubertus *a* Abbas in S. Benedicti familia, corruptæ Linguae centum viginti quinque vitia seu mala compendio perceret. Putem ego vitiosæ Linguae nocumenta nullis numeris posse comprehendere, res infinita est. Ecquis numeret? *Univerſitas iniquitatis*, Lingua effrenis: Orbis Phaëton est.

IV. Suidas *c* alloquendo Linguam interrogat: * *Lingua quò Vadis?* Cui illa respondet: Urbem eversura aut instauratura. Tanti sunt vires huic carnis particulæ; civitates totas vel subruere, vel excitare potest; multum si velit profutura; si nolit, obitura plurimum. Hebræus Sapiens pronissimè assentitur, &: *Benedictione Iustorum*, inquit, *exaltabitur civitas*, & *ore impiorum subvertetur*. Totum Orbem potest, nedum urbem subvertere hic Phaëton. Pompejus certè dicere ausus est: † Si pede vel semel terram feriat & arma vocet, totum terrarum orbem ad arma ruiturum. Suidas, quem dixi, juvenem producit ita loquentem: Boni patris filius ego sum, linguam quidem ignavam, manum autem habui operosam. Nunc ista periclitatus, video mortalibus linguam, non facta, omnium esse ducem.

Mox

a Bern. de int. domo c. 50. mihi p. 1085, b Rub. de aurea lingua c. 59. c Suid. V.

* *ἡ γλῶσσα τοῦ ποδῶν.*

Ergo verissimum hoc.

† Ein gute Jung viel gutes stiffe.
Ein böse Jung viel deut vergiffe.

Mox additur velut responsum: Lingua tu quidem polles: virum ego verò scio neminem bonum, qui perpetuò videri vult se recte dicere. Nam improbi oris esse judicatur, qui sermone semper vult esse victor.

Et quis nostrum est, qui non vel invitus fateri cogatur: O lingua, lingua, quot mihi pericula struxisti, quot quantaque mihi damna inflixisti. Quoties, ô quoties tuo vitio Deum offendi, homines læsi, me ipsum perdidisti. Sed impofterum ero cautior, fallacias tuas vigilantius observabo, impetus tuos animosius coërcebo; ligabo te & catenis vinciam, ne rationis injussu temerè prorumpas. Novi Salomonem sapientissime dixisse: *a Qui custodit os suum, custodit animam suam; qui autem inconsideratus est ad loquendum, sentiet mala.*

Si constet aliquod provincie vel regni propugnaculum velut castrum esse, ad eam provinciam seu regnum hosti referandum vel occludendum & obsiderandum, ut unus sane princeps aut rex sit, sibi que malevolus, qui propugnaculum illud militaribus excubiis non firmet, qui curas & cogitationes non conferat in eum locum, de quo vere dicatur; qui custodit hoc oppidum custodit regnum: tuta sunt omnia, si huic castris satis prospectum: si hostis hinc arceatur, alibi si ultra oppugnabit; si hoc castrum expugnet, incassum alia propugnabuntur. Atqui nos scimus verissime dictum: qui custodit linguam suam, is custodit & animam suam: qui unicum hoc malum cavet, innumeris se malis subducit.

H h h In

In eo igitur homine disciplina omnis col-
lapsa sit necesse est, qui propugnaculum hoc
tanti momenti negligit; hostem nusquam
cavet, si hic non caveat; animam perdidit,
qui linguam non servavit.

V. Ajunt hominem Hebræum Rabbi Je-
huda, virum facetum in foro proclamaf-
se, sibi esse domi aquam auream maximi
pretii, quæ restimendis viribus & produ-
cendæ vitæ plurimum faceret. Audiit hoc fi-
liola Rabbi Jodai & domum nuntiavit pa-
tri, venales esse pretiosissimas merces.
Mox emptores affluere, & de aqua vitæ au-
rea curiose quærere, pecunias amplas spon-
dere: quibus ille domum perductis & Bi-
bliis apertis trigesimali tertiū Psalmi versum
decimum tertium recitavit: *Quis est homo
qui vult vitam, diligit dies videre bonos? Prohi-
be linguam tuam a malo, & labia tua ne loquan-
tur dolum.* Et hæc illa est, inquit, aqua vitæ
aurea, *Prohibete a linguas vestras a malo, vi-
tam & dies videbitis bonos.*

Hoc illud, o cives & Orbis incolæ, no-
bilissimum Pharmacum est adversus innu-
merabilia mala: *Prohibete linguas vestras a
malo.*

Trojanus Rex Æneas consulturus oracu-
lum, Sibyllam obnixè rogat:

b *Folius ne carmina manda.*

Folia sunt hominum verba c Bernardo id
credamus ita scribenti: *Vilis & volatilis res
verbum hominis, nullius molis, nullius ponderis,
nullius pretii, nullius soliditatis.* Aërem verbe-
rat.

a Doctrinale Hebr. c. 12. b Virg. l. 6. Æneid.
post init. c Bern. die festo Apost. Pet. & Pauli
serm. 2. initio.

rat, unde & verbum dicitur, & sicut folium quod vento rapitur, effluit, & non est qui consideret.

Sunt qui quicquid iræ, quidquid indignationis & lasciviæ animo conceperunt, id istis foliis inscribant. Hinc confusio rerum & perturbatio plurima. Ne quæso carmina tam stulta, tam lasciva foliis mandate, grande vos malum expectat. Ne cogitationes tam impuras & plenas furoris per verba effundere. *Prohibete linguas vestras à malo, à malis imo innumeris.*

Ad rem egregiè dixit a Chrysostomus: *Tale os omnium malorum est causa: Imo non os sed qui illo malè utuntur. Hinc vituperia, convicia, blasphemia, incendia & fomenta voluptatum, cades, adulteria, furta, breviter hinc omnia mala generantur. Et quomodo cades, inquis? A contumelia in iram, ab ira in plagas, à plagis ad cadem progressus es. Itaque si sermone tuo adificationem subvertis, melius est ut taceas & nunquam loquaris.*

Nec aliter Bernardus: *Vanus b sermo, inquit, cito polluit mentem, & facile agitur, quod libenter auditur. Vanus enim sermo vanæ conscientia est index. Mores hominis lingua pandit, & qualis sermo ostenditur, talis animus comprobatur, quoniam ex abundantia cordis os loquitur. Sermo vanus non erit absque iudicio, quia ab omni rectitudinis statu depereunt, qui per verba vana dilabuntur.*

Quid clarius dici potest aut gravius? *Ab omni rectitudinis statu depereunt, qui per verba vana dilabuntur. En Lernam malorum, in-*
H h h 2
guam

a Chrys. tom. 4. hom. 15. in c. 4. Ephes. *ut b*
 p. 944. b Bern. de inter. domo serm. 43.

quam non religiose custoditam! Qui linguam non custodit, in lernam hanc incidit. Prius ergo quod Chrysostomus ^a monet, ruminetur & librentur verba, & postea proferantur.

C A P U T LVIII.

Modus custodiendi linguam, observare loquendi circumstantias.

IN Thracia, locis rigentibus vulpes, animal alioqui solerti auditu omnes gelatos lacusque non nisi ad pastum itura redituraeque transit. Observatum eam aure ad glaciem apposita conjectare prius crassitudinem gelu, & explorare num forte falsura transeuntem glacies, num subrerlabentes aquae audiantur quæ indicium faciant, fallacem crustam vestigiis cessuram. Quisquis ad loquendum os pandit, glaciem subit periculosissimam. Idcirco iter hoc omne prætendendum est, ne cæca vestigia fallantur.

Siracidæ votum est: *c Quis dabit ori meo custodiam, & super labia mea signaculum certum, ut non cadam ab ipsis, & lingua mea perdat me.* Tanta opus circumspectione, tot expendendæ circumstantiæ locuturo, tanta omnino molis est recte loqui, ut vel sapiens non immeritò certam sibi damnationem metuat è sola lingua, & ardentibus votis scire cupiat, ecquando aperiendum, claudendumque sit hoc oris ostium. Ad errandum quippe,

^a Chrys. tom. 1. in cap. 1. Genes. mihi pag. 20.

^b Plin. l. 8. hist. nat. c. 28. ^c Eccli. cap. 22. v. ult.

quippe, vel unius circumstantiæ defectus factus est; ad recte loquendum sedula omnium circumstantiarum observatione opus est. Philosophiæ scitum est. Bonum confurgit ex integra causa, malum è quocunque defectu.

Quapropter recte convenienterque à priscis patribus Basilio, Ambrosio, Bernardo, atque aliis circumstantiæ loquendi propinquantur, iis observandæ sedulo, quibus curæ est loquendo non errare. Sequamur ergo duces quos habemus sanctissimos, & ordine loquendi circumstantias annumeremus.

I. Prima loquendi circumstantia, *Recta intentione loqui*. In limine offendit, & ad ipsam domus januam impingit, qui aut nullo fine, aut non bono loquitur. Neque enim satis ut suum verbis sit pondus, illaque à se non mala sint, sed & certus bonusque finis necesse est iis respondeat.

Est nonnemo (beati Bonaventuræ iudicio) qui linguam à profanis sermonibus substringit, sed eo fine; ut spiritualis habeatur: alius ideo loquitur, ut acuti ac limati homo ingenii, vel ut disertus & eloquens audiat: illud hypocrisis, hoc vanitas est & superba stultitia. Sunt qui loquantur ut risum moveant, alii ut fletum ac lachrymas eliciant, sed non pias & parum profuturas: hi verba eò congerunt ut hominem sibi designatum ad indignationem & iram provocent: alii loquuntur tantum ut loquantur, horasque optimas non tam fallant quam perdant. Prava Intentio, pessimi fines.

Quare locuturus ante suum ipse os interroget: *Cur moveris, cur panderis, cur loqui vis?*

aut caussam loquendi ede, aut tace. Vide obsecro, mi Lector, quæ de recta Intentione differuimus duobus libris in Amussi, eo te volentem, puto, amandamus, ideoque nunc pergimus.

Altera loquendi circumstantia, *Circumspecte loqui*. Illud de quo sermo instituendus diligentissimè considerandum est, neque vel verbulum unquam efferendum sine circumspectione. Dicās : quis omnia verba ad aurificis libellam examinet? Is omnino, mi Christiane, accuratè hoc faciet, qui audierit iubentem : a *Auram tuam & argentum tuum conſta, & verbis tuis facito ſtateram, & frenos ori tuo rectos, & attende ne forte labaris in lingua.*

Attentam hanc circumspectionem in verbis ipsa nos natura docet, quando linguam non una duntaxat janua munivit, dentium una, labiorum altera, ita pariete gemino sepsit. *b* Chrysostomus id diserte asseverans : *Deus eam, inquit, velut muro duplici voluit circumdari.* Nam dentium tegmine & labiorum custodiâ continetur, ne verba improvida garrulitate proferantur. Refrena igitur linguam, & si non patitur reticere, dentium morſu quiescat, & tamquam carnifici tradatur dentibus, nam hoc est eam conducibilius ſuſtinere, quam poſtea aquæ ſtillationem nullatenus promereri. Hinc ille abſurdi quippiam locutus interrogatur :

c *Dentis clauſtra tui quæ vox elapſa reliquit?*

Cum

a Eccli. cap. 28. v. 29. & 30. b Chryſ. tom. 5. hom. ad baptiz. mihi p. 623. c Gel; l. 1. No. 8. Artic. c. 15.

Cum igitur natura linguam vallo dentium & septo labiorum cinxerit, cum aures dederit patulas, non solum parcè loquendum, sed etiam consideratè, imo ut possis parcius loqui, loquere consideratius.

Duas, ut ajunt, venas exporrigit lingua, illam ad cor, ad cerebrum istam, ubi sedes intellectui assignata: quo quidem erudimur, id omne quod à lingua prodit, plenum esse debere rationis. Atque hoc inter hominem fatum & sapientem discriminis est, quod fatuus cor suum ore reponat, sapiens os suum in corde recondat; illum ad verba provocat garrulitatis libido, suadetque omnia quæ libet licere loqui; prudens in corde os continet, quicquid enim ab ore abit, consilio, ratione, judicio libratum venit.

Qua de re Cyprianus ita ratiocinatur: *sicut homo sobrius & temperans nihil ciborum trajicit in stomachum quin illud ante prandiderit, & dentium mola subegerit: ita vir prudens nil lingua in publicum protrudit, quod non prius in pectore digesserit. Oratio bilanci rationis non imposita, & rixas & plurimum mali excitat.*

Par esset omnino, ut non minus tardi ac difficiles ad solvendam linguam, quam ad aperiendum crumenam essemus. Quam lete, quam & consideratè, Deus bone, loculos diducimus, nunquam deliberatior mœra est, nunquam magis lyncei sumus, quam cum pecuniam expendimus, hic omnem in pectus senatum cogimus; hic varix questionum, an non nummum jam expunctum per conjugem, per liberos, per cognatos, per servum? & quam levis est ramentum

jactura nummi inconstituto expensi, si cogitetur damnum sermonis male prolati? hic moremur, hic deliberemus; in nullo laudabilius cunctabundi erimus, quam in loquendo. Cogitet prudens cunctator quid locuturus, qua de re, & quam ob causam?

I I. Tertia loquendi circumstantia, *Verecundè loqui*, seu, quis & apud quos loquaris perpendere, an juvenis coram sene, discipulus coram magistro coram sacerdote profanus, coram patre filius, coram domino servus, an contrà coram liberis parentes, coram discipulis magistri, coram tironibus veterani.

Sacræ paginæ monent: a *Noli verbosus esse in multitudine presbyterorum. Audi tacens, & pro reverentia accedet tibi bona gratia. Adolescens loquere in tua causa vix: si bis interrogatus furis, habeat caput responsum tuum. In multis est quasi inscius, & audi tacens simul & quarens. In medio magnatorum non præsumas; & ubi sunt senes non multum loquaris.*

Divo Bernardo teste, silentium est maximus actus verecundiæ. Est etiam indolis bonæ & educationis ingenuæ signum, senioribus juvenem concedere; & ipsa decori ratio exigit tacere, aut parce loqui, ubi sunt qui dignius loquantur.

Quarta loquendi circumstantia, *Accomodate loqui*, præsertim loco & tempori. Præmarium prudentiæ munus est, scire loqui tempore locoque congruo. Quod affirmans Siracides: b *Homo sapiens, inquit, tacebit usque ad tempus: lascivus autem, & imprudens non servabunt tempus. At verò sedulum istius*

cir-

a Eccle. c. 7 v. 15. & c. 32. v. 13. & seq. b Eceli. cap. 20, v. 7.

circumstantiæ observatorem oracula divina sic laudant : a *Mala aurea in lectis argenteis, qui loquitur verbum in tempore suo.* Neque vero placere potest quod profertur tempore non suo. Nam ut Siracides b testatur : *Ex ore fatui reprobabitur parabola : non enim dicit illam in tempore suo.*

Huc spectat modestiæ præceptum : Sermonem alterius non interrumpere : quod non solum urbanitas fieri vetat, ut agreste quid, sed & Humilitas damnat, ut superbiorum. Hebræus Sapiens sic pronuntiat : c *Qui prius respondet quam audiat, stultum se esse demonstrat, & confusione dignum.*

Hoc ipsum Siracides confirmans : *Priusquam audias d,* inquit, *ne respondeas verbum, & in medio * sermonum ne adjicias loqui.* Expecta sis igitur dum alius sermonem quem cœpit, finiat, tum tu ordire proferre tua, alioqui garrulæ fatuitatis signum præbebis. Addit hic Basiliius : Si quid in plurium confesso interrogetur, tu respondendi vices aliis ne præripe ; tace dum sigillatim dicere jubearis, est enim superbiæ, ultro sese offerre aut ingerere, & principem respondendo locum præoccupare.

Quinta circumstantia est, *voce submissa loqui.* Est modus non solum in rebus, sed etiam in sermonibus. Hipponens. præsul August. in illud Marthæ cum Magdalena breve colloquium : e *Et vocavit Mariam sororem suam silentio, dicens : Magister adest, & vocat te.* Quomodo, inquit, silentio vocat cum loquatur,
H h h 5 dicat-

a Prov. c. 25. v. 11. b Eccli. cap. 20. vers. 22.

c Prov. c. 18. v. 13. d Eccli. c. 11. v. 8. * Alii

legunt seniorum. e Ioan. c. 11. v. 28.

dicatque, *Magister te vocat?* Et respondet, vocem depressam silentium vocari. Sed de voce submissa egimus cum linguam tumultuantem castigaremus.

Ad hanc loquendi circumstantiam reducitur à sancto Bonaventura oris serenitas, & in gestu decorum. nam os contorquere, nares corrugare, labia nimium diducere, frontem caperare, caput ventilare, & decetiam graviter offendunt, & signa sunt animi malè compositi. Sic & voci moderandum, ne illa nimium fracta sit & remissa, ac si loquentem loqui tædeat. Sermonem suavitas condat, vultum serenitas aperiat.

Non solum voces omnium sapientum, sed & divini libri mirificè commendant serenitatem oris. siracida præceptum est: a *In omni dato hilarem fac vultum tuum.* Quicquid agis exporrigere frontem, exue tristiores ac leviores vultum: homines tranquilla bonaque mentis aspice. b *In omni tempore vultus illorum hilaris*

III. Hic ego magnates, proceres, principes, regesque universos submississime obtestor, sed & patresfamilias, religiosorum majores, & quoscunque alios præfides rogo, Salomoneum illud oraculum attentissime perpendant: c *In hilaritate vultus regis, vitas & clementia ejus quasi imber serotinus.* Nam facies regis amena & hilaris incolumitatem, vitam quodammodo afflat, inspicique subditis. Sicut auroræ jamjam appetens jubar caliginem noctis discutit, ita jucunda regum facies marorem ac metum pavescit adiuit. An.

a Eccli. c. 35. v. 11, b Eccli. c. 26. v. 4, c Prov. c. 16. v. 15.

Annæus Seneca^a cogitare jubet, utrum Mundi status gravior oculis, pulchriorque sit sereno & puro die, an cum fragoribus crebris omnia quatiuntur, & ignes hinc atque illinc micant? Atqui non alia facies est quieti moderatæque imperii, quam sereni cæli & nitentis. Crudele regnum turbidum tenebrisque obscurum est, inter trementes & ad repentinum sonitum expavescentes, nec eo quidem, qui omnia turbat, inconcusso.

Decorum est omnino, ut principes regesque non solo nomine, sed & vultu animoque sint *Serenissimi*, cælum nobis innube ac purum repræsentantes: regii vultus nubila plus quam ætheris minacem tristitiam horremus. Quisquis imperat, vultum induat serenum, & longe suavius, & efficacius ut plurimum imperabit. Contracta frons, & acerbior vultus exosum reddunt Imperium. In hilaritate vultus regis, vita. Atque ut fronti vicina est lingua, ita dictum illud sapientissimum mihi videtur, quo non magnates tantum, nec soli Principes, Reges, Imperatores, quamvis hi præcipue, sed quicumque alii vel familiam solum gubernantes monentur, frontem, os, pectus ea ratione observare, Ut in fronte sal, in ore mel, in pectore sale gerant seu mare. Explicamus:

Primum, gubernationi cuicumque necessarium est, b *In fronte sal*, seu naturalis quædam Prudentia, saltem mediocritati propinqua. Imprudens & temerarius

^a Seneca lib. de Clem. c. 7: ^b Sal, Sapientiz symbolum.

rius Phaëthon non regit currum, sed evertit.

Alterum ad temperandam potestatem pernecessarium est, *Mel in ore*, seu suavitas sermonis & jussus. imperia inhumana & aspera sunt exosissima. Roboamus Rex Israël & Judæ, imperio immitti unico omne Israël regnum perdidit. Cui minus est prudentiæ, plus mellis affundat; imo & prudentissimus quisque si melle careat, inter barbaros & crudeles dominos numerabitur. Aut igitur non impera, aut imperium mitiga.

Tertium quod ad gubernationem requiritur est, a *In pectore sale*, seu mare, quod pectoris amplitudinem designat: angusti animi homo, ad tenendum imperii clavum tam non idoneus est, quam lepus ad tenendum tympanum; omnia ille metuit si vel mus obstrepat. In regum fastis asseritur: b *Dedit quoque Deus Salomoni* (ad gubernandum) *quasi arenam quæ est in litore maris.*

Ergo in gubernatoris & præsidis cujuscunque capite sit Sal, in ore Mel, in pectore Sale. Et licet mel oris, suavitasque sermonis, ubique grata & pene semper sit necessaria, præcipue tamen, cum aut moneamus, aut reprehendimus. Qui aliam castigat iratus ipse aut perturbatus, videtur id nequaquam facere ut emender, sed ut vulneret, *Virtus enim cum vitio non recte docetur*, nec per superbiam humilitas instillatur, nec per impatienciam patientia commendatur. Si me flere vis, flendum prius ipsi tibi est:

fi ob-

a Sale præcis idem quod mare, Ennius l. 14. Annal.
Ceruleum spumat sale conferta rate pulsum. b 3.
Reg. c. 4. v. 29.

si objurgare me vis, omitte quod prius in te foret objurgandum. Beato Ambrosio maxime placet, *monitio sine asperitate, & hortatio sine offensione.*

Monitum Ambrosii præceptum Pauli confirmat: *a Seniore ne increpaveris, sed obsecra ut patrem, juvenes ut fratres. Quicquid docere ac persuadere volueris, mansuetudinis exemplo & citius docebis & efficacius persuadebis.*

IV. Hic etiam jure vitio vertitur affectata & nimis compta dictio, quæ numeris modulisque Rhetoricis instructa nimiam spirat prudentiam, & argutias miscet non placituras. Hic ego Concionatores hujus ævi convenio. Pace vestra dixerim, ô Viri, nonnulli vestrum hoc ipso furiarum genere inquietantur, qui cultui dictionis intenti, in seipsis spiritum, in auditoribus fructum prius eripiunt quam adferunt. Quid verba colligimus, quid vuculas componimus, & cælestem doctrinam his lenociniis infamamus?

Procul à Christianorum templis delinificam illam facundiam, quæ vulneri cicatricem mentitur, quæ auditorum animos voluptate inani perfundit, quæ verbis ad venustatem compositis laudes eblanditur, quæ concinnam elegantiam, & nescio quid nugarum ac vanitatis affectat ut placeat.

Procul à sacris cathedris ventosam & enormem loquacitatem: Christus prædicandus est, & hic crucifixus; Penitentia suadenda, & quidem stabilis ac constans; quatuor hominis ultima sunt inculcanda; Dei voluntas, & humanæ cum eadem conformatio explicanda; æternitas identidem ingerenda;

gerenda; ad dissertationes istas non opus mellitis verborum globulis, non modulato currentisfacundiæ sonitu, non quasitarum vocularum vanissimo strepitu: Spiritu hic opus est, & amore in Deum incenso, qui ui facundiam non spernit, ita nec querit, imo etiam odit & respuit, si sit affectata. Et quemadmodum aqua illa censetur optima, quæ nullo sapore est imbuta, ita dictio illa pulcherrima, quæ affectatione nullâ est corrupta.

Sed à suggestu & publica dictione ad loquendi circumstantias redeo, & receptui cano inter priscorum Patrum monita. a Hieronymus tam succincte dixit quam nerve: *Sermo prolatus, est lapis emissus, quapropter diu antequam sermo proferatur, cogitandus est.*

Ambrosius b hoc confirmans: *Alie sunt viae, inquit, quas debemus sequi, alie quas custodire; sequi vias Domini, custodire nostras, ne in culpam dirigantur. Potes autem custodire, si non cito loquaris. Utrumque reddi confirmatissimum Hebræus sapiens, qui homini circumspectæ loquelæ tranquillam felicitatem pollicetur hoc chirographo: c Qui custodit os suum & linguam suam, custodit ab angustiis animam suam. Cum enim lingua intemperans plurima peccat, mens utique rea in angustias & maiores quam plurimos conjicitur, quos effugit qui prudenter & custodite verba facit.*

Porro iis qui imprudenter & incaute loquuntur, verba non in pectore, sed in ore nascuntur.

a Hie. ep. de Virginit. b Amb. l. i. Offic. c. 20.

c Prov. c. 21. v. 23.

nascuntur, quos priscus philosophus aper-
stringens: Qui sunt leves, inquit, futiles &
importuni locutores, quique verbis humi-
dis & laptantibus defluunt, eorum oratio-
nem bene existimatum est in ore nasci, &
non in pectore. Huic accedens Egidius Dia-
conus: Quoties, inquit, oratio in lingua
solum nascitur, pectus conceptam magno
nihu poenitentiam parit. Solet enim è teme-
rè dictis provenire poenitudo, quæ Conscien-
tiam velut in equuleum rapit, & erroris la-
psusque confessionem ab illa exprimit. A
tot molestiis & doloribus immunem se red-
dit, qui quæ locuturus est, circumspicit. *Qui
custodit os suum, & linguam suam; custodit ab
angustiis animam suam.*

3 Mada, de Doctr. Platonis;

A. Mada



Y.

A. *Avaritia numos aureos in libellam mittit, eosque anxia sedulitate examinat.*

B. *Circumspectio autem vult frenos ori rectos ex auro fieri, prout Hebraeus sapiens monet, & ad libram librum ponderat, quo vel oculos doceat, verba omnia oportere consideratissima esse, perinde si libro sint inscribenda. Vide C. 59. §. 3. C. 60, & C. 61. His Capitibus documenta duodecim suggerimus regenda lingua utilissima. & summe necessaria.*

Angelus & trutinam, & frenum Circumspectionis paratissimus est dare omnibus quibus est cordi, moderari Lingua.

Y.

CAPUT LIX.

*Vitiosa Linguae quomodo sananda sint :
prima quatuor medicamenta
traduntur.*

Apollonius Thyanæus, illè Orbi notus philosophus (uti de eo prodit Philostratus) suos discipulos ea loquendi lege imbuìt, ut aurora vicina cum Diis; diei progressu, de Diis loquerentur; cæterum tempus humanis sermonibus sed eruditis impenderent. Lex pulchra, & utilis. Duo Christi servatoris discipuli Emauentem tendentes, hunc, crediderim, servarunt ordinem. 1. Antequam se viæ committerent, utique se Deo precibus commendarunt, quaquidem ratione cum Deo locuti sunt. 2. Die ad umbilicum jam deducto, de Christo Dei filio loqui cœperunt. 3. Christum Dominum peregrini habitu tectum invitarunt ad hospitium; a mane nobiscum quoniam advesperasset, & inclinata est jam dies: & coegerant illum. 4. Concionati sunt demum, & quidem ipsis concionatoribus, Apostolis. Nam surgentes eadem hora regressi sunt in Hierusalem & invenerunt congregatos undecim & ceteros qui cum illis erant, dicentes: Quod surrexit Domi-

Dominus vere, & apparuit Simoni. a Et ipsi narrabant quæ gesta erant in via, & quomodo cognoverunt eum in fractione panis.

Hi profecto non male diem expenderunt, lingua præclare usi. Nec mirum; Præceptorum habuerunt è cælo, sed revera serium, & qui discipulos non indulgenter habuit, nec illis blanditus est; severa eos disciplina irrigans: *O stulti, ait, & tardi corde ad credendum.* Quæ quidem prælectione tam insigniter eos erudit, ut ab iis velut jam Magistris didicerint Apostoli, quomodo loquendum de Christo redivivo.

De universis Linguae vitiis nos hætenus locuti sumus; multa quidem, si verba numeremus; pauca, si maximum malorum numerum spectemus. Enimvero bonus ludimagister non solum ostendit characterem male formatum, sed docet insuper qua ratione formandus sit; boni artificis est non tantum discipuli errores in artem commissos reprehendere, sed etiam docere quomodo ii sint corrigendi. Multima linguae vitia percensuimus, hoc unum nunc superest, ut qua ratione illa sint corrigenda doceamus. neque enim satis est scire se ægrotare, nisi præsto sint & pharmaca, quæ convenient ægroto. Quando igitur tanti retert non tantum vitiose loqui dedidicisse, sed artem etiã recte loquendi condiscere, hoc jam agamus, & tribus his ultimis dissertationibus remedia & medicamenta compariemus, quibus vitiose linguae saluti erandae. Huic triplici dissertationi significandæ literam Pyrrhoream. Yohanon præfigimus, literam

tricornem aut tricuspidentem, nam inferius unum, superiora duo habet cornua. Affirmat Plinius a Indicos boves & unicornes & tricorones reperiri. Nos contra universa Linguae vitia, dissertationem triplicem, velut bovem tricornem statuimus hac quidem ratione, ut in singulis trium capitum istorum aliquot praecepta, seu medicamenta tradamus, quibus Linguae vitiositas omnis emendari possit. Atque ut memoriae quoque consulamus, praeceptiones dabimus nec longas, nec obscuras, sed quae dictu & capto faciles sint: Ipsae tot leges confundunt & obruunt memoriam. Atque ita hac quidem dissertatione prima praecepta seu medicamenta quatuor; altera, quatuor alia, tertia demum, quatuor ultima remedia persanandae linguae prosequemur.

I. Primum remedium ad vitiosam linguam curandam est *Oratio*. Sapientiae oraculum Solomon clare pronuntiavit: b *Homini est animam preparare, & Domini gubernare linguam*. Hoc dixit: Tutibi Deum precibus propitia, & animum adverte, non deerit rerum omnium auctor qui linguam, aliter intractabilem regat. Luculente prorsus Augustinus hoc ipsum affirmans: c *Intelligamus, inquit, charissimi, si linguam nullus hominum domare potest, ad Deum confugiendum est qui domet linguam nostram. Si enim tu eam domare volueris, non potes, quia homo es: linguam nullus hominum domare potest. Eodem animo dixit d Basilii: O: suum orationibus communit,*

jugi-

a Plin. l. 8. Nat. hist. c. 21. ini. b Prov. c. 26. v. 1.
c Aug. tom. 10. serm. 3. de ver. Dom. c. 1. & 2.
d Bas. de vera virgine,

jugiter atque plus aliis orans : *Pone Domine custodiam ori meo.* Nulla bestiarum seipsam domat : solius hominis est cicurari à seipso, vel ut rectius dicam , ultro seipsum offerre cicurandum. Augustinum iterum excellentissime hac de re differentem audiamus : verba illius fide optima recitabo : a *Homo.* inquit , *domat feram , non domat linguam. Domat leonem & non refrenat sermonem. Domat ipse , & non domat seipsum. Domat quod timebat , & ut se domet , non timet quod timere debebat.* Addit : *Attendite similitudinem ab ipsis bestiis quas domamus. Equus non se domat ; Camelus non se domat ; Elephantus non se domat ; Aspis non se domat ; Leo non se domat ; sic & homo non se domat. Sed ut dometur equus , bos , camclus , elephanteus , leo , aspis , queritur homo : Ergo Deus quaratur , ut dometur homo. Ergo , Domine , refugium tu factus es nobis , Conferimus nos ad te , & bene nobis erit de te. Malum est enim nobis de nobis. Quia dimisimus te , dimisisti nos nobis Inventiamur ergo in te , quia perieramus in nobis. Quid ergo fratres mei ? dubitare debemus quia mansuetos nos faciet Dominus , si nos domandos ei praebeamus ? Domuisti leonem , quem non fecisti : non domat te qui ferit te ?*

Hoc igitur studiosissime laboremus ut nos nostramque linguam Deo domandam , per preces praebeamus. Ipsemet Augustinus quod sermone docuit , exemplo firmavit. Siquidem de seipso fassus : b *Quotidiana,* inquit , *fornax nostra est humana lingua. Imperas nobis , Domine , & in hoc genere continentiam. Da quod jubes , & jube quod vis. Tu nosti*
lii 3
do

a Aug. ibid, b Aug. lib. 10, Conf. c. 37. initio,

de hac re ad te gemitum cordis mei, & flumina oculorum meorum. En Augustinum non solum orantem, sed & plorantem, ad evitandum linguæ venenum. Quisquis igitur, bene vult loqui, bene oret: primum & prae princeps vitiosæ linguæ remedium est *Oratio*.

II. Alterum est *Assidua Cogitatio Dei Ubique Praesentis*. Heu quales per Orbem sermones volant, quam impuri, quam pestilentes! Quisquis es, obsecro, vel sola cogitatione Orbem obi, & ausculta, quam ridicula, vana, foeda, noxia loquantur homines, perinde si nullus sit Deus qui omnia singulaque audiat, omnia singulaque iudicaturus & puniturus. Illorum insipientium infiniti sunt, qui dicant in corde suo, Non est Deus. Is certe Deus his talibus non videtur esse qui lenissimos quosque susurros & occultissimas quasque cogitationes audiat. Hinc nemo quod bonum est loquitur, nemo quod purum sanctumque est cogitat.

Siquis hodie Cynicus Diogenes cum laternula obeat, seseque confabulantium circulis inferat, ponatque illam Domini questionem. a *Qui sunt hi sermones, quos conferitis ad invicem?* Plurimi, vix dubitem, faterentur quod res est, & hi quidem dicerent: * acuius linguas & absentes egregie vellimus; se tamen obrectatores esse negarent. Alii: miseras nostras vicissim querimur; hoc pallio murmuraciones hi tegunt. Alii; rumores novos narramus. Deberent dicere, nugas, fabulas, nec non mendacia

tra.

a Luc. c. 14. v. 17.

* Wir richten die Leute aus.

tractamus. Isti: bona verba damus, hoc est, adulamur & palpamus. Illi: est nobis de aliquo controversia, sic rixas & jurgia honesto nomine defendere solemus. Essent qui dicerent. * Fallendo tempori sermone symbolas conferimus; rectius responderent, otiosa miscemus colloquia, furriones agimus. Sed neque inverecundis & lascivis deesset larva, quam suis spurcitiis oppanderent, † facetos se atque hilares esse affirmarent. Ita pessimis quibusque colloquiis honestotitulos præfigimus. a *Nemo quod bonum est loquitur.* quod inde fere provenit, quia nemo Deum ubique præsentem reveretur. Quod si Christianus aliquis Diogenes interrogando pergat: Quid sunt hi sermones vestri? quo in numero censendi, quo præmio afficiendi, vel supplicio? num eos Deo placere creditis? Hic fere risus & irrisio responsi vice sequeretur, aut certe frigidissimum improbæ linguæ patrocinium. Nam etsi Deum ubique præsentem credimus, certe non cogitamus. Hanc autem cogitationem Gregorius Neocæsariensis reprimendæ verborum levitati efficacissimum ducebat, quando vaniloquiis nostris Majestas divina (si posset) in tristitiam daretur. Certe beatus Paulus cum jussisset Ephesios omni sermone malo abstinere, tanquam rationem reddens: *Et nolite, b inquit, contristare Spiritum sanctum.* Veteris c Philosophiæ præceptum est: Sic loquendum esse

Iii 4

cum

* Wir tragen Hdie äfete zusammen.

† Wir sind lustig vnd guter dñg.

a Hier. c. 8. v. 6. b Ephes. c. 4. v. 32. c Macro.

l. 1. Satur.

cum hominibus, tamquam Dii audiant; sic cum Diis, tamquam homines audiant. Hoc fere sensu sapienter præcipit & Seneca: *a Sic vive cum hominibus, tamquam Deus videatis; sic loquere cum Deo, tamquam homines audiant.* Profecto ad omnem vitæ licentiam & improbitatem plurimis expeditissima via est, hæc unica cogitatio: *Solus sum, & nemo me videt.* Tunc mala consilia agitant: tunc aut aliis aut sibi futura pericula struunt; tunc cupiditates improbas ordinant: tunc quicquid aut metu aut pudore celabat animus expromit, tunc audaciam acuit, libidinem irritat, iracundiam instigat. Ita se solum esse credere, à nemine videri, à nemine audiri, scelerum grandis stimulus est. Quisquis igitur cupit frenare linguam, assidue Dei præsentiam cogitet. Tanto quis cautius loquetur, quanto sibi alius imprefferit hoc unum: *Audiris; Angeli audiunt, Deus audit, & tu dictorum rationem posceris suo tempore.* Beatus Petrus ad id hortatus: *b Si quis loquitur, inquit, quasi sermones Dei.* Deus ubique præsentissimus, & spectator & auditor est omnium. Hic te rogo, mi Lector, *c* Niceram meum non gravate adi, & vide quæ illic de Dei præsentia in omni loco explicite traduntur. Quare alterum curandæ linguæ remedium est, Assidua Dei ubique præsentis cogitatio.

III. Ter-

a Sen. Epist. 10. fine. *b* 1. Pet. c. 4. vers. 11.

c Nicetas l. 2. c. 10. Quicquid autem Anno 1621. per sacros dies Adventus Dominici, coram Serenissimo Electore ac Duce Baviaræ Maximiliano de Dei præsentia pro suggestu explicatum est, id omne in epitomen velut eliquatum, dicto capite preponitur.

III. Tertium est *Premunitio & Animi
Provisio ad Loquendum*. Hic nobis commo-
dum est jam proxime priori dissertatione
monuisse observandas in loquendo circum-
stantias. Quod prisca patres varie confir-
mant. Ambrosius particulatim: Sapiens, in-
quit, priusquam loquatur, multa conside-
rat: quid dicat, cui dicat: quo loco, quo
tempore dicat. Nimirum hæc prius animo
cogitando, quam laxanda lingua, Augusti-
nus erudite: * *sicut eligis, inquit, quo vescaris,
sic elige quod loquaris. Cibum per os ingressurum
examinas cur non etiam egressurum per os ver-
bum, quod sæpe graviores tragædias excitat in tua
domo, quam cibus in tuo stomacho*. Bonaventura
opportune: *Provide a tibi, ait, antequam prodas
sermonem, prudentique consideratione omnia pre-
veni*. Quemadmodum egressurus domo, un-
dique te circumspici, an vultus, an vestis, an
omnia decore in publicum efferantur: ita
locuturus videat quid publico committat. Et
sicut propugnaculi portæ nõ nisi cautissime &
post omnia solerter explorata referantur, ita
nec os, a arcis nimatæ ostium, prius panden-
dum quam vigilanter omnia circumspician-
tur. Eo spectant tot Hebræi sapientis moni-
ta: *Noli citatus esse in lingua tua. Ne te-
mere quid loquaris: verba prudentium sta-
tera ponderabuntur*. Nec Hieronymi moni-
tum abludit: *Prius verbum transeat per li-
mam quam per linguam*. Et quamvis omni-
bus actionibus necessaria sit lima, maxi-
me tamen sermoni. Et sicut stupam hami
ferrei pectunt, lanam ferreus pecten carmi-
nat, sic verba prius pectenda sunt & car-
minanda

* Aug. in Ps. 51, a Bona, par. 3. spe. c. 3.

minanda quam venalia in forum protrudenda.

Pæmenius abbas antequam ceteros sociorum accederet, prius animum hora una iussit esse præsentem, & quid loquendum esset, cogitatione complexus est. Et hunc sibi morem voluit esse perpetuum, quem homines religiosi hodieque imitantur hac ratione, dum singulis diebus prima diei hora animum in id desigunt quod ea die plurimum profit ad bene agendum & loquendum. Alicubi moris est inter religiosos viros, ut post mensam non prius inter se colloquantur, quam in a templo locuti fuerint cum Deo. Mos probus, & pluribus imitandus. Hanc animi præmunitionem seu præparationem ad loquendum Siracides insignite docens: b *Aurum tuum*, inquit, & *argentum tuum* constet, & *verbis tuis facio stateram*, & *frenos ori tuo rectos*, & *attende ne forte labaris in lingua*, & *cadas in conspectu inimicorum insidiantium tibi*, & *sit casus tuus insanabilis in mortem*. Et libellam & habenam ex argento & auro exigit hic præceptor, ut sic omnia quæ ab ore prodeunt, vel ad Dei honorem vel ad aliorum bonum referantur. Sic animus ad loquendum præmunendus est. Sed sequitur.

IV. Quartum remedium, adversus omne vitium, Linguae præsertim, potens est, *Mulctam sibi dicere, eamque à seipso exigere*. Omnes vitiosos habitus à se remove non difficile erit, qui capitalem triumvirum in seipsum egerit, Egregiæ virtutis est seipsum apud

a Aut proximo sacello. b Ecce. cap. 28. v. 29. & 30.

apud se accusare, reprehendere, mulctare, sibi nihil condonare. Christiano sensu Seneca: a *De nullo*, inquit, *queri possum alio quam de me. Ego mihi irascor, & Ego à me pœnas exigam.* Nos contrarium plerunque facimus, errores nostros regimus, excusamus, comimus, polimus, & errasse nos negamus, alios audacissime accusamus. quin ergo saltem facimus, quod malus scriba, qui creberrimos errores suos scalpello eradit, aut malus pictor qui penicillo inducit: ita & nos si quid erratum est, voluntariis pœnis deleamus ipsi, nec expectemus, dum alii à nobis pœnas repetant. Ille omnino in virtutum studio plurimum proficit, qui quotiescunque peccasse se cognoscit, mox aliqua se pœna mulctat & ipse suus sibi monitor est: En, ait, iterum iurasti, mentitus es iterum, iterum maledixisti, de aliis iterum (quod jam sæpissime) detraxisti: in pœnam hoc stipis da pauperi, has preces recita. Qui superbiae delictum in se observasset, sibi non male imperaret: procumbe ô superbe, & matrem tuam, terram osculare. Idem in delictis aliis utilissime fit. Et certe, b *si nosmetipsos dijudicaremus, non utique judicaremur.* Hæ tales voluntariæ pœnæ non tantum hominem sibi ipsi, sed & Deum homini mire conciliant, & lapsus futuros sæpissime de facili cavent.

E Sancti c Dominici familia vir pius & erudi.

a Sen. l. 5. de Benef. c. 7. b 1. Cor. c. 11. v. 31.

b Lib. 4. Form. c. 3. Ioannes Nyder qui an. 1430.

Norimbergæ Annates fuit in S. Dominici familia.

eruditus narrat, fuisse virum, nobilem ævo suo, qui à puero assueverat Deum & Cælestes verbo violare, aliis pessime precari. Has voces puer in aula hauserat, quas & senex assidue jactarat. Displicuit viro incolitum hoc suum vitium, statuitque apud animum suum sæpius tam fædam loquendi labem deducere, nec tamèn dedidicit: pugnavit secum aliquamdiu, raro victor, nam lubricæ linguæ præcipitio abreptus ruebat in antiqua. Quare sacerdotem, super hac re consultuit, rogavitque pharvacum suggereret, huic morbo expugnando. Sacerdos mitior quam par erat, molli spongia hanc vomitum non rupit, sed demulit. Interim vir ille nobilis in eundem morbum identidem revolvebatur. Aliquid vitii amputatum erat, non extirpatum vitium. Quocirca seipsum vir generosus aggreditur, & hanc sibi penam decernit, ut quotiescunque lingua Deum hominesve peteret, eo die carnibus abstineret. Et ne sibi quidquam ipse indulgeret, famulis severe præcepit, ut execrationes suas & maledicta numerarent, & quemcunque numerum subnotassent, jussi dicerent. Principium, ut solet, tam fuit difficile, ut anno fere dimidio, à carniū esu non sine violentia se contineret, ne animi sui decretum violaret. Et quamvis aliquanto tempore in Principis cujusdam aula degeret, nihilominus instituti tenax perseveravit quod cæpit. Hac demum abstinencia ita seipsum triumphavit, ut quicquid vitii pessima consuetudine contraxerat, generose prorsus expugnarit, victor sui, sui tantum? diabolorum omnium. Eo sane tempore

pore, inquit, quo virum familiariter nosse cœpi, nec ullam amplius voculam impiam misit. Addit prioribus.

Civis Augustanus simili urgebatur vitio, qui hanc ipse sibi poenam indixit, ut quoties verba impia jaceret, graphio vel cultello alio guttam sanguinis eliceret, è manu aut brachio. Non multum sanguinis fudit, & improbam consuetudinem feliciter vicit. Tanti est vitium quodcunque hac parte aggredi, & velle vincere. Vicit quisquis ita vincere voluit. Et ut dicta firmemus, idem ille scriptor subjungit ista. Civis Memmingæ opulentus in eandem execrandi consuetudinem prolapsus, hanc sibi multam statuit, ut quoties divinum nomen minus reverenter appellaret, aut aliter lingua delinqueret, eo die genium vino fraudaret, & fontem biberet, idque sine ulla exceptione vel venia. Non diu aquam bibit, & linguam domuit, à consuetudinetam improba penitus liber. Quid nos? an dicemus, tanti non emimus linguæ victoriam? nihilne ignavi facere aut pati sustinebimus, ut oris vitia extirpemus? an Christum clamantem non audimus? *Bonum a tibi est ad vitam ingredi debilem vel claudum, quam duas manus, vel duos pedes habentem mitti in ignem æternum?*

Quisquis igitur vel linguæ procacitatem, vel aliud quodcunque vitium in se cupit expugnatum, hoc agat, & voluntariis se poenis toties moneat, quoties deliquisse contigerit. Non est efficacior, non est sanctor

vin.

vindicta quam sui ipsius. Hoc prorsus modo
& domari lingua, & quicquid vitiosi vivit
in animo, superari poterit.

CAPUT LX.

*Alia quatuor Medicamenta vitiosa
Linguae curanda.*

Fuit qui lautissimam suppellectilem in do-
mo aliena curiose intuitus, aliquid ta-
men deesse diceret. Cumque interrogare-
tur: quidnam illud sit quod desit? Respon-
dit: Instrumentum quod humanae genti sum-
me necessarium. Interrogatus porro, quale
hoc instrumentum sit? At ille: Linguarium,
inquit, quo lingua occludi solet. Sane rem
dixit: pars nulla suppellectilis tam necessaria
est, atque hoc ipsum, quod diximus.

Romanus sapiens linguae temerariae men-
tione injecta: a *Verba mea redimam*, inquit,
& *aurem mihi pervellam: damno castigato pro-*
mittendi temeritatem. Ecce ut doleat, ut post-
ea considera ius loquaris: quod dicere sole-
mus, linguarium dabo. Capimus & nos
Linguarium dare, & remedia suggerere
linguis omnibus tam temere loquentibus.
Quatuor omnino medicamenta dictavimus,
polli nos adhibere solita. Nunc addimus qua-
tuor alia, quae linguam incantam aut nimis
licentiam coerceant.

1. Quod Medicamentum, *Proposita*
quotidiana. Qui sanam cupit linguam die-
bus singulis cum Hebraeo *Mala* seipsum his
exti-

extimulet : a *Dixi*, dico, dicamque mil-
 lies : *Custodiam vias meas*, ut non delinquam
 in lingua mea : *Posui*, ponamque ori meo cu-
 stodiam. Nisi quotidie hoc animi decretum
 innovetur, oblivione facillime sepelitur.
 Viator eques si maximi momenti literas, aut
 multum auri in equo secum vehat, aliquo-
 ties de die & oculis & manibus, explorat,
 an hippoperam etiamnum habeat : qui sac-
 culo summi momenti clavem circumfert,
 sæpius in die sacculum manu pertentat, num
 clavim illam non amiserit. Clavis oris in ar-
 ca cordis sit : qui rei suæ serius est custos, sal-
 tem semel iterumque quot diebus ad hanc
 clavem attente respicit. Jobus de seipso : *b*
Gloria mea, inquit, *semper innovabitur, & ar-*
cus meus in manu mea instaurabitur. Hoc agam
 ut vires meæ, meaque brachia non lan-
 guescant, nec consenescat robor meum,
 sed augeatur potius & crescat : sic omnino
 qui recte loquendi artem condiscere desi-
 derat, ad discendum se quotidie componit;
 meditatur, reputat, perpendit, quibus de-
 mum modis linguam efformet modestam &
 parcam verborum.

Sed objeceris : Non præsto quæ propo-
 no, cur proponam frustra? Pusillæ fidei ho-
 mo; tu modo conare ac propone : si non om-
 nia, multum tamen præstabis eorum quæ
 proposueris, quæ honesta men e concepe-
 ris. Nam si paria propositis facta responde-
 rent, quid nobis esset sanctius? Interim
 non est, quod concinnans proposita
 bona, & bonis cogitationibus plene præ-
 cordia. Studere cum salutarium, etiam
 circa

citra effectum, laudanda tractatio est. Omnibus a bonis in rebus conatus in laude, effectus subinde in casu est. Si Deum & promissa divina spectes, in plurimis firmissime proposuisse, idem est quod fecisse. non tantum facultas præmium habet à Deo, sed sola etiam voluntas. Neque vero nos languidum & iners propositum exigimus: vix ullarum est virium frigidissimum illud, *volo facere, volo frenare linguam*. Hebræi b olim regem Asam securi (quod regii Fasti memorant) juraverunt Domino voce magna, in iubilo &c. in omni enim corde suo juraverunt. & in tota voluntate quæsierunt eum & invenerunt. Tale tuum, mi Christiane, sit propositum, quale illorum erat iuramentum: *In omni corde tuo, & in tota voluntate tua* propone ac statue: Custodiam vias meas, ut non delinquam in lingua mea. Hactenus toties mentitus, alios toties calumniatus, toties lasciva sum locutus; antehac frequenter murmuravi, frequentius inaniter me jactavi, aliorum laudibus frequentissime obtrectavi, quis numeret, quoties juraverim? Dixi, iterumque dico; deinceps emendatius loquar: Propono ac statuo firmissime, *& in omni corde meo*, non mentiri, non calumniari, nil obsceni loqui amplius: deinceps me jactare, aliis detrahere, obmurmurare & jurare studiosissime cavebo. Sic lingua tua semper innovetur, sic arcus tuus in manu tua quotidie instauretur. Hæc propone diebus singulis, non frustra id facies, bonis conatibus nunquam excides. c *Labia justî erudiantur plurimos.*

a Madaurensis Philof. b 2. Par. cap. 15. v. 14:

c Prov. c. 10. v. 21.

rimos. Eruditionem autem quam cum aliis communicant, nec sibi ipsis per sancta proposita negant. Ergo, *Beatus a vir cujus est auxilium abs te, Domine, ascensiones in corde suo disposuit.* Non solum ascensiones disponit bonas, sed & bene ascendit, qui quotidie linguae custodiam efficaciter proponit. Sed ulterius.

II. Sextum Medicamentum *Colloquia Pia.* Divine paginae caelum sapius referatum memorant, id tamen nunquam sine gravi causa & grandi utilitate factum. Israëlitis populo aether quotidie patuit, cum manna. roscidum illud pabulum è caelo sereno, ac puro demissum. b *Mandavit nubibus desuper, & januas calis aperuit, & pluit illis manna ad manducandum.* Cum Joannes Christum Jordani aqua tingeret. c *Ecce aperti sunt ei cali, & vidit Spiritum Dei descendentem sicut columbam.* Cum Stephanus lapidum imbre obtrueretur, clamavit, d *Ecce video calos apertos, & filium hominis stantem à dextris Dei.* In sacris paginis homo mentis puræ confertur caelo. Hoc sensu dictum: e *Cali enarrant gloriam Dei.* Celorum istorum janua est Lingua: hanc cali januam pandi non vult Deus nisi iusta de causa, ut vel submittatur manna, vel sacra descendat columba, ut sermo vel boni sit exempli, vel eruditionis non spernendæ: colloquia quamvis non noxia, si tamen otiosa, caelo certe non descendunt. Quod vapores exhalet terra, quod paludes & stagna progenerent ranas, nil novi est, natura fit auctore: quod caelo ranæ decidant,

K k k

quod

a Pf. 83. v. 6. b Pf. 77. v. 23. c Matth. c. 3. v. 8.

d Actor. c. 7. v. 56. e Pf. 18. v. 1.

quod vapores inde descendant, novum quid est, & extra naturæ leges sit: quod homines impuri & impii scurriliter, invenecunde, mendaciter, lascive loquantur, quod de multis detrahant, multos irrideant, plerisque omnes contemnant, quod jurent & pejerent, nil miri est, terra sunt, tales illa vapores ructat: paludes & stagna sunt, has illa ranas generant. At vero quod ii Christiani qui probi ac sancti videri volunt, qui cælo conferri cupiunt, non saniora vel castiora proloquantur, quod æque ac fæx hominum, his maledicant, hos mordeant, illis adulentur, istos conviciantur, quod majoribus obloquantur, inferiores calumnientur, quod etiam hi verba otiosa, falsa, subinde & fæda proferant, quod vaniloquentiam, stultiloquium, superbiloquentiam sermonibus misceant, hoc mirum, ter mirum fit. Et unde quæso hæ ranæ ab hoc cælo? quomodo tam fædi vapores ex hoc æthere delapsi? Vide, mi Christiane quale sis cælum, & quam impurus aër, è quo non manna defluit, non columba descendit, sed culices, ranæ turpes, perniciosæ bestiolæ, sermones vani, spurci, noxii, exempli pessimi delabuntur. Si cælum haberi vis, manna deplue, religiosum quid loquere: Deum, divina, divos colloquiis misce. Subinde, obsecro, subinde saltem spirituale quid sermonibus inseratur: hoc animum nutrit & roborat: & tales etiam quærendi sunt socii, qui de his talibus sermonem cum aliis copulare norint.

a *Est aurum*, inquit Salomon, & *multitudo gemmarum*, vas autem pretiosum, labia

Scientia

Scientia. Et si sermo eloquentiam Atticam non habeat, modo pietatem Christianam redoleat. & aurum & multitudinem gemmarum superabit.

Beatus Ludovicus, Tolosanus præsul, magnus animo & virtute, qui vana colloquia canē & angue pejus oderat, dicere solet, quod & vere sentiebat: Grata mihi piorum & bonorum familiaritas, quia ab his eruditio & pietas est, non secus atque ab aromatibus pudor.

Divus a Chrysostomus hoc auditoribus identidem inculcans: *Utinam*, inquit, *cum cœnatur, cum prandium sumitur, cum lavatur, cum denique reliqua peraguntur, de gehenna fieri & apud vos mentionem: nec enim illius formidine, aut hic aduersa viderentur gravia, aut pro suauibus prospera haberentur.* Hæc certe ridicula videbuntur, si cum gehennæ incendio comparentur. Addit: quorum narratio frequentius iteranda est, quando gehennæ ejusmodi recordatio nos in eam incidere haud finit.

Idem sanctissimus b Orator, ut vel precibus hoc persuadeat: *Et ideo rogo, inquit, ut gehenna memineris de gehenna loquaris.* Ita animam tuam compone, pulchramque ac decoram effice. Magna est enim horum verborum utilitas. Et ideo diabolus omnia facit & molitur, ejus volens auferre memoriam. Noli eam è memoria ejicere, nec dicas. Quid me importuna afficiam tristitia? Importuna erit, quando angeris in gehenna. Hoc est tempus tristitiæ, non illud.

K k k 2 Au-

a Chryf. tom. 3. serm. de præmiis Sanct. mihi pag. 830. b Chryf. tom. 1. in Ps. II, med, mihi pag. 697.

Augustinus colloquium cum matre initum narrans : Deo, a inquit, ita disponente accidit, ut ego & ipsa soli staremus incumbentes ad fenestram, unde prospectus in hortum. Colloquebamur ergo soli valde dulciter, & prae teritorum oculi quarebamus inter nos, qualis futura esset vita aeterna sanctorum, quam nec oculus vidit, nec auris audivit, nec in cor hominis ascendit. Cumque ad eum finem sermo perduceretur, ut carnalium sensuum delictatio quantalibet prae illius vita jucunditate, non comparatione, sed nec commemoratione quidem digna videretur; erigentes nos ardentiore affectu in idipsum, perambulavimus gradatim cuncta corporalia, & ipsum caelum. Et adhuc ascende-
 debamus cogitando & loquendo te, & mirando opera tua, & venimus in mentes nostras, & transcendimus eas, ut attingeremus regionem ubertatis indeficientis, ubi pascis Israël in aeternum veritatis pabulo. Dum loquimur & inhiamus illi, attingimus eam modice toto ictu cordis, & suspiravimus, & reliquimus illi reliquas primitias spiritus, & remeavimus ad strepitum uris nostri, ubi verbum & incipitur & finitur. Dicebamus talia, etsi non isto modo & his verbis, tamen Domine in seis, quod illo die cum talia loqueremur, & mundus iste nobis inter verba ulesceret, cum omnibus delectationibus suis.

En nobile paradigma pii colloquii, simul & illius maximos quaestus. Pium colloquium nunquam suis destituitur emolumentis.

III. Septimum Medicamentum. Occasionem fugat. De hac insignissime Chrysostomus

mus : a *Iuxta præcipitium vadens* , inquit, *quamvis non decadat* , *tremittamen* , & *sapienter* ab ipso subversus tremore decedit : ita & non *procul peccata fugiens* , sed *secus ipsa vadens* , cum timore vivit , & in ipsa labitur sapius. Etenim alienas curiose spectans formas , quamvis non mæcheretur , tamen concupivit , & juxta Christi sententiam factus est adulter : sepius autem ab ipsa concupiscentia in peccatum re ipsa defertur. Vis modestus esse ? ne tantum fugias adulterium , sed etiam peulantem aspectum. Vis à verbis turpibus abesse ? ne verba tantum turpia fugias , verum & risum solutum , & omnem concupiscentiam.

Facile autem scire est ; tali aut tali loco fabuatores conveniunt , hic nugæ & mera somnia narrantur , hic fædi & impudici sermones , hic rixæ atque jurgia miscentur , illic grandiloquentiam stultiloquentia comes deducit , isthic obtrectiones merissimæ in medium proferuntur : fuge , quisquis es , fuge hos linguarum improbos mercatus , has pestilentes nundinas , fuge insidiosas has panegyres , quæ non crumenam vulnerant , sed conscientiam.

In conviviis quam animosa loquacitas dominetur , res nota est. Hinc non illepide nescio quis dixit : In conviviis primum est silentium ; Conicquere omnes , sequitur stridor dentium. Hunc excipit clamor gentium ; ubi convivæ vino incaluere , nemo non loquitur ; imo nemo non clamat. Hic attende tibi , hic cave , aut tutius non accede. Quis nescit has apud se rationes pone-

K k k 3

re?

re? quotiescunque ad hunc usque diem inter hos homines, in hac domo fui, minor homo redii, semper querelas, semper obtreccionem non tantum audiui, sed etiam adjuvi, & meam quoque linguam colloquiis malis commodavi: ergo & hanc domum, & hos homines, quantum potero, studiosissime cavebo.

Quam multi non possunt seipsum non eatenus nosse, quin apud animum suum taciti fateri cogantur, & iste quidem hoc: Quoties probe appotus sum, toties rimarum plenus sum, penitenda promitto, stultissima quasque garrus, & omnia effutio; arcanum apud me nullum est, cum mea lingua vino permaduit: Iste vero hoc sibi de se fateatur: Cum irascor, instar tauri sum, qui omnia rupit vincula, imo urus sum indomitus, omnia sternens & calcans. Quapropter ebrietatis ille, hic iræ occasionem omnes fugiat. *a* *Latia iusti considerant placita, & os impiorum perversa.* Homo recti amans studiosissime declinat, quicquid ansam præbet ventæ dicitati: homo pertusæ conscientie ultro amplectitur quicquid invitat ad loquacem stultitiam. Verissime dixit Chrysostomus: *b* *Magnus laqueus est lingue petulantia, & multa refrenationis indigens. Hic vero laqueus fugiens effugitur.* Occasionem fugere statuitis: jam pæne hunc laqueum effugissi. Hos occasionum laqueos non fugis? occinetur tibi sapius: *c* *Ille laqueatus es verbis oris tui, & capus propriis sermonibus.* *d* Olim ad Abbatem

Lu.

a Prov. c. 11. v. 31. *b* Chrys. tom. 5. hom. 15. ad pop. mihî pg. 116. *c* Prov. c. 6. v. 2. *d* Pelag. l. 10. n. 33. apud Rosweid.

Lucium venit Longinus Abbas, & animum suum aperuit, velle se peregrinari, idque sibi jam pæne certum esse. Lucius ut & ipse sincere diceret quod sentiret: Mi Longine, inquit, nos ipsos frustra fugimus, & labore irritò peregrinamur, nisi eo loci ubi sumus, linguam in vincula damus: si hic linguam tuam non continueris, quocunque iveris, peregrinus non eris. Linguam, ubi es, hic refrena, & eris peregrinus, tametsi locum non mutaris. Sic est: non raro cum locum ex loco mutamus, occasiones quas quieti vitare poteramus, adimus, & Charybdim fugientes in Scyllam incidimus. Vide igitur ut occasiones perite fugias, contentiosos, iracundos, contumeliosos, caute declines, quod Hebræus sapiens varie monet: *a Non litiges cum homine potente. Non contendas cum viro locuplete. Non litiges cum homine linguato, & non strues in ignem illius ligna.* Verboſus & linguax homo ignis est: qui jurgatur cum tali, perinde facit, ac si ligna ministret igni, & flammam bene sopitam male suscitet. Quapropter contentiones & plurimam oris intemperiem vitabit, qui occasiones fugerit.

IV. Octavum remedium, *Moderatio sermonis*, seu, *Pauciloquium*. Ut bene loquaris, plurimum juverit, parce, moderate, submisſe, & minime properanter loqui. Qui verba cum tumultu fundit & præcipitat, proximus est multiloquio, ubi multiloquium est, proximum plerumque peccatum est. Sapientum monitum est. Auribus frequentius utere quam lingua. Hoc Siracida

K k k 4

tot

tot præceptiones confirmant : a *Præquam audias ne respondeas verbum. Audi tacens, & pro reverentia accedet tibi bona gratia in multis esto quasi inscius, & audi tacens simul & querens.* Quocirca qui odit multa vel prava loqui, in hoc omni studio incumbat, ut libentius audiat quam loquatur, & ubi loquendi fuerit vel necessitas vel facultas, ea non sine grandi verborum parsimonia utatur. In hunc finem conducet traditum dicere quæ proferenda erunt, nec agglomerare verba vel convolvere : blatero stans pede in uno centuriam verborum profundit, antequam aliet vix decuriam pronuntiarit. Siracides hic aureum acriter perveliens : b *Noli, ais, citatus esse lingua : & remissus in operibus tuis.* Unam epistolarum Seneca c sic claudit : Summa ergo summarum hæc erit : Tardi loquum te esse jubeo. Voce pressiore loqui præferim apud ægrotos, valde convenit, & alias etiam clamare vii inurbanum & agreste, & subinde molestum aliis, sic signum est eum qui loquitur, aut à vino aut certe ab affectu ebrium esse, aut parum rei latere sub verbis adeo tumultuans : *Terribilis est in civitate sua homo linguosus, inquit siracides, & temerarius in verbo suo, odibilis erit.* At contra de veris Orbis delitiis, Christo, prædixit Isaias, ore divini Patris locutus : e *Eccc servus meus, suspiciam eum, electus meus, complacuit sibi in illo anima mea : dedi spiritum meum super eum, iudicium gentibus præfeci.* Non clamabit, neque accipiet personam, nec audietur

VOX

a Eccli. c. 11. v. 8. & c. 32. v. 6. & 12. b Eccli. c. 4. v. 34. c Sen. epist. 40. fine. d Eccli. c. 9. v. 25. e Isai. v. 42. v. 1. & 2.

vox ejus foris. Ita qui rixas odit, clamores vitat; clamare & rixari plerunque vicina sunt. a *Ergo si vis videre vitam,* inquit Chrystomus, *si vis invenire dies bonos, cohibe linguam tuam a malo.* Quanti modo dicunt, *Nolo,* qui dicebant, *Volo:* Qui veteraverunt in detractionibus, qui mordent & comedunt humanas carnes, detrahendo, non timentes ne ab invicem consumantur; qui adulationibus suis linguam impendunt. Quisquis es, si vitam vis, si dies bonos diligis, cohibe linguam tuam a malo, imo etiam quandoque a bono cohibe, ut cohibere possis a malo. Parce loquere, & omnem verborum redundantiam præcide: laudabilior est verborum parsimonia, quam pecuniæ, imo etiam sæpe utilior: qui numos profundit, tanto magis prodest aliis quanto minus sibi; qui prodigus est verborum, & sibi nocet & aliis. Pauciloquium, vitiosæ linguae Pharmacum est sauberrimum.

CAPUT LXI.

Ultima quatuor Medicamenta ad improbam linguam emendandam.

MEl non solum dulce ac delectabile, sed etiam s. lubre, cum temperanter sumitur. Galenus & præcious Arabes omnes modera um melis usum maximis laudibus ferant. Sapientissimus Regum Salomon, eruditam linguam laudaturus: b *Favus mellis,*
K k k c
in-

a Ex. Ps. 33. v. 13. Chryf. tom. 1. in Ps. 33. mihi p. 727. & seq. b Prov. c. 16. v. 24.

inquit, *composita verba dulcedo anima, sanitas osium.* Septuaginta Interpretes Hebræi sic loquuntur: *Mellis favi sermones boni, dulcedo autem eorum, sanitas anima.*

De his favis, & de melle isto Chrysostomus, lingua nescio an aurea, an mellea differens: *Hoc a enim mel, inquit, non silvestres quæpiam apes floribus insidentes colligunt, neque rorem maturantes alvearibus immittunt: sed Spiritus sancti gratia construens pro favis & alvearibus & fistulis, in sanctorum oribus recondit, ut volenti liceat cum libertate jugiter vesci.* Et, si vis illorum discere mensam, accede propius, & eos experieris talia eructantes. Omnia mitia & jucunda, & spirituali odoris suavitate plena. Nullum turpe verbum possunt illa ora emittere, nihil scurrile, nihil asperum, sed omnia cælis digna.

Et quemadmodum mel, quia cibus est, reficit; delectat, quia dulces mederur, quia salubre; sic & lingua melle illo imbuta & docet, & delectat, & movet. De lingua hac Augustinus sic loquitur; b *Unde dixit quidam eloquens, & verum dixit: Ita dicere debere eloquentem, ut doceat, ut delectet, ut flectat. Docere necessitatis est, delectare suavitatis, flectere victoria.* Mellis favi, sermones boni. Ideo Hebræus rex hortatur; c *Comede, fili mi, mel quia bonum est, & favum dulcissimum gusturi tuo.* Sed est alius linguæ favus, sed heu noxius & fatalis, quem idem regius scriptor studiosissime cavendum monens: d *Favus stillans, inquit, labia meretricis, novissima autem illius*

a Chrys., tom. 5. hom. 56. ad pop. propius finem, mihi p. 318. b Aug. lib. 4. de doctr. Christi, c Prov. c. 24. v. 13. d Prov. c. 5. v. 3.

illius amara quasi absinthium, & acuta quasi gladius biceps. Hanc ob causam Hieronymus dixit: *Lingua nil medium habet, aut grande bonum est, aut grande malum.*

Propterea sane operæ pretium est nervos omnes intendere, ad comparandam eam laudem quæ multo jam facundo tribuitur. *Eta loquebatur recte.* Eo spectant remedia prioribus dissertationibus suppeditata. Ex promissio addimus, octo illis ultima, quatuor, omnia vitiosæ linguæ plurimum, si velit, profutura.

I. Itaque nonum linguæ morbidæ remedium est *Silentium*: Pauciloquium tutum est in hostes propugnaculum, tutissimum vero silentium. Sæpe quis pauca locutus est, & maximum sibi aliisque damnum intulit. Loquendo innumeri, tacendo pauci delinquant, nisi cum nefas est tacere noxas. Arsenium nunquam tacuisse poenituit, locutum sæpe. Silentium optimus loquendi magister, bonarum cogitationum sanctorumque instinctuum causa est. Certe quod Ecclesiastæ b credendum prius est tempus Tacendi, quam tempus loquendi. Notum est illud priscorum: c *Obscuri multis loquela, nemini silentium.* Oraculum est è tripode illud: semper tacere præstat, quam loqui indecentia. Ergo,

d *Aut dic aliquid melius silentio, aut sile.*

Expers periculi est premium silentii.

Integerrimus silentii magister e Epictetus præceptiones auro scribenda tradens: Præscribe inquit, tibi formam quandam aut legem quam custodias: quamque & ipse secum,

a Marci c. 7. v. 35. b Eccle. c. 3. v. 8. c Troch. vet.

d Iamb. vet. e Epict. Euch. c. 40. 41. 42.

tecum, & in congressibus hominum observas. Ac majori quidem ex parte silentium præstetur; aut necessaria dicantur, eaque pateticis. Raro autem cum se obtulerit occasio ad dicendum veniemus: sed non quidvis dicemus; non de gladiatoribus, non de ludis Circensibus, non de pugilibus, non de cibis aut potionibus, quæ res passim inculcantur. In primis autem de hominibus cum verba fiunt, ne eos vel laudemus, vel comparemus, caveatur. Quod si potes familiarium tuorum sermones tuis sermonibus, eo quo decet, traducito. Sin à peregrinis circumventus fueris, sileto. Præcepta vere Christiana, sancta. Nec alia tradit Annæus, qui Epicteto non inferior sapientiâ, silentium sic commendat. *a Nihil æque proderit, quam quiescere, & minimum cum aliis loqui, plurimum secum.* Quamvis non Epictetus solum & Annæus silentii encomiastæ sunt: & præceptores. Vox olim Sapientum erat:

b *... bene a turris omnibus silentium est;*

Silentium rebus gerendum omnia est;

Utilior haud est ulla res silentio,

Chariæ autem apud Lacedæmonios celebratissimus philosophus, rogatus aliquando, cur nam Lycurgus tam paucas leges Lacedæmoniis intulisset, respondit, ideo id factum, quod Lacedæmonii gens silentio assueta verborumque parca, non egere multis legibus. Nec sacre pagine dilentiunt. Sicut enim, c *In multis sermonibus invenitur stultitia: ita silentio sapientia comparatur*, aut jam comparata demonstratur. Index non

mode-

a Sen. ep. 105. med. b Iambi. Vet. c Eccli.
c. 5. v. 2.

modestiae solum, sed & sapientiae silentium. Socrati olim nullum esse verisimilius sapientiae signum praesilentio visum. Hinc illae priscorum voces :

Quandoque nil sapientius silentio 3.

Et :

Stultus potest sapiens haberi dum silet.

Qua de re interpres Epictet. i. Simplicius erudite : Omnis institutionis ratio, inquit, eo refertur, ut & à rebus externis. & à brutis suis affectionibus, & à corpore ad seipsum revocetur animus, ut suo more eodemque perpetuo tenore vivat. Quam ad rem silentium plurimum confert. Quae causa Pythagoreis fuit, ut disciplinae suae efficacissimum jacerent fundamentum quinquenni silentium. Ut enim sensus animum ipsos auscultantem ad externa trahunt (quod ii declarant, qui cum in sese descendere, & animi attentionem excitare volunt, oculos claudunt) sic animum etiam sermo ad exteriora effundit, cujus effusionis remedium est silentium. ^a Aut igitur tacendum, aut necessaria dicenda, & paucis interroganti respondendum. Lingua velut canis invadens omnes aut allatrans, catena constringenda, silentio domanda est.

Sed quaerit religiosissimus ille scriptor : Quare tam libenter loquimur, & invicem fabulamur : ^b cum tamen raro, sine laesione conscientiae, ad silentium redimus? Quia per mutuas locutiones ab invicem consolari quaerimus. Sed pro dolor, saepe inaniter & frustra. Et unde obsecro inter homines profanos.

^a Simplicius in c. 41. Enchi. Epict. ^b The. de Kemp, l. 1, l. 1219, Christi c. 10.

fanos tam rarum est orationis aut piæ meditationis donum? quia nullum inter eos viget silentium, totos dies garriunt & confabulantur, linguas nunquam non occupatas habent. Et sicut in molendino nemo discit submisso loqui, ita nec quisquam inter garulos pie meditari. Silentium canalis est quo aqua in altum agitur: Deum precari, seu pia meditari, & tacere, simul sint necesse est.

Deus cum Moyse solo loquitur extra turbas in monte Sinai; cum solo *a* Elia in monte Horeb. Nam cum venisset illuc (Elias) mansit in spelunca: & ecce sermo Domini ad eum. Cum omnibus Prophetis, cum sanctis omnibus loquitur Deus, sed cum solis, sed silentio. *b* *Sedent solitarii & tacent, & levant se supra se.* Deus nimirum, ducit eos in solitudinem; *c* & loquitur ad cor eorum. Augustinus de seipso fatetur: *e* *Admonitus redire ad memetipsum, intravi in intima mea ducere, intravi & vidi qualicunque oculo anime meae lucem Domini incommutabilem.* Ita dictum est Climaci verissimum: *Studiosus silentii appropiat Deo, ei que jungitur.* At vero, Salomone teste, ubi verba sunt plurima, ibi frequenter egestas; non solum pecunia, *f* sed & sapientia, sed & sanctimonia, & amicitia cum Deo. *g* *Nunquid enim vir verbosus justificabitur? Quisquis igitur vult discere loqui, prius filere discat, sciatque silentium, præsertim cum id nec læsi rumpimus, fortissimi animi argumentum esse.* Verissime dici solitum à priscis:

¶ Ladi

a 3. Reg. c. 19. v. 9. *b* Thren c. 3. v. 28. *c* Ose, c. 2 v. 14. *d* Aug. lib. 7. Confes. cap. 10. initio, *e* Clim. c. de Loquacitate, *f* Prov. c. 14. v. 23; *g* Iob c. 11, v. 2.

a *Ledi & silere, summa est Fortitudinis.*

Siquidem fede in una non bene conveniunt: Silentium & Ira. Silentium vitiosæ linguæ primum medicamentum.

II. Decimum, *Damnorum quæ à lingua sunt, attenta consideratio.* Quodnam obsecro damnum est in orbe, cujus magna primave causa non sit Lingua damnorum & calamitatum fecundissima mater? Os b *lubricum operatur ruinas*: & quidem alias post alias. Linguam malorum omnium lernam à nullo unquam fatis exhauriendam. Chrysostomus, prout par erat, vehementer idque sæpius cum exagitans, tum deplorans: *Lingua, c* inquit, *omnium malorum causa, si negligatur: quemadmodum bonorum, si in ea studium ac cura ponatur.* Mala enim innumera-bilia parit linguæ facilitas ac levitas. Quemadmodum ergo nihil juvat domus, non urbs, non mœnia, non portæ, non ostia, nisi sint qui ea custodiant, & sciant quando oportet ea quidem claudere, quando vero aperire: ita etiam oris & linguæ nulla est utilitas, nisi sit ratio, cui scienter, accurate, & circumspecte ea claudere & aperire permissum sit, & sciat quæ sint efferenda, quæ vero retinenda. Non tot gladio, quot lingua ceciderunt. Diabolus namque non habet instrumentum aptius ad perdendos nos, quam linguam. Quod idem Chrysostomus disertissime affirmans: *Demon d* undique, ait, *nobis insidias preparare consuevit. sed facilius lingua & ore peccante.* Nullum enim
equè

a Iamb. vet. b Prov. c. 26. v. 28. c Chrys. to. 1. in Ps. 140. mihi pag. 1073. d Idem tom. 5. hom. ad baptiz. de Spirit. milit. mihi pag. 623.

aque congruum illi organum in ministerium est interitus atque peccati. Nam inde nobis mors, inde lapsus, inde perditio, inde naufragium praparratur. Nam & mentium lapsus ex linguæ garrulitate venientes quidam declarans ait: Multi ceciderunt per gladium, sed non tanti, quanti per linguam. Refrena igitur linguam, & si non patitur reicere, dentium morfu quiescat, & tanquam carnifici tradatur dentibus. Hoc ipsum alios perorando repetit: a Commorde illam undique dentibus acriter. Præstat illam nunc fluere sanguine. quam tunc concupiscere guttam, nec impetrare posse refrigerium; præstat illam temporarium ferre dolorem, quæ tunc perenniter & immortalitus malis cruciari.

Beatus Macarius ubi magnos in virtute progressus sibi visus est fecisse, inter preces se compelliari audiit his vocibus: Macarii, duarum mulierum quæ in proxima urbe habitant, virtutem nondum es affecutus. Hic Macarii animus hærare, angi, dolere, mirari etiam, viros sanctitate vitæ à mulierculis vinci, sed & obstupescere tantos eremi rigores ab urbicis delitiis superari. Ergo virum cupido incessit urbem ingrediendi & audita solertius explorandi. Urbem ingressus est, & omnia quam potuit solertissime exploravit, comperit demum feminas illas matrimonio junctas eadem domo habitare, jamque annis quindecim, quod miraculi loco sit, pacem & concordiam nec verbulo unquam turbasse, a teri cum altera, magis quam forori cum sorore optime convivere.

a Et rom. 2. in cap. 16, Lucæ conc. 4. mibi pag. 1160,

nire. Ab utraque quidem religiosum vivendi genus ardentibus votis expetitur, cum vero per maritos non liceret mutare vitam eas sibi metipsis hanc dixisse legem: Nil profani unquam nedum impuri quidquam proloqui, idque strictissimo tædere ad usque mortem servandum. His auditis Macarius jam magis quam antea miratus, in has omnino voces prorupit; *a*In veritate non est virgo, neque maritata, neque monachus, neque sæcularis: sed Deus tantum propositum querit, & spiritum vitæ ministrat omnibus.

b *Beatus vir* ; sed & mulier beata , *quæ non est lapsa ex ore suo*. Modesta lingua , modesta mens ; corrupta lingua , corrupta mens : Linguam bene rexisse , est corpus & animum optime custodisse ; linguam non domuisse , est corpus & animum perdidisse. Immodica & proterva lingua ignes ubique fruit pestilentissimos , hinc tricæ , conventiones , rixæ , simulates , discordiæ innumeræ ; hinc inveterata odia & morte acerbior invidia : hinc bella , cædes , parricidia. Propudiosa lingua conscientiam peccatis implet , & quicquid melioris sensus in animo residet , expellit. Repeto quod dixi : Lingua omnium malorum lerna est. Hanc cave , & mala cavisti innumera ,

III. Undecimum linguæ medicamen-
tum est, *Christi patientis quotidiana contempla-*
tio. c. Constantinus Imp. è clavis, quibus
LII fer-

a Rufin. Aquil. l. 3. n. 97. b Eccli. c. 14. v. 3.

c Hiero. in cap. 12. Zach. Greg. Turon. de glo.

Mart. c.6. Daniel Mallonius in Alphonsum Palae-
rum de Sacra Christi Sindone s. 19.

servator Orbis affixus est Cruci, unum galeæ, alium freno inseruit, ut complures melioris notæ scriptores ajunt. Mallonius de causis ejus facti differens: Monemur, inquit, hoc Constantini consilio, ut Linguam nostram indomitam, freno ac clavo, hoc est, Dominicæ Passionis meditatione perdomemus. Christus Patiens, si quidquam certe docuit *Tacere*. Aut enim tacuit Agnus innocentissimus, aut pauca, mansuetudine admirabili respondit. Quoties illa lugubris historia de Christo asserit? *Iesus autem tacebat*. Impio servo colaphum incurienti, mansuetissimum hoc dilemma opposuit: Si male dixi, testares; si bene, cur cædis? Pontio Romano præsidii quanta verborum & parsimonia & placiditate respondit? Pilatus supercilium grande attollens & ore turgido: *Mihi, ait, non loqueris? nescis quia potestatem habeo crucifigere te?* Cui placidissime Christus: *Non haberes potestatem adversum me ullam, nisi tibi datum esset de super.* Sed iterum Pilatus tumultuosa lingua intumescens: *Numquid ego Judæus sum,* inquit, *Genstua & Pontifices tradiderunt tibi, quid fecisti?* Christus iterum suavissime: *a Regnum meum,* inquit, *non est de hoc Mundo: si ex hoc Mundo esset regnum meum, ministri mei utique decertarent, ut non traderer Judæis.* Cetera omnia quæ objiciebantur silentio mississimo refutavit: *Iesus autem tacebat.* Hanc Domini suavissimam taciturnitatem obstupefcens Isaias, multis annorum centuriis ante prædixit: *b Sicut ovis ad occisionem ducetur, & quasi agnus coram tondente se obmutescet, & non aperiet os suum.* Si nostræ impatientiæ admiran-

mirandam illius in tolerandis cruciatibus patientiam imitari difficile, amantissimum saltem silentium imitemur. Nam, a *Christus passus est pro nobis, vobis relinquens exemplum ut sequamini vestigia ejus.* si non patiendo, saltem tacendo, & voces improbas premen-

Consilium Salomonis non ignoramus: *b Responsione molli frangi iram, sermone duro suscitari furorem.* Et nostri nobis oculi affirmant, lumen in conclave illatum necessario extinguendum, si cereus accensus imponatur mensæ, fenestras autem utrinque parulas ventus permeet, quod si fenestrarum una solum sit aperta, altera quæ respondet è regione clausa, lumen non difficulter conservari poterit: ita prorsus si duorixosi homines inter se velitari, & verba commutare incipiant, parulas utrinque fenestras cogita, vento fiante vehementi; hic certe charitatis lumen diffabitur: quod si alteruter saltem linguam vel fenestram clausam teneat, & stomachum alterum oratione delinat, amor Christiani faciem in se tuebitur. Cadit statim simultas & ira, ab altera parte deserta: nisi par non pugnat. Si utrinque contabatur, ille est melior, qui prior pedem reulit: victus est qui vicit. Quod si uerque in verba aspera prorumpat, actum est de illo deus ac de xinus lumine, perit amor & concordia. hic sibi quique attendat, hic generis humani commonstret, quantum animi habeat ad Christum patientem imitandum; flagret forsan & spinas, & ferocia indusia horrenus? lingua saltem rigido stringatur cingulo.

L11 2

Nar-

Narrat Guilielmus Baldelanus juvenem à viro religioso petiisse vestem fetis horrentem, coercendæ carni. At vir ille religiosus os digito signans: Vere, inquit, mi juvenis, optimum est cilicium, vigilanter attendere quid per hoc ostium egrediatur. Divo Bernardo a juvenis verbosus & eloquentiæ studiosus, si sapientiæ sit inanis, non aliud est, quam justitiæ hostis. Nemini difficile videatur Christum patientem imitari tacendo.

IV. Duodecimum vitiosæ linguæ Medicamentum, *Tremendi ac divini judicii profunda meditatio*. Perpende, ô homo, perpende obsecro, quid loquaris: b Ex verbis enim tuis justificaberis, & ex verbis tuis condemnaberis.

Voces Christi agnoscis? Ille hoc in te pronuntiat, qui nec falli potest, nec fallere; qui non tantum quid loquaris, sed etiam quid cogites, audit; qui rationem exactissimam, non tantum actuum, sed & verborum, sed & cogitatum exigit, nec ea solum verba rapiuntur ad pœnas, quæ aliorum famam & propriam conscientiam læserunt, sed etiam vana, frivola, otiosa. Æternæ veritatis est Dominicum hoc effatum: c *Dico autem vobis, quoniam omne verbum otiosum, quod locuti fuerint homines, reddent rationem de eo in die judicii*. Dico vobis, ut mature præcogitetis, quod supplicium maneat obtrectationes, mendacia, spurcicias, blasphemias, cum etiam vana, ludicra, otiosa, nemini noxia verba in judicium severum sint vocanda.

a Bern. flores mihi p. 3008, b Matth. c. 12, v. 37.

c Matth. c. 12, v. 36.

canda. Ad rem eximie dixit Bernardus: *Quis sane numeret quantas modicum linguae membrum contrahat sordes, quam multiplex in labiis incircumcisis immunditia coaguletur, quam sit gravis perniciēs oris incircumspecti.* Est enim lingua dissoluta in sermonibus otiosis, est lingua impudica, est & magniloqua, quarum prima lasciviæ, sequens arrogantiae famulatur. Est etiam lingua dolosa, & item lingua maledica, quarum altera in falsiloquam & adulatoriam subdividitur: altera vero nunc in facie contumelias irrogat, nunc detrahit in occulto. Quod si de omni vel otioso verbo, quodcunque locuti fuerint homines, Deo sunt reddituri rationem in die iudicii: quanto districtius de verbo mendaci, mordaci, & injurioso, de elato vel lascivo, de adulatorio aut detractorio judicabuntur? Quam vera sententia, fratres, in multiloquio non effugiendum peccatum. Ut enim præteream cetera, si propterea est otiosum verbum quod nullam rationabilem causam habeat, quam rationem de eo reddere poterimus, quod est præter rationem? Hoc suis ipse verbis confirmans. *O quantus b terror, inquit, iudex sapientissimus, qui numerat omnes pluvia guttas, discretor omnium tentationum, omnium hominum a primo Adam usque ad ultimum in fine sæculi, vult audire rationem verborum omnium otiosorum, cum sederit in sede majestatis iudicii sui, ubi non jam misericordia, sed iudicium cantabitur Domino. Quid tum miseri & miserabiles faciemus?*

Atque hoc tremendum Dei iudicium verbis etiam otiosis jam indictum, abbatem Sisoium movit, ut contra seipsum pro seipso annis plurimis orarit. Nam, teste Pelagio, a ipse Sisoius de se fassus: *Crede mihi*, ait, *jam annis triginta Deum deprecor, & hoc oro unicum: Domine Iesu Christe, protege me à lingua mea.* Hanc obsecro precatiunculam dicamus omnes. & quandoque sæpius de die: *Domine Iesu, protege nos à lingua nostra.* Tam necessarium quam utile Bernardi monitum est: b *Bis ad limam veniant verba, quam semel ad linguam, plus diligas audire quam audiri. Volat verbum irrevocabile, tempus irremeabile volat, nec advertit insipiens quid amittat.*

a Pelag. lib. 4. n. 39. apud Rosw. in Vitis. PP:

b Bern. in miscel. mihi pag. 1786. Et ser. de triplici eust. p. 385.



Z.

Hic prisca novis, & anea tormenta jaculis miscemus. Pittori hæc licere credimus.

Quemadmodum David A. citharæ dus regius, Saulis furores musico carmine placavit, & ad humanam mansuetudinem reduxit; ita sermone molli, aut decoro silentio furibunda lingua revocatur ad lenitatem, aut certè, si ea pergat furere, facilius toleratur.

Et quemadmodum aneorum tormentorum globi, cum in saxæas turres feruntur, muros rumpunt & perforant B. cum in saccos lanceos C. emittuntur, irritò conatu recidunt; sic lingua jaculum, cum hominem intem ac placidum petis, non facile lædit; cum aquè asperum ac ferocem, ferit, grandi nocummento afficit. Virumque imago loquitur. Hinc & Angelus citharam furoris lenimen, & scutum præfert, quo volentem lingua gladium reitundit. Nam ultimo hoc capite docemus, quibus artificiis lingua improba sit superanda,

Z.

CAPUT LXII.

*Vitiosa aliorum lingua quibus artifi-
ciis toleranda.*

GRues cuneatim volantes, Ypsilon, lite-
ram Pythagoricam exprimunt, & ob id
earum ordo literatus vocatur ab Hierony-
mo. Eadem humanæ vitæ figura est. Inven-
tionem hujus literæ Palamedi tribuunt,
quod eam è gruum volatu didicisset. Quod
verò vetus æ epigramma de hoc caractere
asserit: Litera Pythagoræ discrimine secta
bicorni: Hoc de Lingua verius affirmari
potest, quæ semper plurimum aut prodesse
valet aut obesse: *Lingua mors, Lingua vita.*
Neque solum erudita & ad omnem mode-
stiam composita lingua nobis commodat,
sed rudis etiam & vitiosa. In eo situm est,
quem nanciscatur auditorem, qua ratione
illius impetus sustineatur. Quando igitur
Pythagoream literam bicornem è præce-
dente triplici dissertatione didicimus; Ul-
timum nunc alphabeti elementum superest
Z. quod memoriam mihi refrica. validissi-
mi contra scorpiones remedii. Paliurus, *b*
Plinio teste, spinæ genus est. Semen ejus
Afræ ZURAM vocant, contra scorpiones
efficacissimum. Tricorni Pythagorico cha-

L 11 5

racteri

a Apud Virgil. b Plin. l. 24. hist. Nat. c. 23. init.

rafteri triplex assignavimus caput, quo primaria vitioſæ linguæ medicamenta docuimus.

Sed forſan eſt non nemo, qui dicat: Linguam improbam docere velle ne quem lædat, eſt idem ac docere velle ſcorpionem, ne quem feriat: utriusque, & ſcorpionis & linguæ nequiſſima eſt indoles, ad lædendum atque feriendum proniſſima.

Accipio quod dicitur. Neque verò negare licet linguam improbam ſcorpioni ſimillimam, quæ modo hos, modo illos, modo clam, modo apertè feriat. Neque neſcio quam hoc petulans & pæne indomabile membrum difficulter corrigatur. Dicamus ſane illud inemendabile, non tamen continuò eſſe intolerabile pronuntiabimus. Plurima ſunt quæ corrigi nequeunt, tolerari tamen poſſunt, & sæpe debent. Idem de Lingua dicendum; ſi nulla proficiat ars qua illam ad frugem corrigamus, ars certè non deerit, qua illam in noſtrum commodum perferamus.

Canis rabidus nocentiſſimum animal eſt, ab illo ipſo tamen petuntur pili, quibus canis rabidi morſus ſanetur. Si linguam furioſam emendare non poſſimus, sæpe tamen tolerare debemus. Hoc ſine paliuri ſemen *Zuram* ego nunc porrigere ſtatuì, efficaciſſimum in ſcorpionem hunc antidotum. Sed ante omnia ſcire oportet, quam arte hoc ſemen ſit applicandum huic malo.

Iſtud itaque jam agemus, & quo artificio vitioſam linguam quamcunque, in noſtros uſus & grande bonum poſſimus vertere, explicabimus.

I. Tametsi Deus contumeliarum auctor non est, est tamen illarum director, ut hac potius quam altera petamur. Eo sensu rex Sionis David, contumeliis Semei vulneratus imperat: *Dimittite a eum ut maledicat: Dominus enim praecepit et ut malediceret David, & quis est qui audeat dicere, quare sic fecerit?* Sicut umbone repellitur umbo, ita licere vim vi repellere, rudissimum vulgus putat. Nimirum fabas largienti, pisa fere rependuntur, tantum pro tanto: qui asinum aut stultum vocat, asinus aut stultus audit. Ita malo nodo malum cuneum quærendum; ita remedio amaro bilem amaram diluendam putamus, sic amicis amici, inimicis infesti. clamorosis clamosi, impudentibus sumus impudentes; eadem remetimur mensura; atque hoc, hostimentum credimus non iniquum. Sed longè aliud nos docet cœlestis Magister. Morbus pessimè curatur morbo; malum simili malitia *b* nequaquam retundendum est, sed vincendum in bono malum.

Ut autem hoc sibi quisque persuadeat, cogitet serîò qui læsus est. An non & tu similibus dictis alios non semel tantum confixisti? An non & tua quoque lingua plurimos sauciavit? jam tolera quod fecisti. Quid queris? tua tibi moneta redditur: maledici merentur audire maledicta, ita quidem ut non sibi maledictum sed responsum putent. Mutuum bona fide, & aliquando cum fœnore ipsis restituitur.

Quid esse causæ dicamus, quod illa Israëlitis fortissima Juditha inter suos cives tam bene

benè audierit: a *Nec erat qui loqueretur de illa verbum malum.* In promptu caussa est: civitatem illa non oberrabat, nec circulos frequentabat, in quibus de aliorum fama detrahi solebat, sed manebat in superioribus domus suæ, ubi secretum cubiculum sibi fecerat, in quo clausa morabatur, adeoque nec illa loquebatur de ullo verbum malum; silebat altissimè de omnibus Juditha, itaque altissimè etiam ab omnibus de illa silebatur. Quisquis igitur contumelias audit & maledicta in se conjici, mox calculum ponat an non & ipse simillima fecerit aliis? quocirca patiat, quod fecit. Siquidem qui quæ vult dicit, quæ non vult audiet. Affecti sumus injuria? succurrat, non tantum quid patiamur, sed quid fecerimus. Nam alii sæpe, non faciunt injuriam, sed reponunt. Si volumus requi rerum judices esse, hoc primum nobis suadeamus, neminem nostrum esse sine culpa, præsertim linguæ. Hinc enim maxima indignatio oritur, quod quilibet sibi blandiatur: *Nihil peccavi, nihil feci.* Imo nihil fateris. Melius diceres: *Hæc & ipse commisi.*

Tiberius Imperator, tunc pene melior seipso, quibusdam maledicorum conviciis laceratus: In civitate libera, inquebat, liberas esse linguas oportet. Nec malè Cato, qui probris cujusdam vexatus, respondisse dicitur: *Impar mihi tecum certandi conditio est.* Nam, ut malè dicere, & malè audire, tibi facillimum est; sic mihi malè dicere insuave, & malè audire insuetum est.

Qua

Qua in re præclarissimè sentit *a* Augustinus, qui nos contra nos ipsos incitans: Non, inquit, opus habes fortitudine, quando tibi aliquis detrahit absenti, quia non audis, nec sentis. Si autem in faciem tibi dicat, opus est ut fortis sis. Quid est fortis sis? Ut feras. Ne forte ideo te putes fortem cum audieris, quia percutis pugno, victus convicio. Non est ista fortitudo; si conviciatus percutias, quoniam ab ira victus es. Et valde stultum est hominem victum, fortem dicere, cum dicat scriptura: Melior est qui vincit iram, quam qui capit civitatem. Habes igitur adversarium Magnum in te ipso.

Primum igitur artificium est, ad improbam alterius linguam tolerandam, *Seipsum accusare*, & omnino æquum judicare, similia facientem similia pati.

II. Alterum ad tolerandam linguæ improbitatem artificium est, *Se submittere, ac emendationem deinceps constituere*. Incredibile dictu est quantarum sit virium in linguam improbam demissio animi. Nam sicut tormenta bellica majora saxeas turres perrumpunt & commolunt, saccos tamen laneos vix offendunt: ita summissio linguam protervam frangit, enervat, dejicit; superbia attollit, animat, impellit.

Quam multis profuit ab improba lingua percullos esse, qui abstrusum in se vitium sibi ignotum sic moniti correxerunt, aut notum sed neglectum emendarunt. Quam multos alienæ linguæ protervia & cautiores reddidit, & ad virtutem incitiores. Ex hoc plumbo hoc aurum est eliquandum.

Vir-

Virgilio Maroni visa est opportunissima medicina, si lingua ictus velit sapere, moresque promittat emendatiores. Cum enim quidam ejus amicis, Cornificii in eum maledicta narraret: Et quam putas, inquit Virgilius istius maledicentiæ causam esse? Nam Cornificium amo, nec eum unquam offendi. Cui amicus: An, inquit, Hesiodi sententiæ non meministi? Architectum architecto invidere, & poetam poetæ? De malis, ait Maro, id Græcus intellexit, nam boni eruditos amant. Sed ego magnam cum mea laude ac gloria vindictam in manibus habeo; majore cura virtuti me dedam. Quo autem melior fiam hoc ille invidia rumpe- tur vehementiore. Pulcherrimum vindictæ genus est, emendare quæ carpuntur, aut ea certè emendaturum statuere quæ ab adversariis arroduntur. Sic ~~abstruuntur~~ *os loquentium miniqua.*

b Supra, mi Lector, mel tibi propinavi, sed falsum. Nimirum suaseram, iis omnibus qui aliquid in alios imperii haberent, saltem in capite, mel in ore, seu maris amplitudinem in pectore ferendam. Quo hæc commendatiora sint, mel, i nunc butyrum addo.

Quod divini à Bealehem pueri. quod nostri Emmanuelis infantia mei & butyrum in cibum habuerit, testatus Isaias *c Mel, inquit, & butyrum comedet, ut sciam reprobari malum & eligere bonum.* Hoc tibi mel, mi Christiane, & hoc maximè butyrum ingero. Et ut appetentia sit excitatior, En, butyrum, quo vescaus artificiosissimum, idque non è vilitugurio.

Re-

a Pl. 62. v. ult. *b* Vide c. 58. c. 3. in hac parte,
c Is. c. 7. v. 15.

Regiæ domus opulentiam nonnemo velut oculatus testis hunc ferè in modum describit. ^a Tori ubique purpura strati; stragula duplici bysso insignia plus artificio debebant quam naturæ. Præterea cultu mirabili stabant dispositæ per cubicula statuæ, quæ sudantium vultus exprimere videbantur. Ego admiratus, inquit hospes, ingeniosam statuarum novitatem, propius accessi, & in materiam audaci digito scrutatus sum. Sed profundus, quam vellem, fragilis materia manum admisit. Perturbatus igitur imaginis cicatrice, fugæ consilium cepi, cum ad latus se applicuit sedulus minister, spumantemque generoso potu pateram humanissimè obtulit. Cumque incerto vultu æstuaarem, putavit ille tantis conventibus insuetum numerosæ domus frequentia perterreri. Itaque vanitatem timoris mei non ingrata consolatione permulcens: Quid, inquit, exhorrescis hospes, ad regalem strepitum? quid triumphum credis quotidianæ familiæ rationem? Tu verò in aliud tempus stuporem differ; utere principalis domus beneficiis, & audaci manu frange statuæ butyracæ auriculam. Præsto sum qui saturatis suavissimam potionem affundam. Cum ego negarem deformari statuam oportere, ultro irrisit servus aulicus, & cervicem imaginis amputavit brevi gladio, qui ad hoc ex catenis argenteis de cingulo pendebat, & : Nondum scis, inquit, septemdecim esse cubilia in quibus singulis ejuscemodi quatuor imagines è marmore angulos adornant, præcisus cervicibus, quæ quotidie recentissimo butyro reparantur;

tum

^a Vere an falso narret.

tum ut populus in jentaculum destruxit ex-
temporaneos vultus, frons subinde alia at-
que alia reponitur, & in diem septies ac
decies renovatur delicatissimum munus.
Nondum hora diei nona est, & jam centum
quadraginta butyri pondo hoc palatium ab-
sumpsit. *a* Hisatriensis dictis sumpsi auda-
ciam destruendi formosum artificium, & in-
hiantem gulam liberalissimè propitiavi tam
opportuna butyri promulsione.

Hoc ergò butyrum tam artificiosum hic
ingero gustandum; Christianam submissio-
nem ac mansuetudinem suadeo exhiben-
dam. Hic aude, lector, & imagini butyra-
cæ vel auriculam, vel nares, aut potius mol-
lissima præscinde labra, & tuam inde lin-
guam instrue. Disce petulanti linguæ non
pari respondere petulantia: Disce, non tur-
bulenter, non ferociter, non insolenter, non
contumeliosè, non arroganter & consuma-
citer laxare linguam: Disce si non mel &
rosas, certe butyrum loqui. Hoc ajo; mo-
destè, submisso loquendum ei, cui concor-
dia & pax cordi est. *b* Mollis responsio, quam
Salomon adeo dilaudat, hoc illud elegans
butyrum est, de quo loquimur. Ad frangen-
dam alterius iram, non est præstantius, sed
nec præsentius pharmacum ullum aliud,
quam butyrum istud, *responsio mollis*.

Olim infantibus recens lustratis, lac &
mel dabatur, quod etiamnum Æthiopes
faciunt. De præscito ritu clare Tertullianus:
c Inde, ait, suscepti lactis & mellis concor-
diam prægustamus. Idque ideo fiebat, ut
Chri.

a Lufin. part. 1. Sat. mihi p. 118. *b* Prov. c. 15, v. 1. *c* Tertul. lib. de Corona milit. c. 3,

Christianis omnibus submissio infantilis, & mansuetudo altius imprimeretur. Ad rem Bernardus: *a Duo sunt, inquit, in lacte ovis, butyrum & caseus: bene parvulus noster eligere novit, qui butyrum comedens, caseum utique non comedit. Imitare tuum Dominum, Christiane, & asperi sermonis coagulum repudia, apage hunc caseum, butyrum comede: furiosæ linguæ rabiem responsis frange quam potes mollissimis; non cultros, non gladios, sed butyrum loquere. Submitte te, & linguam quantumcunque improbam vicisti.*

b Pueris, cum dentiunt, mel & butyrum, suasu medicorum datur, doloribus mitigandis, ego tibi mel & butyrum porrigo, ne dentias, Non est mollis responsio, quam exerti dentes comitantur, Jobus & David hos dentes graviter fenserunt, Hinc illi ab utroque clamores: *Infremuit c contra me dentibus suis hostis meus. Dentes d eorum, arma & sagitta. e Frenuerunt super me dentibus suis.* Hos dentes, mi homo, non humanis carnibus fatiga; butyrum comede; verbis lenibus responde. Submitte te, & triumphas.

III. Tertium artificium est ad vitiosam alterius linguam tolerandam, *Deum adire, ac precari; contumelias omnes Deo conqueri.* Regi Sionis David usitatissimum fuit hoc artificium. Faterur ipse: *f Pro eo ut me diligerent, detrahebant mihi, ego autem orabam. Ut imitemur hoc, quemlibet nostrum rex ille*

M m m

san-

a Bernard. serm. 2. de Adventu Domini, medio.

b Galen. l. 10. de medic. Simpl. c. 10. Plin. l. 28. cap. 19. *c* Job cap. 16. v. 10. *d* Ps. 56, vers. 8.

e Ps. 34, v. 15. *f* Ps. 108, v. 4.

sanctissimus hortatur: a *Revela Domino viam tuam, & spera in eo, & ipse faciet. Et educet quasi lumen justitiam tuam, & iudicium tuum tanquam meridiem: subditus esto Domino, & ora eum.* Ne dubita, æquissimus ille iudex, qui trans cortinam videt omnia: b *humiliabit calumniatorem:* c *Si Deus pro nobis, quis contra nos? Tu ora eum, & ipse faciet.* Sapientissime dixit Siracides: *Beatus, qui tectus est à lingua nequam, qui in iracundiam illius non transivit, & qui non attraxit jugum illius, & in vinculis ejus non est ligatus: jugum enim illius, jugum ferreum est, & vinculum illius, vinculum æreum est. Mors illius, mors nequissima, & utilis potius inferus quam illa. Perseverantia illius non permanebit, sed obtinebit vias injustorum: & in flamma sua non comburent iustos. Qui relinquunt Deum, incident in illam, & exardebit in illis, & non exstinguetur, & immitetur in illos, quasi leo, & quasi pardus ladet illos.* Num audisti, mi Christiane, quantum mali sit mala lingua? Sed num & illud audisti, & intellexisti? *Qui relinquunt Deum, incident in illam, & exardebit in illis, &c.* Tu ergo Deum ne relinque, sed puris amplexibus tunc potissimum stringe, crebris precationibus tunc maxime fatiga, cum linguarum mallei te tundunt. Tu ora eum, & ipse faciet.

Sed dicas: Si pessimi e quique secretis criminationibus me infament ignarum, & quo incautior decipiat, palam laudatum. Quid hic faciendum? Quid Seneca fecit? Sed exemplis gravioribus te urgebo. Quid tece-

a Ps. 36. v. 5. & 6. b Ps. 71. v. 4. c Rom. c. 8. v. 31. d Eccli. c. 28, à v. 23, ad 28. e Tacit. lib. 1, histor,

fecerunt tot sanctissimi viri? Quid Christus fecit?

Quid multis ante Christum sæculis fecit Moyses? Vir longè mitissimus; quis tamen eo uno fortiori quis rursus minus ultionis cupidus? qui quo populum infestiores habuit, & ad convicia proniores, eo impensius cæli. Numen his propitium reddere perseveravit. Nam quanto magis pervicax populus insanis clamoribus ac querimoniis urgebat, tanto Moyses ardentes ad Deum preces fundebat. Imo cum jam lapides furibunda plebs minaretur, hoc unum Moyses in sui defensionem objecit, *refugere ad Deum*. Huic uni & soli injurias conquestus: *a Quid faciam, inquiebat, populo huic? adhuc paululum, & lapidabit me.* Hic à Deo jussus in populi gratiam aquas è rupe producere, ut injurias beneficiis pensaret, promptissimè paruit. Sed neque Aaroni fratri conviciatus est, nec forori, quod concubium Æthiopicum sibi exprobrasset, ideo minus benevolè opitulatus est. ita mansuerrissimus virorum sæpius multiplicis linguæ furores precibus sedavit.

b Quid Saram eximie sanctitatis feminam commemorem? Jaciebat in eam ancillaris temeritas maledicta & probra, interfectricem virorum nominans, quæ pluribus nupsisset, sed in nullo connubium diuturnum esset sortita. quæ septem maritos subita nece præcipitasset in tumulum. Et ut calumniam hæc gravio re pondere fauciaret: *Numquid & me vis occidere,* ajebat famula, *sicut jam*

M m m 2

occi-

a Exodi c. 14. v. 17. b Vide supra c. 33. de Calumpnia paragra. 2.

occidisti septem viros? Ad hanc vocem Sara perrexit in superius cubiculum domus suae, & tribus diebus & tribus noctibus non manducavit, neque bibit, sed in oratione persistens deprecabatur Deum. Ita nec Sara flammam à maledica lingua immixtas potentius restingui posse censuit quam oratione.

Incendium à præcipiti Phaëtonis factum felicissimè compescit oratio.

IV. Hoc igitur quartum hic artificium est: Suam hac in re patientiam ad exempla sanctorum erigere.

a Narcissum Hierosolymorum Antistitem virum eximia virtute præditum. & præsertim in castigandis vitiis animosum, homines perditissimi, monitori optimo nimis quam asperi, fordibus calumniis inflamare sunt aggressi, & prout consutis dolis inter se convenerant, jurejurando etiam criminationes firmarunt, quo magis fidem facerent plebi cito credulae. Illorum unus dejerans: Si falsum, inquit, dixero, malè peream incendio. Alter: Si fefellerò, ait, me lues pessima invadat. Tertius non minus seipsum execratus si mentiretur: Omnem, inquit, oculorum diem perdam, nisi talis, ut dixi, sit Narcissus. Vix tamen ulli sunt reperti, qui vel juratis crederent, ob testatissimam tot annis castimoniam Narcissi. Et quid ad hæc ipse Narcissus? Falsissimæ criminationi graviter indignatus, sed quia solitudinis ac sapientiae amantissimus erat, tacuit, cessit, calumniatorum oculis se subduxit, Deo sibi vacaturus inter feras, quæ saltem calumniari ne-

a Tob. c. 3. v. 9. 10, 17. *b* Euseb. Cæsar., l. 6, c. 6. Nic., l. 5, c. 2.

ri nescirent. At sublimis ille Oculus qui conspicit omnia, nefariorum hominum scelus quod non potuit non videre, mox in apertum protraxit illis ipsis suppliciis, quæ sibi scelerati optaverant. Et primus quidem obrectatorum, scintilla in incendium glisciente, in suamet domo cum omni familia miserimè conflagravit. Reperit quod optavit. Et videbatur facinus illud non unius sed plurium vel innocentum capitibus expiandum. Alter calumniator ille, capitali peste, quam imprecatus sibi fuerat, à calce ad verticem infectus, Numine sic vindicante, contabuit. Hoc habet; votis suis periit. Tertius sociorum calamitate doctus resipiscere, confectas à se atque sociis calumnias publice fassus est, nec tamen ultorem Deum penitus effugit. nam tanta poenitudinis acerbitate percellebatur, in fletum tam uberem solutus, ut utrumque lumen lachrymis extinxerit. Vivus, sed cæcus, & ad productius supplicium superstes. Ita Narcissus sceleratas linguas superavit tolerando.

Theodosius Imperator hac improbarum linguarum victoriæ plane admirandus. Verba Theodosii agnoscite: Si quis, inquit, modestiæ nescius, & pudoris ignarus, improbo petulantique maledicto nomina nostra crediderit laceranda, ac temulentia turbulentus obrectator temporis fuerit, eum poenæ nolumus subiacere, neque durum aliquid, neque asperum sustinere: quoniam si id ex levitate processit, contemnendum; si ex infania, miseratione dignissimum; si ab injuria, remittendum. Audiant & imitentur Christiani principes Ab

obtreſtatoribus nemo liber, nec ſumma quidem ſaſtigia.

Cato Poſciæ gentis princeps, ſenator optimus, Imperator præclariffimus, orator exactiffimus, quater & quadragies cauſam dixit, diverſis odiorum & contumeliarum machinis appetitus: ſemper abſolutus eſt. Camilium exulem ni vidiffet Roma, periffet Scipionem Carthagine & Africa ſua majorem pæne viciffet calumnia.

Quis magnorum inter Chriſtianos non retulit vulnera ab hoc detractiſionis morſu, quis non venena ab hac vipera? Chriſtus ipſe an non audiit: *Samaritanus es, Dæmonium habes; vini potator, populi ſeducitor?* Ecquem non ambuſſit hæc flamma?

Optime dixit Gregorius a Nazianzenus: *In bonam partem hoc accipe ſancta Trinitas; nec tu ſtultorum linguas penitus effugiſti.*

Chriſto Domino in os obiectum: *b In Beelzebub principe dæmoniorum ejicit dæmonia. Quam verè lingua, Universitas iniquitatis, dicitur!*

Sunt cerè diei horæ, quas Superbia, & Avaritia, & Luxuria inter ſe dividunt: Lingua, non unam tantum diei partem, omnes ſibi horas vendicat, Mundus iniquitatis eſt, omnia capit, omnia continet. Qua demum ratione? Qua charta ſolet geographica deſcriptum Orbem. In hac explicato digito, Hiſpaniam, Italiam, Poloniam, Galliam, Germaniam, aliasque Orbis, partes designamus. Sed chartæ huic geographicæ, coloratæ Linguae nemo fidat, mendaciſſima eſt,

gran

grandia minuit, parva extendit, alta de-
 primit, ima extollit, pro libitu pingit &
 fingit. Quantum, putas, Deus à mendacio
 distat? Quantum Christus à Beelzebub? Im-
 mensum, infinitum. Lingua tamen audet,
 & Deo mendacium, & Christo dæmonium
 affingere. a *Quod si patrem familias Beelze-
 bub vocaverunt, quanto magis domesticos ejus?*
 Ergo non sanæ mentis, & p'ânè fatuus est,
 qui viam quam ad cœlum facit, ad chartam
 tam mendacem dirigit. Innumeris modis
 Lingua decipit, terret, seducit, dejicit,
 configit.

Si patrem familias Beelzebub vocaverunt,
 certè nec domesticis ipsius parcent. *Non est*
servus melior Domino suo.

Et Detractio quidem fulmen imitatur,
 quod improvidum & imparatum ante peri-
 mit quam periculum denuntiet; quodque
 firmissima ferè impetit, vilissima & humi
 serpentianegligit; ita illa in optimos quos-
 que sævit, ut prope signum sit viri aut ma-
 gni, aut ad magna nati, patilinguas detra-
 hentium. Nam cum Detractio ferè ab æmu-
 latione proficiscatur, solaque magnitudo
 aut parta aut sperata æmulationum materia
 sit, in magnos exfurgunt hæ linguæ, ac non
 nisi in tales venena jaculantur. b Magnitu-
 dinem enim alienam famamque, cum dede-
 cus suum, æmulus existimet, consurgit in
 adversarium, eumque densa linguæ gran-
 dine velut saxeo imbri obruit. c *Fieri non*
poteſt, inquit Chrysostomus, *ut qui virtute*

M m m 4

excel-

a Matth. c. 10. v. 27. b Scri. in Pol. l. 1. c. 17.

c Chryſ. ſerm. de calumn. Ep. l. 4. diſſert. c. 6.
 med,

excellunt, apud omnes bene audiant. Nequaquam tamen dolendum est, si malè audiamus, sed si iure malè audiamus. Quo sensu præclarissimè dixit Epictetus: Quid verò Antisthenes ait? An id nunquam audivisti? Regium est, Cyre, cum rectè facias, malè audire.

V. Quantum ad nequitiam linguæ vincendam artificium est, *Contemnere hæc linguarum aut calamorum vulnera.* Contemne, & viciisti. Nam hæc linguarum insidiæ sapissimè non lædunt, nisi volentem. Adyantion herba licet aqua pertundatur aut immergatur, sicca tamen similis est; sic cum homini probò contumelia infertur, non inhæret. Quod si tu sapias, nulla re magis testatam facies innocentiam tuam quam calumniarum & detractionum contempnatio ac neglectu. Ut scias, omnis calumnia & obretractatio fœtidæ similis est cloacæ, quæ quo plus movetur, plus foetet. Nosti, Camerinam non esse movendam. Neque enim miser est qui audit convicium, sed qui facit. Convicium porro potentissimè regeritur, cum convicio non respondetur. Non enim acerbius est convicium, quam conviciatorem neglectu ostendere indignam cui respondeatur. Ille magnus & nobilis est, qui more magnæ feræ, latratus minorum canum securus exaudit. Ita molossos generosiores aut leones imitemur, qui circumlatrantibus catellis non solent allatrare, mera imparium indignatione & contempniti. Contemne & tu has linguas, quæ non fauciant nisi resistentes.

Ad naturam rei præclarissime dixit religiosus ille scriptor: *a Quid enim sunt verba,*
nisi

nisi verba? Per aërem volant, & lapidem non ladunt. Si reus es, cogita quod libenter emendare te velis: si nihil tibi conscius es, pensa quod velis libenter pro Deo hoc sustinere. Et quare tam parva tibi ad cor transeunt, nisi quia adhuc carnalis es, & homines magis quam oportet, attendis. Ecquid verba, quid calami nocere possunt animo qui Deo nritur? Quod grando rectis, quod fluctus rupibus, hoc calumnia potest, cum in virum inciderit: a Vis vincere? vis hostem frangere? de inimico triumphum agere? Contemne. certa est victoria in solo contemptu. Vis adversarium mœroribus exedi? ride. Vis indignationibus lancinari? nec verbo dignare. Vis videre supplicem? beneficiis cumula.

At durum, acerbum, ac miserum est tot pungentibus linguis velut jaculis configi. Durum, sed sæpe fructuosum, acerbum sed salutiferum, miserum sed gloriosum. Exosculemur hanc bene merendi materiam, hanc messem cælo invehendam, hanc vindemiam dominicis cellis inferendam.

At excido, inquis, principum gratia. Modo non excidas Dei. At forsan ideo spoliariis opibus? Nemo te spoliabit æternis. Privaris dignitate? Nemo te bona conscientia privabit. Vituperant te homines? Sed honorabunt Angeli. At multos experiris inimicos & vexatores? Modo amicum habeas & protectorem Deum. Contemptus jaces: Exurge cælo. Condemnaris? Judice Deo absolve-
ris. Animum ergo adversus hæc para, & scito vix ulum virum bonum ab his linguæ jaculis vivere invulneratum. At satius est criminationibus sordidari cum bonis,

M m m 5

quam

quam falsis laudibus honestari cum improbis.

Pericles, qui quadraginta annis Atheniensium Rempublicam gubernavit, vir disertissimus, suggestum conscensurus, ut ad populum diceret, diis vota faciebat, ne ulum sibi verbulum, se imprudente aut invito efflueret, quod ad Rempublicam minus pertineret: Hic, inquam, Pericles temerarium & insolentem conviciatorem, per diem integrum, idque in publico patienter tulit. Neque vesperi cum se domum reciperet, adhuc maledictis infestantem à se repulit. Postremo, cum jam in domus limine, sub primam noctem, consisteret, conversus ad servum Pericles: Heus, inquit, mox facem expedito, & hunc civem domum reducito. Sic homo improbus ab injuria & contumelia gratiam reportavit.

Hoc prorsus est convicia, calumnias, & maledicta magnanimo contemptu digerere.

Quid igitur hæc linguarum tonitrua tantopere nos terrent? in fumum evanescent: Quid detractiones & calumnias, quid probrum & infamiae notam adeo reformidamus? Augustinus contra hæc nos animans: a *Opprobria hominum*, inquit, nolite metuere, & detractione eorum ne superemini, nec quod nos spernant magni duxeritis, sicut enim vestimentum, ita per tempus absumentur. Et dicti rationem reddens solidissimam: *Crimen falsum*, inquit, *reum non facit hominem, nisi apud judicem hominem: ubi autem Deus iudex est, nullus falso crimine leditur.* b *Deus est qui justificat, quis est qui condemnet?*

VI. Sex-

a Aug. tom. 8. epist. 137. circa med. & in Ps. 18. v. 134. b Rom. 6, 8, v. 34.

VI. Sextum est: *Silere*, ac generosâ taciturnitate detractiones & calumnias concoquere. Sile igitur, alioqui crabrones irritabis refutando. Sile, ne pervigilentur, quæ nescienda potius & sepelienda essent. Cum respondetur, cum excusatur, cum jure agitur, longè lateque infamia nota perfertur, quam multo tutius silentium sepe liisset. Quæ de re Seneca illustrissimè: a *Qui primis*, inquit, *defungi malis potuimus, in majora devolvimur*. Quosdam unius verbi contumelia, non æquo animo lata, in exilium projecit: & qui levem injuriam silentio ferre noluerant, gravissimis malis obruti sunt, indignatique aliquid ex plenissima libertate diminui, servile in sese attraxerunt jugum. Quod si reprehenderis à quo non deberes, nec modo quo deberes, illud velim cogites, quod sapienter dixit Romanus b scriptor: *Nulli patientius reprehenduntur, quam qui maxime laudari merentur*. Itaque silendo reprehensionem admitte, illamque in encomium tuum taciturna patientia converte.

Sunt quædam vulnera, quæ mēlius sit non terigisse;

Plurima curando fieri pejora videmus.

Neglige, & tace; ita sanabis: c *Homo sapiens tacebit usque ad tempus.*

Contra verbosos noli contendere verbis.

Sile & dissimula, ut adversarius arbitretur detractiones suas à te nesciri. Nam plerunque qui sua dicta putat sentiri, putat etiam de vindicta cogitari: itaque se parat, ne hostis inveniat imparatum.

Quem-

a Sen. l. 2. de Ira c. 14: b Plinius Secun. l. 7. epi. 20. ad Dion. c. Eccli, 4. 20. v. 7.

Quemadmodum vero Fabius Maximus (quem olim Ovem appellabant) pugnam opportune fugitans, & Annibalem magis eludens quam conflictu frangens, ducem antea invictum, mora vicit & patientia; ita qui cedit & filet, linguamque verberantem non reverberat sed declinat dextre, hic victor est, hic vacillantem concordiam restituit cedendo & suendo. Ita Socrates Xantippen uxorem ciamosissimam placavit non respondendo. Medicamentum injuriarum & contumeliarum omnium probatissimum est silentium. Tam injurias ferentem quam inferentem sanat; sola offensarum commemoratione animorum vulnera recrudescunt. Silentium ad dolentis animi perturbationem sedandam valet plurimum. Optime miseriae ferunt qui abscondunt. Hinc Rex iratam non sine causa Reginam sic alloquitur:

a Desine meque tuis incendere, teque querelis.

Canum in pagis allatrantium ira non melius deservet, quam transeuntis via oris silentio, cautaque patientia. Apum circumvolitantium acu eos non difficulter exit illæsus, quisquis inter eas fuerit quietus; repugnans & procax læditur. Pax silentii effectus, & velut filia est:

Angeronam silentii Deam ore obsignato repræsentarunt prisce. Hanc autem, *b* Macrobio teste, in templo Volupie, quæ delectationis & gaudii Dea fuerat, collocarunt, ut tacite significarent, eum qui filere, & injurias toleranter ac placide ferre didicisset,

set, ingenti delectatione, voluptate maxima perfundi. Nimirum in templo Voluptatis fedet Angerona: oris obsignati homo placidæ Voluptatis ædem incolit.

Sed & hoc insuper habet hominis læsi silentium: plerunque patrocina & hominum & ipsius Dei læso conciliat. Moyse ad suos proclamat: *a Dominus pugnabit pro vobis, & vos tacebitis.* Magdalensæ silentis & lachrymantis patrocinium suscepit Christus, non solum adversus Iscarioten, sed etiam adversus hospitem suum & convivatorem. Et ipsius Christi tacentis ad tot tamque capitales hostium accusationes Pilatus quantus ex iudice patronus est factus?

Maronem poetarum principem Filistus quidam orator, facetiis vexare solitus, audiente Augusto Cæsare, elinguem dixit, sed nec si linguam haberet, causam propriam tueri posse objecit. Cui Maro: Tace, inquit, rabula. Nam mea hæc taciturnitas causæ meæ defensorem fecit Augustum: & hac turba, cum volo, loquor, quæ ubique & diutissimè audietur.

At dicas: Qui se pro ove gerit, à lupis devorabitur.

Neque nos ubique & in omni causa tacendum dicimus. Interdum pax ambienda est responsione, sed ea mollissima. In curia & iudicio si rei familiari, si famæ aut vitæ periculum sit à silentio, loquendi locus erit. At verò domi, in mensa, in platea, in agro, in iurgio, in lusu, in symposio tutissimum semper silentium, præsertim cum in linguam improbam pugnandum est. Hic vetus

Ger.

Germanorum verbum verissimum: * Duorum sapientior, tacebit prior, Nam ille sapientior est & melior, qui citius retulit pedem, cum utrimque certatur. Neque hoc ignaviæ signum, sed fiducia.

Res certa est: plerunque manu tardissimi sunt, qui promptissimi lingua; multiloqui ac magniloqui, vix unquam strenui. Hæcicum Therfiten hominem ignavissimum, sed protervissimè conviciantem Achilles pugno interfecit, Goliathum David lapide prostravit. Nimirum ^a canes illi magis degeneres minimè mordent, qui plurimum laurant. Et Hieronymi sensu: canis latratu tam bonus facilè fugatur.

^b Cum virorum ille mitissimus Joannes Canonicus, ut vocant, regularis, cum amicis familiariter colloqueretur, domesticorum unus in conclave irrupit, & minis atque clamoribus omnes exterruit improbus latrator; in Joannem singulariter velut è plautro jecit convicia. Joannes fellis expers, columba placidissima insanum nec verbulo percussit. Hic amicorum quispiam: Cur obsecro, inquit, mi Domine. ad dicta tam atrocia files? tuam ipse famam conculcas. Ejice foras calumniatorem. Huic Joannes sedatè, si flamma, inquit, domum corripuerit, num tu oleum affundas? Hic homo totus ardet, & furit: at nosti, nihil esse deformius, quam furiosis respondere. Sicut in morbis nihil perniciosius, quam pharmacum immaturum.

Pri-

* Der scheider schweigt vor.

^a Phil. Bosq. Care. Laur, con. 7, ^b Sur, 10.
Octob, c. 9. in vita.

Primam iram nemo audeat oratione mulcere: furda est & amens, dandum illi spatium, dum remittat. Atque hoc medicorum scitum est, qui negant in accessionibus mendum.

Huic homipi, hoc quidem tempore velle medicinam adhibere, esset occidere. Ubi remittente insania, non nihil ad se redierit, curationem admovebimus.

Hoc est prorsus a Davidem agere, & furiosum Saulem placare cithara. Contra iratorum contumelias pharmacum est, præclarissimum, *Tacere*. Aut enim potentior de te malè locutus est, aut imbecillior: si imbecillior, parce illi, si potentior, parce tibi, & noxam cave. Sunt qui cum audiunt vel leviter sibi detractum ab aliis, mox grandem meditantur vindictam: ita *sagittæ parvulorum factæ sunt plagæ eorum*. At iniquum est pueruli sagittula vix læsum, mox vulnera & cædes coquere. Non est argumentum certius magni animi, quam improba lingua verberatum non reverberare: *b Gloria nostra hæc est, testimonium conscientia nostra*.

Hic pulchre Gregorius: Quid enim, inquit, si homines laudent, & conscientia accuset? aut quæ debet esse tristitia, si omnes accusent, & sola conscientia nos liberos demonstret? Valde miror cur vos qui cor fixistis in cælo, verba hominum agitent in terra. Dux bonorum Paulus dicit: *c Opus suum probet unusquisque, & sic in semetipso tantum gloriam habebit, & non in altero*. Si laudibus lætatur, & detractionibus frangimur,

a Ps. 63. v. 8. b 2. Cor. cap. I. v. 12. c Gal. c. 6. v. 4.

mur, gloriam nostram non in nobis. sed in aliorum ore posuimus.

a Quid autem aliud detrahentes faciunt, nisi in pulverem sufflant, atque in oculos suos terram excisiant, ut unde plus detractionis perfiant, inde magis nihil veritatis videant. Quæ omnia Chrysostomus suo etiam calculo confirmat. nam de columniatoribus & detractoribus mentionem injiciens: *b* *Possum, inquit, facere malam famam, sed non interficere conscientiam.* Tu igitur, quod Isaïas monet, *vide ut sileas; noli timere, & cor tuum non formidet.* Longe gloriøsus est, ad imitationem Christi, injuriam tacendo tolerare, quam superare respondendo.

VII. Septimum in tolerandis aliorum linguis artificium est, *Cælestè præmii suspicere.* Ecquid queri potes de conviciis, detractione, calumniis, cum hæc augmenta sint cælestis præmii? Contumelias omnes & injurias centuplo Deus æternoque sanore pensabit. Detrectas ludam? recusas gloriam, abjicis coronam. Qui certare non vult, is præmium aspernatur; qui pati abnuvit, cælum sibi displicere non dissimulat. Quæ enim hæc justitia, quæ esset verecundia, sperare præmium, repellere laborem? Ab incunabilis Mundi semper passâ est innocentia.

Historiam omnem, Græcam, Latinam, barbaram, sacram, profanam volve, & nusquam non cernes Virtutem jaculis peritâ,

a Gr. lib. 8. epi. 45. & lib. 9. epi. 39.

b Chrys. hom. de Susanna.

c Isa. 6. 7. v. 4.

titam, præcipue venenatis jaculis Linguae.

Nil in Orbe tam sanctum cui Lingua vitiosa parcat. Hæc lapides jactit, & tela spargit, ut viam ad cælum si non inviam, certe reddat impeditam. Quid trepidamus, quid in via subsistimus, quid oculos retro flectimus? hanc semitam ad cælum dux Christus, totque centena millia comitum signarunt sanguine. Neque tamen nos ad sanguinem hic provocamur: mollior de tractionum pugna est, quæ vix supremam cutem ferit, ac ne ferit quidem, si contempseris. Sin altè in animum admiseris, non verba sunt, sed vulnera, quibus tamen præmium cœleste promissum non est. Lingua feriri, & non referre, hoc Christianum, hoc cœlo dignum est.

In hanc rem expedit, non omnia videre, non omnia audire. sic multæ nos injuriæ transibunt; è quibus plerasque non accipit, qui nescit. Non vis esse iracundus? ne sis curiosus. Qui inquit quid in se dictum sit, qui malignos sermones etiam si secreto habitisint, eruit, seipsum inquietat.

Verborum in te prolatorum ruminatio, scrutatio, & pro tuo sensu explicatio eoperducit, ut videantur esse injuriæ, quæ protecto non sunt. Abduc ergo animum ab auditis, & erige ad alta.

Et quis prudens omnium ore & calamis, dicta factaque sua probanda speret? stultitiæ hoc magnæ est

curione non offenditur, imo gloriatur cum patitur linguas, quæ fere in magnos venena sua jaculantur; uti fulmina in firmissima quæque sæviunt, transeunt mollia, velut robore suo indigna.

Sed nimis quam dolet, inquis, cum lingua nocente verberatur innoxius. In promptu solatium est; cum Jobo animote dicat sic faucius: *a Ecce in cælo testis meus, & confertus meus in excelsis.* *b* Si ergo nobis, inquit Gregorius, est testis in cælo, testis in corde, dimitte stultos foris loqui quod volunt. Qui vita sua in cælo testem habet, judicia (& linguas) hominum in terra pertimescere non debet. Apostolus suo id exemplo docens: *Mihi autem, inquit, pro minimo est, ut à vobis judicet, aut ab humano die. Humanis major, facile judicia & linguas hominum contemnet. Quid enim refert curjux auxilio cælum conscendas? satis est conscendere. Nihil interest an nomen tuum morbus, an gladius, an lingua inscribat cælo, modo inscribatur; tu beneficio fructuere. Et ut ager pulso invaletudine, rigidas medici manus præcio donat, ita tu has linguas honora, sine quibus res secunda fortassis oblivionem Dei conciliassent. Nam prospera plures excludunt cælo quam adversa.*

Impetravit olim, quod Cassianus *c* narrat, ab Athanasio urbis Antistite Alexandrina matrona tam dives quam nobilis, ut una aliqua è viduis, quæ sacri ærarii sumptibus.

a Job cap. 16: v. 20. *b* Gregor. I. 8. ep. 45. ad Palladinum & I. 9. epi. 39. ad Theotimum, utraque dignissima legi tota. *c* Cassianus sac. Col. 18. cap. 14.

ptibus alebantur, sibi daretur alenda. Data est illi mulier miti suavique ingenio, & lingua prorsus modesta. Sed optimæ matronæ satis factum non est. Siquidem patientiam suam hac ratione nihil profecturam credit, cum sciret virtutem sine adversario marcere. Itaque aliam sibi dari ab antistite poposcit. Athanasius mentem feminae non satis affecutus, dari iussit aliam, sed inhumanam, pervicacem, iracundam, & multo pessimæ linguæ feminam. Hanc matrona nobilis domum adduxit. Mox furia illa ingenium detexit, nam propria liberalitate ac lauto hospitio convicia solum, & obtreptiones atque maledicta, imo & verbera reddidit. Nihil in ea obsequii, nulla gratiarum actio; quicquid fere prolocuta est, foedissima oris spuma, & merum jurgiorum semen fuit: vix quidquam pro sana loqui noverat. Hic matrona nobilis sibimet applaudere, & multum gratulari; hic in sinu gaudere, cælumque sitientibus oculis suspicere; hic Deum ardentibus precibus venerari, eique gratias agere, quod suam patientiam his exercitiis erudiret; denique ad Athanasium redire, eique pariter amplas habere gratias, quod sibi eam demum dedisset viduam, per quam ad patientiæ cultum jugiter exerceretur, atque sic via longe certiore duceretur ad cælum. Hæc profecto heroidem sapiunt Christianam. Imitemur, si cælum amamus. Spe certa cæleste præmium expectat, qui Linguae flagellum patienter tolerat.

Agnoscamus ergo Domini voces: *Beati*

estis a cum maledixerint vobis homines, & persecuti vos fuerint, & dixerint omne malum adversum vos mentientes, propter me: gaudete, & exultate quoniam merces vestra, copiosa est in calis. Aeternis nati, deligamus aeterna.

a Matth. c. 5. v. 12.

Epilogus

in

P H A E T H O N T E M.

Volumini prolixiori, Lector, da veniam, quam bis terve jam supra, sed obscurius petii. Quædam dicenda, quædam sæpiuscule ingerenda, quædam etiam inculcanda fuerant, a *Opportune, importune*, Tarsensis Ecclesiastæ monitu.

Sed objicias: Quid prodest aperta monstrare, quid clara explicare? Plurimum. Et causam à Romano sapiente audi: Multa vel ante oculos posita transimus; sæpe animus etiam aperta dissimulat: ingerenda est itaque illi notitia rerum etiam notissimarum. Plurima scimus, sed non facimus. Scimus, non esse ditioribus & potentioribus adulandum, iis tamen adulamur: scimus, non temere jurandum, non mentiendum, non obmurmurandum, nihilominus & juramus, & mentimur, & obmurmuramus audacissime, Itaque reducendi sumus ad memoriam, idque frequentius. Sæpe agitari debent, sæpe versari salutaria hæc monita, ut non tantum nota sint nobis, sed etiam parata. Hinc dictioni sæpius laxandæ fuerant habentæ, quando aliqua non monstranda tantum, nec tantum explicanda, sed sæpius iteranda; & prorsus inculcanda sunt. Atque hinc

N n n 3

a summi

a — *Summi plena jam margine libri
Scriptus, & in tergo necdum finitus Ores-
tes.*

Scripserat olim Euripides, poëta tragicus Orestis furiosi juvenis res gestas. Poëtam hunc verbosior secutus alius, qui ubi margines omnes versibus implevit, etiam in tergo voluminis, contra quam Veteres solebant, versus exaravit. nec tamen tragœdiam finiit.

Idem pæne hic accidit, Orestem plane scripsi, aut simillimum Oresti Phaëthontem, juvenem furiosissimum, qui sibi plurimum sapere videbatur, cum nihil saperet. Quod placidum quidem, sed periculosissimum furiarum genus est.

Phaëthontis, seu, Aberrantis Linguae præcipitia, quantum subsecivis horis licuit, explicavi. Sed nullus etiamnum finis est scribendæ hujus tragœdiæ. Ita

— *in tergo necdum finitus Orestes.*

Orestis aut Phaëthontis furores nondum omnes, nondum satis percensui. Post multa jam dicta, dicenda restant plurima. Optime dixit Alphonfus Salmeron, Linguam esse Alphabetum seu congeriem omnium vitiorum: b *Quis est enim*, ait sapiens Hebræus toties nominatus, *quis est, qui non deliquerit in lingua sua?*

Augustinus ubi dixisset, hoc elogio Ciceronem affici:

c — *Romani maximus auctor
Tullius eloquiis* —

Nullum unquam verbum, quod revocare vellet,

a Juven. sat. i. initio. b Eccli. c. 19, v. 16, c Lucan. l. 7, circa initium,

vellet, emisit: sapienter addens: *Quæ quidem laus, a inquit, quamvis præclarissima videatur, tamen credibilior est de nimium fatuos quam de sapiente perfecto. Quis ergo est qui lingua non deliquerit?*

Omnem hominis ætatem lingua inficit. Ceterorum vitiorum indoles plerunque certam vitæ partem occupat: quæ a pueritiâ, juventam incontinentia, viriles annos ambitio. Vitia deinde pleraque omnia cum senescentibus tenescunt, & sensim cum suis dominis emoriuntur. Solum linguæ vitium ætatem omnem, & omne vitæ curriculum varie inflammat. Non raro quo adultiores & seniores, hoc & loquaciores sumus; comœdias recitamus & tragœdias longissimas; ut nec in tergo quidem finiatur Orestes. Attende jam decrepitos quosdam, sed eximie garrulos senes, qui omnem vitæ suæ historiam prolixis oppido narrationibus exponunt. Membra omnia in ipsis fracta, vires exhaustæ; vix gradi possunt, vix spirant, lingua tamen in eis etiamnum est vivacissima; dies totos garriendo frangit, nec tamen fatigatur.

O malum irrequietum! ô rotam sponte currentem, & indefessam! Phaëthon stultissime, quo præcipitas? Sepulchrum tibi quæris, sed grande. Totus terrarum Orbis tuus est tumulus, quem dum totum imples, totum incendis. Nec satis tibi est in hunc tumulum injicere te ipsum; mille tecum (quid ajo?) sexcenta milia rapis funera tuis incendiis ambusta.

Trojam olim, Saguntum, Numantiam,

N n n 4

Co-

a Aug. epist. 7. ad Marcellinum post initium.

Corinthum, Carthaginem, nobilissimas civitates arsisse, prisca narrat historia. Parum est hoc temerario Phaëtoni, Linguae præcipitanti, unam alteramve urbem incendere; toti Orbi flammis subjicit loquendo, & unum facit rogum tor amplissima regna. Nulla enim est regio, nulla civitas, nulla curia, aula nulla, tribunal nullum, nulla platea, nulla domus, sed nec ullæ sunt latebræ, quas iste Phaëthon, vitiosa lingua, litibus, calumniis, obrectationibus, mendaciis, libidinibus, perjuriis, tumultibus non impleat. Orbem inspicere, & verum me dixisse fateberis. *Nemo, a quod bonum est, loquitur.*

Olim domorum ostiis inscribebatur *Tu scorum lingua*, * *Arse Verse*, hoc est, Ignem averte, seu, Caute custodi. Hoc suo quisque pectori rectius inscribat: Linguae ignem cautissime custodi. Pessimus auriga Phaëthon, Lingua temeraria incendit terras, Iros & Codros, Crasos & Darios amburiis ardet Orbis, nusquam non incendium vivit.

Quid hic consilii, obsecro, quid auxilii est? † Quas situlas, quos harpagones his ignibus admovebimus? Jam supra duodecim monstravi situlas huic incendio, si non extinguendo penitus, ex parte saltem compescendo: Duodecim suggesti remedia Linguae improbæ curandæ. Proximum ex his, & plerunque tutissimum, est silentium, quod flammis subinde miraculo etiam domare potest.

Nar-

a Hier. c. 6. v. 8.

* *Hutets Fehr wol.*

† *Fewrtu. el und Fewrtlaggen.*

Narrat Cameracensis *a* proepiscopus, quem supra sæpius laudavi, in Brabantia cœnobium esse, Affligemium, sancti Benedicti familiæ assignatum, viros in eo moribus religiosissimis vivere. Erat in hoc cœnobio monachus, cui Radulphus nomen, silentii amantissimus. Inde Radulphus Tacens est appellatus, nam totos sedecim annos nec verbum cum ullo mortalium est locutus; totus alloquiis divinis deditus. In eam porro familiaritatem Dei se dedit, ut orto illic incendio, jamque per totum monasterium grassante, ignis furorem lingua sistere sit aggressus. Cum enim Radulphus humana subsidia jam succumbere videret, tanto animosior divinam opem sperare cœpit. Mox igitur in genua procumbens, precibus quam potuit ardentissimis, auxilium è cœlo imploravit. Næc frustra. A precibus ingenti plenus animo, linguam tot annis velut sepultam jussit vivere, dixitque hæc omnino verba: *Stes ignis hac hora*. Stetit profecto ignis, & suæ voracitatis oblitus voci humanæ paruit. Ita incendium sine vi alia penitus extinctum est. En vires ac potentiam silentii!

Hoc ajo, Phaëthontis ignes, seu, Linguae incendium nihil potentius sedat silentio. Silentium est illa sirula, quæ in Linguae flamas effundenda. * Silendo averrimus ignem. Sapienter scripsit *b* Philo: *Tace, & audi,*

a Thomas Cantipratanus l. 2. de sui ævi miraculis, 13. n. 4. Bruxellæ adjacet, notum Belgis & celebre.

* Mit stillschweigen verredt sich niemand.

b Philo, l. Quis divinarum rerum heres, initio,

audi, pulcherrimum praeceptum. Qui narrant, quæ non decet, non eloquentiam ostendunt, sed filendi impotentiam. Et propterea non ad canoram & stridulam cicadam, sed ad laboriosam & taciturnam formicam nos mittit Salomon. Ubi Lingua silentii frenos excutit, ibi præcipitium certum, & incendium. Cum gemitu dixit Ambrosius: *a Fovea alta est os malevoli, grande innocentia præcipitium.*

Vide primam omnium in fronte imaginem, ubi raptis retinaculis equi quadrijuges infreni volitant per æthera cursu, demum in præceps ruituri. Talis est lingua taciturnitatis impatiens. *b* Imo, Theophrasti sensu, magis fidendum est infreni equo, quam in composito verbo. Eam ob causam, Boni viri, cum beato Gregorio *c* loquor, freno consilii retinent præcipationem verbi, & caute considerant, ne relaxantes linguæ lasciviam, auditorum conscientiam incauta locutione transfigant. Qui os claudit, cum ira vel vindicta similisve malignior affectus stimulat, non aliud facit, quam qui infano gladium eripit. Revera turpe non est, murum & elinguem videri, cum loquendi periculum est.

Cum *d* Valentia beatus Vincentius verba faceret ad numerosissimum populum, natali die Joannis Baptistæ, mulier ab ortu muta per confertam plebem, ad sacrum oratorem illum perducta est. Vincentius spem ac fidem eorum qui feminam adduxerant, miratus,

a Amb. l. 7. ep. 44. *b* Laert. l. 5. c. 2. *c* Greg. l. 5. moral. c. 11. post med. *d* Petrus Raufanus Pa-normit. in vita S. Vincentii l. 5. c. 1.

ratus, oculis cælo sublati, dictionem tantisper intermisit, & ad mulierem versus: Quid vis, aiebat, ô filia? Mox illa non impeditè respondens. *Panem*, inquit, & *Linguam*, ô domine. Ad quam denuo vir sanctus: Panem, ait, quotidianum, dum vixeris, habebis; officium linguæ non impetrabis. Tu vero gratias age divinæ bonitati, quæ tibi negat obfutura. Lingua tua nisi sic esset ligata, esset mordacissima, animi corporisque interitum allatura. Cave igitur hoc in posterum à Deo petere, quod non concedet nisi iratus. Atque ab eo tempore, ut prius, omni usu linguæ caruit. Septennio post hæc superstes, pane non eguit, nec linguam amplius desideravit, religioseque obiit.

O ergo periculosas preces! Da Deus, Panem & Linguam. Vitam quam panis servat & nutrit, plerunque perdit, aut certe inficit Lingua. * Longe tutius peteremus panem atrum ac sordidum; Linguam candidam ac mundam. Hoc regum sanctissimus, hoc prudentissima reginarum, hoc optimi quique viri petierunt.

Rex David precatur: a *Domine labia mea aperies, & os meum annuntiabit laudem tuam*. Non loquar, nisi tu clave tua reaseraveris os meum, ad tuas non meas laudes efferendas. b Ergo, *Repleatur os meum laude, ut cantem gloriam tuam*. Fuit cum esuriret rex David, & pane mendicato viveret. Hoc tamen non deprecatur, neque rogat ut nunquam desit panis: potiora poscit, linguam flagitat in Dei laudes expeditam. Nec

* Grob Haubrot / vnd ein framme geschlachte Jung / stehn nicht ubel bey ein ander.

a Ps. 50. v. 17. b Ps. 70. v. 9.

Nec aliter precata Esther regina : *Tribus*,
a inquit, sermonem compositum in ore meo. Idem
beatus Ephrem his verbis expetit : *Digitus*
b gratia tua, Domine. semper moveat linguam
meam, tanquam nervum cithare ad gloriam
tuam. Concede mihi, Salvator, petitionem cordis
mei, fiatque lingua mea velut cithara ad resonan-
dum jugiter laudes tuas.

Hæ preces tutæ sunt. Da igitur, ô Deus,
Panem & Linguam. Non primarium, non
* niveum & dominicum duntaxat & simi-
lagineum postulamus, satis est nobis ple-
bejus etiam & cibarius panis : modo simus
des linguam candidam, ab omni fraudum
& mendaciorum fursure purgatam. Ita non
improbe rogabimus *Panem & Linguam*, A-
lioqui sanctius peteremus : Da panem, &
linguam nega : Arcam panariam reſeras Ar-
cam Linguæ obſera. Nam inde nutriment-
um vitæ ; hinc plerunque toxicum & ſpu-
mam mortis depromimus, noſtroque nos
gladio jugulamus.

Lingua velut gladius, dum vagina latet,
non eſt terrori, non ſauciat, non ſanguine
ſe proluit : at ubi furibundus è vagina pro-
ruperit, hic jam attendat quiſquis in hoſtium
numero habetur. Omnia ferit, omnia ſter-
nit, omnia vorat, depaſcitur omnia ; nemi-
ni parcit, in quoſvis temere debacchatur
hic linguæ gladius : extra ſilentii vaginam
eſt ; cavete, obvios invadit, & vix quid-
quam eſt quod iſtus eludat tam certos. Gla-
dio ferro vel jaculo ſcurum objicitur ; quid
obji-

a Eſth. cap. 14. v. 13. b Ephrem de Paſſionibus
animi.

* Lauffer Gemten und Herreubros.

objicies linguæ, nisi taciturnam patientiam? Hoc plerumque munimen optimum adversus hunc hostem.

Sanctus a Valerianus aciem illius gladii considerans : *Nihil est, inquit, saevius, nihil violentius amaris, asperisque sermonibus, quorum vulnera tanto difficilius curantur, quanto facilius inferuntur. Ferri per cælum volantis spicula facile scuti objectione contemnis; verborum vero jactus, nec revocari potest, nec prohiberi; multo enim velociore sagittis sunt.*

Et quod mirum, quo retusior & mollior videtur esse hic gladius, eo fœdius vulnerat, eo minus mollis, quo magis mollis est. Cave sermones super oleum mollitos, ad usque medullas penetrant, ut occidant.

Non ignoravit hoc Satanas, qui Jobum tot jam vulneribus faucium, tot calamitatibus quassatum, conjugis demum & cognatorum linguis liberalissime flagellavit. E Jobi fortunis quod auferri posset nil supererat; plura ulcera recipere corpus vix poterat, jam pene unum ulcus effectum, sed magnum; jam decies in liberis suis mortuus erat ærumnosissimus parens. Hunc tamen virum toties jam mortuum ad novam lanienam expetit Satan. O Jobe, paulo majora canamus: gravissimis suppliciis graviora restant. Ad linguæ gladium damnatus es, gladium sane formidandum: ipsa uxor tua, ipsi cognati tui hoc gladio te petent. Hic te virum præsta: experieris vulnera verborum acerbiora esse quam ferri. Sed animum obfirma, hic ultimus est cacodæmonis

monis aries, quem tibi admovebit, ut evertat te. Non habet vehementius fulmen quod in te torqueat, quam tuæ conjugis & cognati sanguinis linguas. Videt * stygius ballistarius, post subversas omnes fortunas tuas, post necatos omnes liberos tuos, post omne corpus tuum jam pæne absumptum & funeratum, te etiamnum stare: Videt hoc, & dolet se vinci; fremit ac sævit. Quare ultimam suarum machinarum jam expediet in te; jam omne sui furoris ingenium effundet, jam ad extrema descender, suarum virium vim maximam tentaturus: Uxoribus & amicorum linguis in te pugnabit. Hic animis opus, ô Jobe, hic pectore firmo. Ergo animose, ergo fortiter & intrepide sta, & virulentas linguas partim silentio, partim mitiore responso elude, & viciisti.

Stetit revera Jobus, stetit, & partim filuit, partim mitissime respondit. Ita vicit, ita triumphavit omnes cacodæmonum legiones.

Quin audemus paria, ô Christiani, quin sequimur animosissimum ducem? Silendo, aut mansuete respondendo, cum nostras, tum aliorum improbas linguas quascunque vincimus. Non difficilis pugna; paratissimus est triumphus.

Sed patientissimo Jobo longe patientiorem ostendo. In altum eant oculi. En Dominum *Iesum* suffixum cruci. Et hic cacodæmon expertus est extrema. Verissime diximus: Bis cruci-fixus est Christus: primo clavis, deinde linguis. Jam flagra Servator,

* Der schwarz Büchsenmeister.

vator, jam spinas, jam & clavos corpore receperat, jam altum in cruenta trabe spectaculum pependerit, jam morte vicina crucis tormentum videri poterat exhaustum: cum, ecce, diabolus novam & formidabiliorem crucem erigit; in hac Dei Filius non quatuor a tantummodo clavis confixus est; tot altera crux ista trabales clavos habuit, quot Christus insultantes linguas sustinuit. Ad rem præclare facit hoc Bedæ testimonium: Bis petra percutitur, bis Christus crucifigitur, & manibus militum, & Judæorum linguis percussus.

Neque vero Christus tot in corpore venas, tot ossa vel nervos habuit, quot ejuscemodi clavos toleravit. Verum, quod *b* Jobus tot ærumnis pressus, id Christus tot clavis confixus multo verissime de se dixerit: Nonne dissimulavi? nonne filii? nonne quievi? Revera, quod etiam *c* Isaias affirmat, *Tacuit semper siluit, patiens fuit.*

Christus quidem in cruce testamentarias tabellas toti humanæ genti scripserat, sed ea verborum parsimonia, ut ingens hoc testamentum septem versibus nec totis complexus sit. Omne aliud in cruce tempus silendo & precando duxit, dum aliis atque aliis, & pæne innumeris linguarum clavis configeretur.

Heu, quam non imitamur hoc nostrum Caput? quam non dissimulamus, quam non filemus,

a De quatuor crucis Dominicæ clavis res jam certa videtur. At hic nullus disputandi locus est. Be-
da in c. 10. *b* Job c. 3. v. 26. *c* Isa. cap. 42.
vers. 14.

filemus, quam non quiescimus! Verborum injurias vel minimas tam impatienter toleramus, quam audacter magnas inferimus. Vix tangimur, & gladium linguæ stringimus; vix leviter offendimur, & fulmen mittimus.

Verbum priscis triuissimum erat: Qui procul à Jove, Procul à fulmine. Ego longe verius, Procul à fulmine, qui procul à Lingua, non aliena tantum, sed & sua.

Ruffinus & Pelagius Græci scriptores memorant, Arsenium olim Arcadii & Honorii Imperatorum a præceptorem, cum etiamnum in aula degeret, ardentem à Numine hoc unum petiisse: Domine, ostende mihi viam, per quam possim salvari. Et vocem calo missam audiit. *Arseni, fuge homines, & salvaberis.* Fugit ergo Arsenius, & aulam mutavit solitudine. Hic inter precandum denuo ad aures allapsa vox est: *Arseni, fuge, quiesce, tace. Hæc sunt principia salutis.*

Omnia, quæ de Linguae vitiiis dixi, oraculo haud meliore, quam hoc ipso clausuro. Quisquis es, cui salus cordi est, *Fuge, Quiesce, Tace.*

Fuge, non alios solum homines, sed quandoque teipsum, cum tibi à te peccandi periculum est.

Quiesce, in unica Dei Voluntate. Extra cælum hæc una & unica quies est: aliam fortasse quæres, sed non invenies.

Tace,

a Ita Ruffinus Aquileiensis n. 190. Pelag. 1.2. n.3. hæc verba habet: Hæc enim sunt radices non peccandi,

EPILOGUS.

949

*Tace, quotiescunque honeste non licet,
aut non expedit loqui.*

FINIS.

*Omnia ad majorem Dei, Deipara &
omnium Sanctorum Angelorum
honorem & gloriam.*

• • •

INDI.

INDICULUS
in
PHAETHONTEM.
De
Linguae Vitiis.

- C**aput I. Adulatio, quam per vulgatum sit
vitium, & quibus titulis adulatores affi-
ciendi. pag. 3.
- Cap. II. Adulatio, & Adulatores melius de-
pinguntur: simul exponitur quam istud a-
dulandi artificium nostro aeo sit excultum,
& subtile. 22
- Cap. III. Adulationis damna maxima expli-
cantur. 38
- Cap. IV. Bacchea, Bombilans, Blæsa Lingua
quid sit. 59
- Cap. V. Quid Lingua Bifida sit, & quam na-
xia. 72
- Cap. VI. Blasphemia quam grave sit peccatum,
& quam varie punitum. 79
- Cap. VII. Blasphemia jure denuo flagellatur,
& dicta firmantur exemplis. 99
- Cap. VIII. De Lingua maligne Consulentes
simul dictum exponitur, Consilium malum
consultori pessimum. 113
- Cap. IX. Casarcorum, Regiorum, Principa-
lium, & quorumcunque demum, seu sacro-
rum, seu politicorum Consiliariorum ac Se-
natorum Consultrix Lingua contra lapsus
firmatur. 127

INDICULUS.

- Cap. X. *Lingua Contentiosa, quam sit ex-
tiosa, & quam lites studiose cavenda.* 158
- Cap. XI. *Qua sit Lingua Convicians, & quid
inferat damni.* 172
- Cap. XII. *Derisionis proprium esse nemini par-
cere.* 190
- Cap. XIII. *Derisorum natura, & derisionis
damna ulterius explicantur.* 205
- Cap. IV. *Derisores quam graviter saepe puniti
sint.* 216
- Cap. XV. *Quid Detractio, quotuplex & quam
grave sit peccatum.* 226
- Cap. XVI. *Quantorum malorum mater sit De-
tractio; & de fame restitutione.* 242
- Cap. XVII. *Quibus titulis afficiendi Detra-
ctores, & quibus suppliciis saepe sint affe-
cti.* 258
- Cap. XVIII. *Auditores Detractorum quam,
graviter delinquant.* 272
- Cap. XIX. *Excusatio quam pervulgatum, &
multiplex sit vitium.* 293
- Cap. XX. *Exprobratio quam molesta sit omni-
bus, & exprobrare beneficia, esse ea per-
dere.* 312
- Cap. XXI. *Quid sit Lingua Fraudulenta, Fal-
lax, Fucata, quod inter has discrimen, &
quibus legibus ha lingua teneantur.* 322
- Cap. XXII. *Fallacem, seu dolosam Linguam
tam esse crebram, quam noxiam.* 331
- Cap. XXIII. *Garrula Lingua quibus potissi-
mum, & quantum obsit.* 347
- Cap. XXIV. *Hyperbolica & Hypocritica
Lingua quomodo utraque noscenda & fu-
gienda.* 363
- Cap. XXV. *Quantum Lingua Imprudens, Im-
portuna, Irreverens incommodent.* 378

INDICULUS.

- Cap. XXVI. *Lingua male Imprecantis, seu maledica ingentia, maxima damna proponuntur.* 395
- Cap. XXVII. *Lingua Imprecantis, seu maledica damna testimoniis, & rerum gestarum monumentis consignantur.* 407
- Cap. XXVIII. *Lingua Juramentis assueta quam sit exitiosa.* 420
- Cap. XXIX. *Quid Sancti Patres, Chrysostomus, Augustinus, Bernardus de Lingua Jurantesenserint.* 441
- Cap. XXX. *Quibus objectionibus Juramenta soleant excusari, & quibus modis ea extirpari possint.* 457
- Cap. XXXI. *Quod Linguarum Donum sit, & qua omnium lingua Sanctissima.* 473
- Cap. XXXII. *Kalumniia depingitur, & Kalumniatoris genius describitur.* 487
- Cap. XXXIII. *Kalumniia quam grave, quamque perulgatum sit vitium, & qua ratione solitum puniri.* 499
- Cap. XXXIV. *Lingua Lasciva quam detestabilis sit, & ob quas causas.* 518
- Cap. XXXV. *Quid sit Mendacium, ac quomplex; & an omne Mendacium sit peccatum.* 533
- Cap. XXXVI. *Quam multiplici argumento exitiosum sit Mendacium.* 547
- Cap. xxxvii. *Qua soleant tuendis Mendaciis objici, & qua ratione Mendacium crebrius punitum.* 562
- Cap. xxxviii. *Quam varie & quam graviter Lingua Mordax noceat.* 578
- Cap. xxxix. *Lingua Murmurans quam ubique obvia, & supra modum noxia sit.* 587

INDICULUS.

- Cap. XL. *Quid monstri sit Lingua Nuggerula, & quam ea Mendacio affinis.* 605
- Cap. XLI. *Otiosam Linguam diverse perniciosam esse, & de illius pœna.* 618
- Cap. XLII. *Objurgans Lingua, prout par est, objurgatur.* 627
- Cap. XLIII. *Quam frequens & insolens sit Lingua Ostentatrix.* 644
- Cap. XLIV. *Quibus in rebus Ostentatrix Lingua se potissimum efferrat,* 64
- Cap. XLV. *Quæ plerunque pœna Linguam Ostentatricem comitari soleat.* 673
- Cap. XLVI. *Quæ Lingua Politica sit, & de quatuor illius venenatissimis venis.* 686
- Cap. XLVII. *Lingua temere Promittens, quibus nos malis implicet.* 700
- Cap. XLVIII. *Lingua Querula, multiplicia sua improbitatis dat specimina.* 713
- Cap. XLIX. *Lingua Revelans secreti, quaduplici nos malo afficit.* 730
- Cap. L. *Linguam Scurrilem nominatim à beato Paulo vetitam esse.* 749
- Cap. LI. *Lingua Sublannans & Suspendens noscenda dantur.* 759
- Cap. LII. *Linguam Sufurronum, linguam esse pestitentiissimam,* 770
- Cap. LIII. *Tumultuosæ Lingua grande vitium describitur.* 787
- Cap. LIV. *Turpiloqua Lingua omnibus Christiani Orbis finibus proscribitur.* 797
- Cap. LV. *Linguam Vindicantem gladium esse Deo præreptum, omnibus qui eo fuerint usi, damnosissimum.* 810
- Cap. LVI. *Linguam Vituperantem seu Censoriam, nemini non exosam esse.* 828

INDICULUS.

- Cap. LVII. *Cur Lingua sit adeo custodienda.* 843
- Cap. LVIII. *Modus custodiendi linguam, ob-
servare loquendi circumstantias.* 856
- Cap. LIX. *Vitiosa lingua quomodo sananda sint:
prima quatuor medicamenta traduntur.* 870
- Cap. LX. *Alia quatuor medicamenta vitiosis
linguis curandis.* 882
- Cap. LXI. *Ultima quatuor medicamenta ad
improbam linguam emendandam.* 893
- Cap. LXII. *Vitiosa aliorum lingua quibus arti-
ficiis toleranda.* 909

LECTORI
BENEVOLO
AUCTOR.

DIu prorsus, mi Lector, hærebam, quo nomine exitiosissimum Orbis malum insignirem. Nec uno tantum anno hæc cogitatio me fatigabat. Tandem pene idem quod Attalus pronuntio. Sanctissimus hic martyr interrogatus, quod nomen haberet Deus? Mox ille: *Nomen, a* inquit, *nullum habet, prout habere homines solent.* Sic ego: Improbitas Linguae tanta est, ut vix ullo sat grandi nomine possit affici; nullum habet nomen. Quid enim? *Gladium*, aut, *Sagittam*, *Spiculum*ve nominem? Est sane *gladius*, & *sagitta*, *spiculum*que venenatissimum. Sed universam Linguae malitiam nondum satis expressi. *Viperam*, *Aspidem*, *Hydrum* nuncupem? & *Viperas*, & *Aspides*, & *Hydras* vel centum capitum longe superant vitiosæ linguae. Progeniem viperarum vocitem? Plus dixi; nondum satis.

O o o 4

Enim-

AD LECTOREM.

Enimvero *Malorum Inadæm* dicam? Convenientissimum nomen, si ullum, re tamen sua inferius; nec æquat infandam mali atrocitatem. Qui Linguae virus *Universitatem iniquitatis* vocat, grande illi nomen assignat: non dauno, sed aptius quæro. Quid ergo? E sacris paginis ei titulum affigam? *Feram singularem, Feram pessimam, Novaculam Dalila, Pharetram Malitiae, Frameam Nequitiae, Romphaeam infernae Furie* appellem? Speciosi tituli pro monstro tam nobili, sed minus robusti. Quo igitur te nomine, ô malum malorum nominatissimum vocem? Aut ego te nomen habere nullum dixero, aut Orbis Incendium appellaro. Hoc placet: Incendium Orbis, Orbis Phaëton es.

At obducis hic, Lector, &, Profanum est, inquis, hoc nomen, atq; à fabulis petitum. Ignosce, ô bone, nesciebam te tam serium profani osforem esse. Sed quæso te, *Ridentem a dicere verum Quid vetat?* Sed est fabula,

AD LECTOREM:

bula , inquis , & poëtarum risus
 Phaëton. Sic fabula , at definit esse
 fabula , cum dicitur de Lingua.
 Rem voce abditam examinemus.
 Quod de Solis filio auriga temera-
 rio fictum, id de Linguae lapsu cre-
 berrimo nimis est quam verum.
 Liceat igitur pace tua Phaëthontis
 nomen non abjicere huic malo lon-
 ge aptissimum. Res loquitur. Lin-
 guæ celeritatem spectas ? Plane
 Phaëton est ; cælum & terram mo-
 mento brevi pervolat : qua impe-
 tus agit , hac sine lege ruit. Horri-
 bilia Linguae præcipitia intueris ?
 Ipsissimus est Phaëthon ; seipsam,
 & una secum plurimos quotidie
 præcipitat. In Lingua vim nocen-
 di consideras. Rapidissimus ignis,
 Phaëthon est verissimus. Innume-
 ra nocumenta cogitas ? Orbem ter-
 rarum perdit , vastat , incendit, Or-
 bis exitium. Nec cœlo parcit,
 flammæ suas & in astra spargit , su-
 peros, beatosque cœlites, Deum la-
 cessit.

AD LECTOREM.

cessit. ^a Nulla nocendi vi Phaëton-
te inferior est. Quin imo terras pe-
netrat, & ipsum quoque Tarta-
rum terret, ipsos etiam manes suis
ignibus involvit. En verissimam,
sic loquar, fabulam, non Phaëthon-
tis, sed Linguae, quæ velut igneus
sed imperitissimus auriga Orbem
terrarum suis incendiis jam dudum
peffundat:

b *Fumat uterque polus, Atlas en
ipse laborat*

*Vixque suis humeris labentem susti-
net Orbem.*

Hic, mi Lector, tuam patientiam
convenimus, ut, quæ primam hu-
jus incendii cladem spectare susti-
nuit, spectet, & hanc alteram. Ubi
Phaëthontæa flamma nonnihil de-
sævierit, aquam affundemus. Nec,
putem, nimis sero. Modum nam-
que docebimus quo linguae impro-
bæ, si non emendari, saltem tole-
rari possint.

Vale,


a Dissilit omne solum, penetratque in tartarari-
mis Lumen & infernum terret cum conjugæ regem,
b Ovid, l. 2, metamorphos. initio.

AD LECTOREM.


Vale , mi optime Lector , & inter cautissime custodienda memento esse Linguam. Artificium summum , sed rarum , recte loqui.

F I N I S.














BC 845244

